

Uunga siunnersuut

Kalaallit Nunaanni sullivimmi avatangiisinut inatsisip allanngortinneqarnissaanut inatsit

(Sullivimmi tarnikkut avatangiisit, isumannaatsuuneq aamma peqqinneq pillugit suliffeqarfiup suleqataanera, sulliviit naliliiffigineqartarnerinut piumasaqaatinik sukaterineq, Sullivinnik Nakkutilliisoqarfiup qisuariaateqarnissamut periarfissaanik annertusaaneq, datanik katersuineq, suliarinninneq aamma ingerlatitseqqiineq, suliffeqarfinnik isumaqatigiissuteqartarnerup ingerlasarnera, pillaatissiissutininik sakkortunerulersitsineq il. il.)

§ 1

Kalaallit Nunaanni sullivimmi avatangiisinut inatsimmi, tak. inatsimmut nalunaarut nr. 1048, 26. oktober 2005-imeersoq, allanngortinneqartoq inatsisikkut nr. 1382, 23. december 2012-imeersukkut aamma inatsisikkut nr. 461, 15. maj 2017-imeersukkut, makkuninnga allannguisoqarpoq:

1. § 1, *imm. 1, nr. 1*-imi, »peqqinnartumillu«-p kingorna ikkunneqassaaq: »timikkut aamma tarnikkut«.

2. § 2, *imm. 1*-imi, »sulineq«-p kingorna ikkunneqassaaq: », ingerlanneqartoq«, aamma »sulisitsisup«-p kingorna ikkunneqassaaq: », taamaattoq tak. *imm. 2* aamma 3.«

3. § 2, *imm. 2, nr. 1*-imi aamma 2-mi, », taamaattoq tak. § 45 d« allanngortinneqassaaq imaalillugu: »inuusuttut 18-it ataallugit ukiullit pillugit § 45 d-p kingunerisaanik killiliussat.«

4. § 2, *imm. 3*-mi, ændres »Aalajangersakkani makkunani aamma pineqarput sulineq, sulisitsisumi ingerlanneqanngitsoq, aamma *imm. 2*-mi taaneqartutut sulineq:« allanngortinneqassaaq imaalillugu: »Sulinermut, sulisitsisumut ingerlanneqanngitsumut, aamma taamaattoq sulinermt, *imm. 2*-mi taaneqartutut sulisitsisumut ingerlanneqartumut, aalajangersakkat makkua atuupput:«

5. I § 2, *imm. 3, nr. 1*-imi, »suliffigisami«-p kingorna ikkunneqassaaq: »sanaartortitsisup pilersaarusionerata, killiliornerata aamma ataqatigiissaarinerata siunertamut naapertuunnissaanut sulisitsisup peqataanissaa pillugu § 15 a,«, aamma *nr. 4*-mi, »aamma 39« allanngortinneqassaaq imaalillugu: », 39, 39 a aamma 39 b«.

6. § 2-mi *imm. 5*-itut ikkunneqassaaq:

»Nammineq piumassuseq atorlugu sulineq, sulinngiffimmi sammisatut ittoq, §§ 4-10 malillugit isumannaallisaneq aamma peqqinneq pillugit suleqatigiinnermut kiisalu sullivimmi avatangiisit pillugit kattuffimmut ilaatinneqanngilaq aamma sullivinnik naliliineq pillugu § 11 a.«

7. § 2-p kingorna ikkunneqassaaq:

»§ 2 a. Beskæftigelsesministerip kapitali 2-4-mi aamma 12-14-imi aalajangersagaq imaluunniit aalajangersakkat, pisariaqartunik tulluarsaanertallit, aamma sulisitsisumut, sulinermut atatillugu timikkut aamma tarnikkut sulinerup avataani persuttarneqarnissamut navianaateqartumi atuunnissaat pillugu malittarisassat aalajangersarsinnaavai.

Imm. 2. Beskæftigelsesministerip pisunut imm. 1-imi ilaatinneqartut pillugit sulisitsisup najoqqutassanik aalajangersaanissamut aamma sulisunik ilitersuinissamut pisussaaffia aamma sulinerup avataatigut persuttaasoqarsimanerani sulisitsisup sulisut politinut nalunaarutiginninnissaannut ikiuunnissaa pillugit malittarisassat aalajangersarsinnaavai.

Imm. 3. Aamma beskæftigelsesministerip kapitali 2-4-mi aamma 12-14-imi aalajangersagaq imaluunniit aalajangersakkat imm. 2 malillugu malittarisassanut atuunnissaat pillugu malittarisassat aalajangersarsinnaavai.«

8. Kapitali 2-mut *qulequtaq* imatut allanneqassaaq:

»*Isumannaallisaaneq aamma peqqinneq pillugit suleqatigiinneq*«

9. Inatsit tamakkerlugu »isumannaallisaaneq aamma peqqinneq pillugu sulineq« allanngortinneqassaaq imaalillugu: »isumannaallisaaneq aamma peqqinneq pillugit suleqatigiinneq«.

10. Inatsit tamakkerlugu »isumannaallisaaneq pillugu kattuffik« allanngortinneqassaaq imaalillugu: »sullivimmi avatangiisit pillugit kattuffik«.

11. § 3 a-p kingorna ikkunneqassaaq:

»*Suleqatigiinneq*

§ 3 b. Suliffeqarfinni ataasiakkaani isumannaallisaaneq aamma peqqinneq pillugu sulineq sulisitsisup, sulinermut pisortat aamma atorfilittat allat suleqatigiinnerisigut isumagineqassaaq.

Sullivimmi avatangiisit pillugit kattunneq

§ 4. Suliffeqarfinni 1-9-nik atorfilittaqartuni isumannaallisaaneq aamma peqqinneq pillugit suleqatigiinneq sulisitsisup, atorfilittat aamma sulineramik aqutsisuusinnaasut ataavartuusumik toqqaannartumik attaveqatigiinnerisigut aamma oqaloqatigiinnerisigut ingerlanneqassaaq. Beskæftigelsesministeri suliaqarfiit ilaanni imaluunniit suliffeqarfinni aalajangersimasuni sullivinni avatangiisit pillugit kattuffimmik pilersitsinernut malittarisassanik erseqqinnerusunik aalajangersaasinnaavoq.«

12. § 5, *imm. 1*, imatut allanneqassaaq:

Suliffeqarfinni 10-34-nik atorfilittaqartuni isumannaatsuuneq aamma peqqinneq pillugit suleqatigiinneq sullivimmi avatangiisit pillugit kattuffikkut aqqissuunneqassaaq ilaasortaqartumik

1-imik imaluunniit arlalinnik sullivimmi aqutsisunik aamma 1-imik imaluunniit arlalinnik sullivimmi avatangiisit pillugit sinniisunik, tassani siulittaasuussalluni sulisitsisoq imaluunniit taassumunnga sinniisuusoq. Sullivimmi avatangiisit pillugit kattuffiup isumannaatsuuneq aamma peqqinneq pillugu ulluinnarni suliaassat aamma suliaassat pingaarnert isumagissavai.

13. § 5, imm. 2, aamma imm. 3, atorunnaassapput.

14. § 6, imm. 1, imatut allanneqassaaq:

»Suliffeqarfinni 35-nik imaluunniit amerlanerusunik atorfilittaqartuni suleqatigiinneq aaqquissuunneqassaaq, sullivimmi avatangiisit pillugit kattuffimmik marlunnik qaffasissusilimmik pilersitsinikkut:

- 1) Suleqatigiissitap imaluunniit suleqatigiissitat isumannaatsuuneq aamma peqqinneq pillugit ulluinnarni suliaassat isumagissavaat. Suleqatigiissitap sullivimmi aqutsisumik toqqakkamik 1-imik aamma sullivimmi avatangiisit pillugit sinniisumik qinikkamik 1-imik ilaasortaqaassaaq.
- 2) Ataatsimiititaliap imaluunniit ataatsimiititaliat isumannaatsuuneq aamma peqqinneq pillugit suliaassat pingaarnert isumagissavaat. Suliffeqarfinni nr. 1 malillugu suleqatigiissitamik imaluunniit suleqatigiissitanik pilersitsisoqarsimappat, taava ataatsimiititaliap suleqatigiissitap imaluunniit suleqatigiissitat ilaasortaanik ilaasortaqaassaaq. Suleqatigiissitanik marlunnit amerlanerusunik pilersitsisoqarsimappat, sullivimmi avatangiisit pillugit sinniisut akunnerminni ilaasortanik marlunnik qinersissapput aammalu suleqatigiissitani sullivimmi aqutsisut akunnerminni ataatsimiititaliamut ilaasortanik 2-nik qinersissallutik. Ataatsimiititaliami siulittaasuuneq sulisitsisumit imaluunniit taassuma sinniisuanit ingerlanneqassaaq.«

15. § 6, imm. 2-mi, »isumannaallisaanermi sinniisuutitat« allanngortinneqassaaq imaalillugu:
»sullivimmi avatangiisit pillugit sinniisuutitat« aamma »isumannaallisaaneq pillugu suleqatigiissitaliat aamma ataatsimiititaliamut sinniisuutitat« allanngortinneqassaaq imaalillugu:
»sullivimmi avatangiisit pillugit suleqatigiissitat aamma sullivimmi avatangiisit pillugit ataatsimiititaliamut sinniisut«.

16. § 6-p kingorna ikkunneqassaaq:

»§ 6 a.

Sulisitsisup atorfilittat aamma sullivimmi aqutsisut suleqatigalugit sullivimmi avatangiisit pillugit sinniisut aamma sullivimmi avatangiisit pillugit kattuffimmi sullivimmi aqutsisut amerlassusissaat aalajangersassavaat, § 5 imaluunniit 6 malillugu pilersinneqartut, tassani mianerineqarlutik suliffeqarfik aamma suliffeqarfinni avatangiisitigut pisutsit. Aamma amerlassusissat aalajnagersarneqassapput, atorfilittat piffissami suliffigisami iluani periarfissaqartillugit suliffigisami avatangiisit sullivimmi avatangiisit pillugit sinniisut aamma sullivimmi avatangiisit pillugit kattuffimmi sullivimmi aqutsisut peqatigalugit eqqartornissaannut. Sullivimmi avatangiisit

pillugit sinniisut aamma sullivimmi avatangiisit pillugit kattuffimmi sullivimmi aqutsisut amerlaqatigiissapput.

§ 6 b.

Sulisitsisup ukiut tamaasa atorfilittat aamma sullivimmi aqutsisut suleqatigalugit ukiunut tulliuuttunut isumannaatsuuneq aamma peqqinneq pillugit suleqatigiinnerup imarisassaa aaqqissuuttassavaat aammalu aalajangersartassallugu, qanoq tamanna ingerlanneqassanersoq. Suliffeqarfinni sullivimmi avatangiisit pillugit kattuffeqartuni taanna suleqatigalugu aaqqissuussineq pisassaaq.

Imm. 2. Sulisitsisup ukiut tamaasa atorfittat aamma sullivimmi aqutsisut peqatigalugit sullivimmi avatangiisit pillugit ilisimassuseq pisarialik piunersoq eqqartortassavaat.

Imm. 3. Beskæftigelsesministerip imm. 1-2 malillugit sulisitsisup pisussaaffiit kiisalu taakkununga naammassinninnissamut uppersaatit pillugit aalajangersakkat erseqqinnerusut aalajangersarsinnaavai.«

17. § 7, imm. 1, imatut allanneqassaaq:

»§ 7. Beskæftigelsesministerip suliffeqarfiup sullivimmi avatangiisit pillugit kattuffiata qanoq sananeqarnissanut aamma ingerlanissanut, sullivimmi avatangiisit pillugit kattuffiup ilaasortaasa amerlassusissaat qanoq aalajangersarneqarnissanut, sullivimmi avatangiisit pillugit sinniisunik qinersinermut, sullivimmi avatangiisit pillugit kattuffimmi sullivimmi aqutsisunik qinersineq aamma toqqaanermut kiisalu sullivimmi avatangiisit pillugit kattuffiup suliassai pillugit, aammalu sullivimmi avatangiisit pillugit kattuffiup ilaasortaasa pisinnaatitaaffii aamma pisussaaffii pillugit aalajangersakkat erseqqinnerusut aalajangersarsinnaavai.«

18. § 7, imm. 2, atorunnaassaaq.

Imm. 3-8 tamatuma kingorna imm. 2-7-nngussapput.

19. § 7, imm. 4-mi, »§ 5 aamma § 6, imm. 1,« allannngortinneqassaaq imaalillugu: »§ 5, § 6, imm. 1, § 6 a aamma § 6 b, imm. 1,«.

20. § 7, imm. 7, imatut allanneqassaaq:

»Imm. 7. Beskæftigelsesministerip sulianut, suliqarfinnut imaluunniit sulliviusunut § 5-imi, § 6, imm. 1-imi, § 6 a-mi, § 6 b-mi, imm. 1-imi, aamma § 8, imm. 3-mi malittarisassat malillugit isumannaatsuuneq aamma peqqinneq pillugu suleqatigiittoqarnissaanik pisariqarfiunngitsutut imaluunniit ineriartortitsinissamut tulluunngitsutut nalileneqartuni, malittarisassat taakkununga atunngitsissinnaavai imaluunniit pissutsit immikkuullarissut pissutigalugit malittarisassat taakkununga sakkukillisinnaallugit.«

21. § 8, *imm.* 1-mi, »isumannaallisaaneq pillugu ataatsimiititaliaq« allanngortinneqassaaq imaalillugu: »sullivimmi avatangiisit pillugit ataatsimiititaliaq«.

22. § 8, *imm.* 2-mi, »isumannaallisaaneq pillugu suleqatigiissitaliani aamma ataatsimiititaliami« allanngortinneqassaaq imaalillugu: »sullivimmi avatangiisit pillugit suleqatigiissitat aamma sullivimmi avatangiisit pillugit ataatsimiititaliami«, aamma »isumannaallisaaneq pillugu sulissuteqarneq« allanngortinneqassaaq imaalillugu: »sullivimmi avatangiisit pillugit sulineq«.

23. § 8, *imm.* 3-mi, »isumannaallisaaneq pillugu ataatsimiititaliami aamma suleqatigiissitaliani« allanngortinneqassaaq imaalillugu: »sullivimmi avatangiisit pillugit ataatsimiititaliap aamma sullivimmi avatangiisit pillugit suleqatigiissitani« aamma »isumannaallisaanermut tunngassutilittut apeqqutinik« allanngortinneqassaaq imaalillugu: »apeqqutit sullivimmi avatangiisinut tunngasut«.

24. § 8, *imm.* 4-mi, »isumannaallisaaneq pillugu suleqatigiissitaliani aamma ataatsimiititaliami« allanngortinneqassaaq imaalillugu: »sullivimmi avatangiisit pillugit suleqatigiissitat aamma sullivimmi avatangiisit pillugit ataatsimiititaliami« aamma »isumannaallisaaneq peqqinnissarlu« allanngortinneqassaaq imaalillugu: »sullivimmi avatangiisit«.

25. § 8, *imm.* 5-mi, atorunnaassaaq, aamma taarsiullugu ikkunneqassaaq:

»*Imm.* 5. Sulisitsisup sullivimmi avatangiisit pillugit kattuffiup ilaasortaasa suleqatigiinnertik pillugu ataqatigiissaarinissamut periarfississavai.«

26. § 9, *imm.* 1-mi, »isumannaallisaaneq pillugu sinniisuutitap« allanngortinneqassaaq imaalillugu: »sullivimmi avatangiisit pillugit sinniisup« aamma »isumannaallisaaneq pillugu sinniisuutitaq« allanngortinneqassaaq imaalillugu: »sullivimmi avatangiisit pillugit sinniisoq« aamma »isumannaallisaaneq pillugu pikkorissarneq« allanngortinneqassaaq imaalillugu: »sullivimmi avatangiisit pillugit pikkorissarneq«.

27. § 9-p kingorna ikkunneqassaaq:

»§ 9 a. Sulisitsisup isumagissavaa, sullivimmi avatangiisit pillugit kattuffiup ilaasortaasa sullivimmi avatangiisit pillugit ilinniakkamik pinngitsoorsinnaanngisamik naammassinnissimanissaat.

Imm. 2. Beskæftigelsesministerip sullivimmi avatangiisit pillugit ilinniakkap pinngitsoorsinnaanngisap imarisaanut, qinnuteqernermut, neqeroorutigineranut aamma naammassineranut, sullivimmi avatangiisit pillugit sanaartornermi isumannaatsuuneq aamma peqqinneq pillugu ataqatigiissaarisunut ilinniagaq pillugu, ilinniartitsisut piginnaassuseqarnerat kiisalu sullivimmi avatangiisit pillugit ilinniakkamik pinngitsoorsinnaanngisamik ilinniarfeqartitsisunik akuersineq aamma pitaassutsimik qulakkeerinninneq pillugit aamma

sullivimmi avatangiisit pillugit ataqatigiissarisunut ilinniagaq immikkoortoq pillugu aalajangersakkat erseqqinnerusut aalajangersassavai.«

28. § 10 imatut allanneqassaaq:

»Sulisitsisoq nammineq suliffeqarfimmi isumannaatsuuneq aamma peqqinneq pillugit sulinermut pisarialimmik piginnaasaqanngikkuni, taava sulisitsisoq atorfilittat sullivimmi avatangiisii illersorsinnaasumik inissisimanissaat siunertaralugu avataaniit piginnaasalimmit ikiorneqarnissani isumagissavaa. Beskæftigelsesministerip tamatumunnga aalajangersakkat erseqqinnerusut aalajangersarsinnaavai.«

29. § 11 a, imm. 1, naggat 2.-mi, »Sullivimmi Avatangiisinut Nakkutilliisoqarfik«-p kingorna ikkunneqassaaq: », sullivinnik nalilersuinermit nakkutilliisuusoq.«

30. §11 a, imm. 2, naggat 1.-imi, »qanorlu iliornikkut tamakkua aaqqiivigineqarnissaannik«-p kingorna ikkunneqassaaq: », sullivinni avatangiisinut inatsimmi taaneqartunik pitsaaliuinermit tunngaviusunik alaatsinaassinikkut.«

31. § 15-p kingorna ikkunneqassaaq § 15 a:

»§ 15 a. Sulisitsisut, sanaartorfinni suliaqartitsisut, sanaartortitsisup pilersaarusiorderani, killiliorderani aamma ataqatigiissarinerani sulisut isumannaatsumiinnissaannut aamma peqqinnissaannut siunertat naapertuunnissaannut qulakkeerinninneranut peqataassapput. Sulisitsisut sanaartortitsisup tamatumunnga ataqatigiissarinermit innersuussaanut mianerinnissapput.

Imm. 2. Beskæftigelsesministerip imm. 1 malillugu sulisitsisup pisussaaffiit aalajangersakkat erseqqinnerusut aalajangersarsinnaavai.«

32. § 16, imm. 1-imi, »peqqussutigisaannik« allanngortinneqassaaq imaalillugu: »aalajangigaannik aamma peqqussutigisaaannik« aamma »peqqussutaasunik« allanngortinneqassaaq imaalillugu: »aalajangikkamik imaluunniit peqqussutaasunik«.

33. § 17-imi naggat 2.-tut ikkunneqassaaq: »Sullivinnik Nakkutilliisoqarfiup peqqussutigisinnaavaa, misissuineq ingerlaannaq imaluunniit piffissarititaasoq sioqqullugu naammassineqassasoq.«

34. § 17 b atorunnaassaaq, aamma taarsiullugu ikkunneqassaaq:

»§ 17 b. Beskæftigelsesministerip sulisitsisup suliffeqarfiup isumannaatsuuneq aamma peqqinneq pillugu sulinerani suliffeqarfimmi napparsimanerit annikillisarniarlugit napparsimanerit ilaatitsinissamut pisussaaffia pillugu aalajangersakkat erseqqinnerusut aalajangersarsinnaavai.«

35. Qulequttap *Sullivinni siulersuisut allallu* kingorna ikkunneqassaaq:

»§ 17 c. Sulisitsiup pisussaaffii inatsimmi aalajangersakkat, aamma suliffeqarfimmi aqutsisumut imaluunniit suliffeqarfiup aqunneqarneranut peqataasumut aamma atuupput.«

36. § 28-mi »aarlerinaateqarsinnaasunik«-p kingorna ikkunneqassaaq: »imaluunniit allatut ajorninngortitsisinnaasunik«.

37. § 33, *imm. 1, nr. 2*-mi, »sullisissallu«-p kingorna ikkunneqassaaq: », tassunga ilagitillugu kiap taakkununga aningaasartuutit matussusissanerai«.

38. § 33, *imm. 1, nr. 3*-mi, »aamma« piissaaq, aamma nr. 3-p kingorna normutut nutaatut ikkunneqassapput:

»4) ikiueqqaarneq pillugu,

5) inunnik timikkut imaluunniit tarnikkut amigaatilinnik imaluunniit anniaatilinnik sulisitsineq, suliat ilaani ajutoortoqarnissaanik imaluunniit napparsimalertoqarnissaanik annertusisamik navianaateqarsinnaasoq pillugu,

6) sulisut kisimiitillugit sulinissamut periarfissannik killiliinerit kiisalu«

Nr. 4 tamatuma kingorna nr. 7-nngussaaq.

39. § 35-mi naggatip 1.-ip kingorna ikkunneqassaaq: »Beskæftigelsesministeri tamatumunnga atatillugu malittarisassanik aalajangersaasinnaavoq

1) init suliffiusut, soorlu assersuutigalugu qilaamut portussuseq, inip annertussusaa, natit, iikkat, qilaat, qullilersuineq, kiassuseq, silaannarmik nutarsaaneq aamma nipiliorneq pillugit,

2) atugarissaarnissamik pineqaatissiissutit il. il., soorlu assrsuutigalugu isersimaartarfiit aamma nerisarfiit, kavaajaartarfiit, perusersartarfiit, errortarfiit aamma uffarfiit kiisalu sinittarfiit aamma issiaviit pillugit, aamma

3) aninissamut periarfissat, soorlu assersuutigalugu aqquserngit, tummeqqat aamma anisarfiit pillugit.«

40. § 35-mi nutaatut *imm. 3*-tut ikkunneqassaaq:

»Imm. 1 malillugu inissianik, ininik, nunaminertanik il. il. attartortitsisunut atuunneri malittarisassani aalajangersarneqarsinnaavoq.«

Imm. 3 tamatuma kingorna *imm. 4*-nngussaaq.

41. Kapitali 6-imut *qulequttami* »Teknikkikkut atortut«-p kingorna ikkunneqassaaq: »il. il.«

42. § 36, *imm. 1*-imi, »§ 36.«-ip kingorna ikkunneqassaaq: »Maskiinat, maskiinat atortui, puut, ilusilersoriikkat, sakkut, atortut, sanaartornermut stortut, allat« aamma »Teknikkikkut« allannngortinneqassaaq imaalillugu »teknikkikkut« aamma »ikiuutit«-p kingorna ikkunneqassaaq: »inuit illersuutaat«

43. § 37, *imm. 1*-imi »teknikkikkut atortut pillugit malittarisassat«-p kingorna ikkunneqassaaq: »il. il.«

44. § 39-p kingorna *kapitali 7*-imi ikkunneqassaaq:

»§ 39 a. Sullivinni avatangiisini ajutoornerit, aamma peqqinnissakkut, pitsaaliorniarlugit akussamik imaluunniit atortussamik taassumap pilersitsisup imaluunniit eqqussisup misissuinissaanut imaluunniit misissuisimanernut uppersarsaatinik pissarsinissaanut aammalu nalunaarutiginninnissaanut beskæftigelsesministeri malittarisassanik aalajangersaasinnaavoq. Tassunga ilagitillugu stof-inut imaluunniit atortussanut tamanut, stof-inut imaluunniit atortussanut ataasiakkaanut, stof-inut imaluunniit atortussanut aalajangersimasunut, imaluunniit stof-inut aamma atortussanut aalajangersimasunut atugassanut malittarisassanik aalajangersaasoqarsinnaavoq.

Imm. 2. Aalajangersarneqarsinnaavoq, nalunaarutiginninneq imaqassasoq:

- 1) Pissutsit pillugit paasisutissanik, akussap imaluunniit atortussap piginnaassusaanik naliliinissamut aalajangiisuusunik, tassunga ilagitillugu isumannaatsuunermut imaluunniit peqqinnermut uloriaanaateqarsinnaasunik imaluunniit sangiillisaataasinnaasunik.
- 2) Suussutsimi inissisimanissamut, poortorneqarnissamut aamma nalunaaqutserneqarnissamut siunnersuutit.
- 3) Pitsaaliuinissamut pineqaatissiissutit pillugit paasisutissat, sunniuteqarluartumik suliaqartut isumannaassutsikkut aamma peqqinnikkut ajornerusumik inissisimalinnginnissaannut qulakkeerinnittussat.

Imm. 3. Aammattaaq aalajangersarneqarsinnaavoq, akussat aamma atortussat nutaat siusinnerpaamik atorneqarsinnaalissasut nalunaarutigineqarneraniit qaammatip ataatsip qaangiunnerani. Piffissaliussaq tamanna sivitsorneqarsinnaassaaq, nalunaarutiginninneq amigaateqarpat imaluunniit kukkuneqarpat, taamaalilluni stof-eq imaluunniit atortussaq atorneqarsinnaalissalluni paasisutissat, nalunaarutiginninnermi ilaasussat, tiguneqarsimaneriniit qaammatip ataatsip qaangiunnerani.

§ 39 b. Beskæftigelsesministerip teknikkikkut paasisutissat naqitat aamma assigisaat, akussanik aamma atortussanik pilersitsisunit imaluunniit eqqussisunit nassiunneqartut, akussap imaluunniit atortussap sullivimmi avatangiisit isumannaassusaannut aamma peqqinnermut sunniutai pillugit paasisutissanik pingaarutilinnik tamanik imaqarnissaannut aalajangersakkat aalajangersarsinnaavai.«.

45. § 42, *naggat 2.*-mi, »allanneqartassaaq imaluunniit allatut taamatulli uppersarsaaserneqartassaaq« allanngortinneqassaaq imaalillugu: »allakkatigut uppersarsarneqartassaaq«.

46. § 49 a, *imm. 2*-mi, »atuarfiup nakorsaa« allanngortinneqassaaq imaalillugu: »peqqinnissaqarfik«.

47. § 50, *imm. 1, nr. 2* aamma 3-mi aamma § 51, *imm. 1, naggat 1.-imi*, »landsstyret« allanngortinneqassaaq imaalillugu: »Naalakkersuisut«.

48. § 51, *imm. 1, nr. 5-imi*, »Kalaallit Nunaanni sulisitsisut peqatigiiffiat« allanngortinneqassaaq imaalillugu: »Sulisitsisut«.

49. I § 51, *imm. 1, nr. 6-imi*, ændres »Kalaallit Nunaanni kommunit kattuffiat (KANUKOKA)« allanngortinneqassaaq imaalillugu: »Kalaallit Nunaanni kommunit peqatigiillutik«.

50. § 51, *imm. 1, nr. 7-imi*, »Grønlands landsstyre« allanngortinneqassaaq imaalillugu: »Naalakkersuisut«.

51. § 55-imi *imm. 2-4-tut* ikkunneqassapput:

»*Imm. 2.* Sullivinnik Nakkutilliisoqarfiup oqartussa qarfiit allat paasissutissaataannik katersuisinnaavoq aamma suliarinnissinnaavoq, tassunga ilagitillugu ataatsimut ingerlatsilluni, tamanna nakkutilliisoqarfiup suliassaminik isumaginninnissaminut pisariaqartikkaangagu, tassunga ilagitillugu Sullivinnik Nakkutilliisoqarfiup suliffeqarfinnik suussusersinissaminut misissuinerani aamma nakkutilliinerani aamma paasiniaanerani, pitsaaliuinerani aamma kisitsisitigut paasiniaanerani toraarsinissamut.

Imm. 3. Sullivinnik Nakkutilliisoqarfiup paasissutissaatini aamma paasissutissat *imm. 1-imi* aamma 2-mi ilaatinneqartut, oqartussa qarfinnut allanut ingerlateqqissinnaavai, taakkua oqartussa qarfiit suliassami naammassinissaannut tamanna pisariaqarpat, tassunga ilagitillugit misissuineramik aamma nakkutilliineramik suliassat.

Imm. 4. Beskæftigelsesministeri Sullivinnik Nakkutilliisoqarfiup *imm. 2* aamma 3 malillugu paasissutissanik katersuineranut, suliarinninneranut aamma ingerlatitseqqiineranut malittarisassanik erseqqinnerusut aalajangersassavai, tassunga ilagitillugu paasissutissat qaqugu aamma sunut siunertanut aamma suliassanut katersorneqarsinnaanersut aamma suliarineqarsinnaanersut, qaqugu paasissutissanik piiaaneq pissanersoq, aamma teknikkikkut aaqqissuussaannikkut pineqaatissiissutit suliarinninnermi alaatsinaanneqassanersut.«

52. § 59, *imm. 4, naggat 2.-mi*, »Sulisitsisoq taassumaluunniit sinniisaa tamatuminnga ilisimatinneqartassaaq, tak. § 17 b aamma § 18.« allanngortinneqassaaq imaalillugu: »Sulisitsisoq taassumaluunniit sinniisaa tamatuminnga ilisimatinneqartassaaq, tak. § 17 c aamma § 18.«

53. § 59-mi *imm. 5* aamma 6-tut ikkunneqassapput:

»*Imm. 5.* Sullivinnik Nakkutilliisoqarfiup sulisuisa nakkutilliinerminnut atatillugu atorfilittat oqaloqatigisinnaavaat, allat najuutsinnagit.

Imm. 6. Sullivinnik Nakkutilliisoqarfiup sulisuisa nakkutilliinerminnut atatillugu atorfilittat eqimattakkuutaarlugit oqaloqatigisinnaavaat, tamanna sullivinni avatangiisinut tunngassuteqarpat.

Atorfilittanik eqimattani oqaloqatigiinnerni sulisitsisoq, taassuma sinniisua, tak. §§ 13 c aamma 16, imaluunniit inuk, sulisitsisup tamatumunnga toqqarsimasaa, peqataasinnaatitaavoq, imaassimanngippat Sullivinnik Nakkutilliisoqarfiup sulisuisa nalileraat, eqimattanik oqaloqatigiinnerup siunertaata maangaannartinnissaanut tamanna aarlerinaateqartoq.«

54. § 60, imm. 1-imi, »peqqussuteqarsinnaavoq« allanngortinneqassaaq imaalillugu: »aalajangersinnaavaa« aamma »inatsit malillugu«-p kingorna ikkunneqassaaq: »aamma tassunga ilagitillugu peqqussutigisinnaavaa pissutsit«

55. § 60 kingorna ikkunneqassaaq:

»§ 60 a. Sullivinnik Nakkutilliisoqarfiup sulisitsisoq allakkatigut isumaqatigiissuteqarfigisinnaavaa sullivimmi avatangiisit pitsanngorsarnissaannut aamma sullivimmi avatangiisinut tunngatillugu ajornartorsiutip imaluunniit ajornartorsiutit piffissaliussap isumaqatigiissutaasup iluani aaqqiivigineqarnissaannut.

Imm. 2. Isumaqatigiissusiortoqarsinnaavoq

1) Sullivinnik Nakkutilliisoqarfiup pissutsinik paasisaqarsimappat, inatsimmik imaluunniit inatsit malillugu malittarisassanik imaluunniit aalajangikkanik uniuusunik, piffissaliussap iluani aaqqinneqartussanik, aamma sulisitsisup kissaatigippagu sulliviup avatangiisaani ajornartorsiut pineqartoq suliffeqarfik tamaat eqqarsaatigalugu aaqqiivigineqassasoq, imaluunniit

2) Sullivinnik Nakkutilliisoqarfiup pissutsinik pasitsaassaqarpat, inatsimmik imaluunniit inatsit malillugu malittarisassanik imaluunniit aalajangikkanik uniuusunik, aamma sulisitsisup kissaatigippagu taanna pisoq imaluunniit taakkua pisut pasitsaanneqartut aaqqiivigineqassasut.

Imm. 3. Imm. 1 aamma 2 malillugit isumaqatigiissusiortoqarpat, sullivimmi avatangiisit pillugit kattuffik, imaluunniit suliffeqarfinni avatangiisit pillugit kattuffimmik pilersitsinissamut pisussaaffeqarfiunngitsuni, isumaqatigiissusiortoqarsimanera pillugu atorfilittat ilisimatinneqassapput, aammalu sullivimmi avatangiisit pillugit kattuffiup imaluunniit atorfilittat sulinermut akuutinneqarnissaat pillugu ilisimatinneqassapput.

Imm. 4. Pissutsit misissornissaannut isumaqatigiissut Sullivinnik Nakkutilliisoqarfimmit suliarineqassaaq.

Imm. 5. Isumaqatigiissut sulisitsisumit imaluunniit Sullivinnik Nakkutilliisoqarfimmiit atorunnaarsinneqarsinnaavoq, pissutsit isumaqatigiissusiorsimanermut tunngaviusut annertuumik allannguuteqarpata.«

56. § 61 atorunnaassaaq.

57. § 61-ip kingorna ikkunneqassaaq:

»§ 61 a. Sullivinnik Nakkutilliisoqarfiup aalajangiineri pillugit sulisitsisoq allakkatigut akissuteqassaaq, tamatuminnga Sullivinnik Nakkutilliisoqarfik noqqaassuteqarpat.

Imm. 2. Aalajangiinerit pillugit akissuteqarnermi sulisitsisup qulakkiissavaa, sullivimmi avatangiisit pillugit kattuffik imaluunniit suliffeqarfinni avatangiisit pillugit kattuffimmik pilersitsinissamut pisussaaffeqarfiunngitsuni atorfilittanut sinniisoq, akissuteqarnissamut piffissarititaasup qaangiutinnginnerani akissutip imarisaanik ilisimasaqalernissaannik. Sulisitsisoq tamatumunnga nalunaarummik tunniussissaaq.«

58. § 62, *imm. 1*-imi, »kapitali 10-12« allanngortinneqassaaq imaalillugu: »kapitali 10-13« aamma »§ 29« allanngortinneqassaaq imaalillugu: »§§ 50-54«.

59. § 62, *imm. 2*-mi, »taassuma sinniisua« allanngortinneqassaaq imaalillugu: »allat«, aamma »kingunerisaanik nakkutilliilluni pulaartoqassaaq« allanngortinneqassaaq imaalillugu: »Sullivinnik Nakkutilliisoqarfiup tigusimasaa«.

60. § 63-imi, »ministeri pineqartoq« allanngortinneqassaaq imaalillugu: »naalakkersuisoq pineqartoq«.

61. § 64, *imm. 1-5*-imi, »beskæftigelsesministeri« allanngortinneqassaaq imaalillugu: »Arbejdsmiljøklagenævneti«, aamm *imm. 3*-mi »beskæftigelsesministerip aalajangiinera« allanngortinneqassaaq imaalillugu: »Arbejdsmiljøklagenævnetip aalajangiinera«.

62. § 65, *imm. 1*-imi, »der« allanngortinneqassaaq imaalillugu: »som«.

63. § 65, *imm. 2*-mi, »at« allanngortinneqassaaq imaalillugu: »når«.

64. § 65, *imm. 4*-mi, »taaneqartut« allanngortinneqassaaq imaalillugu: »oqaatigineqartut«.

65. § 65, *imm. 5*, imatut allanneqassaaq:

»Imm. 5. Immikkut sakkortusaataasutut isigineqassapput,

1) inuusuttunut 18-it ataallugit ukiulinnut inuunikkut imaluunniit peqqissutsikkut ajoqusiisimaneq imaluunniit ajoqusiinissamut ulorianaammik nassataqartitsisimaneq, tak. *imm. 4*, nr. 2,

2) inunnut arlalinnut inuunikkut imaluunniit peqqissutsikkut ajoqusiisimaneq imaluunniit ajoqusiinissamut ulorianaammik nassataqartitsisimaneq, imaluunniit

3) inuk inatsisitigut pisinnaatitaasoq pisussaataitaasorlu ukiut kingulliit 4-t iluini ataasiarluni imaluunniit arlaleriarluni sullivimmi avatangiisinut inatsimmik ingasattumik unioqqutitsisimasutut eqqartuussaalluni pineqaatissinneqarsimappat.«

66. § 66, *imm. 1*-imi, »sulisitsisoq« allanngortinneqassaaq imaalillugu: »sulisitsisup«.

67. § 70-imi, ændres »Kalaallit Nunaanni Eqqartuussisuuneqarfik« allanngortinneqassaaq imaalillugu: »Nunatsinni Eqqartuussivik«.

§ 2

Inatsit atuutilissaaq ulloq 1. juli 2023.

Inatsisissatut siunnersuummut oqaaseqaatit

Oqaaseqaatit nalinginnaasut

Imarisai

1. Aallaqqaasiut

2. Inatsisissatut siunnersuutip immikkoortui pingaarnerit

2.1. Inatsisip atuuffiit allanngineq aamma erseqqissaaneq

2.1.1. Sullivimmi tarnikkut avatangiisit, nammineq kajumissutsimik sulineq aamma inatsisip allassimanera erseqqinnerusoq

2.1.1.1. Inatsisip atuuttut

2.1.1.2. Beskæftigelsesministeriap isumaliuutersuutai

2.1.1.3. Aaqqissuussaaneq siunnersuutigineqartoq

2.1.2. Suliffimmut tunngatillugu sulinnginnerup nalaani persuttaaneq

2.1.2.1. Inatsisip atuuttut

2.1.2.2. Beskæftigelsesministeriap isumaliuutersuutai

2.1.2.3. Aaqqissuussaaneq siunnersuutigineqartoq

2.2. Suliffeqarfiup isumannaassuseq aamma peqqinneq pillugit suliniutaanut tunngatillugu allanngortitsisinnaaneq annertusisaaq

2.2.1. Isumannaassuseq aamma peqqinneq pillugit suleqatigiinneq

2.2.1.1. Inatsisip atuuttut

2.2.1.2. Beskæftigelsesministeriap isumaliuutersuutai

2.2.1.3. Aaqqissuussaaneq siunnersuutigineqartoq

2.2.2. Suliffeqarfiit isumannaassuseq pillugu kattuffeqanngitsut

2.2.2.1. Inatsisip atuuttut

2.2.2.2. Beskæftigelsesministeriap isumaliuutersuutai

2.2.2.3. Aaqqissuussaaneq siunnersuutigineqartoq

2.2.3. Suliffeqarfiit isumannaassuseq pillugu kattuffillit

2.2.3.1. Inatsisip atuuttut

2.2.3.2. Beskæftigelsesministeriap isumaliuutersuutai

2.2.3.3. Aaqqissuussaaneq siunnersuutigineqartoq

**2.2.4. Sulisitsisumut aamma isumannaassuseq pillugu kattuffimmut ilaasortanut
pisinnaatitaaffiit aamma pisussaaffiit allat**

2.2.4.1. Inatsisit atuuttut

2.2.4.2. Beskæftigelsesministeriap isumaliuutersuutai

2.2.4.3. Aaqqissuussaaneq siunnersuutigineqartoq

**2.3. Sulisitsisut, nioqqutissanik pilersuisut, attartortitsisartut pisussaaffiik il. il.
allannguinerit aamma annertusaanerit**

2.3.1. Suliffimmik naliliineq immikkut nakkutigisatut

2.3.1.1. Inatsisit atuuttut

2.3.1.2. Beskæftigelsesministeriap isumaliuutersuutai

2.3.1.3. Aaqqissuussaaneq siunnersuutigineqartoq

2.3.2. Sullivinnik nalilersuineq (APV) aamma pitsaaliuinerit tunngaviit

2.3.2.1. Inatsisit atuuttut

2.3.2.2. Beskæftigelsesministeriap isumaliuutersuutai

2.3.2.3. Aaqqissuussaaneq siunnersuutigineqartoq

**2.3.3. Sanaartortitsisup pilersaarusiornerata, killiliinerata aamma
ataqatigiissaarinerata siunertanut naapertuunnissaannut sulisitsisup
peqataasussaataitanera**

2.3.3.1. Inatsisit atuuttut

2.3.3.2. Beskæftigelsesministeriap isumaliuutersuutai

2.3.3.3. Aaqqissuussaaneq siunnersuutigineqartoq

**2.3.4. Isumannaassuseq aamma peqqinneq pillugit suliaqarnermi napparsimalluni
takkutinngitsoornernik sulisitsisup ilaatitsinissamut pisussaaffia**

2.3.4.1. Inatsisit atuuttut

2.3.4.2. Beskæftigelsesministeriap isumaliuutersuutai

2.3.4.3. Aaqqissuussaaneq siunnersuutigineqartoq

2.3.5. Suliffeqarfinni aqutsisut il. il.

2.3.5.1. Inatsisit atuuttut

2.3.5.2. Beskæftigelsesministeriap isumaliuutersuutai

2.3.5.3. Aaqqissuussaaneq siunnersuutigineqartoq

**2.3.6. Nakkutilliinermut atuakkamik peqarnissamut piunasaqaatip
atorunnaarsinneqarnera**

2.3.6.1. Inatsisit atuuttut

2.3.6.2. Beskæftigelsesministeriap isumaliuutersuutai

2.3.6.3. Aaqqissuussaaneq siunnersuutigineqartoq

2.3.7. Aalajangiinerit pillugit sulisitsisup akissutaa

2.3.7.1. Inatsisit atuuttut

2.3.7.2. Beskæftigelsesministeriap isumaliuutersuutai

2.3.7.3. Aaqqissuussaaneq siunnersuutigineqartoq

2.4. Sulisut ilaannut aamma suliat ilaannut suliap naammassineqarnissaa pillugu piumasaqaatit annertusinerat

2.4.1. Ikiueqqaarneq, inunnik tarnikkut aamma timikkut amigaatilinnik suliaqartitsineq aamma kisimiilluni sulineq

2.4.1.1. Inatsisit atuuttut

2.4.1.2. Beskæftigelsesministeriap isumaliuutersuutai

2.4.1.3. Aaqqissuussaaneq siunnersuutigineqartoq

2.5. Suliffiup ilusiligaanera, teknikkikkut ikiuutit, akussat aamma atortut il. il. pillugit piumasaqaatinik annertusaaneq aamma erseqqissaaneq

2.5.1. Suliffiup ilusiligaanera

2.5.1.1. Inatsisit atuuttut

2.5.1.2. Beskæftigelsesministeriap isumaliuutersuutai

2.5.1.3. Aaqqissuussaaneq siunnersuutigineqartoq

2.5.2. Sulisut illersuutaannut aamma sullisinut immikkut ittunut aningaasartuutit

2.5.2.1. Inatsisit atuuttut

2.5.2.2. Beskæftigelsesministeriap isumaliuutersuutai

2.5.2.3. Aaqqissuussaaneq siunnersuutigineqartoq

2.5.3. Taaguut Teknikkikkut ikiuutit

2.5.3.1. Inatsisit atuuttut

2.5.3.2. Beskæftigelsesministeriap isumaliuutersuutai

2.5.3.3. Aaqqissuussaaneq siunnersuutigineqartoq

2.5.4. Nioqqutissanik pilersuisut il. il. akussanut aamma atortussanut tunngatillugu pisussaaffii

2.5.4.1. Inatsisit atuuttut

2.5.4.2. Beskæftigelsesministeriap isumaliuutersuutai

2.5.4.3. Aaqqissuussaaneq siunnersuutigineqartoq

2.6. Sillivinnik Nakkutilliisoqarfiup suliassaanik aamma atortagaanik allanngineq, annertusaaneq aamma erseqqissaaneq

2.6.1. Misissuinissamut peqqussummut piffissarititaasoq

2.6.1.1. Inatsisit atuuttut

2.6.1.2. Beskæftigelsesministeriap isumaliuutersuutai

2.6.1.3. Aaqqissuussaaneq siunnersuutigineqartoq

2.6.2. Data-nik katersuineq, sularinninneq aamma ingerlatitseqqiineq

2.6.2.1. Inatsisit atuuttut

2.6.2.2. Beskæftigelsesministeriap isumaliuutersuutai

2.6.2.3. Aaqqissuussaaneq siunnersuutigineqartoq

2.6.3. Atorfilittanik oqaloqateqarnerit, tassunga ilagitillugu eqimattani oqaloqatigiinnerit

2.6.3.1. Inatsisit atuuttut

2.6.3.2. Beskæftigelsesministeriap isumaliuutersuutai

2.6.3.3. Aaqqissuussaaneq siunnersuutigineqartoq

2.6.4. Sullivimmi avatangiisit pitsanngorsarnissaannut isumaqatigiissutit

2.6.4.1. Inatsisit atuuttut

2.6.4.2. Beskæftigelsesministeriap isumaliuutersuutai

2.6.4.3. Aaqqissuussaaneq siunnersuutigineqartoq

2.6.5. Nipangiussisimasussaataaneq

2.6.5.1. Inatsisit atuuttut

2.6.5.2. Beskæftigelsesministeriap isumaliuutersuutai

2.6.5.3. Aaqqissuussaaneq siunnersuutigineqartoq

2.6.6. Inatsimmik unioqqutitsinerit pillugit Sullivinnik Nakkutilliisoqarfiup aalajangiisinaanermut tunngavia

2.6.6.1. Inatsisit atuuttut

2.6.6.2. Beskæftigelsesministeriap isumaliuutersuutai

2.6.6.3. Aaqqissuussaaneq siunnersuutigineqartoq

2.6.7. Maalaaruteqarsinnaanermut periarfissap allanngortinneqarnera

2.6.7.1. Inatsisit atuuttut

2.6.7.2. Beskæftigelsesministeriap isumaliuutersuutai

2.6.7.3. Aaqqissuussaaneq siunnersuutigineqartoq

2.7. Akiligassiissutip annertussusaanik qaffaaneq

2.7.1. Inatsisit atuuttut

2.7.2. Beskæftigelsesministeriap isumaliuutersuutai

2.7.3. Aaqqissuussaaneq siunnersuutigineqartoq

2.8. Oqaatsitigut aamma pisortatigoortumik allannguinerit

2.8.1. Kalaallit oqaasiinik atuinissamut allannguneq

2.8.1.1. Inatsisit atuuttut

2.8.1.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

2.8.2. Sullivinnik Nakkutilliisoqarfiup aalajangiineri pillugit ilisimatitsineq

2.8.2.1. Inatsisit atuuttut

2.8.2.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

2.8.3. Akussat aamma atortussat

2.8.3.1. Inatsisit atuuttut

2.8.3.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

2.8.4. Oqaatsinik atuineq nutaaliaasooq (»atuarfimmi nakorsaq«-p »peqqinnissaqarfik«-mut allanngortinnera)

2.8.4.1. Inatsisit atuuttut

2.8.4.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

2.8.5. Suliffigissaaneq pillugu siunnersuisoqatigiit ilusiligaanerat

2.8.5.1. Inatsisit atuuttut

2.8.5.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

2.8.6. Piumasarineqartunut tunngatillugu allannguneq (innersuussinermik erseqqissaaneq)

2.8.6.1. Inatsisit atuuttut

2.8.6.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

2.8.7. Suliarineqarfissaq

2.8.7.1. Inatsisit atuuttut

2.8.7.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

3. Pisortanut aningaasaqarnikkut aamma atuutilersinneqarnerani kinguneri
4. Inuutissarsiortunut il. il. aningaasaqarnikkut aamma allaffissornikkut kinguneri
5. Innuttaasunut aningaasaqarnikkut aamma allaffissornikkut kinguneri
6. Avatangiiginut kinguneri
7. EU-mi inatsiseqarnermut tunngasut
8. Oqartussa qarfiit aamma kattuffiit il. il. tusarniaaffigineqartut
9. Takussutissiaq eqikkaaffiusoq

1. Aallaqqaasiut

Kalaallit Nunaanni sullivimmi avatangiisinut inatsit 1986-iminngaanneerpoq kingullermillu annertuumik nutarsarneqarluni 2005-imi. Danskit sullivimmi avatangiisinut inatsisaat 2005-imiit 25-riarlugu allanngortinneqarnikuuvoq. Taamaattumik Isumaginninnermut Sulisoqarnermullu Naalakkersuisup inatsisip nutarsarneqarnissaa kissaatigisimavaa, taamaalilluni danskit sullivimmi avatangiisinut inatsisaannut assigulerluni, Kalaallit Nunaanni suliffeqarnermut tunngatillugu naapertuuttumik.

Kalaallit Nunaanni sullivimmi avatangiisinut inatsit sinaakkutitut inatsisaavoq, Kalaallit Nunaanni suliffeqarnermut tunngatillugu attuumassuteqartutigut tulluarsaanikkut – sanarfineqarnermigut aamma imarisamigut danskit sullivimmi avatangiisinut inatsisaannut assingulluinnangajattumik

suliaalluni. Inatsisip sinaakkutitut inatsisitut suliaanera imatut paasineqaassaaq, inatsimmi aalajangersakkat amerlasuut tassammata piginnaatitsinissaq pillugu aalajangersakkat, beskæftigelsesministerip allaffissornikkut malittarisassanik erseqqinnerusunik nalunaarutitut suliaqarfimmi aalajangersimasumi atuuttussanik aalajangersaasinnaaneranut periarfissiisoq. Tamanna atuuppoq aalajangersakkanut arlalinnut, uani inatsisissatut siunnersuummi siunnersuutigineqartunut.

Kalaallit Nunaanni sullivimmi avatangiisinut inatsimmi danskit periusaat malillugu nalunaarutitut malittarisassanik atuutilersitsisoqarsimaneranut takutssutissaqarpoq, kisianni Kalaallit Nunaanni sullivimmi avatangiisinut inatsimmi malittarisassanik taakkuninnga atuutilersitsinissamut piginnaatitsineq piareerluinnarsimanani. Inatsisissatut siunnersuutikkut ugguuna tamassumap aaqqiivigineqarnissaa siunertaavoq, makkununga malittarisassat pineqartillugit:

- Ikiueqqaarneq
- Inunnut timikkut aamma anersaakkut amigaatilinnik suliaqartitsineq
- Kisimiilluni sulineq
- Suliffiup ilusiligaanera
- Inunnut illersuutitut aamma sullisinut immikkut ittunut aningaasartuut

Inatsisissatut siunnersuut, sullivimmi tarnikkut avatangiisit annertusisamik isigineqarnissaannut imaqarpoq:

- Siunnersuutigineqarpoq, inatsisip siunertatut aalajangersagartaani erseqqissarneqassasoq, inatsimmi tarnikkut aamma sullivimmi timikkut avatangiisit pineqarnerat.
- Malittarisassanut siunnersuuteqarpoq, sulinngiffimmi suliffimmut atatillugu persuttaaneq aamma sakkortuumik misigisaqartoqartillugu tarnikkut ikiueqqaarneq pillugit beskæftigelsesministerip allaffissornikkut malittarisassanik aalajangersaasinnaaneranut piginnaatitsinermik.
- Aamma malittarisassanut siunnersuuteqarpoq, sulisitsisoq imaluunniit allat najuutsinngait Sullivinnik Nakkutilliisoqarfiup atorfilittanik oqaloqateqarsinnaanissaanik, aammalu sulisitsisoq akuersiteqqaarnagu Sullivinnik Nakkutilliisoqarfiup atorfilittanik eqimattakkuutaartunik oqaloqateqarsinnaanissaanik.

Isumannaassuseq aamma peqqinneq pillugit suliffeqarfiup sulineranut malittarisassat nutarterneqarnissaat inatsisissatut siunnersuutip aamma imarai. Allannguutissatut siunnersuutit makkuninnga imaqarput:

- Isumannaassuseq aamma peqqinneq pillugu sulineq-mik taaguutip isumannaassuseq aamma peqqinneq pillugu suleqatigiinneq-mut allanngortinnera. Taaguutip nutaap siunertaraa, suliffeqarfinni ataasiakkaani peqqinneq pillugu sulinerup, sulisitsisup, sulinermut pisortat aamma atorfilittat akornanni suleqatigiinnermik tunngaveqarnissaanik erseqqissaanissaq. Taamatuttaaq isumannaassuseq pillugu kattuffik-miit sullivimmi avatangiisit pillugit kattuffik-mut aammalu isumannaassuseq pillugu sinniisoq-miit sullivimmi avatangiisit pillugit sinniisoq-mut taaguutit

allanngortinneqarput, pingaarnertut sullivimmi avatangiisit pillugit sulineq pillugu apeqqutitut paasinnittaaseq qimallugu, sullivimmi avatangiisit pineqarnerannut atitunerusumik paasinnittaaseqalernissaq siunertaralugu.

- Suliffeqarfinni mikisuusuni isumannaassuseq pillugu kattuffeqanngitsuni suleqatigiinnerup nukittorsarnissaa aammalu suliffeqarfinni isumannaassuseq pillugu kattuffeqartuni sullivimmi avatangiisit pillugit sulinerup aaqqissuussaanera pillugu eqaannerusunik malittarisassaarnissaq.

Inatsisitigut piumasaqaataasumut sullivinnik nalilersuineranut (APV) piumasaqaatit inatsisissatut siunnersuutitigut aamma nukittorsarneqassapput:

- Siunnersuutigineqarpoq, APV-mik suliqarnermut atatillugu suliffeqarfiup avatangiisimikkut ajornartorsiutaanut tunngatillugu pitsaaliuinerup nalilersorneqartalernissaa aamma aalajangiiffigineqartalernissaa, taamaliornikkut aaqqiissutissat pisariaqartinneqartut, aallartinneqartut, pitsaaliuinermi tunngaviusut, sullivimmi avatangiisinut inatsimmi pineqartut, eqqarsaatigalugit ingerlanneqartaqqullugit.

- Napparsiamalluni najuutinngitsoortarnerit ikilisarneqarnissaat siunertaralugu, tassunga ilagitillugu napparsiamalluni najuutinngitsoortarnerit APV-mut ilanngunneqarnissaat, isumannaassuseq aamma peqqinneq pillugit suleqatigiinnermi napparsiamalluni najuutinngitsoortarnerit ilanngunneqartarnissaat pillugu malittarisassanik aalajangersaasinnaanermut beskæftigelsesministerip piginnatinneqarnissaa siunnersuutigineqarpoq,

- Siunnersuutigineqarpoq, APV namminersortumik nakkutilliinerussasoq, inatsit malillugu Sullivinnik Nakkutilliisoqarfiup nalinginnaasumik misissuinermik aamma nakkutilliinermik pisussaaffiunut ilaasoq.

Nammineq kajumissutsimik sulineq Kalaallit Nunaanni pingaaruteqarpoq, ilaatigut inuiaqatigiinni inooqatigiinnerup nukittuumik inissisimaneranut. Allaffissorneq Kalaallit Nunaanni nammineq kajumissutsimik sulineranut akornutaassanngilaq. Taamaattumik siunnersuutigineqarpoq, nammineq kajumissutsinik sulinerit ilaat suliffeqarfinni isumannaassuneq aamma peqqinneq pillugu aaqqissuussineq pillugu aamma sullivinnik nalilersuineq piillugu malittarisassani ilaatinneqannginnissaat.

Inatsisissatut siunnersuut, sulisitsisut sanaartorfinni suliaqartitsisut sanaartortitsisumik suleqateqarnissaannut siunnersuummik imaqarpoq aammalu piginnaatitsineq pillugu aalajangersagaqassasoq, taassumalu kingorna beskæftigelsesministeri aalajangersakkanik erseqqinnerusunik aalajangersaasinnaasoq.

Aamma naapertuuttusorineqarpoq teknikkikkut ikiuutit pillugit malittarisassat erseqqissarneqarnissaat kiisalu akussat aamma atortussat pillugit piumasaqaatinik aalajangersaanissamut piginnaatitaaneq pillugu ikkussisoqarnissaa:

- Siunnersuutigineqarpoq, teknikkikkut ikiuutitut assersuutit ikkussinissaq kiisalu malittarisassani aamma inunnut illersuutit pineqarnerisa erseqqissarneqarnissaa.
- Piginnaatitsineq pillugu malittarisassanik siunnersuuteqarpoq, pilersitsisunut aamma akussanik aamma atortussanik eqqussuisartunut piumasaqaateqarnissamut beskæftigelsesministerip malittarisassanik aalajangersaanissaanut periarfissiisunik, tassunga ilagitillugit tamakkuninnga nalunaaruteqarneq aamma teknikkikkut datat pillugit naqitat imarisaat aamma assigisaat.

Inatsisissatut siunnersuut Sullivinnik Nakkutilliisoqarfiup qisuariarnissamut periarfissaasa annertunerulernissaannut siunnersuummik aamma imaqarpoq:

- Siunnersuutigineqarpoq, iliuuseqartussaataitanani aalajangiisinaasoqassassoq, peqqussuteqarneq assignagu unioqqutitsinerujunnaartitsinikkut sulisitsisumut pisussaatisinngitsoq iliuuseqarnissamut.
- Siunnersuutigineqarpoq, misissuinissamut peqqussutip naammassineqarnissaanut piffissaliisoqarsinnaanissaa.
- Siunnersuutigineqarpoq, aalajangiinerit pillugit sulisitsisoq allakkatigut akissuteqassasoq, Sullivinnik Nakkutilliisoqarfik taamatut noqqaassuteqaraangat aammalu akissutip imarisaa pillugu atorfilittanut imaluunniit isumannaassuseq pillugu kattuffimmut ilisimatitsinissamut pisussaaffeqaleraangat.

Sullivinnik Nakkutilliisoqarfiup suliaasa naammassineqarnissaat siunertaralugu nakkutilliisoqarfiup oqartussaqaarfinniit allaniit paasissutissanik katersuisinnaaneranut aamma suliaqarsinnaaneranut tunngavissiisunik inatsisissatut siunnersuut aalajangersakkanik aamma imaqarpoq, kiisalu Sullivinnik Nakkutilliisoqarfiup oqartussaqaarfinnut allanut paasissutissanik ingerlatitseqqiisinnaaneranut tunngavissanik, taakkua oqartussaqaarfiit suliassaminnik naammassinnissisaanissaat siunertaralugu.

Inatsisissatut siunnersuut, aamma suliffeqarfiit sullivimmi avatangiisitigut ajornartorsiut pissutigalugu sullivimmi avatangiisit pillugit immikkut suliniuteqarniartut suliniutip ingerlanneqarnissaanut Sullivinnik Nakkutilliisoqarfinnut sullivimmi avatangiisit iluarsivigineqarnissaannut aammalu sullivimmi avatangiisitigut ajornartorsiutip aaqqiivigineqarnissaanut isumaqatigiissusiarsinnaanissaat pillugu aalajangersakkanik imaqarpoq.

Inatsisissatut siunnersuut, aamma sullivimmi avatangiisinut inatsimmi immikkut ittumik nipangiussisimasussaataaneq pillugu malittarisassat annertusineqarnissaannik aamma nutarsarneqarnissaannik imaqarpoq:

- Inuit pineqartut pillugit annertusaaneq, suliffeqarfinni avatangiisit pillugit maalaaruteqarneq pillugu Sullivinnik Nakkutilliisoqarfiup nipangiussisimasussaataaffigisai.
- Inatsimmi kapitalinik immikkut ittumik nipangiussisimasussaataaneq pillugu aalajangersakkami ilaatinneqartunik naleqqussaaneq, tamaalillutik oqartussaqaarfiit aamma inuit, maalaaruteqarsinnaaneq pillugu kapitali malillugu suliassanik ingerlatsisut ilaatinneqarlarsillugit.

- Nipangiussisimasusfaatitaaneq pillugu aalajangersakkat allanngortinneqarnerisa kingunerisaanik Kalaallit Nunaanni pinerluttulerinermi inatsimmi nipangiussisimasusfaatitaaneq pillugu innersuussinermik aaqqiineq.

Inatsisissatut siunnersuutikkut maalaaruteqarsinnaaneq allanngortinneqarpoq, taamaalillutik Kalaallit Nunaanni suliffeqarfiit pillugit Sullivinnik Nakkutilliisoqarfiup aalajangiinerinut maalaarutit Sullivinni avatangiisit pillugit naammagittaalliortarfimmut saqqummiunneqartartussanngortillugit beskæftigelsesministerimuunngitsoq.

Kalaallit Nunaanni sullivimmi avatangiisinut inatsimmik unioqqutitsinermut akiligassiinerup sakkortusinissaa qaffannissaalu siunnersuutigineqarpoq, danskit sullivimmi avatangiisinut inatsisaanni 2015-imi aamma 2019-imi taamaalisimaneq assigalugu.

Taamatuttaaq inatsisissatut siunnersuut allannguinerinik annikitsunik arlalinnik imaqarpoq:

- Malittarisassat, atuaruminaatsut aamma paasiuminaatsut, siunnersuutigineqarpoq erseqqissarneqassasut aamma ersersinneqassasut, soorlu inatsisip atuuffiinit tunngatillugu aalajangersakkat.
- Malittarisassat, pisariaqanngitsut, soorlu assersuutigalugu ðlluinnarni atornerarsinnaajunnaarsimasut, siunnersuutigineqarpoq atorunnaarsinneqassasut, soorlu assersuutigalugu nakkutilliinerinut allattuiveqarnissamik piumasaqaat, siunnersuutigineqarpoq allakkatigut uppernarsaasiinissamut piumasaqaammik taarserneqarnissaa.
- Inatsimmi oqaatsinik atuinerup nutarsarneqarnissaa siunnersuutigineqarpoq, taaguutit qangarnisat piiarneqarnerisigut aammalu taakkua ullutsinnut naleqquttunik taarserneqarnerisigut. Soorlu assersuutigalugu pineqarput danskisut taaguutit "Landstyret" aamma "minister", kalaallisut taaguutit taarserneqartut, aammalu "atuarfimmi nakorsaq"-mik taaguut "peqqinnissaqarfik"-mik taarserneqartoq.
- Siunnersuutigineqarpoq malittarisassat nutarterneqassasut, pissutsinut atuuttunut naleqquttunngortillugit. Soorlu assersuutigalugu Sullivinni avatangiisinut siunnersuisooqatigiit katitigaanerit aamma suliaqarfissaat.

2.1. Inatsisip atuuffinik allanngutit aamma erseqqissaaneq

2.1.1. Sullivimmi tarnikkut avatangiisit, nammineq kajumissutsimik sulineq aamma inatsisip allassimanera erseqqinnerusoq

2.1.1.1. Inatsisip atuuttut

Sullivimmi avatangiisinut inatsimmi § 1 siunertamut aalajangersakkamik imaqarpoq, tamatuma kingorna inatsisigut sullivimmi avatangiisinik isumannaatsunik aamma peqqinnartunik

pilersitsinissaq ilaatigut anguniarneqarluni, qaqugukkulluunniit Kalaallit Nunaanni inuiaqatigiinni teknikkikkut aamma inooqatigiinnikkut ineriartornermut naapertuuttunik. § 1-imi aalajangersagaq 1986-imi sullivimmi avatangiisinut inatsisitigut eqqunneqarpoq aammalu taamanikkulli allanngortinneqarsimanani. Inatsisissatut siunnersuummut inatsisip siunertaa aamma atuuffia pillugit kapitali 1-ianut oqaaseqaatini allaqqavoq, siunertaasut danskit sullivimmi avatangiisit pillugit inatsisaanniittut assigigaa, tak. Folketingstidende 1985-86, ilaliussaq A, spalti 3391. Danskit sullivimmi avatangiisit pillugit inatsisaanni § 1-imut oqaaseqaatini allaqqavoq, inatsimmi pineqartut timikkut aamma sullivimmi tarnikkut avatangiisit, tak. Folketingstidende 1975-76, ilaliussaq A, spalti 99.

Sullivimmi avatangiisinut inatsit inatsisip atuuffia pillugu aalajangersakkanik aamma imaqarpoq. § 2, imm. 1-imi malittarisassaq pingarneq tunngaviusoq tassaavoq, inatsimmi sulisitsisup sulinerata ilaatinneqarnera. Inatsisip imm. 2-ani sulinerit assigiinngitsut sulisitsisup sulinerigaluarai pingasut ilaatinneqannginnerat nassuiarneqarpoq. Annermik ilaatitsinnginnerit nr. 1-imi aamma 2-mi inatsimmi inuusuttut 18-it inorlugit ukiulinnut tunngasoq aamma inuusuttunut angerlarsimaffimmi suliaqartunut, aammalu inuusuttunut sulitsisup ilaqutaaneersunut, sulisitsisup najugaanut attuumassuteqartunut kapitali 9-p ataqatigiissuteqarnera isigineqassaaq. Imm. 3-mi inatsit suliaqarfisigut arlalitsigut annertusineqarpoq sulinerimut atugassatut, naak tamanna sulisitsisumut sullissinerunngikkaluartoq, aammalu sulineq pineqartoq imm. 2 malillugu ilaatinneqanngikkaluartoq.

Sullivimmi avatangiisinut inatsimmi sulinerit tamarmik pineqarput, tassunga ilagitillugu sulineq nammineq kajumissutsimik ingerlanneqartoq. Nammineq kajumissutsiminnik sulisut suliaqaraangata sullinneqartoq, soorlu assersuutigalugu peqatigiiffik, sulisitsisutut isigineqartarpoq.

Sunngiffimmi aamma sukisaarsaatigalugu suliaqarnerit nalinginnaasut, soorlu assersuutigalugu timersorneq, nipilersornermik peqatigiiffinni il. il. erinarsorneq aammalu nipilersorneq, sulinertut isigineqanngillat, aammalu sullivimmi avatangiisinut inatsimmi ilaatinneqaratik.

Namminneq kajumissutsiminnik suliaqartut sulineri sulinertut isigineqarnissaannut tunngatillugu, tamatumunnga sullivimmi avatangiisinut inatsimmi § 2, imm. 1 malillugu nalilersuineq tunngaviussaaq. Nalilersuinerimut piumasaqaatit makkua tunngaviussapput:

- Nammineq kajumissutsiminik sulisoq pisussaaffeqarpa sulinissamut, soorlu assersuutigalugu peqatigiiffimmut?
- Nammineq kajumissutsiminik sulisoq ilitersorneqartussaataaava aammalu aqunneqartussaataaava, soorlu assersuutigalugu peqatigiiffimmit?
- Nammineq kajumissutsiminik sulisumut ineqartitsisoqarpa suliaqarfissaanik, atortorissaaruteqarpa il. il., soorlu assersuutigalugu peqatigiiffimmit?
- Nammineq kajumissutsiminik sulisup suliaasa inernerisa mianersornartortaat allamut tuppat, soorlu assersuutigalugu peqatigiiffimmut?

- Immikkut nalorninartorfiusuni aamma oqimaalutaataasinnaavoq, nammineq kajumissutsiminik suliaqartumut akissarsiaqartitsisoqarnersoq.

Peqatigiiffiit, nammineq kajumissusertik atorlugu sulisunik suliaqartitsisut, sulisitsisutut sullivimmi avatangiisinut inatsit eqqortittussaavaat, tassunga ilagitillugu isumaassuseq pillugu kattuffiit pillugit aamma sullivinnik nalilersuinerit pillugit malittarisassat.

2.1.1.2. Beskæftigelsesministeriap isumaliuutersuutai

Sullivimmi avatangiisinut inatsit oqaatsinik »timimut sullivimmi avatangiisit« imaluunniit »tarnimut sullivimmi avatangiisit«-nik imaqaangilaq. Taamaattumik inatsimmi sullivimmi avatangiisit timimut aamma tarnimut tunngasut ilaatinneqarnersut nalorninarsinnaavoq. Inatsit qaqugukkut atuunnersoq, suut ilaatinneqarnersut, tassunga ilagitillugit tarnimut sullivimmi avatangiisit, inatsisip iluaniinnerluni imaluunniit avataaniinnerluni kinaluunniit nalornissanngilaq. Taamaattumik timimut sullivimmi avatangiisit naligalugit tarnimut sullivimmi avatangiisit piunerannik erseqqissaanissaq aamma tamatuminnga eqqumaffginninnerup sakkortusinissaa qitiupput, aammalu sulisitsisup atorfilittaminut tunngatillugu pineqartunik isumaginninnissamut pisussaaffeqarnera. Siunertamut naapertuutissaaq, inatsimmi erseqqissumik allassimaguni, inatsit timimut aamma tarnimut sullivimmi avatangiisit ilaatinneqarnerat, taamaalillutik sulisitsisut ilisimassallugu, suut taakkunannga naatsorsuutigineqarnersut. Taamaakkaluartorli siunertaanngilaq inatsisinik atuuttunik allanngartitsinissaaq, tassunga ilagitillugit atuuttumut § 1-imut oqaaseqaatit.

Tunngaviuvoq, innuttaasut, suliffeqarfiit, kattuffiit, sullivimmi avatangiisinik suliaqartut aamma allat inatsimmi aalajangersakkat qanoq isumaqarneri pillugit nalorninnginnissaat. Sullivimmi avatangiisinut inatsimmi arlalinnik paasiuminaatsunik aalajangersagaqarpoq, aammalu paatsoornermik kinguneqarsinnaasunik. Ilaatigut inatsisip siunertaa aamma atuuffia pillugu § 2, imm. 1, 2 aamma 3-mi aalajangersakkat pineqarput. Taamaattumik naapertuutissaaq inatsisip allaqqanerata erseqqissarneqarnissaa aamma ersersinnissaa inatsimmi siunertaq aamma atuuffik pillugu aalajangersakkat paasiuminarsarlugit. Taamaalilluni siunertaanngilaq inatsimmik atuuttumik allannguinissaaq.

Nammineq kajumissutsimik sulineq Kalaallit Nunaanni peqatigiiffilerinermut pingaaruteqarpoq. Peqatigiiffinni taakkunani nammineq kajumissutsimik sulineq tapersersorniarlugu, pisussaaffinnik piiaanissaa siunnersuutigineqarpoq, nammineq kajumissutsimik sulinermut atatillugu peqqussutaasunik, aammalu nammineq kajumissutsimik sulineq pineqartillugu pisuni tamani pisariaqavinngitsutut nalilerneqartunik. Isumannaassuseq pillugu aqqissuussaannissamut piumasaqaateqarnermik taakkua pisussaaffiupput (sullivimmi avatangiisit pillugit sulineq-mut allanngartinneqartussatut siunnersuutigineqartoq, tak. oqaaseqaatini nalinginnaasuni imm. 2.2.1.3.) aamma sullivimmik nalilersuinissamut piumasaqaateqarnermik. Tamakkununnga pisortatigoortumik

pisussaaffinnut peqatigiiffiit nukinik atuissanngillat. Taamaattoq suli isumannaarneqassaaq, nammineq kajumissutsimik sulinerup illersorneqarsinnaasumik ingerlanneqarnissaa.

Nammineq kajumissutsimik sulinerit ilaasa ilisarnaatigisarpaat, ilaannikkut aammalu sivikitsumik sulinerimik ingerlatsinerit, nalinginnaasumik sulinerup il. il. saniatigut ingerlanneqarsinnaasut. Nammineq kajumissutsimik sulineq nalinginnaasutut sulinertut pissuseqarsinnaavoq, piviusumilli aamma sulinngiffimmi sammisatut pissuseqarsinnaallunittaaq.

Nammineq kajumissutsimik suliaqarnerit aammalu nammineq kajumissutsimik sulineq pingasunut sammivinnut pingaarnerusunut agguarneqarsinnaapput:

Nammineq kajumissutsimik suliaqarnerit, sulinerunngitsut, aammalu sukisaarsaatitut imaluunniit sulinngiffimmi sammisaqarnertut taaneqarsinnaasut, soorlu assersuutigalugu timersorneq, nipilersormik peqatigiiffinni il. il. erinarsorneq aammalu nipilersorneq. Tamakkua suliaqarnerit sulinerunngillat aammalu sullivimmi avatangiisinut inatsisip atuuffiani ilaatinneqarnatik

1. Nammineq kajumissutsimik sulineq, sulinermut nalinginnaasumut aamma sulinngiffimmi suliaqarnermut assingusoq. Tamanna sulineq inissikkuminaatsuvoq, nammineq kajumissutsimik suliaqarnerup aamma nammineq kajumissutsimik sulinerup akornanniilluni, annerusumik nalinginnaasumik sulinermut assingulluni. Tamanna sulineq sulisitsisumut sullissinertut isigineqarpoq, tak. inatsimmi § 2, imm. 1. Soorlu tassaalluni isikkamik arsaattartut imaluunniit naluttartut imaluunniit allat klubbianni nammineq kajumissutsiminik sungiusaasoq, nammineq kajumissutsiminik sullissisoq, soorlu assersuutigalugu tuniniaavimmi inuttaasoq.
2. Nammineq kajumissutsimik sulineq, annerusumik sulinermut nalinginnaasumut assingusoq. Tamanna sulineq sulisitsisumut sullissinertut isigineqarpoq, tak. inatsimmi § 2, imm. 1. Soorlu assersuutigalugu, sivilisunerusumik imaluunniit piumasaqarfiunerusumik nammineq kajumissutsimik sulineruvoq, soorlu assersuutigalugu inuk sapaatip akunneranut nalunaaqutap akunnerini 25-ni nerisarfimmi sulisartoq ornittakkami peqatigiiffimmit ingerlanneqartumi.
3. Nammineq kajumissutsimik sulineruvoq, qulaani immikkoortoq 2-p ataani taaneqartoq, isumannaassuseq pillugu kattuffiit pillugit malittarisassat ilaatinneqassanngitsut siunnersuutaasoq (sullivimmi avatangiisit pillugit kattuffinngortillugu allanngortitassat siunnersuutaasoq, tak. oqaaseqaatini nalinginnaasuni imm. 2.2.3.1.) aammalu sullivinnik nalilersuinerit (APV), taakkua malittarisassat taamatut nammineq kajumissutsimik suliaqarnermut pisariaqartuusutut nalilerneqanngimmata.

2.1.1.3. Aaqgissuussaaneq siunnersuutigineqartoq

Siunnersuutigineqarpoq, § 1-imi erseqqissarneqassasoq, inatsimmi ilaatinneqarmata timimut aamma tarnimut sullivimmi avatangiisit, tamatumunnga tunngatillugu nalornisoqalinnginnissaa siunertaralugu. Siunnersuutitigut sullivimmi avatangiisinut inatsisip siunertamut aalajangersagartaani imarisaatigut allannguisoqarnissaa siunertaanngilaq.

Inatsisip atuuffianut § 2 atuuttoq tikikkuminaappoq aammalu paatsoornernik kinguneqartitsisinnaalluni. Taamaattumik siunnersuutigineqarpoq § 2 erseqqissarneqassasoq, taamaalilluni aalajangersagaq paasiuminarnerulerluni. Siunnersuutitigut sullivimmi avatangiisinut inatsisip atuuffiata aalajangersagartaani imarisaatigut allannguisoqarnissaa siunertaanngilaq.

Taamaaqataanik siunnersuutigineqarpoq, inatsimmi § 2, imm. 3-p, sulinerup ilaatinneqarnissaanut inatsimmik atitunerulersitsisoq, naak tamanna sulisitsisumut sullissinerunngikkaluartoq, aammalu sulineq pineqaraluartoq imm. 2 malillugu ilaatinneqanngitsoq, paasiuminarnerulersillugu erseqqinnerusumik allanneqarnissaa. Siunnersuutitigut sullivimmi avatangiisinut inatsisip atuuffiata aalajangersagartaani imarisaatigut allannguisoqarnissaa siunertaanngilaq.

Siunnersuutigineqarpoq, nammineq kajumissutsimik sulineq, sukisaarsaatitut pissuseqarsinnaasoq, sullivimmi avatangiisit pillugit kattuffeqarnissaanik aamma sullivinnik nalilersuisoqarnissaanik piumasqaatini ilaatinneqassanngitsoq.

Avatangiisit pillugit kattuffiit pillugit malittarisassani ilaatitaannginneq isumaqarpoq, soorlu assersuutigalugu peqatigiiffiit avatangiisit pillugit sulinermut nammineq kajumissutsiminnik sulisunik sukisaarsaatitut pissuseqartunik suliaqartunik, suleqateqarnissamut pisussaaffeqarunnaartussaannerat. Tamanna isumaqarpoq, soorlu assersuutigalugu peqatigiiffiit namminneerlutik ulluinnarni ingerlatsinerminnut, sullivimmi avatangiisit pillugit suliaassanik pilersaarusiortarnerminnut aamma ataqatigiissarisanerminnut sinaakkutunik pilersitsisinnaanissaat, nammineq kajumissutsiminnik suleqataasunik peqataatitsinngikkaluarlutik. Taamaattoq sullivimmi avatangiisit pillugit atorfilittanik suleqateqartarnissaq pisussaaffuinnassaaq.

Sullivinnik nalilersuinerit pillugit malittarisassani ilaatitaannginneq peqatigiiffinnut, suliat sukisaarsaatitut pissuseqartut nammineq kajumissutsimik ingerlanneqartut pineqartillugit, allakkatigut sullivimmi nalilersuinissamut piumasqaateqartarunnaarnermik kinguneqassaaq. Taamaattoq suli nammineq kajumissutsimik suliaqartut suliaasa pilersaarusiornissaat aamma aaqqissuunnissaat pisussaaffiussaaq, kisianni allakkatigut ingerlatsinissamut pisussaaffeqassanngilaq imaluunniit suliat pillugit pilersaarusiornermut aamma aaqqissuussinermut tunngatillugu nammineq kajumissutsimik suliaqartut akuutinnissaannut pisussaaffeqassanngilaq.

Nammineq kajumissutsimik suliaqartut suliaasa sukisaarsaatitut pissuseqarsinnaanerannik nalilersuineq arlalinnik piumasqaateqarfiussaaq, tassunga ilagitillugit suliaqarnerup sivisussusia,

suliaqarnerup pituttuisuunngitsumik piumasagaateqarfiunera aammalu immaqa suliaqarneq pillugu akiliuteqarnerit imaluunniit allatigut ajunngitsorsiaqartitsinerit.

Nammineq kajumissutsimik suliaqarneq sukisaarsaatitut pissuseqanngippat, taarsiulluguli amerlanerusutigut nalinginnaasumik sulinermut assinguppat, sullivimmi avatangiisit pillugit sulineq pillugu malittarisassat aammalu sullivinni nalilersuineq pillugu malittarisassat tassunga sulinermut atuutissapput.

2.1.2. Suliffimmut tunngatillugu sulinnginnerup nalaani persuttaaneq

2.1.2.1. Inatsisit atuuttut

Sullivinni avatangiisinut inatsit malillugu sulisitsisup isumannaartussaavaa, sulineurp sukkut tamatigut pilersaaruserneqarnissaa, aaqqissuunneqarnissaa aamma isumannaatsumik aammalu peqqinnartumik ingerlanneqarnissaa piffissaq sivikinnerusoq aamma sivilunerusoq eqqarsaatigalugu. Sulinermut atatillugu timikkut aamma tarnikkut persuttaanermut tunngatillugu isamannaassutsikkut aamma peqqissutsikkut navianaataasinnaasumik pitsaaliuinissamut sulisitsisup pisussaaffeqarnera aamma tassani inissisimavoq.

Persuttaanertut paasineqassaaq, inuit, suliffeqarfimmit atorfeqanngitsut imaluunniit sulisitsisuunngitsut, tassunga ilagitillugit innuttaasut aamma sullinneqartut, atorfilinnut imaluunniit sulisitsisumut persuttaasut. Persuttaaneq timimut persuttaanerusinnaavoq timimut saassussineq imaluunniit tarnikkut persuttaanerusinnaavoq siorasaarinikkut aamma allatut kanngunarsaanikkut, tassunga ilagitillugu nakkarsaaneq. Timimut persuttaaneq soorlu assersuutigalugu tillussinerusinnaavoq, tukkaanerusinnaavoq imaluunniit naalliinerusinnaavoq. Sioorasaarineq soorlu assersuutigalugu toqutsinissamik sioorasaarinerusinnaavoq, aserorterinissamik sioorasaarinerusinnaavoq imaluunniit ilaqtutanut imaluunniit qanigisanut allanut sioorasaarineq. Kanngunarsaaneq alla tassaasinnaavoq nakkarsaaneq, nikanarsagaaneq imaluunniit mitaatiginninneq. Tulliuttuni ”persuttaaneq” atorneqarpat taava pineqarpoq ”sioorasaarinikkut aamma allatut kanngunarsaanikkut timimut aamma tarnimut persuttaaneq”.

Suliffeqarfimmi atorfilittat akornanni persuttaaneq nassuiaanermi ilaatinneqanngilaq. Kalaallit Nunaanni atorfilittat akornanni persuttaanermut, sullivimmi avatangiisinut inatsimmi § 32, imm. 1 aamma § 60, imm. 1 kiisalu sulinerup naammassineqarnera Kalaallit Nunaannut nalunaarummi nr. 395, 24. juni 1986-meersumi § 3, imm. 1 tunngaviusinnaapput.

Atorfilittat sulinerminnut atatillugu persuttagaasinnaanerinut sulisitsisusup pitsaaliuinissamut pisussaaffia isumaqarpoq sulisitsisoq imaaliussasoq:

– Isumannaassallugu, sulinerup pilersaarusiornissaa, aaqqisuunnissaa aamma naammassineqarnissaa, taamaalilluni suliffimmi persuttaanissamut navianaat pitsaaliorlugu. Pitsaaliuinermi sullivimmi avatangiisilerinerup iluani pitsaaliuinermut tunngaviusut malinneqartussaapput, Kalaallit Nunaanni sullivinnik nalilersuinerit pillugit nalunaarummut ilanngussani allassimasutut. Tamanna isumaqarpoq, siullertut sulisitsisup navianaataasinnaasut pinngitsoortinniassagai. Sulinermi persuttaasoqarnissaanut navianaateqartoqarpat, sulisitsisup navianaataasoq nalilersussavaa, tassunga ilagitillugu persuttaaneq qanoq ittoq pisinnaanersoq, aammalu persuttaanerit qanoq ingasatsigisinnaanersut, kiisalu pitsaaliuineq suna pisariaqartuunersoq. Naliliineq, soorlu assersuutigalugu sullivimmik nalilersuinermit atatillugu suliaqarnermi naliliinerusinnaavoq (APV) aamma ulluinnarni sulinermik pilersaarusiornermi aamma aaqqissuussinermit atatillugu. Persuttaasoqarnissaanut navianaammik nalilersuineq ingerlaavartumik pissaaq, ilaatigullu tamanna kinguneqassaaq, sulisitsisup suliffeqarfimmi pitsaaliuinermik nalilersueqqinnissaanik aammalu pisariaqassappat pitsaaliuinermik naleqqussaanissaanik pisariaqartitsisumik, soorlu assersuutigalugu nutaanik sullissaqalernermit atatillugu imaluunniit suliffimmi persuttaasoqarsimanerata kingunerisaanik. Tamatuma saniatigut sulisitsisoq atorfilittanik persuttarneqarsimasunik mianerinnittussaavoq – sulinerup nalaani aamma avataani – taakkua persuttaasimanermit sunnerneqarsimasinnaammata. Taamaattoqarsimappat, taava sulisitsisup tamanna sulisunut ataasiakkaanut tunngatillugu sulinerup pilersaarusiornerni aamma aaqqissuunnerani eqqumaffigissavaa: - Allakkatigut sullivimmik nalilersuinermit (APV) atatillugu ilaatigut nalunaarsorneqaaqqissaassaaq, sumi aamma qaqugukkut suliffimmi persuttaasoqarsinnaaneranut navianaateqarnerisooq, aammalu kina eqqugaasinnaanersoq.

– Suliffimmi persuttaasoqarnissaanut navianaateqartoqarpat, persuttaanerit pitsaaliornissaannut aamma persuttaasoqarneranut atatillugu isumaginninnissamut sulisunik aamma aqutsisunik ilinniartitsineq aamma ilitsersuineq.

– Sulinerup isumannaassutsikkut aamma peqqissutsikkut illersorneqarsinnaasumik ingerlanneqarneranik nakkutiginninneq.

2.1.2.2. Beskæftigelsesministeriap isumaliuutersuutai

Atorfilittat ilaat sulisuunertik pissutigalugu sulinngiffimminni persuttarneqarsinnaasarpot. Inissiisarfimmi nakkutilliisuusinnaappot, politiit, peqqissaasut imaluunniit ilinniartitsisut, sulinngiffimminni inuttut attavigineqarsinnaasut aammalu persuttarneqarsinnaasut.

Atorfilittat suliatik ingerlassinnaasariaqarpaat persuttarneqarnissartik annilaangassutigiginagu - apeqqutaatinagu tamanna sulinerup nalaani imaluunniit sulinngiffimmi pinersoq. Sullivimmi avatangiisinut tunngatillugu, sulinermit atatillugu persuttagaaneq ajonartorsiutaavoq annertoq, atorfilittanut timikkut aamma tarnikkut kingunerluuteqartitsisinnaasoq.

Atorfilittat sulisuunerat pissutigalugu sulinngiffianni persuttarneqarneri pineqartunut annertuumik kanngunarsaataasinnaavoq, persuttaaneq sulinngiffianni pimmat. Aammalu sulisuuneq pissutigalugu sulinngiffimmi persuttaaneq atorfilittat qanigisatut avatangiisaanni pisinnaammat, tassunga ilagitillugu persuttaaneq pisinnaalluni ilaqtanit imaluunniit qanigisanit isiginnaarneqarluni imaluunniit ilaqtanut qanigisanulluunniit persuttaanerusinnaalluni, atorfilittat illersorusutaannut. Aammalu sulinngiffimmi persuttaaneq atorfeqartumut inummut tunngatinneqartarmat, suliffimmi atorfilittap sulinerata nalaani persuttaanermiit sakkortunerusutut pissuseqarsinnaavoq.

Atorfilittat sulisuunertik pissutigalugu sulinngiffimminni persuttarneqarunik, atorfilittat namminneerlutik persuttaasoqaqqissinnaaneranut pitsaaliuinissamut qaqutiguinnaq periarfissaqartarput. Tamatumunnga sulinerup ilusilersugaanera pissutaavoq, suliffimmi avatangiisit aamma suliassat tunngaviusarmata innuttaasut atorfilittanut sulinngiffiini persuttaajumalersanerannut. Tamakkua ilagisinnaavaat suliassat aalajangersimasut, oqartussaasutut iliuuseqarnerit imaluunniit innuttaasumut piumasaqaatinik saqqummiussinerit, innuttaasumut kinguneqartitsisimasut atorfilittanut persuttaarusunnermik.

Taamaattumik sulisitsisup nalilertariaqarpaa, sulineq naammaginartumik pilersaarusiorneqarnerisooq, aaqqissuunneqarnerisooq aammalu ingerlanneqarnerisooq, taamaalilluni sulinerup atavillugu persuttarneqarsinnaanermut navianaat pitsaaliorneqarluni. Soorlu assersuutigalugu pitsaaliuineri pineqarsinnaapput, suliffiup qanoq ililluni innuttaasumik naapitsinissaq aaqqissuuttarneraa, innuttaasut qanoq attavigineqartarnerisut, aammalu innuttaasunut saqitsaannerit qanoq isumagineqartarnerisut.

Sulineq pissutaalluni sulinngiffimmi persuttarneqarsinnaanermut pitsaaliornissaanut pisussaaffik aamma pingaaruteqarpoq, atorfilittat persuttarneqarsinnaasut paasisariaqartimmassuk pisup saqitsaanninngorsinnaasup pinngitsoortinnissaanut qanoq iliornissartik paasissallugu, pisumi atorfilittat atorfitsik tunngavigalugu innuttaasumut attuumassuteqalersimaneranni pinngorsimasumi.

2.1.2.3. Aaqqissuussaaneq siunnersuutigineqartoq

Siunnersuutigineqarpoq, aalajangersagaq nutaaq, § 2 a, imm. 1, ikkunneqassasoq, inatsimmi kapitali 2-4-mi aamma 12-14-mi aalajangersakkap imaluunniit aalajangersakkat persuttaanermut sulinngiffimmi pisumut, aammalu atorfilittap sulisitsisumut suliaanut attuumassuteqartumut aamma atuunnissaannut beskæftigelsesministerip malittarisassanik aalajangersaasinnaanermut piginnaatinneqarnissaa pillugu. Inatsimmi taakkunani kapitalini ilaatigut pineqarput, isumannaassuseq aamma peqqinneq pillugu suleqatigiinneq, sulisitsisup il. il. pisussaaffii nalinginnaasut, sulinerup naammassineqarnissaa, Sullivinnik Nakkutilliisoqarfiup peqqussuteqarsinnaanermut il. il. periarfissaa, sulitilluni ajutoornerit nalunaarutigineqarneri, maalaaruteqarsinnaaneq aammalu pinerluttulerineri pineqaatissiisarnertit.

Aammattaaq siunnersuutigineqarpoq, aalajangersagaq nutaaq, § 2 a, imm. 2, ikkunneqassasoq, najoqqutassanik aalajangersaanissamut aammalu sulinermut atatillugu sulinngiffimmi persuttarneqarneq pillugu naapertuuttumik isumaginninnissaq pillugu sulisitsisup ilitersuinissaanut kiisalu atorfilittat ajoqusersimasut pisunik taamaattunik politiinut nalunaarutiginninnissaq pillugu ikiorneqarnissamut neqeroorfigineqarnissaannut sulisitsisup atorfilittanut pisussaaffii pillugit beskæftigelsesministerip malittarisassanik aalajangersaasinnaanermut piginnaatinneqarnissaa pillugu.

§ 2 a, imm. 1-imi aamma 2-mi, piginnaatitsineq taamaallaat suliffimmi pisinnaasunik pitsaaliuineq pillugu il. il. pisussaaffinnik aalajangersaanermut atorneqassapput.

Aammattaaq § 2 a, imm. 3-mut siunnersuummi siunnersuutigineqarpoq, beskæftigelsesministerip kapitali 2-4-mi aamma 12-14-imi aalajangersakkamik imaluunniit aalajangersakkanik aalajangersaasinnaanera aamma malittarisassanut atuutissasoq imm. 2-mi piginnaatitsineq naapertorlugu aalajangersarneqartunut.

§ 2 a, imm. 1-imi piginnaatitsineq toqqaannartumik atorneqarsinnaasunik inatsimmi pisussaaffiit pillugit aalajangersakkanik aamma piginnaatitsineq pillugu aalajangersakkanik atuutilersitsissaaq. Sulinermut atatillugu persuttaanerit pitsaaliornissaannut aamma isumaginissaannut inatsimmi sulisitsisup pisussaaffii pioreersut ilaat atuutilersinneqassapput, taamaalillutik taakkua pisussaaffiit sulinngiffimmi aamma atuutilersinneqarlutik. Tamatuma saniatigut piginnaatitsinermik aalajangersakkat ilaat atuutilersinneqassapput, taamaaliornikkut malittarisassanik nalunaarutitut ilusilikkamik suliaqartoqarsinnaanngortillugu, sulinngiffimmi persuttaanermut tunngatillugu sulisitsisumut pisussaaffiliisunik, suliffiup iluani persuttaanermut tunngatillugu sulisitsisup pisussaaffiitut assingusunik.

Nutaaq § 2 a, imm. 1 malillugu aalajangersakkanik atuutilersitsisoqassaaq makkua pillugit:

Suleqatigiinneq, isumannaassuseq aamma peqqinneq pillugit inatsimmi kapitali 2

Kapitalimi tassani aalajangersakkat pisariaqartunik tulluarsarnertaqarlutik atuutilersinneqassapput, taamaalilluni suliffeqarfinni sullivimmi avatangiisit pillugit suleqatigiinnermi sulinermut atatillugu sulinngiffimmi persuttarneqarsinnaanermut navianaat ilaatinneqassalluni, taamaattumik navianaateqartoqarpat.

Sulisitsisut aamma atorfilittat il. il. pisussaaffii nalinginnaasut pillugit inatsimmi kapitali 3

Aalajangersakkat nalinginnaasut, sulisitsisunut il. il. pisussaaffinnik imaqartut, pisariaqartunik tulluarsarnertaqarlutik atuutilersinneqassapput, taamaalillutik aamma sulinermut atatillugu sulinngiffimmi persuttarneqarsinnaanermut atuutilersinneqassallutik. Tamatumani pineqarput, sulisitsisup sullivimmi pissutsit isumaanaatsutsikkut aamma peqqinnissakkut illersorneqarsinnaasumik inissisimanissaannik isumaginninnissamut pisussaaffia, sullivinnik nalilersuineramik malittarisassaqaartitsinissaa, sulisitsisup nakkutilliinissamut pisussaaffia aamma sulisitsisup ilinniartitsinissamut aammalu ilitersuinissamut pisussaaffia. Tamatuma saniatigut piginnaatitsinerit attuumassuteqartut atuutilersinneqassapput, taamaalilluni pisariaqartunik tulluarsaareernikkut nalunaarutitut ilusilikkanik malittarisassanik aalajangersaasoqarsinnaanngortillugu, suliffimmi persuttaanermik pitsaaliuinermut aamma isumaginninnermut malittarisassanut atuuttunut assingusunik.

Sulinerup ingerlanneqarnera pillugu inatsimmi kapitali 4

Sulinerup pilersaarusiornissaanut, aaqqissuunnissaanut aamma ingerlanneqarnissaanut malittarisassaq pingaarneq, taamaalilluni sulineq isumannaassutsikkut aamma peqqinnissakkut illersorneqarsinnaalluni, pisariaqartunik tulluarsarneqareerluni sulinermut atatillugu sulinngiffimmi persuttaanernut tunngatillugu atuutilersinneqassaaq.

Tamatuma saniatigut piginnaatitaanerit attuumassuteqartut atuutilersinneqassapput, taamaalillutik pisariaqartunik tulluarsarneqareerlutik sulinermut atatillugu sulinngiffimmi persuttaanernut tunngatillugu sulisitsisumut pitsaaliuinissamut il. il. pisussaaffinnik aalajangersaasoqarsinnaanngortillugu. Pisussaaffiit, piginnaatitaaneq malillugu aalajangersarneqartussat, suliffimmi persuttaanermut atatillugu maannakkut sulisitsisunut pisussaaffiusunut assingussapput, tassa sulinerup nalaani pisunut.

Tamanna isumaqarpoq, sulinermut atatillugu sulinngiffimmi persuttaasoqartillugu sulisitsisup sulinerup pilersaarusiornissaanut, aaqqissuunnissaanut aamma ingerlanneqarnissaanut qulakkeerinninnissaaq pisussaaffigissagaa, taamaaliornikkut sulinermut atatillugu sulinngiffimmi persuttaasoqarnissaanut navianaat pitsaaliortalugu. Sulinermut atatillugu sulinngiffimmi persuttaasoqarnissaanut navianaateqarpat, sulisitsisup pisussaaffigissavaa sulinermut atatillugu sulinngiffimmi persuttaasoqarnissaanut navianaatip nalilersornissaa. Nalilersuineq tamanna sullivimmi avatangiisinik nalilersuinermut nalinginnaasumut ilaatinneqassaaq, soorlu assersuutigalugu sullivimmik nalilersuinermut atatillugu aammalu ulluinnarni sulinerup pilersaarusiorneqarneranut aammalu aaqqissuunneranut atatillugu. Pisussaaffiup aamma malitsigivaa, sulinermut atatillugu sulinngiffimmi persuttaasoqarsinnaanernut ulorianaatip ataavartumik sulisitsisumiit nalilersorneqartarnissaa, ilaatigut aamma sulisitsisup sulinermut atatillugu, sulinngiffimmi aamma sulinerup nalaani, persuttaasoqarsinnaanernik pitsaaliuinerup nalilersoqqinnissaanut aammalu pisariaqassappat sulinermut atatillugu, sulinerup nalaani aamma

sulinngiffimmi persuttaasoqarnissaanut pitsaaliuinerup naleqqussarnissaanut malitseqartussaq, soorlu assersuutigalugu sulinerup nalaani aamma sulinngiffimmi persuttaasoqarsimatillugu.

Pitsaaliuinermi sullivimmi avatangiisilerinerup iluani pitsaaliuinermi tunngaviusut nalinginnaasut malinneqassapput, Kalaallit Nunaanni sullivinnik nalilersuineq pillugu nalunaarummut ilanngussani allaqqasutut.

Nutaami § 2 a, imm. 1-imi piginnaatitsissut, sulinerup pilersaarusiorneqarnissaanut aamma aaqqissuunneqarnissaanut sulisitsisup pisussaaffiata atuuttup erseqqissarneqarnissaanut atorneqassaaq, taamaalillutik sulisut ajoqusersimasut sulianik ingerlatsinerminni mianerineqarnerini aamma sulisut sulinngiffimminni sulinermut atatillugu persuttagaasimasut ilaatinneqassallutik.

Sullivinnik Nakkutilliisoqarfiup suliassai aamma oqartussaqaarfittut piginnaasai pillugit inatsimmi kapitali 12

Aalajangersakkat, Sullivinnik Nakkutilliisoqarfimmut paasissutissanik tunniussisussaataitanermut tunngasut, aammalu Sullivinnik Nakkutilliisoqarfiup aalajangiisinnaaneranut tunngasut, atuutilersinneqassapput, taamaalilluni Sullivinnik Nakkutilliisoqarfik sulinermut atatillugu sulinngiffimmi persuttaaneq pillugu isumaginninneq aamma pitsaaliuineq pillugit aalajangiisinnaanngortillugu il. il. Tamatuma saniatigut Sullivinnik Nakkutilliisoqarfiup nipangiusimasqaartussaataitanera pillugu malittarisassanik atuutilersitsisoqassaaq.

Maalaaruteqarsinnaaneq pillugu inatsimmi kapitali 13

Sullivinnik Nakkutilliisoqarfiup aalajangiineri pillugit maalaaruteqarsinnaanermut § 64-imi aalajangersagaq, sulinermut atatillugu sulinngiffimmi persuttaanerit pillugit aalajangiinernut aamma atuuttussanngortillugu atuutilersinneqassaaq.

Pinerluttulerinermi pineqaatissiisarnerit pillugit inatsimmi kapitali 14

Kapitalimi aalajangersakkat tamakkerlugit atuutilersinneqassapput, taamaalilluni malittarisassanik unioqqutitsinernut imaluunniit Sullivinnik Nakkutilliisoqarfiup sulinermut atatillugu sulinngiffimmi persuttaasoqarsinnaaneranik pitsaaliuinissamik aamma isumaginninnissamik peqqussutaanik naammassinninnginnernut pinerluttulerinermi pineqaatissiisoqarsinnaanngortillugu, sulinermut atatillugu sulinerup nalaani persuttaasoqarsimaneratuulli.

§ 2 a, imm. 2-mi nutaami piginnaatitsissut, malittarisassanik aalajangersaanermut atorneqassaaq, sulisitsisumut pisussaaffiliisunik, imm. 1-imi taaneqartunik kapitalinik tunngaveqarluni aalajangersarneqarsinnaanngitsunik. § 2 a, imm. 2 malillugu sulisitsisup pisussaaffigissavaa:

– sulinermut atatillugu sulinngiffimmi persuttaanermut aammalu persuttaasinnaaneq sioqqullugu siunertamut naapertuuttumik pisunik isumaginninnermut najoqqutassanik aalajangersaaneq aamma ilitsersuineq, sulinermut atatillugu sulinngiffimmi persuttaasoqarsinnaanera navianaataappat, aamma

– atorfilittaq neqeroorfigissallugu, sulinermut atatillugu sulinngiffimmini persuttarneqarsimasoq, pisumik politiinut unnerluussisinnaanermut ikiorneqarnissaanik, sulisitsisoq pisimasoq pillugu ilisimasaqalersimaguni.

Nutaami § 2 a, imm. 3-mi piginnaatitsissut, inatsimmi kapitali 2-4-mi aalajangersakkat atuutilersinneqarnissaannut atorneqassaaq, taamaalillugit isumannaassuseq aamma peqqinneq pillugit suleqatigiinnermut, sulisitsisup pisussaaffii nalinginnaasut pillugit aamma sulianik ingerlatsineq pillugu aalajangersakkat aamma malittarisassanut § 2 a, imm. 2 malillugu atuutilersinneqarsimasunut atuutilersillugit.

§ 2 a, imm. 3 nutaaq, aamma kapitali 12-14-imi aalajangersakkat atuutilersinneqarnissaannut atorneqassaaq. Sulinermut atatillugu sulinngiffimmi persuttaaneq pillugu malittarisassat nutaat, tak. § 2 a, imm. 2, sulinerup nalaani persuttaanermut naligiissinneqassaaq, sualummik pineqartillugit Sullivinnik Nakkutilliisoqarfiup peqqussuteqarsinnaanermut periarfissaa, sulisitsisup sulinermi ajoqusernernik il. il. nalunaaruteqartussaataitanera, maalaaruteqarsinnaaneq aammalu pinerluttulerinermi pineqaatissiinerit.

Ilimagineqarpoq, sulinermut atatillugu sulinngiffimmi persuttaasoqarsinnaaneranut navianaat, suliffeqarfinni sulinermi persuttaasoqarsinnaaneranut navianaateqarfiusuni siumorneqarsinnaanerusoq, tassa sulinerup nalaani. Taamaattumik suliffeqarfiit tamarmik inatsisissatut siunnersuutitigut eqqorneqassanngillat. Sulinermut atatillugu sulinngiffimmi atorfilittanut persuttaasoqarsinnaanerannut navianaateqanngippat, taava inatsisissatut siunnersuutip kingunerisaanik sulisitsisoq immikkut iliuuseqassanngilaq.

Nutaani piginnaatitsissutini § 2 a, imm. 1-imi aamma 3-mi, inatsimmi kapitali 5-11 ilaatinneqanngillat, aammalu taamaalilluni piginnaatitsissut suliffiup aaqqissugaanera, akussat aamma atortussat, qasuersaarnissamut piffissaq aamma ulloq sulinngiffiususaaq, inuusuttut 18-it ataallugit ukiullit imaluunniit nakorsanit misissorneqarnerit il. il. pillugit aalajangersakkanik atuutilersitsinissamut atorneqarsinnaanani.

§ 2 a, imm. 1-imi aamma 2-mi piginnaatitsissut nutaaq, sulisitsisup suliffiup avataani pitsaaliuineq pillugu suliniuteqarnissamut pisussaaffilerneqarnissaanut atorneqassanngilaq. Taamaalilluni piginnaatitsissut atorfilittat namminneq inuunerannut tunngatillugu imaluunniit sulinngiffimmi sulinerinannut tunngatillugu sulisitsisup pisussaaffilerneqarnissaanut atorneqassanngilaq, tassunga

ilagitillugit atorfilittap angalanermini aqutigisaanut tunngatillugu, ineqarneranut tunngatillugu, pisiniariaasianut tunngatillugu, sukisaarsaataanut tunngatillugu, ilaqutaqarneranut tunngatillugu imaluunniit assigisaanut tunngatillugu.

2.2. Suliffeqarfiup isumannaassuseq aamma peqqinneq pillugit suliniutaanut tunngatillugu allanngortitsisinnaaneq annertusisaq

2.2.1. Isumannaassuseq aamma peqqinneq pillugit suleqatigiinneq

2.2.1.1. Inatsisit atuuttut

Sullivinni avatangiisilerinerup iluani ileqquvoq, suliffeqarfinni avatangiisit pillugit sulineq sulisitsisup, sulinermik aqutsisut aammalu atorfilittat suleqatigiinnerisigut ingerlanneqartanera. Sullivimmi avatangiisinut inatsisip siunertaanut naapertuuttumik inatsimmi kapitali 2-mi, isumannaassuseq aamma peqqissuseq pillugit suliffeqarfiup sulineranut malittarisassanik ilusilersugaqarpoq, suliffeqarfiup nammineq avatangiisinik isumannaatsunik aamma peqqissunik pilersitsinissamut suliniutaanut atatillugu qitiusutut inissisimasunik. Pissusissamisoortutut malitsiuvoq, suliffeqarfiit sullivimmi avatangiisit pillugit namminnek suliniutaasa qitiuneranni, inatsimmi kapitali 2 malillugu suliffeqarfinni susasaqartut tamarmik isumannaassuseq aamma peqqinneq pillugit suleqatigiinnermi namminersorlutik peqataanissamut pisussaaffeqarput, soorlu tamatuma saniatigut sulisitsisup isumagisussaagaa suleqatigiittoqarsinnaanera.

2.2.1.2. Beskæftigelsesministeriap isumaliuutersuutai

Inatsimmik allannguinerimi suleqatigiinnissamut pisussaaffik erseqqissarneqaqqissaassaaq. Aaqqissuussineq nutaaq pillugu allatami, suleqatigiilluarnek qitiuvoq pitsaanerusumik aalajangiinissamut tunngaviliisarmat aammalu aalajangiinerit pitsaanerusumik naammassineqarnissaannut tunngaviliisarmat. Tatigeqatigiinnermik pilersitsisarpoq, naleqarnerulersitsisarpoq aammalu sulinermut nuannequtaasarluni, sulisitsisut, aqutsisut aammalu atorfilittat suliaassanik ataatsimoorussineq misigigaangamikku, aammalu ataatsimoorussamik aaqqiissutissanik ineriartortitsineq suleqatigiissutigineqaraangat.

2.2.1.3. Aaqqissuussineq siunnersuutigineqartoq

Siunnersuutigineqartoq nutaaq § 3 b atorlugu, siunissami sullivimmi avatangiisit pillugit kattunnissamut suleqatigiinneq qitiutillugu aallaaveqarnissaq aalajangerneqarpoq. Kapitalip qulequtaani taaguutip aammalu aalajangersakkani attuumassuteqartuni siunnersuutigineqarpoq ”Suliffeqarfiup isumannaassuseq aamma peqqinneq pillugit sulinera” ”isumannaassuseq aamma peqqinneq pillugit suleqatigiinneq”-mut allanngortinneqassasoq, taamaalillutik aaqqissuussineq

pillugu malittarisassat immikkuualuttuisa tamarmik maanna nassuiarlugit suliffeqarfiup iluani suleqatigiinneq pillugu aaqqissuussaanerit. ”Sullivimmi avatangiisit pillugit kattuffik”-mik taaguut atorineqassaaq maanna atorineqartumut ”isumannaassuseq pillugu kattuffik”-mut taarsiullugu. Kiisalu inatsimmi isumannaassuseq pillugu kattunneq pillugu taaguutit allat nutarsarneqassapput, ”isumannaassuseq pillugu sinniisoq”-p ”sullivimmi avatangiisit pillugit sinniisoq”-mut, ”isumannaassuseq pillugu suleqatigiissitaq”-p ”sullivimmi avatangiisit pillugit suleqatigiissitaq”-mut aammalu ”isumannaassuseq pillugu ataatsimiititaliaq”-p ”isumannaassuseq pillugu ataatsimiititaliaq”-mut allanngortinneqarnerisigut.

2.2.2. Suliffeqarfiit isumannaassuseq pillugu kattuffeqanngitsut

2.2.2.1. Inatsisit atuuttut

Sullivinni avatangiisinut inatsimmi § 4-mi nassuiaatigineqarpoq, suliffeqarfinni 1-9-nik atorfilittaqtuni isumannaassuseq aamma peqqinneq pillugit sulineq.

Pingaarnertut malittarisassaavoq, suliffeqarfinni 1-9-nik atorfilittaqtuni isumannaassuseq aamma peqqinneq pillugit sulinermut tunngatillugu pisortatigoortumik aaqqissuussisoqassanngitsoq. Tamatumunnga taarsiullugu isumannaassuseq aamma peqqinneq pillugit sulineq sulisitsisup, aqutsisuusinnaasut aammalu atorfilittat akornanni ataavartumik attaveqatigiinnikkut aamma oqaloqatigiinnikkut ingerlanneqartassaaq. Ilaatigut suleqatigiinnermi atorfilittat sullivimmi avatangiisinut tunngatillugu tusarnaarneqartassapput aammalu ilisimatinneqartarlutik.

Ullumikkut suliffeqarfiup aalajangersimasumik suliaqarfigisartagaata avataani utaqqiisaagallartumik imaluunniit sumiiffitsigut nikerartuni suliffinni isumannaassuseq aamma peqqinneq pillugit sulinerup aaqqissuunneqarnissaanut immikkut ittunik malittarisassaarpoq, tassunga ilagitillugu sanaartorneq. Aammattaaq talittarfinnut, allaffinnut, niuernermit aamma allaffissornermit kiisalu hold-ikkaartumik paarlakaalluni suliffiusunut immikkut ittunik malittarisassaarpoq.

2.2.2.2. Beskæftigelsesministeriap isumaliuutersuutai

Suliffeqarfinni mikisuni maannakkut suleqatigeeriaaseq attatiinnarneqarusuppoq. Taamaattoq beskæftigelsesministerip kissaatigivaa, suliffeqarfinni mikisini suleqatigiinneq nukittorsarneqassasoq, suliffeqarfinni ataasiakkaani qanoq suleqatigiinnerup aaqqissuunneqarnissaanut aaqqissuussaanagerusumik isummersortoqartarneratigut aamma ataatsimoorutigalugu isumaliuutersuutigineqassasoq suliffeqarfiup sullivimmi avatangiisit pillugit paasisimasaqarneq pisariaqartoq pigineraa.

2.2.2.3. Aaqqissuussaaneq siunnersuutigineqartoq

Inatsisissatut siunnersuummi suliffeqarfinni 10-nik ikinnerusunik atorfilittaqtuni pisortatigoortumik sullivimmi avatangiisit pillugit kattuffummik pilersitsisoqannginnissaanik tunngaviusumik malittarisassaq ingerlateqqinneqarpoq. Taamaalilluni siunnersuutip kingunerivaa, suliffeqarfinni mikinnerusuni sullivimmi avatangiisit pillugit suleqatigiinnermi sulisitsisup aamma atorfilittat akornanni inuttut attaveqatigiinnerup tunngaviuinnarnissaa aammalu, nutaatut, suliffeqarfinni avatangiisit pillugit suleqatigiinnerup pilersaarusiornissaa pillugu ukiumoortumik oqaloqatigiittarnissaq.

Siunnersuutigineqarpoq, suliffeqarfiit 1-9-nik atorfilittaqtut pillugit aalajangersagaq sullivinni avatangiisinut inatsimmi ”Sullivimmi avatangiisit pillugit kattuffik”-mi immikkoortumiilernissaa, naak suliffeqarfiit taakkua pisortatigoortumik isumannaassuseq aamma peqqinneq pillugit aaqqissuussisussaangikkaluartut. Inatsisip kapitali 2-ani aaqqissuussinermik allannguinnikkut tassuunakkut naqissuserneqarpoq, aamma suliffeqarfinni mikinnerusuni sulisitsisut isumannaassuseq aamma peqqinneq pillugit suleqatigiinneq pilersaarusiussagaat aamma aaqqissuutissagaat, naak pisortatigoortumik sullivimmi avatangiisit pillugit kattuffummik pilersitsisoqarsimanngikkaluartuq.

§ 4, naggat 2.-mi piginnaatitsissutitut aalajangersakkatut siunnersuutigineqartoq, maannakkut § 4, naggat 2.-jusumik ingerlatitseqqiineruvoq. Taamaattoq oqaatsitigut erseqqissaaneqarpoq. Piginnaatitsissutitut aalajangersagaq suliffeqarfiup nalinginnaasumik suliaqarfittut sumiiffigisaata avataaniittunik utaqqiisaagallartut imaluunniit nooqattaartut suliaqarfiit pillugit immikkut ittunik malittarisassanik aalajangersaanermut atorneqaannassaaq, tassunga ilagitillugit sanaartorfiit. Siunertarineqarpoq taakkununga suliffeqarfinnut, 5-nik atorfilittaqarnermi, sullivimmi avatangiisit pillugit kattuffummik pilersitsisoqarnissaanik piumasaqaateqaannarnissaq.

Siunnersuutigineqartumi § 6 b-mi suliffeqarfinni ataasiakkaani sulisitsisup, atorfilittat aammalu sulinermut aqutsisuusinnaasut suleqatigiillutik ukiumi tulluuttumi isumannaassuseq aamma peqqinneq pillugit suleqatigiinnissamik aaqqissuussisarnissaq pillugu ukiumoortumik oqaloqatigiittarnissaannut piumasaqaammik nutaamik aalajangersaasoqarpoq. Aammattaaq sulisitsisup, atorfilittat aammalu sulinermut aqutsisuusinnaasut ukiut tamaasa suliffeqarfinni avatangiisit pillugit paasisimasagarneq pisariaqartoq pigineqarnersoq oqaloqatigiissutigisassavaat. Ukiumoortumik oqaloqatigiittarnerup siunertarivaa, suliffeqarfiit mikinnerusut avatangiisit pillugit sulinerinut ikiuutaasumik aamma nukittorsaataasumik suleriaatsimik pisariitsumik pilersitsinissaq. Pisussaaffiit pioreersut aaqqissuussinermi inissinneqarnissaat pineqarpoq. Suliffeqarfiup suleriaatsimik taamaattumik ingerlatsinera sulisitsisup Sullivinnik Nakkutilliisoqarfimmut uppersarsinnaassavaa.

Tamatuma saniatigut siunnersuutigineqarpoq, beskæftigelsesministeri ukiumoortumik oqaloqatigiinnerup uppersarneqarnissaanut piumasaqaateqarnissamut malittarisassanik

erseqqinnerusunik aalajangersaanissamut piginnaatinneqassasoq, oqaloqatigiinnerup pisimaneranik taamaallaat uppersaataasussamik.

2.2.3. Suliffeqarfiit isumannaassuseq pillugu kattuffillit

2.2.3.1. Inatsisit atuuttut

Suliffeqarfinni 10-nik imaluunniit amerlanerusunik atorfilittaqartuni isumannaassuseq aamma peqqinneq pillugit aaqquissuussinnermut malittarisassat atuuttut sullivinnik avatangiisinut inatsimmi § 5-imi aamma 6-imi aammalu Kalaallit Nunaanni suliffeqarfinni isumannaassuseq aamma peqqinneq pillugit nalunaarummi kapitali 2-mi (SIO-nalunaarut) nassaassaapput.

Nalunaarut malillugu, suliffeqarfinni 10-nik imaluunniit amerlanerusunik atorfilittaqartuni, isumannaassuseq aamma peqqinneq pillugit sulineq isumannaassuseq pillugu kattuffimmi aaqquissuunneqassaaq. Tamanna pissaaq, suliatigut aqutsisoqarfinni tamani isumannaassuseq pillugu suleqatigiissitaliornikkut. Isumannaassuseq pillugu suleqatigiissitaq ilaasortaqaassaaq suliaqarfimmut aqutsisumik 1-imik aamma atorfilittat sinniisaattut qinikkamik 1-imik (isumannaassuseq pillugu sinniisoq). Isumannaassuseq pillugu suleqatigiissitaq isumannaassuseq aamma peqqinneq pillugit ulluinnarni sulinnermut tunngatillugu arlalinnik suliassaqaqput aammalu suliuaqarfimminnut tunngatillugu isumannaassutsikkut aamma peqqinnikkut ajornartorsiutit aaqquinniarlugit sulisassallutik. Suliassat SIO-nalunaarummi aalajangersarneqaqput.

Suliffeqarfimmi isumannaassuseq pillugu suleqatigiissitat amerlassusaat tunngaviusumik suliffeqarfimmi sulianut aqutsisoqarfiit amerlassusaat aallaavigalugit amerlassusilerneqassapput.

Suliffeqarfinni 20-nik imaluunniit amerlanerusunik atorfilittaqartuni, isumannaassuseq pillugu suleqatigiissitani ilaasortaasut isumannaassuseq pillugu ataatsimiititaliamik pilersitsissapput, tassani sulisitsisoq siulittaasuussalluni, tamanna isumaqarluni, isumannaassuseq pillugu kattuffik marlunnik qaqqassuseqassalluni. Isumannaassuseq pillugu suleqatigiissitaq pilersaarusiortassaaq, aqutsisassaaq, siunnersuisassaaq aammalu ilisimatitsisassaaq kiisalu suliffeqarfimmi isumannaassuseq aamma peqqinneq pillugu sulineq nakkutigisassallugu. SIO-nalunaarummi isumannaassuseq pillugu ataatsimiititaliap suliassai aamma atuuffia pillugit arlalinnik aalajangersagaqarpoq. Ilaatigut qaammatit pingasukkaalugit ataatsimiittarnissaq, ataatsimiinnarniit imaqqarniliortarnissaq il. il. pillugit piumasaqaateqarpoq.

2.2.3.2. Beskæftigelsesministeriap isumaliuutersuutai

Siunnersuutitigut kissaatigineqarpoq, sullivimmi avatangiisit pillugit sulinerup imarisaanut isiginiarnerunissaq aammalu suliffeqarfiup avatangiisaani pissutsit atuuttut pillugit nalilersuinissaq

kiisalu malittarisassanik pisortatigoortunik aaqqissugaanermut tunngasunik naammassinninniarnermut annikinnerusumik isiginissaq. Aamma suliffeqarfiup aqunneqarnerani sullivimmi avatangiisit pillugit suleqatigiinnerup pingaarnerutinneqarnissaa pisariaqartinneqarpoq.

Suleqatigiinnerup aaqqissuunneqarnissaanut malittarisassat kiisalu atorfilittat aammalu ulluinnarni aqutsisut suleqatigiinnerat qanittoq eqaannerussapput. Tamanna anguneqarsinnaavoq, sullivimmi avatangiisit pillugit kattuffeqarnerup suliffeqarfiit pisariaqartitaannut aammalu aqutsinikkut aaqqissugaanernut tulluarsarneqarnissaanut periarfissanik nutaanik aammalu pitsaanerusunik tunniussaqaarnikkut, suliffeqarfiup allatigut aaqqissugaanernut aamma suliassaanut allanut tunngatillugu tulluarsaalluni, aammalu sulisitsisup imaluunniit sulisitsisumut sinniisup qitiunerusumik atuuffeqalertinneqarneratigut. Suliffeqarfiit angisuut aamma mikisut pisariaqartitaat malittarisassatigut naammassineqassapput.

Taamatuttaaq suliffeqarfinni tamani suleqatigiinneq nukittorsarneqassaaq, suliffeqarfinni sullivimmi avatangiisit pillugit suleqatigiinnerup qanoq ingerlanneqarnissaa pillugu sulinermit aqutsisut aamma sullivimmi avatangiisit pillugit sinniisut suleqatigalugit sulisitsisumit isummerfigineqartaleratigut.

Taamaattumik malittarisassat atuuttut peerneqarnissaat kissaataavoq, pisortatigoortumik aaqqissuussinissamut, isumannaassuseq pillugu ataatsimiinnerit qassiunissaannik il. il. piumasaqaatinik aalajangiisuusut (sullivimmi avatangiisit pillugit ataatsimiititaliamut allanngortinneqartussatut siunnersuutigineqartoq).

2.2.3.3. Aaqqissuussaaneq siunnersuutigineqartoq

Siunnersuutikkut malittarisassat imatut allanngortinneqassapput, suliffeqarfinni 10-nik imaluunniit amerlanerusunik atorfilittaqaartuni suleqatigiinnerit malittarisassat eqaannerusut atorlugit aaqqissuunneqartalerlutik.

Siunnersuut malillugu suliffeqarfinni 10-34-nik atorfilittaqaartuni sullivimmi avatangiisit pillugit kattuffimmik pilersitsisoqassaaq, suliassat pingaaarnerusut aammalu ulluinnarni suliassat isumannaassutsimut aamma peqqissutsimut tunngassuteqaartunik isumaginnittussamik. Sullivimmi avatangiisit pillugit kattuffimmut ilaasortat sullivimmi avatangiisit pillugit sinniisutut qinigaapput aamma sulinermit aqutsisutut toqqagaapput. Sullivimmi avatangiisit pillugit kattuffiup sulinerata pingaaruteqassusia, siulittaasutut atuuffimmik pilersitsinikkut naqissuserneqarpoq, sulisitsisumit isumagineqartussaq imaluunniit taassumunnga sinniisumit.

Suliffeqarfinni 35-nik imaluunniit amerlanerusunik atorfilittaqaartuni sullivimmi avatangiisit pillugit kattuffik marlunnik qaffasissuseqassaaq – suleqatigiissitatigut qaffasissuseq aammalu

ataatsimiititaliatigut qaffasissuseq. Isumannaassuseq aamma peqqinneq pillugit ulluinnarni suliaassat suleqatigiissitamiit imaluunniit suleqatigiissitaniit isumagineqassapput, tamarmik 1-imik toqqakkamik sulinermut aqutsisoqarlutik aammalu 1-imik toqqakkamik sullivimmi avatangiisit pillugit sinniisoqarlutik, maannakkut isumannaassuseq pillugu suleqatigiissitanut assingusumik. Isumannaassuseq aamma peqqinneq pillugit suliaassat pingaarnerusut, pilersaarusiornermut aamma ataqatigiissaarinermut tunngasut suleqatigiissitamit imaluunniit suleqatigiissitanit isumagineqassapput, maannakkut isumannaassuseq pillugu suleqatigiissitanut assingusut.

Sullivimmi avatangiisit pillugit kattuffimmut ilaasortat amerlassusaat sulisitsisup atorfilittat aamma sulinermut aqutsisut suleqatigalugit aalajangersassavai. Suliffimmut tunngatillugu aammalu suliffiup avatangiisaani pissutsinut tunngatillugu piumasaqaatit attuumassuteqartut arlallit kiisalu atorfilittat aammalu sinniisut akornanni qanilaarnermik pisariaqartitsinermik eqqarsaatiginninneq aalajangersaanermi tunngaviliisooqataassapput. Taamaalilluni eqqumaffigineqassaaq, atorfilittat sullivimmi avatangiisit pillugit sinniisunut attaveqarnissamut periarfissaqarnissaat, aammalu atorfilittat sulinerup nalaani sullivimmi avatangiisit pillugit kattuffimmut ilaasortanik sullivimmi avatangiisit pillugit oqaloqatiginninnissamut periarfissaqassapput.

Isumannaassuseq pillugu suleqatigiissitap ukiumut sisamariarluni ataatsimiittarnissaanik aammalu taakkunannga imaqarniliortarnissaanik piumasaqaatit atorunnaarput. Taamatuttaaq ulluinnarni isumannaassuseq pillugu aqutsisoqarnissaanut aammalu pisut ilaanni isumannaassuseq pillugu qitiusumik ataatsimiititaliaqarnissaanut piumasaqaatit atorunnaarput. Taarsiullugu inatsisissatut siunnersuut suliffeqarfinni tamani ukiumoortumik oqaloqatigiittoqartarnissaanut piumasaqaammik imaqarpoq, tassani sulisitsisup, sulinermit aqutsisut aammalu sullivimmi avatangiisit pillugit sinniisut suleqatigalugit, aaqqissuuttassallugu ukiuni aggersuni sullivimmi avatangiisit pillugit kattuffimmi sulinissaq. Sulisitsisup Sullivinnik Nakkutilliisoqarfimmut uppersarsinnaassavaa suliffeqarfiup tamanna suliaqarneq ingerlassimagaa. Uppersarsaneq tamanna, soorlu assersuutigalugu sullivimmik nalilersuinermissinnaavoq imaluunniit allagaatimi immikkoortumi.

Sullivimmi avatangiisit pillugit kattuffiup suliaasaanut kiisalu pisussaaffiitut aammalu ilaasortat pisinnaatitaaffiitut tunngatillugu malittarisassat ingerlateqqinneqarput. Atorfilittat, allaffissornermik il. il. suliaqartut amerlassusaannik nalunaarsuinermit malittarisassat atuuttut aammattaaq allanngortinnagit ingerlateqqinneqarput.

Inatsisissatut siunnersuutikkut aammattaaq sullivimmi avatangiisit pillugit sinniisunik qinersinermut malittarisassat atuuttut ingerlateqqinneqarput. Sulisitsisup sulinermut aqutsisut amerlassusilerlugit toqqassavai, sullivimmi avatangiisit pillugit kattuffimmiittussat aammalu sulinermut aqutsisut toqqakkat iluminni avatangiisit pillugit ataatsimiititaliami ilaasortaasussaq qinissavaat. Sulinermit aqutsisunik aamma sullivimmi avatangiisit pillugit sinniisunik qinersinermut malittarisassat erseqqinnerusut nalunaarutikkut aalajangersaavigineqassapput.

2.2.4. Sulisitsisumut aamma isumannaassuseq pillugu kattuffimmut ilaasortanut pisinnaatitaaffiit aamma pisussaaffiit allat

2.2.4.1. Inatsisit atuuttut

Sullivinnik Nakkutilliisoqarfiup nakkutilliisuutitaata, § 6, imm. 2 atuuttoq malillugu, suliffeqarfimmi pulaarnermini nalinginnaasumik isumannaassuseq pillugu kattuffiup ilaasortai attavigisarpai, aammalu taakkua isumannaassuseq aamma peqqinneq pillugit apeqqutinik saqqummiussinissamut pisinnaatitaaffeqarput.

§ 7, imm. 1-mi atuuttumi, beskæftigelsesministeri ilaatigut isumannaassuseq pillugu sinniisut pisinnaatitaaffii aamma pisussaaffii pillugit malittarisassanik erseqqinnerusunik aalajangersaanissamut piginnaatinneqarpoq. Piginnaatitsineq Kalaallit Nunaanni isumannaassuseq aamma peqqinneq pillugit suliffeqarfinni sulineq pillugu nalunaarummi, kapitali 3-mi, tunngaveqarpoq, taanna sulisitsisup pisussaaffii aamma pisinnaatitaaffii pillugit, isumannaassuseq pillugu sinniisumik qinersinermut, isumannaassuseq pillugu suleqatigiissitat ilinniagaat pillugit aamma isumannaassuseq aamma peqqinneq pillugit sulinermi ulluinnarni aqutsisoq pillugu malittarisassanik imaqarpoq.

§ 7, imm. 2-mi atuuttumi, beskæftigelsesministeri sullivimmi avatangiisit pillugit ilinniartitaanermut malittarisassanik erseqqinnerusunik aalajangersaanissamut piginnaatinneqarpoq, tassunga ilagitillugit sanaartornerup iluani isumannaassuseq aamma peqqinneq pillugit sulinermut ataqatigiissaarisunut sullivimmi avatangiisit pillugit ilinniartitaaneq, ilinniartitsisut piginnaasaat aammalu ilinniartitaanermik neqerooruteqartut pitsaassusaannik qulakkeerinninneq. Piginnaatitsineq Kalaallit Nunaanni sullivimmi avatangiisit pillugit ilinniartitaanerit piumasaqaataasut pillugit nalunaarummi tunngaveqarpoq.

§ 8, imm. 2-4-mi atuuttoq malillugu, sulisitsisoq pisussaavoq isumagissallugu, isumannaassuseq pillugu kattuffimmi ilaasortat isumannaassuseq pillugu sulinermi pisussaaffitik isumaginissaannut piffissaqarluarnissaat, isumannaassutsimut apeqqutinut tunngatillugu ilisimasaqarnerup imaluunniit ilinniagaqarnerup pisariaqartup pigilernissaanut periarfissaqarnissaat, aammalu suliffimmi isumannaassutsimut aamma peqqissutsimut apeqqutinut tunngatillugu pilersaarusiornermut peqataanissamut periarfissaqarnissaat.

§ 10-mi atuuttumi, beskæftigelsesministeri suliffeqarfiit suliamut ilisimasaqarnikkut ikiorteqarnissamut periarfissaqartitsinissaat pillugu malittarisassanik aalajangersaanissamut piginnaatinneqarpoq, tassani atorfilittat isumannaassusaannut aamma peqqissusaannut mianerinninneq qitiutinneqarluni.

2.2.4.2. Beskæftigelsesministeriap isumaliuutersuutai

Beskæftigelsesministerip kissaatigivaa, kapitali 3-mi aamma 4-mi pisinnaatitaaffiit, pisussaaffiit aamma Kalaallit Nunaanni suliffeqarfinni isumannaassuseq aamma peqqinneq pillugit sulineq pillugu nalunaarummi suliassat pillugit aalajangersakkani atuuttut pingaarnertut imarisaat atatiinnarneqarnissaat. Taamaattoq malittarisassanik nutaanik ilusilersuinermi suliat nassuiaataannik nutarsaaneq pisinnaavoq.

Pitsaaliuilluni suliniuteqarnermut siunnersuineq pisariaqarpoq. § 10-mi aalajangersakkatigut nutaajusukkut beskæftigelsesministerip kissaatigivaa inatsisitigut aalajangissallugu, suliffeqarfiit tamarmik avataaniit sulianut ilisimasaqarnikkut siunnersorneqarnissamut pisariaqartitsisut, avataaniit sulianut ilisimasaqarnikkut siunnersuinerмик atuinissamut pisussaaffeqalissasut.

2.2.4.3. Aaqqissuussaaneq siunnersuutigineqartoq

Siunnersuummi § 7, imm. 1 beskæftigelsesministerimut pisussaaffiit aammalu pisinnaatitaaffiit pillugit malittarisassanik aalajangersaanissamut piginnaatitsinerмик atuuttumik ingerlatitseqqiineruvoq. Taamaattoq sullivimmi avatangiisit pillugit kattuffiup ilaasortaasa tamarmik pisinnaatitaaffiini aamma pisussaaffiini aalajangersaaneq aamma ilaatinneqartunngortillugu allanneqarnera annertusineqarpoq, tassa sullivimmi avatangiisit pillugit sinniisunuinnaanngitsoq, kisiannili aamma sullivimmi avatangiisit pillugit kattuffimmi sulinermut aqutsisunut.

Siunnersuutigineqarpoq § 7, imm. 2-mi piginnaatitsinermut aalajangersakkap atorunnaarsinneqarnissaa. Aalajangersakkap imarisaa siunnersuutigineqartumi nutaami § 9 a, imm. 2-mi ingerlateqqinneqarpoq, tassani aalajangersakkamut nutaamut § 9 a, imm. 1-imut tunngatillugu inissisimanera tulluarnerrummat.

§ 8, imm. 5-imi siunnersuutigineqartumi, sullivimmi avatangiisit pillugit kattuffiup ilaasortaasa suleqatigiinnerminnik ataqatigiissaarinissamut periarfissaqarnissaat erseqqissarneqarpoq.

Siunnersuutigineqartumi § 9 a, imm. 1-imi aalajangersagaq nutaajuvoq. Siunnersuutigineqarpoq, sullivimmi avatangiisit pillugit kattuffimmi ilaasortat piumasaqaataasumik sullivimmi avatangiisit pillugit ilinniakkamik naammassinninnissaannik sulisitsisup isumaginninnissamut pisussaaffia, toqqaannartumik inatsimmi allaqqassasoq, maannakkutuunngitsoq Kalaallit Nunaanni isumannaassuseq aamma peqqinneq pillugit sulineq pillugu nalunaarummi taamaallaat allaqqalluni. Sullivimmi avatangiisit pillugit kattuffimmi sullivimmi avatangiisit pillugit sinniisoq aamma sulinermut aqutsisoq pisussaaffeqarput pisinnaatitaallutillu sullivimmi avatangiisit pillugit ilinniakkamik naammassinninnissamut. Ilinniagaq naammassisassaq suliaqarfinnut tamanut atuuppoq aammalu suliffimmi allami atorfininnermut atatillugu nutaamik naammassisassaanani.

Siunnersuutigineqartoq § 9 a, imm. 2, § 7, imm. 2-mi beskæftigelsesministerimut sullivimmi avatangiisit pillugit kattuffimmi ilaasortat piumasaqaataasumik sullivimmi avatangiisit pillugit ilinniagaqarnissaat pillugu, sanaartornermi isumannaassuseq aamma peqqinneq pillugit, sulinermi ataqatigiissaarisunut immikkut sullivimmi avatangiisit pillugit ilinniarnissaat pillugu, ilinniartitsisut piginnaassusaat pillugit aammalu ilinniartitaanermik ingerlatsisut pitsaassusaannik qulakkeerinninneq pillugu malittarisassanik aalajangersaanissamut piginnaatisinermik atuuttumik ingerlatitseqqiineruvoq. Piginnaatitsinerup siunnersuutigineqartup erseqqissarpaa, imarisat, nalunaarneq, neqeroorutit aamma ilinniakkanik naammassinninneq pillugit malittarisassat erseqqinnerusut, kiisalu ilinniartitaanermik ingerlatsisut akuerineqarnerannik aamma pitsaassusaannik qulakkeerinninneq pillugu malittarisassat piginnaatitsinermi ilaatinneqartut.

Siunnersuutigineqartup § 10-p siunertaraa, sulisitsisup suliffeqarfimmi isumannaassutsikkut aamma peqqinnissakkut pissutsinik isumaginninnissamut suliamut pisarialik ilisimasaqarneq nammineerluni piginnikkuniuk, atorfilittat sullivimmi avatangiisitigut tamakkiisumik illersorneqarnissaat qulakkeerniarlugu, suliffeqarfiup avataaniit suliamut ilisimasaqarnermik pissarsinissamut pisussaaffiata erseqqissarnissaa aammalu taamaalillugu inatsisitigut aalajangersarneqarnissaa. Tamatuma saniatigut tamanna pillugu malittarisassanik erseqqinnerusunik aalajangersaanissamut aalajangersagaq tunngaviliivoq.

2.3. Sulisitsisut, nioqqutissanik pilersuisut, attartortitsisartut pisussaaffiik il. il. allannguinerit aamma annertusaanerit

2.3.1. Suliffimmik naliliineq immikkut nakkutigisatut

2.3.1.1. Inatsisit atuuttut

Suliffeqarfiit sullivimmik nalilersuinermik suliaqarnissaannut piumasaqaat (APV), inatsimmi § 11 a, imm. 1-imi, aammalu Kalaallit Nunaanni sullivinnik nalilersuineq pillugu nalunaarummi nr. 1168, 8. oktober 2007-imeersumi aalajangersarneqarpoq. APV-p imarisatigut immikkoortui inatsimmi § 11 a, imm. 2-mi aammalu Kalaallit Nunaanni sullivinni nalilersuineq pillugu nalunaarummi aalajangersarneqarput. Imarisatigut immikkoortuni pineqarput suliffeqarfiit avatangiisaannik suussusersiineq aamma sumiiffilersuineq, suliffeqarfiit avatangiisitigut ajornartorsiutaannik nassuiaaneq aamma naliliineq, suliffeqarfimmi sulinermut atatillugu napparsimanermi najuutinnginnernik ilanngussineq, suliffeqarfiup avatangiisitigut ajornartorsiutaanik aqqiinnissamut iliuusissatut pilersaarummik pingaarnersiuneq aamma inissititerineq kiisalu iliuusissatut pilersaarummik malittarinninnermut najoqqutassat.

2.3.1.2. Beskæftigelsesministeriap isumaliuutersuutai

Suliffeqarfiit pisortatigoortumik allakkatigut APV-mik naammassisaqarniaannarlutik suliaqannginnissaat qulakkeerniarlugu, kisiannili aamma APV aqqutigalugu sullivimmi avatangiisiminni ajornartorsiutiminnik, sullivimmi avatangisinut kattuffik peqatigalugu, ilanngussinissaat aammalu aaqqiinissaat qulakkeerniarlugu, imarisatigut immikkoortut ataasiakkaat ataasiakkaarlugit atuutsinneqarsinnaanerat pisariaqartinneqarpoq.

2.3.1.3. Aaqqissuussaaneq siunnersuutigineqartoq

§ 11 a, imm. 1, naggat 2.-mi ilanngussatigut erseqqissarneqarpoq, APV tassaasoq nakkutilleeriaaseq immikkoortoq, inatsit malillugu Sullivinnik Nakkutilliisoqarfiup misissuineramik aamma nakkutilliinermik pisussaaffiini nalinginnaasuni ilaatinneqartoq.

Ilanngussap assinga danskit sullivimmi avatangiisinut inatsisaannut 2007-mi ikkunneqarpoq. Tunuliaqutaasimavoq, 2005-imi Danmarkimi arbejdsmiljøklagenævnetip (maalaaruteqartarfiup) Sullivinnik Nakkutilliisoqarfimmiit APV-mik suliaqarnissamut peqqussut atorunnaarsimmagu, innersuussutugalugu suliffeqarfiup APV-iata imarisamigut amigaateqarnera, sullivimmi avatangiisitigut ajornartorsiutit aaqqinneqarnissaannut piffissalikkamik iliuusissatut pilersaarummik imaqanngimmat.

Maalaaruteqartarfiup aalajangiineq tunngavilersorpaa imatut, APV pisortatigoortumik piumasaqaatit naammassigaangamigit, imatut paasillugu, suliffeqarfik APV-qarsimasoq, allakkatigut aamma pissarsiarineqarsinnaasumik, aammalu sullivimmi avatangiisit pillugit kattuffik tamatuma saniatigut APV-mik suliaqarnermi ilaatinneqarsimasoq, taava Sullivinnik Nakkutilliisoqarfik APV-p imarisatigut amigaateqarnera pillugu peqqussuteqarsinnaanngitsoq.

Arbejdsmiljøklagenævnetip pingaartissimavaa, APV tassaassanngitsoq nakkutilleeriaaseq immikkoortoq, aammalu imarisatigut amigaatit annertunngitsuusut, piviusumik APV-qannginneranik oqarnissamut.

Ilanngussatigut siunnersuutigineqartukkat inatsisitigut aalajangersarneqassaaq, Sullivinnik Nakkutilliisoqarfiup APV pillugu aalajangersagaq tamakkerlugu atuutsissinnaagaa, tassunga ilagitillugit imarisatigut immikkoortut ataasiakkaat, suussusersiineq aamma sumiiffilersuineq, nassuiaatit aamma naliliineq aammalu iliuusissanut pilersaarummik aaqqissuussineq.

Siunnersuutip allanngortinngilaa, APV tassaasoq suli suliffeqarfiup nammineq atortorissaarutaa, sullivimmi avatangiisit pillugit sulinerminik inissiinissaminut, aammalu suliffeqarfiup nangittumik qinersinnaavai periutsit aamma atortorissaarutit, APV-mik ingerlatsinissaminut atorusutani.

2.3.2. Sullivinnik nalilersuineq (APV) aamma pitsaaliuinermit tunngaviit

2.3.2.1. Inatsisit atuuttut

Inatsimmi § 11 a, imm. 2-p aalajangersarpaa, APV-mi ilaatinneqassasut suliffeqarfiup avatangiisitigut ajornartorsiutai pillugit isummernissaq, aammalu taakku qanoq aaqqinneqassanersut.

Kalaallit Nunaanni sullivinnik nalilersuineq pillugu nalunaarummi nr. 1168, 8. oktober 2007-imeersumi § 3, imm. 2-mi aalajangersarneqarpoq, sullivimmik nalilersuineq, nalunaarummut ilanngussaq 1-imi taaneqartut pitsaaliuinermit tunngaviit alaatsinaannerisigut, suliffeqarfimmi avatangiisitigut ajornartorsiutit pillugit isummerneq ilaatinneqassasoq, aammalu taakku qanoq aaqqinneqassanersut. Aaqqiissutissat pisariaqartut APV-mi taaneqassapput.

Nalunaarummut ilanngussami 1-imi pitsaaliuinermit tunngaviit tulluuttut taaneqarput, Rådetip sulisut sulinermi isumannaassusaannut aamma peqqinnerannut pitsanngorsaataasussamik pineqaatissiinernik pilersitsineq pillugu peqqussutaanik 89/391/EØF-imik aallaaveqartut (sinaakkutitut peqqussut):

1. Navianaataasunik pinngitsoortitsineq.
2. Navianaataasunik nalilersuineq, pinngitsoortinneqarsinnaanngitsunik.
3. Navianaatip aallaaviani akiornera.
4. Sulinerup inummut tulluarsarnera, sulliviup ilusilersorneqarnera pinerullugu kiisalu sulinermit atortorissaarutissanik aamma sulinermit aammalu tunisassiornermit periutsinik toqqaaneq, annerusumik assigiiaarpallaartumik aammalu ataasiinnarmik sukkassuseqarluni sulinissaq killilerumallugu aammalu taamatut sulinerup peqqinnermit sunniutai minnerpaaffianiitinniarlugit.
5. Teknikkikkut ineriartormik eqqumaffiginninneq.
6. Ulorianartut uloriananngitsunik imaluunniit ulorianannginnerusunik taarserlugit.
7. Pitsaaliuinerup pilersaarusiornera imminut ataqatigiissutut iluittuutinniarlugu, pitsaaliuinermit teknikki, sulinermit aaqqissuussineq, sulinermit atukkat, inooqataanermit attaviit aammalu sullivimmi avatangiisitigut pissutsinik sunnerneqarneq.
8. Ataasiakkaanik illersuineq pinnagu ataatsimulli illersuineq pillugu pineqaatissiinernik akuersineq.
9. Sulisunik ilitersuineq naapertuuttoq.

2.3.2.2. Beskæftigelsesministeriap isumaliuutersuutai

Naak nalunaarutikkut aalajangersarneqareeraluartoq, pitsaaliuinermit tunngaviit qulaani taaneqartut alaatsinaannerisigut APV-p ingerlanneqarnissaa, Danmarkimisuulli inatsisitigut piumasaqaat aalajangersarneqarsimasariaqarpoq.

Tamanna suliffeqarfinni avatangiisitigut ajornartorsiutit pitsaaliorneqarnissaannut APV-p atortussatut annerusumik atuuffeqarnissamut ineriartortinnissaanut sunniuteqassaaq.

2.3.2.3. Aaqqissuussaaneq siunnersuutigineqartoq

Siunnersuutigineqarpoq erseqqissarneqassasoq, APV-mik suliaqarnermut atatillugu, imarisatigut immikkoortut tunngaviusut sisamaasut saniatigut, tak. inatsimmi § 11 a, imm. 2, nr. 1-4, suliffeqarfiup avatangiisitigut ajornartorsiutaanik pitsaaliuinermi nalilersuisoqarnissaa aamma isummertoqarnissaa, taamaalillutik aaqqissutissat pisariaqartut, aallartinneqartut, pitsaaliuinermi tunngaviit, sullivimmi avatangiisinut inatsimmi taaneqartut mianeralugit ingerlanneqarlutik.

Pitsaaliuinermi tunngaviit, tassunga atatillugu eqqarsaatigineqartut, tassaapput pitsaaliuinermi tunngaviit nalinginnaasut, artikel 6, imm. 2-mi taaneqartut, Rådetip sulisut sulinermi isumannaassusaannut aamma peqqinnerannut pitsanngorsaataasussamik pineqaatissiinernik pilersitsineq pillugu peqqussutaani 89/391/EØF-imi (sinaakkutitut peqqussut).

§ 11 a, imm. 2, naggat 1.-imi ilanngussatigut, erseqqissarneqarpoq, APV – sullivimmi avatangiisitigut ajornartorsiutit pillugit isummernermik ilaqarnerata saniatigut – aamma isummerfigineqassasoq, qanoq aaqqiissutissatut siunnersuutit ilusilernerqarsinnaanerata, qulakkeerniarlugu, aaqqissutissat pitsaaliuinermik isiginneriaatsimik ilaqarnissaat.

Qulakkeerneqarportaaq, suliffeqarfik APV-mik nutarsaanermut pisartussamut atatillugu, sulinermi allannguisoqaraangat il. il., isumannaassutsimut aamma peqqinnermut attuumassuteqartunik, ullumikkumut sanilliullugu sullivimmi avatangiisinut tunngatillugu, pitsaaliuinermik annerusumik isiginninneq pisassasoq, soorlu assersuutigalugu nutaanik maskiinataarnermi, suleriaatsinik aamma periaatsinik allannguinermi il. il.

2.3.3. Sanaartortitsisup pilersaarusiorterata, killiliinerata aamma ataqatigiissaarinerata siunertanut naapertuunnissaannut sulisitsisup peqataasussaataitanera

2.3.3.1. Inatsisit atuuttut

Sullivinni avatangiisinut inatsimmi § 15 naapertorlugu, sulisitsisut suliffiusuni sulisunut tamanut sulinermi atukkanik isumannaatsunik aamma peqqinnartunik pilersitsinissaq pillugu suleqatigiinnissamut pisussaaffeqarput, sulisitsisut arlallit suliaqartitsiviini. Inatsimmi § 32, imm. 1 naapertorlugu, sulisitsisut tassunga tunngatillugu tamarmik immikkut sulinerup

pilersaarusiornissaanut aamma aaqqissuunnissaanut pisussaaffeqarput, tamakkiisumik isumannaassutsikkut aamma peqqinnissakkut illersorneqarsinnaasumik ingerlanneqarnissaa pillugu.

2.3.3.2. Beskæftigelsesministeriap isumaliuutersuutai

Inatsisip atuuttup kingunerinngilai, sanaartorfimmik pilersaarusiorneq, killiliineq aamma ataqatigiissaarineq malillugu sulisitsisut aaqqissuussinnissaat imaluunniit manerinninnissaat, inatsimmi § 31 malillugu sanaartortitsisup naammassissallugu pisussaaffigisaanik. Taamatuttaaq inatsimmi piginnaatitsinermut aalajangersakkani taaneqanngilaq, sanaartortitsisup sanaartorfimmik pilersaarusiornierata, killiliinerata aamma ataqatigiissaarinerata siunertarisaq malillugu ingerlanissaannut sulisitsisup peqataanissamut pisussaaffia pillugu malittarisassanik erseqqinnerusunik aalajangersaasinnaaneq, tassunga ilagitillugu sulisitsisut sanaartortitsisup ataqatigiissaarisuisa innersuussutaannik eqqumaffiginninnissaat.

2.3.3.3. Aaqqissuussaaneq siunnersuutigineqartoq

Siunnersuutigineqartumik § 15 a-mik ersersinneqarpoq aamma erseqqissarneqarpoq, sulisitsisut aamma namminersortut atofilittaqanngitsut, sanaartortitsisup pilersaarusiornierata, killiliinerata aamma ataqatigiissaarinerata siunertaq malillugu ingerlanissaanut peqataanissaat, tassunga ilagitillugu ilaatigut, sanaartortitsisup sanaartorfimmi sulinerup pilersaarusiornissaanut aamma ataqatigiissarnissaanut paasissutissat pisariaqartitai sulisitsisut tunniutissagaat.

Siunnersuutikkut beskæftigelsesministeri aamma sanaartortitsisup pilersaarusiornieranut, killiliineranut aamma ataqatigiissaarineranut tunngatillugu sulisitsisup pisussaaffii pillugit malittarisassanik erseqqinnerusunik aalajangersaanissamut piginnaatinneqalissaaq. Naatsorsuutigineqarpoq, piginnaatitsineq imatut pilersinneqassasoq, sanaartortitsisup ataqatigiissaarisuisa innersuussutaannik sulisitsisut eqqumaffiginninnerannik kinguneqarluni.

Aammattaaq siunnersuutigineqarpoq, § 2, imm. 3, nr. 1-ip allanngortinnissaa, taamaalilluni siunnersuutigineqartoq § 15 a aamma sulinernut sulisitsisumut sullissinerunngitsunut atuutilersillugu. Siunnersuummi nr. 8 pillugu oqaaseqaatinut immikkut ittunut innersuussisoqarpoq.

2.3.4. Isumannaassuseq aamma peqqinneq pillugit suliaqarnermi napparsimalluni takkutinngitsoornernik sulisitsisup ilaatitsinissamut pisussaaffia

2.3.4.1. Inatsisit atuuttut

Sullivimmi avatangiisinut inatsimmi § 1-imi aalajangersarneqarpoq, inatssisip ilaatigut siunertarigaa, suliffeqarfiit namminneq isumannaassutsimut aamma peqqissutsimut apeqqutitut tunngatillugu

aaqqiisinnaanissaannik tunngavissiinissaq. Sulinermut atatillugu napparsimaneq pissutigalugu takkutinngitsoortarnerit ikilisarneqarnissaat inatsisip atorneqarfissaata iluaniippoq.

2.3.4.2. Beskæftigelsesministeriap isumaliuutersuutai

Napparsimalluni takkutinngitsoortarnerit qaffasissumik inissisimaneri suliffeqarfimmi isumannaassutsikkut aamma peqqissutsikkut illersorneqarsinnaasumik inissisimasoqannginneranut takussutissaasinnaapput.

Paasissallugu periarfissaajuaannarnavianngilaq, sullivimmi avatangiisit imaluunniit pissutsit allat napparsimalluni takkutinngitsoornermut pissutaanersut. Napparsimalluni takkutinngitsoornerit ikitsuinnaat sullivimmi avtangiisitigut pissutsinik tunngaveqarsinnagaluartut, sullivimmi avatangiisitigut aaqqiissuteqarnerit pineqaatissiissutaapput napparsimalluni takkutinngitsoortarnernik ikilisaaqataasinnaasut.

Sullivimmi avatangiisit pissutigalugit napparsimalluni takkutinngitsoortarnerit ikilisarneqarnissaannut, suliffeqarfiit suliffeqarfimmi napparsimalluni takkutinngitsoornermut iliuuseqartumik inissisimanissaat pillugu, allaffissornikkut malittarisassanik aalajangersaasoqartariaqarpoq.

2.3.4.3. Aaqqissuussaaneq siunnersuutigineqartoq

§ 17 b nutsaami siunnersuutigineqarpoq, beskæftigelsesministeri suliffeqarfimmi isumannaassuseq aamma peqqinneq pillugu sulinermut atatillugu napparsimalluni takkutinngitsoortarnerit eqqumaffiginissaannut sulisitsisunut peqqusinissamut piginnaatinneqassasoq.

Tamatuma kingorna sullivimmi avatangiisit pillugit kattuffiup sulinerminut atatillugu napparsimalluni takkutinngitsoortarnerit eqqumaffigissavai. Ilaatigut sullivimmi nalilersuinermini (APV) napparsimalluni takkutinngitsoortarnerit ilanngunneqassapput. Taamaattumik APV pillugu malittarisassat erseqqinnerusut imaqqassapput, napparsimalluni takkutinngitsoornerup nalilersuinermini ilanngunneqarnissaanut piumasaqaammik.

Siunnersuutikkut siunniunneqanngilaq napparsimalluni takkutinngitsoortarnerit appartinneqarnissaannut sulisitsisut pisussaaffilerneqarnissaat. Pisussaaffik taamaallaat suleriaatsimut tunngavoq, suliffeqarfiup napparsimalluni takkutinngitsoortarnerit sullivimmi avatangiisit pillugit sulinermini ilannguttussaanerini, tassunga ilagitillugu minnerunngitsumik APV-mi.

Sulisitsisup napparsimalluni takkutinnngitsoortarnerit nalilersornissaannut peqqissuseq pillugu paasissutissat pissarsiarinissai atorfilittamut piumasaqaatigisinnaanngilaa, inatsisitigut tamatumunnga tunngavissaqanngimmat, kisianni atorfilittap nammineq piumassutsini atorlugu paasissutissat taamaattut tunniussinnaavai.

2.3.5. Suliffeqarfinni aqutsisut il. il.

2.3.5.1. Inatsisit atuuttut

Kalaallit Nunaanni sullivinni avatangiisinut inatsisip § 17 b-mi imarivaa, sulisitsisup pisussaaffii pillugit inatsimmi aalajangersakkat suliffeqarfiup aqutsisuanut imaluunniit aqunneqarneranut peqataasumut aamma atuuttuunerat pillugu aalajangersagaq.

Aalajangersakkap siunertaraa isumannaassallugu, suliffeqarfimmi il. il. aqutsisunut, tassunga ilagitillugit pisortanut aammalu siulersuisunut ilaasortanut pinerluttulerinermi pineqaatissiisoqarsinnaanissaa sullivinni avatangiisinut inatsimmik unioqqutitsinermut, pineqartut akisussaaffigisaannik imaluunniit peqataaffigisaannik.

Aalajangersakkap kingunerivaa, sulisitsisup pisussaaffii pillugit inatsimmi aalajangersakkat assinganik atuutissasut inummut, suliffeqarfimmik aqutsisuusumut imaluunniit aqutsinermut peqataasumut.

Tamatuma aamma kingunerivaa, pineqartunut inunnut pinerluttulerinermi pineqaatissiinerit nalilersorneqassasut, malittarisassat sulisitsisumut atuuttut malillugit.

2.3.5.2. Beskæftigelsesministeriap isumaliuutersuutai

Kalaallit Nunaanni sullivinni avatangiisinut inatsimmi atuuttumi 17 b-p atorunnaarsinneqarnissaanut siunnersuutip kingunerisaanik, suliffeqarfimmi il. il. aqutsisuusunut sullivinni avatangiisinut inatsimmik unioqqutitsinermut pinerluttulerinermi pineqaatissiisoqarsinnaanera aalajangersakkami nutaami ingerlateqqinneqartariaqarpoq, unioqqutitsinernut pineqartut akisussaaffigisaannut imaluunniit peqataaffigisaannut.

2.3.5.3. Aaqgissuussaaneq siunnersuutigineqartoq

Siunnersuutigineqarpoq, § 17 b atuuttoq atorunnaarsinneqassasoq aammalu nutaatut §17 c-tut ikkuteqqinneqassasoq. Tamatumuuna isumannaarneqassaaq suli periarfissaanissaa, suliffeqarfimmi il. il. pisortanut sullivinni avatangiisinut inatsimmik unioqqutitsinerit pillugit pinerluttulerinermi

pineqaatissiisoqarsinnaanera, unioqqutitsinernut pineqartut akisussaaffigisaannut imaluunniit peqataaffigisaannut.

2.3.6. Nakkutilliinermut atuakkamik peqarnissamut piumasaqaatip atorunnaarsinneqarnera

2.3.6.1. Inatsisit atuuttut

Kalaallit Nunaanni sullivinni avatangiisinut inatsit § 61, imm. 1-imi aalajangersakkamik imaqarpoq, beskæftigelsesministerip nakkutilliinermi allattuivimmik imaluunniit suliffimmi uppersarsaammik assingusumik peqarnissaanut aamma nakkutilliinermi allattuiviup imaluunniit uppersarsaatip atorpeqarnissaannut aammalu toqqortaatigineqarnissaannut malittarisassanik aalajangersaasinnaanerani. Nakkutilliinermi allattuivik Sullivinnik Nakkutilliisoqarfiup pulaarnerinik aamma aalajangiinerinik il. il. uppersarsaannermut atorpeqassaaq. Aalajangersagaq nalunaarutikkut pilersinneqanngilaq. Nakkutilliinermi allattuiveqarneq pillugu aalajangersagaq 1986-imi Kalaallit Nunaanni sullivinni avatangiisinut inatsisikkut eqqunneqarpoq.

Taamatuttaaq inatsit § 42, naggat 2.-mi force majeure-qarneranut atatillugu ullormut qasuersaarnerup aammalu sapaatip akunneranut ulloq ataaseq sulinngiffeqarnerup nakkutilliinermi allattuivimmut allanneqarnissaannut imaluunniit assingusumik uppersarsarneqarnissaat pillugu malittarisassanik saneqqussinissamut aalajangersakkamik imaqarpoq.

2.3.6.2. Beskæftigelsesministeriap isumaliuutersuutai

Sullivimmi avatangiisinut inatsimmi Sullivinnik Nakkutilliisoqarfiup pulaarneri, aalajangiineri il. il. nakkutilliinermi allattuivimmut allanneqarnissaat pillugu aalajangersakkat nalunaarutikkut pilersinneqanngillat aammalu nalinginnaasumik atorpeqaratik. Taamaattumik naapertuutinngilaq inatsimmi ilaatinneqarnissaat.

Malittarisassaq 1986-iminngaanneerpoq aammalu aalajangersagaq nutaanngilisimastutut nalilernerqarpoq, Sullivinnik Nakkutilliisoqarfik ullumikkut annerusumik digitalimik suliffeqarfinnut attaveqartarmat. Taamaattumik § 61, imm. 1-imi aalajangersakkap atorunnaarsinneqarnissaa nangaassutissartaqanngitsoq nalilernerqarpoq aammalu, tamatuma kingunerisaanik § 42, naggat 2.-mi aalajangersagaq allannortinneqassaaq, taamaalluni force majeure-qarneranut atatillugu ullormut qasuersarneq aammalu sapaatip akunneranut ulloq ataaseq sulinngiffeqarneq pillugu malittarisassanik saneqqussinerit taamaallaat allakkatigut uppersarsarneqarnissaat piumasaqaataalerluni.

2.3.6.3. Aaqquissuussaneq siunnersuutigineqartoq

Siunnersuutigineqarpoq, § 61, imm. 1-ip atorunnaarsinneqarnissaa. Tamatuma kingunerisaanik siunnersuutigineqarpoq, § 42-mi nakkutilliinermi allattuivimmuut innersuussineq atorunnaassasoq (ullormut qasuersaernerup aammalu sapaatip akunneranut ulloq ataaseq sulinngiffeqarnerup nakkutilliinermi allattuivimmuut allanneqarnissaannut malittarisassanik saneqqussineq) aammalu saneqqussinerup allakkatigut uppersarsarneqarnissaanik taarserneqassasoq. Siunnersuutitigut inatsiseqartitsinermi pissutsitigut allannguisoqarnissaa siunertaanngilaq.

2.3.7. Aalajangiinerit pillugit sulisitsisup akissutaa

2.3.7.1. Inatsisit atuuttut

Inatsimmi § 61, imm. 2-mi, aalajangersarneqarpoq, sulisitsisoq Sullivinnik Nakkutilliisoqarfiup allakkatigut peqqussuteqarneranut atatillugu piffissaliussap iluani akissuteqarnissamut piumasaqaammik naammassinnissasoq.

2.3.7.2. Beskæftigelsesministeriap isumaliuutersuutai

Aqqissuussinermik Danmarkimi atuuttumut assingusumik eqqussisoqartariaqarpoq, tamatuma kingorna sulisitsisoq Sullivinnik Nakkutilliisoqarfiup aalajangigai pillugit allakkatigut akissuteqartalissalluni, Sullivinnik Nakkutilliisoqarfik tamatuminnnga noqqaassuteqaraangat, aammalu sulisitsisup isumannaassuseq pillugu kattuffimmuut (sullivimmi avatangiisit pillugit kattuffimmuut allanngortinneqartussatut siunnersuutigineqartoq, tak. pkt. 2.2.1.3.-mi siunnersuummuut oqaaseqaatit naliginnaasut) imaluunniit suliffeqarfinni atorfilittanut sinniisumut, isumannaassuseq pillugu kattuffimmik pilersitsinissamut pisussaaffeqanngitsumut, ilisimatitsisassalluni, akissutip imarisaa pillugu.

2.3.7.3. Aaqqissuussaaneq siunnersuutigineqartoq

Siunnersuutigineqarpoq, § 61, imm. 2-p atorunnaarsinneqarnissaa. Siunnersuut nutaamik § 61 a, imm. 1-imik siunnersuuteqarnermut attuumassuteqartutut isigineqassaaq, tassani ilaatigut siunnersuutigineqarluni aalajangersarneqassasoq, sulisitsisup Sullivinnik Nakkutilliisoqarfiup aalajangiineri pillugit akissuteqartarnissaa, Sullivinnik Nakkutilliisoqarfik tamatuminnnga noqqaassuteqaraangat. Tamanna aaqqissuussinermut atuuttumut assinguvoq, assigiinngissutigalugu erseqqissarneqarmat, akissuteqarneq pisassasoq Sullivinnik Nakkutilliisoqarfik tamatuminnnga noqqaassuteqaraangat. Aamma § 61 a, imm. 2-mi nutaami siunnersuutigineqarpoq, sulisitsisup isumannaassagaa aamma akuerissagaa, sullivimmi avatangiisit pillugit kattuffiup imaluunniit suliffeqarfinni atorfilittanut sinniisup, isumannaassuseq pillugu kattuffimmik pilersitsinissamut

pisussaaffeqanngitsup, akissuteqarnissamut piffissarititaasup qaangiutinnginnerani akissuteqaatip imarisaanik ilisimatinneqarnissaa.

2.4. Sulisut ilaannut aamma suliat ilaannut suliap naammassineqarnissaa pillugu piumasqaatit annertusinerat

2.4.1. Ikiueqqaarneq, inunnik tarnikkut aamma timikkut amigaatilinnik suliaqartitsineq aamma kisimiilluni sulineq

2.4.1.1. Inatsisit atuuttut

Ullumikkut sulliviit aaqqissuunneqarnerannut Kalaallit Nunaannut nalunaarummi, sanaartorfissanik assigisaattullu suliaqarfiusunik aaqqissuussineq pillugu nalunaarummi kiisalu Kalaallit Nunaanni aatsitassanik piiaanermik suliaqarneq kiisalu piiaanissaq siunertaralugu misissueqqaarneq pillugit nalunaarummi timikkut ikiueqqaarneq pillugu malittarisassaqqarpoq.

Aammattaaq sulinermut atatillugu ullumikkut nalunaarutitigut atorfilittat ukiuinik, paasisimasaqassusaannik, sulisinnaassusaannik aamma allatigut pisariaqartitaannik mianerininnissamut aalajangersakkanik peqareerpoq.

Kiisalu, atorfilittaq kisimiilluni sulippat, aammalu sulineq tamanna pineqartumut immikkut ittumik ulorianaateqarsinnaappat, taava ulorianaatip tamassuma pinngitsoortinneqarnissaa siunertaralugu sulinerup aaqqissuunneqarnissaanut nalunaarutikkut aalajangersakkanik peqareerpoq. Ulorianaat tamanna pinngitsoortinneqarsinnaanngippat, taava atorfilittaq kisimiilluni sulisinnaanngilaq.

Kisianni inatsimmi, taamaattunik allaffissornikkut malittarisassanik nalunaarutitigut beskæftigelsesministerip aalajangersaasinnaanermut piginnaatinneqarneranut aalajangersagaqanngilaq.

2.4.1.2. Beskæftigelsesministeriap isumaliuutersuutai

Inatsimmi inatsisitigut isumannaatsuuneq aamma pitsaassuseq eqqarsaatigalugit pingaaruteqarpoq, inatsimmi aallaffissornikkut aalajangersakkanut, aalajangersarneqartunut, erseqqissumik tunngaveqarnissaq. Taamaattumik inatsimmi ersarissumik erseqqissarneqartariaqarpoq, ikiueqqaarneq pillugu aalajangersaanissamut tunngaveqarneq. Tassani pineqarput aalajangersakkat nalunaarutitut pioreersut aammalu siunissami ikueqqaarneq pillugu allaffissornikkut malittarisassat, tassunga ilagitillugu tarnikkut ikiueqqaarneq.

Atorfilittat, sakkortuumik misigisaqarsimasut ima tupaqqatigisinnaapput, naapertuuttumik iliuuseqarsinnaajunnaaqqallutik. Tungiorneqarnissamut aamma pisup oqaluttuarisinnaanissaanut isumaginninnissamut ikiorneqarnissamik atorfissaqartitsisinnaapput. Immaqa ikiorneqarnissaq aamma

tapersorsorneqarnissaaq kissaatigalugit allamut saaffiginninnissamut nukissaaleqissapput. Ajoquserneqarsimasut atorfilittaasinnaapput, nammineerlutik assersuutigalugu persuttarneqarsimasut imaluunniit ajutoorsimasut aammalu atorfilittat pisunut taamaattunut takunnittuusimasut.

Taamaattumik pingaaruteqarpoq, suliffinni sakkortuumik pisoqarfiusinnaasuni, timikkut ikiueqqaarnissamut sillimanerup saniatigut aammattaaq tarnikkut ikiueqqaarnissamut sillimasoqaruni. Taamaattumik timikkut ikiueqqaarneq pillugu piginnaatitsinermik aalajangersagaq nutaaq, sulisitsisup tarnikkut ikiueqqaarneq pillugu pineqaatissiissutinik aalajangiinissamut pisussaaffilerneqarnissaanut aalajangersagaliornermut atorneqarsinnaasariaqarpoq, sulisut sakkortuumik misigisaqarsinnaanerit immikkut navianaataappat.

Taamatuttaa inatsimmi allaffissornikkut aalajangersakkanik tunngaveqarneq eqqarsaatigalugu, inuit timikkut imaluunniit tarnikkut amigaatillit imaluunniit anniaatillit, sulitinneqarnerat pillugu beskæftigelsesministerip malittarisassanik erseqqinnerusunik aalajangersaasinnaaneranut erseqqissumik piginnaatitsisummik inatsimmi ikkussisoqartariaqarpoq, ajutoornissamut imaluunniit napparsimalernissamut kinguneqarsinnaasut sulinerit ilaat pineqartillugit, aammattaaq sulisut kisimiillutik sulinissaannik killiliisinnaaneq pillugu malittarisassanik aalajangersaasinnaaneranut.

2.4.1.3. Aaqqissuussaaneq siunnersuutigineqartooq

Siunnersuutigineqarpoq, § 33-imi normu 4-mik nutaamik ikkussisoqassasoq, sulinerup tamakkiisumik illersorneqarsinnaasutut pilersaarusiorneqarsimasutut, aaqqissuunneqarsimasutut aammalu ingerlanneqarsimasutut isigineqarnissaa pillugu ikiueqqaarnerup piumasaqaatit naammassisariaqartut ilaalernissaa pillugu beskæftigelsesministerip malittarisassanik erseqqinnerusunik aalajangersaanissamut piginnaatinneqarnissaa pillugu. Siunnersuutikkut ikiueqqaarneq pillugu malittarisassanik erseqqissumik tunngavissiisoqarpoq, sulliviit aaqqissuunneqarnerannut Kalaallit Nunaannut nalunaarummi, sanaartorfissanik assigisaattullu suliaqarfusunik aaqqissuussineq pillugu nalunaarummi kiisalu Kalaallit Nunaanni aatsitassanik piiaanermik suliaqarneq kiisalu piiaanissaa siunertaralugu misissueqqaarneq pillugit nalunaarummi pioersunik. Tamatuma saniatigut ikiueqqaariaatsit allat pillugit nalunaarutitut ilusiliilluni malittarisassanik aalajangersaasinnaaneq periarfissanngussaaq, tassunga ilagitillugu ikiueqqaarneq nalinginnaasoq pillugu, tassa sulliviit aaqqissuunneqarnerat imaluunniit atortorissaarusugaanerit pillugu piumasaqaatinut attuumassuteqartitsiffiunngitsumik.

Sullivimmi avatangiisinut inatsimmi timikkut aamma tarnikkut avatangiisit ilaatinneqarmata, ikiueqqaarneq pillugu malittarisassamik aalajangersaasinnaanermut piginnaatitsinerup aamma kingunerissavaa, malittarisassap timikkut ikiueqqaarnissamut malittarisassap matussusernerata saniatigut aamma sakkortuumik misigisaqarnermut atatillugu tarnikkut ikiueqqaarnissap matussuserneqarnissaa.

Piginnaatitsineq tunngavigalugu ikiueqqaarneq pillugu malittarisassamik aalajangersaasoqarsinnaassaaq, suliffeqarfinni sakkortuumik misigisaqarfiusinnaasuni pineqaatissiinernik pisariaqartunik

aallartitsinissamut sulisitsisumut aamma pisussaaffiliisumik, tassunga ilagitillugu isumagalugu, atorfilittat suliamik ingerlatsinerminni sakkortuumik toqqaannartumik imaluunniit takunnittutut misigisaqartitaasimasut, timikkut aamma tarnikkut ikiorneqaqqaarnissamut periarfissaqarnissaat.

Aammattaaq siunnersuutigineqarpoq, § 33, imm. 1-imi, nr. 5-imik nutaamik ikkussinissaq, inuit timikkut imaluunniit tarnikkut amigaatillit ajutoorfiusinnaasumik imaluunniit napparsimalissutaasinnaasumik sulitinneqarnerini suliassat ilaannut tunngatillugu malittarisassanik aalajangersaanissamut beskæftigelsesministerimut piginnaatitsisumik.

Taamatuttaaq siunnersuutigineqarpoq, § 33, imm. 1-imi, nr. 6-imik nutaamik ikkussinissaq, atorfilittat kisimiillutik sulisinnaanermut periarfissaannik killiliinissaq pillugu malittarisassanik aalajangersaanissamut beskæftigelsesministerimut piginnaatitsisumik.

§ 33, imm. 1, nr. 4 atuuttoq siunnersuutigineqarpoq nr. 7-imut nuunneqassasoq, katersuussinnaaneq pillugu aalajangersagartaa siusinnerusukkut aalajangersakkanut immikkuullarissunut eqqaaneqartunut tunngatillugu aalajangersakkap ilusaata pissusissamisoortuutimmagu tulleriissaarinermi, suut piumasaqaatit pillugit beskæftigelsesministerip allaffissornikkut malittarisassanik aalajangersaasinnaaneranani naammassineqarsimanissaanni kingullerpaanngorlugu inissinnissaa, sulinerup piareersaannikkut, aaqquissuunnikkut ingerlanneqarnikkullu tamakkiisumik illersorneqarsinnaasutut isigineqarnissaa siunertaralugu.

2.5. Suliffiup ilusiligaanera, teknikkikkut ikiuutit, akussat aamma atortut il. il. pillugit piumasaqaatinik annertusaaneq aamma erseqqissaaneq

2.5.1. Suliffiup ilusiligaanera

2.5.1.1. Inatsisit atuuttut

Sullivimmi avatangiisinut inatsimmi § 35, imm. 1-ip kingunerivaa, suliffiit aalajangersimasut, utaqqiisaagallartumik suliffiit, suliffiit nikerartut aamma silami suliffiit aaqquissuunneqarnerat pillugu beskæftigelsesministeri malittarisassanik aalajangersaasinnaasoq, tassunga ilagitillugu qaqqani suliffinnut atatillugu pineqaatiisiinerit immikkut ittut.

Inatsimmi erseqqinnerusumik taaneqanngilaq, ministerip suna pillugu malittarisassanik aalajangersaasinnaanera.

Aamma suliffimmut piumasaqaatit sanaartukkanik, ininik, sumiiffinnik il. il. attartortitsisunut atuunnissaat pillugu ministerip malittarisassanik aalajangersaasinnaaneranut piginnaatitsissummik inatsit imaqanngilaq.

2.5.1.2. Beskæftigelsesministeriap isumaliuutersuutai

Suliffik aaqqissuunneqassaaq isumannaassutsikkut aamma peqqinnissakkut illersorneqarsinnaasumik, aamma beskæftigelsesministeri tamanna pillugu malittarisassanik aalajangersaasinnaavoq, inatsimmi § 35, imm. 1-mi piginnaatitsissutitut aalajangersagaq tunngavigalugu.

Siunertamut naapertuuttutut isigineqarpoq, inatsisip – danskit sullivimmi avatangiisinut inatsisaat assigalugu – beskæftigelsesministerip suliffinnut aalajangersimasunut, utaqqiisaagallartumik suliffinnut, suliffinnut nikerartunut aammalu silami suliffinnut tunngatillugu sunik malittarisassanik aalajangersaasinnaaneranut assersuutinik imaqarnera. Taamalilluni erseqqissarneqarluni malittarisassani suut ilaatinneqarsinnaanersut.

Siunertamut naapertuuttutut aamma isigineqarpoq, inatsisip aalajangersakkamik piginnaatitsissummik imaqarnera, tamatuma kingorna beskæftigelsesministeri suliffimmut piumasaqaatit aamma sanaartukkanik, ininik, sumiiffinnik il. il. attartortitsisartunut aamma atuunnissaat pillugu malittarisassanik aalajangersaasinnaalluni. Taamaliornikkut attartortitsisumut toqqaannartumik piumasaqaateqartoqarsinnaavoq.

2.5.1.3. Aaqqissuussaaneq siunnersuutigineqartoq

Siunnersuutigineqarpoq, § 35, imm. 1-mi suliffimmut tunngatillugu beskæftigelsesministeri sunik malittarisassanik aalajangersaasinnaaneranik assersuutinik ikkussinissaq. Suliffinnut aalajangersimasunut, utaqqiisaagallartumik suliffinnut, suliffinnut nikerartunut aammalu silami suliffinnut atuuttussamik.

Taamaalilluni siunnersuutigineqarpoq, § 35, imm. 1-mi allaqqassasoq, ministeri makkua pillugit malittarisassanik aalajangersaasinnaanera:

1. ini suliffik, assersuutigalugu qilaamut portussuseq, inip silaannaqarnera, natit, iikkat, qilaat, qullilersuineq, kiassuseq, silaannarmik nutarsaaneq aammalu nipitussutsit,
2. atugarissaarnissamut pineqaatissiinerit il. il., assersuutigalugu isersimaartarfiit aamma nerisarfii, atisanik nivinngaasarfiit, atisalersortarfiit, perusersartarfiit, asattarfiit aamma uffartarfiit kiisalu sinittarfiit aamma issiaviit, aammalu
3. aninissamut periarfissat, assersuutigalugu aqquserngit angallaviusut, tummeqqat aamma anisarfiit.

Nr. 1-3-mi taakkartuineq tamakkiisuunngilaq, tassani taamaallaat nalinginnaasunik assersuuteqarluni taakkartuisoqarmat. Taamaattumik aamma assersuutigalugu eqqiluisaarnissamut malittarisassanik aalajangersaasoqarsinnaavoq.

Siunnersuutikkut inatsiseqartitsinermi pissutsinik allannguinnissaq siunertaanngilaq.

Siunnersuutigineqarpoq, § 35-mi imm. 3-mik nutaamik ikkussinissaq, tamatuma kingorna beskæftigelsesministeri § 35, imm. 1 naapertorlugu suliffik pillugu malittarisassani aalajangersaasinnaalluni, malittarisassat sanaartukkanik, ininik, sumiiffinnik il. il. attartortitsisunut atuunnissaannik.

Inuutissarsiornermi pigisanik attartortitsisunut imaluunniit attartukkamik attartortitsisunut toqqaannartumik piumasaqaateqarsinnaanissaq siunertaavoq.

2.5.2. Sulisut illersuutaannut aamma sullisinut immikkut ittunut aningaasartuutit

2.5.2.1. Inatsisit atuuttut

Suliat ingerlanneqarnerat pillugu Kalaallit Nunaannut nalunaarut inunnut illersuutitut aamma sullisinut immikkut ittunut aningaasartuutit sulisitsisumit akilerneqarnissaannut aalajangersakkamik ullumikkut imaqarpoq. Kalaallit Nunaanni sullivimmi avatangiisinut inatsimmi inunnut illersuutit aamma sullisit immikkut ittut pillugit beskæftigelsesministerip malittarisassanik erseqqinnerusunik aalajangersaanissaanut piginnaatitsissummik imaqarpoq, kisianni erseqqissummik inatsisitigut tunngaveqarnani taakkua kimik akilerneqarnissaannut tunngatillugu.

2.5.2.2. Beskæftigelsesministeriap isumaliuutersuutai

Inatsimmi inatsisitigut isumannaatsuuneq aamma pitsaassuseq eqqarsaatigalugit pingaaruteqarpoq, inatsimmi allaffissornikkut aalajangersakkanut aalajangersarneqartunut erseqqissumik tunngaveqarnissaa. Taamaattumik inatsimmi erseqqarissumik erseqqissarneqartariaqarpoq, inunnut illersuutitut aamma sullisinut immikkut ittunut aningaasartuutit kimik akilerneqarnissaat pillugu aalajangersakkanik aalajangersaanissamut tunngavissaqarnera.

2.5.2.3. Aaqqissuussaaneq siunnersuutigineqartoq

§ 33, imm. 1, nr. 2-mi aalajangersakkamik allanngortitsinikkut, inunnut illersuutitut aamma sullisinut immikkut ittunut aningaasartuuteqarneq pillugu malittarisassanik erseqqinnerusunik aalajangersaanissamut tunngavissiisoqarpoq.

2.5.3. Taaguut Teknikkikkut ikiuutit

2.5.3.1. Inatsisit atuuttut

Kapitali 6-imi teknikkikkut ikiuutit pillugit aalajangersakkani atuuttuni, taaguut teknikkikkut ikiuutit atornerqarpoq, suut ikiuutit pineqarnerannut tunngatillugu assersuutini taakkartuinertaqanngitsumik.

2.5.3.2. Beskæftigelsesministeriap isumaliuutersuutai

Kapitalip atuuffia erseqqissarniarlugu beskæftigelsesministerip nalilerpaa, Kalaallit Nunaanni sullivimmi avatangiisinut inatsimmi aalajangersagaq oqaatsitigut nalimmassartariaqartoq danskit sullivimmi avatangiisinut inatsisaannut assigiissaarilluni, § 36-mi teknikkikkut ikiuutit nalinginnaanerpaat assersuutit taakkartorneqarnerisigut aammalu erseqqissarlugu inunnut ikiuutit kapitalimi ilaatinneqarnerat kiisalu § 36-mi aamma § 37-mi aalajangersakkani marlunni inunnut ikiuutit ilaatinneqarnerat.

2.5.3.3. Aaqqissuussaaneq siunnersuutigineqartoq

Erseqqissarniarlugu, inunnut illersuutit kapitali 6-imut aamma attuumassuteqarnerat, siunnersuutigineqarpoq »il. il.« kapitalip qulequtaani ilanngunneqassasoq aamma § 37, imm. 1-imi piginnaatitsinermik aalajangersakkami.

§ 36-imi aalajangersakkap allanngortinneqarnissaa siunnersuutigineqarpoq, allanngortitsinermi atortut teknikkikkut ikiuutit nalinginnaanerpaat taakkartorneqassallutik aammalu erseqqissarneqassalluni, inuunnut illersuutit aalajangersakkami ilaatinneqarnerat, Kalaallit Nunaanni sullivimmi avatangiisinut inatsimmi aalajangersakkap oqaatsitigut nalimmassarneqarnerani danskit sullivimmi avatangiisinut inatsisaannut assigiissaarilluni.

2.5.4. Nioqqutissanik pilersuisut il. il. akussanut aamma atortussanut tunngatillugu pisussaaffii

2.5.4.1. Inatsisit atuuttut

Kalaallit Nunaanni sullivimmi avatangiisinut inatsimmi §§ 28 – 29-mi aalajangersarneqarput, nioqqutissanik pilersuisunut, pilersaarusiortunut aammalu siunnersortinut il. il. pisussaaffiit, akussat aamma atortussat isumannaassutsimut aamma peqqinnermut ulorianaateqarsinnaasut imaluunniit ajorseriartitsisinnaasut pineqartillugit. § 39-mi ilaatigut akussat aamma atortussat taamaattut pilersinnerinut, poortorneqarnerinut, nalunaaqutserneqarnerinut, toqqorneqarnerinut, assartorneqarnerinut, atornerqarnerinut, pilersinneqaqqusaannginnerinut, akussanik ulorianannginnerusunik taarserneqarnissaannut kiisalu atornerqarnissaannut akuersissuteqarnissamut malittarisassanik erseqqinnerusunik aalajangersaasinnaanermut tunngaveqarpoq.

§ 39 sulinermut, sulisitsisoq sinnerlugu sulinerunngitsumut, aamma atuuppoq, inatsimmi § 2, imm. 3, nr. 4-mi allaqqasutut.

2.5.4.2. Beskæftigelsesministeriap isumaliuutersuutai

Ukiuni 15-inini kingullerni nunarsuarmi, akuutissanut aamma akuukkanut ulorianartunut inisseeriaatsimik aamma nalunaaqutseeriaatsimik ineriartortitsisoqarpoq Globale Harmoniserede System-imik (GHS) taaneqartoq akussanik aamma akuukkanik inisseeriaaseq aamma nalunaaqutseeriaaseq, ilaatigut USA-p, Canadap, Japanip, EU-p (tassani taagorneqarluni CLP-peqqussut), Australiap aamma New Zealandip ilannguffigisimasaat.

Nunat arlallit GHS-imut ilanngussimanerat Kalaallit Nunaanni sullivimmi avatangiisinut inatsimmi aalajangersakkamik nalunaaruteqarsinnaanermut aaqqissuussinissamut piginnatitsisumik ikkussinissamut periarfissiivoq, tassani nioqqutissanik eqqussisartut aammalu pilersitsisartut inissiinissamut aamma nalunaaqutsiinissamut siunnersuuteqartassallutik.

2.5.4.3. Aaqqissuussaaneq siunnersuutigineqartoq

§§ 39 a-mi aamma 39 b-mi aaqqissuussaananermik siunnersuutigineqartumik siunertaavoq pitsaanagerusumik tunngaviliinissaq, qulakkeerniarlugu akussat imaluunniit atortussat tunisassiornermi atorineqannginnissaat, inunnut sunniutigisartagaat qulaajarneqarsimatinnagit. Pitsaaliuilluni pineqaatissiinerit pisup sapinngisamik pileqqaarfiani pissapput – sapinngisamik akussat suliffinnut anngutinnginneranni. Siunnersuutip siunertaraa, akussanik aamma atortussanik pilersitsisartut aamma eqqussisartut misissuisarnissamut aammalu misissuineq pillugu Sullivinnik Nakkutilliisoqarfimmut nalunaaruteqartarnissamut inanneqarnissaat. Tamatuma saniatigut atuisunut tunngatilugu, paasissutissiinissamut pisussaaffiup sukaterneqarnissaanut tunngaviliisoqassaaq.

Kalaallit Nunaanni sullivimmi avatangiisinut inatsisip sinaakkusiisutut inatsisitut ilusiligaananut naapertuuttunngorlugit allannguutit piginnaatitsissutitut ilusilersugaapput. Tamanna pisariaqarsimavoq, malittarisassat erseqqinnerusumik aalajangersagassat suleqatigiinnermut taaneqartumut, sukkasuumik aamma eqaatsumik tulluarsarsinnaajumallugit, nunagisami aammalu nunarsuarmi.

Siunnersuutigineqarpoq, §§ 39 a aamma 39 b sulineranut, sulisitsisoq sinnerlugu sulinerunngitsunut, aamma atuutissasut. Taamaattumik siunnersuutigineqarpoq, aalajangersakkat taakku marluk § 2, imm. 3, nr. 4-mi ikkunneqarnissaat, tassani allaqqallutik, akussat aamma atortussat pillugit aalajangersakkat, sulinermut, sulisitsisoq sinnerlugu sulinerunngitsumut, aamma atuuttut.

2.6. Sullivinnik Nakkutilliisoqarfiup suliassaanik aamma atortagaanik allannguiq, annertusaaneq aamma erseqqissaaneq

2.6.1. Misissuinissamut peqqussummut piffissarititaasoq

2.6.1.1. Inatsisit atuuttut

Sullivimmi avatangiisinut inatsisip § 17-imi aalajangersarpaa, Sullivinnik Nakkutilliisoqarfiup piumasarigaangagu, imaluunniit tamatumunnga pissutsit tunngavissaqartitsippata, sulisitsisoq misissuisitsisassasoq, misiliisitsisassasoq aammalu takuniaasitsisassasoq, suliamut immikkut ilisimasalinnit ingerlanneqarsinnaasumik, paasiumallugu sullivimmi avatangiisit isumannaassusaat aamma peqqinnassusaat illersorneqarsinnaasoq.

Aalajangersagaq malillugu, suliffeqarfimmi pissutsinut tunngatillugu pasitsaassaqaqarnermut atatillugu aammalu nalinginnaasumik misissuineriut atatillugu imaluunniit suliaqarfimmi aalajangersimasumi assigisaaniluunniit ataavartumik pissutsinik misissuineriut atatillugu Sullivinnik Nakkutilliisoqarfik misissuisoqarnissaanik piumasaqarsinnaavoq. Aammattaaq aalajangersagaq misissuinerup suliamut immikkut ilisimasalinnit ingerlanneqarnissaanik piumasaqarsinnaanermut tunngaviliivoq.

Misissuineriut il. il. aningaasartuutit sulisitsisumit matussuserneqassapput. Pasitsaassaqaqarnermut atatillugu misissuinerit, silaannarissutsimut, nipiliorneriut aamma sullivimmi tarnikkut avatangiisieqarnermut tunngasunut immikkut attuumassuteqartutut inissisimapput.

Aammattaaq § 17-ip kingunerivaa, sulisitsisoq nammineq suliniuteqarnikkut pisussaasoq – naak tamanna pillugu Sullivinnik Nakkutilliisoqarfimmiit piumasaqaateqartoqanngikkaluartoq – susassaqaqfinni isumannaassutsikkut imaluunniit peqqissutsikkut tamatumunnga piumasaqaateqarfiusuni misissuisitsinissamut. Misissuinissamut pisussaaffik suliamik pilersaarusiornermut, aaqqissuussinermut aamma naammassinninneriut atuuppoq.

2.6.1.2. Beskæftigelsesministeriap isumaliuutersuutai

Sullivimmi avatangiisit pillugit maalaaruteqartarfiup danskit sullivimmi avatangiisinut inatsisaat malillugu suliat ilaanni tikkuarsimavaat, aalajangersagaq malillugu Sullivinnik Nakkutilliisoqarfiup peqqussuteqarnikkut naammassinninnissamut piffissarititaasumik aalajangersaasinnaaneranik tunngavimmik erseqqarissumik aalajangersakkap imaqqannginnera. Aalajangersagaq Kalaallit Nunaanni sullivimmi avatangiisinut inatsimmi aamma danskit sullivimmi avatangiisinut inatsisaanni assigiimmik allassimavoq, taamaalilluni ajornartorsiut aamma Kalaallit Nunaanni sullivimmi avatangiisinut inatsimmi § 17-imut attuumassuteqarluni.

Misissuisoqarnissaanut peqqussutip sulisitsisumit qaqugukkut naammassineqarnissaanut piffissatigut killeqartinnagu aalajangersakkap siullertut ilusaa isumaqanngitsutut pissuseqarpoq. Aammattaaq misissuisoqarnissaanut peqqussut tiguisissamut ersernerluppoq. Taamatuttaaq piffissatigut killeqartinnagu aamma ersernerluppoq, Sullivinnik Nakkutilliisoqarfik misissuinermi pissutsinut paasineqarsinnaasunut tunngatillugu qaqugukkut aalajangiisinnaanera. Tamakkua tunngavigalugit nalilerneqarpoq tassuunakuut aalajangersakkap allanngortinneqarnissaa pisariaqartinneqartoq.

2.6.1.3. Aaqqissuussaaneq siunnersuutigineqartoq

Siunnersuutigineqarpoq, aalajangersagaq allanngortinneqassasoq, taamaalilluni erseqqissumik allaqqalissalluni, § 17 malillugu peqqussutit naammassineqarnissaannut Sullivinnik Nakkutilliisoqarfik piffissarititaasumik aalajangersaasinnaasunngortillugu. Piffissarititaasut aalajangersarneqassapput sullivimmi avatangiisinut inatsimmi § 60 malillugu, tassani ilaatigut pineqarlutik Sullivinnik Nakkutilliisoqarfiup aalajangigaanut tunngatillugu naammassinninnissamut piffissarititaasut.

2.6.2. Data-nik katersuineq, suliarinninneq aamma ingerlatitseqqiineq

2.6.2.1. Inatsisit atuuttut

§ 58 a-mi allaqqavoq, Sullivinnik Nakkutilliisoqarfik inuit pineqartillugit nalunaaruteqartarfikkut sulitilluni ajoqusernerit aamma inuussutissarsiornermi nappaatit pillugit paasissutissat katersorsinnaagai aammalu ataatsimut ingerlatillugit, sutililluni ajoqusernerit pillugit nalunaaruteqarnissamut kiisalu Arbejdsmarkedets Erhvervssikringip sulitilluni ajoqusernerit aamma inuussutissarsiornermi napparsimanerit pillugit datatut tunngavigisassaatur. Paasissutissat katersorneqarsinnaapput misissuinermit aamma nakkutilliinermut tunngatillugu kiisalu paasiniaaneq, pitsaaliuineq aammalu kisitsisitigut paasissutissaateqarnissaq siunertaralugit.

Aalajangersagaq inatsisikkut nr. 461, 15. maj 2017-imeersukkut ikkunneqarpoq atuutilerlunilu 1. juli 2017. Aalajangersakkamut tunuliaqutaavoq, Sulisilluni Ajoqusernerit pillugit Sullissivik-up suliassaasa suliffeqarfimmut imminut ingerlatittumut Arbejdsmarkedets Erhvervssikring-imut nuunneqarneri. Aalajangersakkatigut inatsisitigut pisussaaffiliisoqarpoq, sulitilluni ajoqusernerit pillugit nalunaaruteqartarfikkut Arbejdsmarkedets Erhvervssikring-ip paasissutissanik Kalaallit Nunaanni Sullivinnik Nakkutilliisoqarfimmut ingerlatitseqqiisarnissaanut. Aammattaaq erseqqissumik tunngavissiisoqarpoq, Kalaallit Nunaanni Arbejdsmarkedets Erhvervssikring-ip data-tigut tunngavigisaaniik paasissutissanik Kalaallit Nunaanni Sullivinnik Nakkutilliisoqarfimmut ingerlatitseqqiinnissamut kiisalu Sullivinnik Nakkutilliisoqarfiup paasissutissanik taakkuninnga suliarinninnissaanut, Danmarkimi Arbejdsmarkedets Erhvervssikring-ip aammalu Arbejdstilsynet-ip

akornanni paasissutissanik assingusunik ingerlatitseqqiisalerup aammalu suliarinnittalernerup assinganik. Aalajangersakkamik siunertarineqarpoq qulakkiissallugu, Kalaallit Nunaanni Sullivinnik Nakkutilliisoqarfiup sulitilluni ajoqusernerit il. il. pillugit paasissutissanik Sullivinnik Nakkutilliisoqarfiup nakkutilliineq pillugu pilersaarusiornermik, pitsaaliuilluni suliniuteqarnermut, paasiniaanermik aammalu kisitsisitigut paasissutissaqarnissamik siunertaqarluni suliaqarnermini atuisinnaanissaa, taamaalilluni Kalaallit Nunaanni Sullivinnik Nakkutilliisoqarfik nakkutilliinermini ataavartumik siunertarisaminik toraarsisinnaaqqullugu aammalu paasissutissat attuumassuteqartut tamaasa suliaqarnermini atorsinnaaqqullugit, tassunga ilagitillugit sulitilluni ajoqusernerit pillugit paasissutissat.

Sullivinnik Nakkutilliisoqarfiup nakkutilliineq pillugu suliniuteqarneranik toraarsinermut atatillugu Sullivinnik Nakkutilliisoqarfiup aamma Sullivinnik Nakkutilliisoqarfiup nammineq aalajangiinini pillugit paasissutissat suliffeqarfinnut atorsinnaavai kiisalu Sullivinnik Nakkutilliisoqarfiup nakkutilliisuisa suliffeqarfiit pillugit ilisimasaat atorsinnaallugittaaq. Taamaattoq malittarisassat atuuttut malillugit oqartussaqaarfiit allat data-taannit paasissutissanik katersinissaq, suliaqarnissaq aammalu ataatsimut ingerlatsinissaq periarfissaanngilaq aammalu paasissutissanik katersisinnaanerpup aamma suliaqarsinnaanerpup sanitatigut sulianik ingerlatsinermi nalunaarsuinissaq periarfissaanani.

Sullivinnik Nakkutilliisoqarfiup oqartussaqaarfinnut allanut paasissutissanik ingerlatitseqqiisinnaaneranut Kalaallit Nunaanni sullivimmi avatangiisinut inatsit tunngavimmik ullumikkut imaqaanngilaq.

Sullivinnik Nakkutilliisoqarfiup paasissutissat suliarissavai Sullivinnik Nakkutilliisoqarfiup suliassanik isumaginninnermini pisariaqatitai malillugit, sullivimmi avatangiisinut inatsit naapertorlugu. Tamanna suliaqarneq suliarinninnermut atortut elektroniskiusut atorlugit ingerlanneqassaaq kiisalu database-t aamma nalunaarsuiffiit elektroniskiusut arlallit atorlugit, Sullivinnik Nakkutilliisoqarfiup ingerlatissallugit aserfallatsaaliussallugillu akisussaaffigisai.

Kalaalli Nunaanni Sullivinnik Nakkutilliisoqarfiup paasissutissanik suliarinninnera Pisortat ingerlatsineranni suliassat suliarineqartarnerat pillugu Inatsisartut inatsisaanni (Kalaallit Nunaanni pisortat ingerlatsinerat pillugu inatsit) nr. 8, 13. juni 1994-imeersumi, Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat (Kalaallit Nunaanni paasitinneqarsinnaaneq pillugu inatsit) nr. 9, 13. juni 1994-imeersumi aammalu Inunnik paasissutissanik suliarinnittarneq pillugu inatsisip atuutilersinneqarnissaanut kunngip peqqussutaani nr. 429, 31. maj 2000-imeersumi, allanngortinneqartoq inatsit nr. 1245, 18. december 2012-imeersumi § 1-ikkut (inunnut paasissutissanik suliarinnittarneq pillugu inatsit) ilaatinneqarpoq.

Inunnut paasissutissanik suliaqarneq aammalu oqartussa qarfimmu allamut ingerlatitseqqiineq inunnut paasissutissanik suliarinnittarneq pillugu inatsit inatsimmi ilaatinneqarput. Tamatuma saniatigut pisortat ingerlatsineranni tunngaviusutut periutsit nalinginnaasut atuupput, tassunga ilagitillugit piviusumik aammalu atsikkutigiittumik tunngaveqarnerit. Tamanna isumaqarpoq, Sullivinnik Nakkutilliisoqarfiup taamaallaat inunnut paasissutissat suliarisarai, suliarinninneq piviusumik aammalu atsikkutigiinnermik tunngaveqarpat.

Kalaallit Nunaanni pisortat ingerlatsinerat pillugu inatsimmi § 28, imm. 1 malillugu paasissutissat inunnut ataasiakkaanut tunngasut, ilaatinnaagit imm. 2-mi taaneqartut, oqartussa qarfinnut allanut ingerlateqqinneqarsinnaanngillat. Assersuutigalugu paasissutissamik ingerlatitseqqiineq pisinnaavoq, inatsimmik naapertuinikkut inatsimmik imaluunniit aalajangersakkamik tunngaveqarluni tak. imm. 2, nr. 3.

Kalaallit Nunaanni pisortat ingerlatsinerat pillugu inatsimmi § 28, imm. 3 malillugu paasissutissat isertuussat inummum tunngasuunngitsut allat imm. 1-mi taaneqartut, imm. 2-mi pisut eqqaaneqartut saniatigut, oqartussa qarfimmu allamut taamaallaat ingerlateqqinneqarsinnaasut, oqartussa qarfiup suliaqarneranut imaluunniit aalajangiinissaanut pingaaruteqarpata. Aammattaaq Kalaallit Nunaanni pisortat ingerlatsinerat pillugu inatsimmi § 32 malillugu, oqartussa qarfik paasissutissamik ingerlatitseqqiisinnaatilluni, taava oqartussa qarfik oqartussa qarfiup allap piunasaqarneratigut paasissutissaq ingerlateqqissavaa, tamanna oqartussa qarfiup sulinerani imaluunniit oqartussa qarfiup aalajangiinissaanut tunngatillugu pisariaqartinneqarpat. Aalajangersagaq paasissutissanut isertuussanut taamaallaat atuutinngilaq aammalu atuulluni inunnut paasissutissanut kiisalu paasissutissanut allanut.

Kalaallit Nunaanni Sullivinnik Nakkutilliisoqarfiup paasissutissanik suliarinnittarnera kunngip peqqussutaa nr. 1238, 14. oktober 2016-imeersoq naapertorlugu pisartoq inunnut paasissutissanik suliarinnittarneq pillugu inatsimmi ilaatinneqarpoq, tak. inatsit nr. 421, 31. maj 2000-imeersoq (inunnut paasissutissanik suliarinnittarneq pillugu inatsit) allanngortinneqartoq inatsit nr. 1245, 18. december 2012-imeersumi § 1-ikkut. Tamanna pissuteqarpoq, Sullivinnik Nakkutilliisoqarfik ilaatigut inunnut paasissutissanik suliarinnittarnera, tassunga ilagitillugit inuussutissarsiornermi nappaatit aamma sulitilluni ajoqusernerit pillugit paasissutissat.

Kalaallit Nunaanni inunnut paasissutissanik suliarinnittarneq pillugu inatsit, inatsimmi § 1, imm. 1 malillugu inunnut paasissutissanik suliarinninnernut, tamakkiisumik imaluunniit ilaannakortumik nammineertumik data-nik suliarinninneq ikiorsiullugu suliarinninnerusunut, aammalu allanut nammineertumik data-nik suliarinninneq atornagu inunnut paasissutissanik suliarinninnerusunut, nalunaarsuiffimmu immiunneqarsimasunut imaluunniit immiunneqartussanut atuuppoq. Inatsimmi § 3, nr. 1 aamma 2 malillugit inunnut paasissutissanik suliarinninneq imatut paasineqassaaq, ingerlatsineq sunaluunniit imaluunniit ingerlatsinerit arlallit, elektroniskimik data-nik suliarinninneq

atorlugu imaluunniit atornagu, paasissutissalerineq attuumassuteqartoq inuk kinaassusersineqarsimasoq imaluunniit kinaassusersineqarsinnaasoq pillugu paasissutissanik (nalunaarsorneqartoq).

Ataatsimut ingerlatsineq tassaavoq suliarinninneq immikkuullarissiq, ilaatigut inunut paasissutissanik suliarinniffiusinnaasoq. Ataatsimut ingerlatsineq teknikkikkut aaqqiinernut assigiinngitsunut ataatsimoorussilluni taaguutaavoq, paasissutissanik nalunaarsuiffimminngaanniit assigiinngitsuneersunik attuumatitsinermut tunngasoq. Ataatsimut ingerlatsinermi maskiinatigut nuussinerit ilaapput, tassuuna paasissutissat nalunaarsuiffimmiit allamiit nalunaarsuiffimmut ingerlanneqarlutik, taamaalilluni nalunaarsuiffik tigusisoq paasissutissanik taakkuninnga annertusarneqarluni. Taaguummot ataatsimut ingerlatsinermut aammattaaq ilaatinneqarpoq, maskiinatigut paasissutissanik nalunaarsuiffimminngaanneersunik assigiinngitsuninngaanniit ataatsimoortitsineq, taamaaliornikkut ”uddata-produkt”-imik nutaamik pilersitsisoqarluni, assersuutigalugu nalunaarsuiffimmik nutaamik.

2.6.2.2. Beskæftigelsesministeriap isumaliuutersuutai

Kalaallit Nunaanni pisortat ingerlatsinerannik nalorninaatsumik aammalu ataqatigiinnerusumik pilersitsisinnaajumalluni, pisortat data-taat annertunerusumik agguasseqatigiinnikkut atorineqassapput aammalu atoqqinneqassallutik. Tamatumunnga piunasaqaataavoq, oqartussaqaarfiit qularnaatsumik paasissutissanik attuumassuteqartunik annertunerusumik avitseqatigiissinnaanerit aammalu atuisinnaanerit, oqartussaqaarfiit ataasiakkaat pigeriigaannik.

Sullivinnik Nakkutilliisoqarfik ullumikkut paasissutissanik avataaninngaanneersut ilaannik Arbejdsmarkedets Erhvervssikring-iminngaanneersunik katersuisinnaavoq aammalu ataatsimut ingerlatsilluni, misissuinerit atillugu tamanna pisariaqartinneqarpat aammalu paasiniaannermik, pitsaaliuinerit kiisalu kisitsisitigut paasissutissalerinermik siunertaqarnerit atillugu.

Sullivinnik Nakkutilliisoqarfiup data-taanik aammalu data-nik avataaninngaanneersunik Sullivinnik Nakkutilliisoqarfiup ullumikkut katersorsinnaasaanik ataatsimut ingerlatsineq, suliffeqarfinnik sullivimmi avatangiisinut inatsimmik malinninngitsunik nakkutilliisoqarfiup paasinninnissanut ikiuutaavoq.

Kalaallit Nunaanni pisortat oqartussaqaarfiiniit paasissutissanik katersuinerit aamma suliaqarnerit, tamanna navinaataassinnaasunik takunninnissamut iluaqutaasutut nalilerneqarpoq, taamaalilluni Sullivinnik Nakkutilliisoqarfik suliffeqarfiit sullivimmi avatangiisinut inatsimmik unioqqutitsisinnaanerit nalilerneqartut nakkutiginnissannut periarfissaqarluni. Taamaattumik pisariaqarpoq, Sullivinnik Nakkutilliisoqarfiup pisortat oqartussaqaarfiiniit allaniit paasissutissanik

pisariaqartinneqartunik aallernissamut, suliaqarnissamut aammalu ataatsimut ingerlatsinissamut tunngavissaqarnissaa.

Maannakkuugallartoq oqartussaqaarfinniit allaniit paasissutissat suut navianaatinut tunngatillugu iluarsinissamut ikiuutaasinnaassanersut oqaatigineqarsinnaanngimmat, paasissutissanik katersuinnermut aamma suliarinninnermut sinaakkutit erseqqinnerusut nalunaarutitut ilusilerlugit aalajangersarneqarnissaat naapertuuttut nalilerneqarpoq.

Paasissutissat Kalaallit Nunaanni Sullivinnik Nakkutilliisoqarfiup pigeriigai, pisortat oqartussaqaarfiini allani navianaataasinnaasunik takunninnissamut iluaqutaasussat naatsorsuutigineqarmata, aammattaaq pisariaqartutut isigineqarpoq, Kalaallit Nunaanni Sullivinnik Nakkutilliisoqarfiup paasissutissanik taamaattunik pisortat oqartussaqaarfiut allanut tunniussinissamut tunngavissinneqarnissaa. Pisariaqartinneqassaaq, oqartussaqaarfiit taakkua Sullivinnik Nakkutilliisoqarfimmiit paasissutissanik piniarnissamut tunngavissaqarnissaat imaluunniit tunngavissaqalernissaat.

Kalaallit Nunaanni inunnut paasissutissanik suliarinnittarneq pillugu inatsit atuuttup aalajangersarpaa, inunnut paasissutissat katersorneqassasut siunertat nassuiaqqissaarneqarsimasut aammalu piviusut tunngavigalugit kiisalu kingusinnerusukku suliarinninneq siunertarisanut akerliussanngitsoq. Inunnut paasissutissat naammattuussapput, atuumassuteqassapput aammalu killiligaasimassallutik suliarinninnermi siunertarisanut tunngatillugu pisariaqartitsineq eqqarsaatigalugu. Aammattaaq misissuineq pisariaqartinneqartoq ingerlanneqassaaq, paasissutissanik eqqunngitsunik imaluunniit putusaarutaasunik suliarinninnginnissaaq qulakkeerniarlugu. Paasissutissat eqqunngitsuusutut imaluunniit putusaarutaasutut paasineqartut sapinngisamik piaarnerpaamik piiarneqassapput imaluunniit naqqiivigineqarlutik. Inunnut paasissutissat imatut toqqortaatigineqassanngillat, nalunaarsorneqarsimasut kinaassusaat paasineqarsinnaallutik piffissami siunertamut pisariaqartinneqartumiit sivilunerusumi, paasissutissat suliarineqarneranni. Taamatuttaaq pisariaqartitsinikkut teknikkikkut aamma aqqissuussaannikkut isumannaallisaalluni pineqaatissiineqassaaq, paasissutissanik piaaraluneerluni imaluunniit unioqqutitsilluni aserorterinnermut, annasaqarnermut imaluunniit ajortunngortitsinnermut, kiisalu susassaqqanngitsunut ilisimaneqalersitsinnermut, atorneerluinnermut imaluunniit inatsimmik unioqqutitsilluni suliarinninnermut.

Kalaallit Nunaanni inunnut paasissutissanik suliarinnittarneq pillugu inatsimmi § 6-imi paasissutissanik nalinginnaasunik qaqugukku suliarinninnissamut piumasaqaatit aalajangersarneqarput. Aalajangersakkami allaqqavoq, suliarinninneq taamaallaat unioqqutitsinerussanngitsoq nr. 1-7-imi piumasaqaatini ikinnerpaamik ataaseq aatsaat naammassineqarpat, tassunga ilagitillugu, inuiaqatigiit pillugit suliaassamik naammassinninnissami suliarinninneq pisariaqartinneqarsimappat, tak. nr. 5, imaluunniit pisortat oqartussaqaarfiini

ingerlatsinermut tamanna pisariaqartinneqarpat, paasissutissanik ingerlatitseqqiffiusumut data-nut akisussaasumut imaluunniit inummumut pingajuusumut peqqussuteqarnikkut, tak. nr. 6.

Inunnut paasissutissanik mianerisariaqartunik suliarinninneq inunnut paasissutissanik suliarinnittarneq pillugu inatsimmi § 7-imi aaqqissuunneqarpoq. Paasissutissat § 7, imm. 1-imi ilaatinneqartut, kingoqqiffiit imaluunniit inuiaassuseq, politikki, upperisaqarneq imaluunniit isumalioqqissaarneq pillugit, peqatigiiffeqarnermi attuumassuteqarneq pillugu aammalu peqqissutsimut aammalu kinguaassiornermut tunngasut pillugit paasissutissaapput. § 8-mi aalajangersarneqarpoq, pisortat ingerlatsineranni pillaatissartallit pillugit, inooqataanikkut ajornartorsiutit pillugit aammalu pissutsit inunnut namminiinnarnut tunngasunut paasissutissat suliarineqarsinnaannginnerat, § 7, imm. 1-imi taaneqanngitsut, imaassimanngippat oqartussa qarfiit suliassaasa isumagineqarnerinut tamanna pisariaqartoq.

Kalaallit Nunaanni inunnut paasissutissanik suliarinnittarneq pillugu inatsimmi § 7, imm. 1-imi inerteqquteqarpoq inunnut paasissutissanik mianerisariaqartunik suliarinninnissamut, tassunga ilagitillugit paasissutissat peqqissutsimut tunngasut. Inunnut paasissutissanik mianerisariaqartunut tunngatillugu inatsisissatut siunnersuut malillugu data-nik suliaqarnermut Sullivinnik Nakkutilliisoqarfik § 7, imm. 2-7-mi tunngavigisatigut tapersersuissaaq, taassuma kingorna imm. 1 atuutissanani, aalajangersakkani taakkunanani pissuseq ataaseq atuuppat. Beskæftigelsesministeriap naliliinerivaa, § 7, imm. 2, nr. 4-mi oqartussat suliassaannik naammassinninnissamut tunngavissaqartoq, taassuma kingorna suliarinninneq pisinnaalluni, eqqartuussivikkut piumasaqaatip aalajangernissaanut, atuuttunngornissaanut imaluunniit illersornissaanut tamanna pisariaqassappat, aamma imm. 6-imi, tamatuma kingorna suliarinninneq pisinnaalluni, pisortat oqartussa qarfiata pillaatissartalinnik suliaqarnermini suliassaminik isumaginninnissaanut tamanna pisariaqassappat.

Tassunga ilagitillugu beskæftigelsesministeriap pingaartissimavaa, paasissutissat taaneqartut ilanngunneqarnissaat pisariaqartoq, inunnut paasissutissatut mianerisariaqartutut pissuseqartut, Sullivinnik Nakkutilliisoqarfiup nakkutilliineqarata suliffinnut attuumassuteqartunut tunngatillugu tunaartaqarluarnissaanut tamanna periarfissamik annertusititsissammat. Tamanna naggataatigut Sullivinnik Nakkutilliisoqarfiup eqqartuussivikkut piumasaqaammik atuutilersitsisinnaaneranik kinguneqassaaq aammalu taamaalilluni ulluinnarni suliffeqarnermi sulisartunut navianaataasinnaasumik annikillisaalluni. Sullivinnik Nakkutilliisoqarfiup tamanna tunuliaqutaralugu nalilersimavaa, nakkutilliisut § 7, imm. 1-imi inerteqqummik saneqqussisinnaasut.

Beskæftigelsesministeriap, pissutsit pillaaassutaasinnaat pillugit paasissutissanik ingerlatitseqqiinnissamut Kalaallit Nunaanni inunnut paasissutissanik suliarinnittarneq pillugu inatsimmi § 8, imm. 2, nr. 2-mi tunngavissaqartoq nalilerpaa, ingerlatitseqqiineq pisortat soqutigisaasa isumagineqarnissaat tunngavigalugu pimmat, soqutigisanik mianerinninnermik tunngaveqarluni isertuussinissamut pingaartitsinermik qaangiisoq, tassunga ilagitillugu,

paasissutissani pineqartumik mianerinninneq. Tassunga ilagitilluguttaaq, Beskæftigelsesministeriap pingaartissimavaa, paasissutissat Sullivinnik Nakkutilliisoqarfiup tigummeriigaasa oqartussaqaarfinnut allanut navianartoqarsinnaanerani naliliinermut pitsanngorsaataasinnaaneri. Piumasaqaataassaaq, paasissutissanik taakkuninnga ingerlatitseqqiineq oqartussaqaarfiit taakkua suliassaminnik ingerlatsinerannut pisariaqartuusoq. Taamaattumik naapertuuttut nalilerneqarpoq, taakkua oqartussaqaarfiit Sullivinnik Nakkutilliisoqarfimmiit paasissutissanik piniarnissamut tunngavissinneqarnissaa kiisalu Sullivinnik Nakkutilliisoqarfik tunngavissinneqassasoq paasissutissanik taakkuninnga ingerlatitseqqiinissamut. Periuseq, oqartussaqaarfimmi tunniussisumi aammalu tiguisumi erseqqissumik tunngaveqartinneqartoq, nalilerneqarpoq Kalaallit Nunaanni inunnut paasissutissanik suliarinnittarneq pillugu inatsimmi § 8, imm. 2, nr. 3-mi killiliinermut tapertaasutut.

Aammattaaq Kalaallit Nunaanni inunnut paasissutissanik suliarinnittarneq pillugu inatsimmi § 39-mi allaqqavoq, inuk nalunaarsorneqarsimasoq tassunga akerliuppat, data-nut akisussaasuusoq pineqaatissiisinnaanngilaq nalunaarsorneqarsimasup aalajangiinernut naalannissaanut, aalajangiinernut eqqartuussivitsigut sunniuteqartut imaluunniit pineqartumut annertuumik sunniuteqartut, aammalu aalajangiinneqartut taamaallaat elektroniskimik paasissutissanik data-tut suliarinninneq tunngavigalugu, pissutsit inummut tunngassuteqartut aalajangersimasut nalilersorneqarnissaannut aalajangiisimanermi. Oqaaseqaatigineqarpoq, Sullivinnik Nakkutilliisoqarfik aalajangiinernik nammineertumik data-nik ataatsimut ingerlatsineq tunuliaqutaralugu aalajangiinavianngitsoq, suliffeqarfinni sullivimmi avatangiisinut inatsimmik unioqqutitsinissamut annertuumik navianaateqarfiusutut nalilerneqarsimasuni, Sullivinnik Nakkutilliisoqarfimmiit pulaartoqarnissaa aammalu suliffeqarfiup avatangiisai tigussaasumik nalilersorneqqassasut aammalu nalinginnaasumik nakkutilliisoqarfiup nakkutilliisuanit kiisalu aalajangiinerusinnaasut pisinnaapput piviusumik suliffeqarfimmi pissutsinik nalilersuereernermi.

2.6.2.3. Aaqquissuussaneq siunnersuutigineqartoq

Siunnersuutigineqarpoq, Sullivinnik Nakkutilliisoqarfik oqartussaqaarfinniit paasissutissanik katersuisinnaassasoq, suliarinnissinnaassasoq aammalu ataatsimut ingerlatsisinnaassasoq, nakkutilliisoqarfiup suliassanik ingerlatsinissamut tamanna pisariaqaraangat. Siunertarineqarpoq pisortat nalunaarsuiffiniit passissutissat atorneqarnissaat annertunerussasoq data-t pitsaassusaat eqqarsaatigalugu.

Sullivinnik Nakkutilliisoqarfimmut suliassaavoq pingaarutilik suliffeqarfiit avatangiisinut inatsimmik malinninnerat nakkutigissallugu. Tassunga atatillugu pisariaqartinneqarpoq, Sullivinnik Nakkutilliisoqarfiup navianaatinut tunngatillugu periutsinik ineriartortitsisinnaanera, taamaalilluni nakkutilliinermut atatillugu suliffeqarfinnik toqqaasarneq siunertamut naapertuunnerulerluni.

Taamaattumik pisariaqarpoq nakkutilliisut annertunerusumik data-nik atuisinnaanissaat, ullumikkumut sanilliullugu.

Siunnersuutitigut Sullivinnik Nakkutilliisoqarfiup data-nik misissueqqissaarnermik aammalu kisitsisitigut paasissutissiornermik suliassaminik isumaginninnissaminut paasissutissanik katersuisinnaavoq aammalu suliarinnissinnaalluni.

Suliffeqarfinnik nakkutigisassanik peqqissaartumik toqqaaneq pisinnaaqqullugu, aamma sulitilluni ajoqusernernik aammalu inuutissarsiornermi nappaatinik pitsaaliuinnermut tunngavigissaarnerujumalluni, siunnersuutitigut Sullivinnik Nakkutilliisoqarfik paasissutissanik pigeriikkaminik aammalu paasissutissanik nutaanik suliarinnissinnaanngussaaq kiisalu ataatsimut ingerlatsisinnaanngussalluni.

Navianaatit pillugit periutsinik ineriartortitsinnermut atatillugu data-nik misileraanermi avatangiisini misiliiffiusuni inunnut paasissutissanik atuisoqassanngilaq.

Tamatuma saniatigut siunnersuutigineqarpoq, Sullivinnik Nakkutilliisoqarfiup paasissutissat katersorsimasat aamma suliarisimasat aammalu nammineq paasissutissaatini pisortat oqartussa qarfiinut allanut ingerlateqqissinnaagai, taakkua oqartussa qarfiit suliassaasa ingerlanneqarnissaannut tamanna pisariaqaraangat, tassunga ilagitillugit misissuinnermik aamma nakkutilliinnermik suliassat.

Aalajngersagaq siunnersuutigineqartoq oqartussa qarfinnut allanut paasissutissanik ingerlatitseqqiinnissamut tunngavissiivoq. Taamaalilluni Kalaallit Nunaanni pisortat ingerlatsinerat pillugu inatsimmi § 28, imm. 2, nr. 1, aamma § 30, imm. 2, nr. 1 malillugit paasissutissanik ingerlatitseqqiinnissamut akuersineq pisariaqartinneqassanngilaq.

Taamatuttaaq inatsisissatut siunnersuut erseqqissumik inatsisitigut tunngavissiivoq, Sullivinnik Nakkutilliisoqarfiup oqartussa qarfinnut allanut paasissutissanik ingerlatitseqqiisinnaaneranut, tamanna oqartussa qarfiit suliassaminnik isumaginninnerat eqqarsaatigalugu pisariqartinneqaraangat.

Inatsisissatut siunnersuutip aamma kingunerivaa, beskæftigelsesministerip Sullivinnik Nakkutilliisoqarfiup oqartussa qarfinniit allaniit paasissutissanik katersuisarneranut aamma suliarinnittarneranut malittarisassanik erseqqinnerusunik aalajangersaasinnaanera, tassunga ilagitillugit paasissutissat siunertat aamma suliassat suut pillugit katersorneqarsinnaanersut aamma suliarineqarsinnaanersut, kina data-nut akisussaasuunersoq, toqqortaateqarneq aamma paasissutissanik nalunaarsuineq, qaqugukkut paasissutissanik piiasoqassanersoq, aammalu teknikkiklut aaqqissuussaannikkullu pineqaatissiinerit suliarinninnermi nakkutigineqartussat, ilaatigut kukkunerit aamma atornerluinerit pinngitsoortinniarlugit. Taamatuttaaq inatsisissatut

siunnersuutip kingunerivaa, beskæftigelsesministerip paasissutissanik ingerlatitseqqiineq pillugu malittarisassanik erseqqinnersunik aalajangersaasinnaanera, tassunga ilagitillugu oqartussa qarfinnut sorlernut ingerlatitseqqiisoqarsinnaanersoq.

Nalilerneqarpoq, Sullivinnik Nakkutilliisoqarfiup paasissutissanik suliarinnittarneranut malittarisassat immikkuualuttullit nalunaarutitut qaffasissusilimmik aalajangersarneqarnissaat naapertuunnerpaajussasoq, taamaattumillu siunnersuutigineqarluni tamatumunnga piginnaatitsinissaq. Tamatumunnga tunuliaqutaavoq sapinngisamik tigussaasumik aamma uummaarissumik naleqqussaasoqarnissaa. Taamatuttaaq qulakkeerneqarsinnaassaaq, ingerlaavartumik sakkunik, systeminik il. il. nutaanik mianerinninnissaq aammalu erseqqinnerusumik naleqqussaannissaq, inatsisissatut siunnersuutip sinaakkusiinerata iluani Sullivinnik Nakkutilliisoqarfiup atugassaanic. Aammattaaq qulakkeerneqarsinnaassaaq, data-nik annertoorsuarnik suliarinninnissamut teknikkikkut periarfissat suliarinninnerup isumannaatsuunissaa pillugu malittarisassanik immikkuualuttullinnik ilaqartinneqarnissaat, tassunga ilagitillugu data-nik atuisinnaaneq.

Inatsisissatut siunnersuut paasissutissanik suliarinninnermi nipangiussisussaataitanermut malittarisassanik imaluunniit nunami aamma nunarsuarmi atuuttunik killilersuutinik immikkuullarissunik saneqqussinngilaq. Nipangiussisussaataitaneq pillugu aalajangersakkat paasissutissanik suliarinninnerit pillugit malittarisassani ilaatinneqartut malinneqassapput aamma aqunneqassapput nipangiussisussaataitaneq pillugu aalajangersakkani ataasiakkaanit kinguneqartut piumasaqaatit malillugit.

Inatsisissatut siunnersuutitigut Sullivinnik Nakkutilliisoqarfiup paasissutissanik katersuisinnaaneramik tunngavissiisoqassaaq, tassunga ilagitillugit paasissutissat isertuussat, assersuutigalugu peqqissuseq pillugu paasissutissat aammalu pisortat tapiissutaat pillugit paasissutissat, tamanna nakkutilliisoqarfiup suliaasaanik ingerlatsinermut pisariaqaraangat, tassunga ilagitillugu Sullivinnik Nakkutilliisoqarfiup misissuineramik aammalu nakkutilliineramik siunertanut tulluarsaanermut atatillugu, kiisalu misissueqqissaarnermik aammalu pitsaaliuinermik suliaasanut tunngatillugu kiisalu kisitsisitigut paasissutissiineramik siunertanut atatillugu. Oqaaseqaatigineqarpoq, inatsisissatut siunnersuut paasissutissanik atuinermi tunngaviusumik ingerlatsinermut piumasaqaammik allanngortitsinissamik siunertaqanngimmat, tassunga ilagitillugit inunnut paasissutissat, piviusumik siunertaqarnissamik piumasaqaateqarfiusut aammalu suliarineri annertunerussanngitsoq pissusiusut eqqarsaatigalugit.

Oqaaseqaatigineqarpoq, data-nik katersuineq aamma suliaqarneq allanut siunertanut atorneqarani Sullivinnik Nakkutilliisoqarfiup nakkutilliinermini suliffeqarfinnik toqqaasarneranut atorneqassasoq, tassa suliffeqarfinnik ilisarititsinermut, aamma misissueqqissaarnermik, pitsaaliuinermik aammalu kisitsisitigut paasissutissiinermik suliaasanut. Tassa data-nik katersuineq

aamma suliarinninneq suliffeqarfinnik imaluunniit suliffeqarfimmi pissusiusunik saqqummersitsinissaq siunertaanngilaq.

Aammattaaq oqaaseqaatigineqarpoq, inunnut paasissutissanik Kalaallit Nunaanni pisortat ingerlatsinerannut suliarineqartunik illersuilluni isumannaallisaanikkut pineqaatissiinerit pillugit nalunaarummi (isumannaallisaaneq pillugu nalunaarut) nr. 1404, 30. november 2016-imeersumi suliarinninnermut isumannaallisaaneq pillugu malittarisassat uunga inatsimmut sammiveqataasumik alaatsinaanneqartariaqarnissaat. Taamaattumik siunnersuutigineqarpoq, beskæftigelsesministeri teknikkikkut aammalu aaqqissuussaanaikkut pineqaatissiissutinut, suliarinninnermi alaatsinaanneqartussanut malittarisassanik aalajangersaanissamut piginnaatinneqassasoq, inatsisissatut siunnersuut data-nik annertoorsuarnik suliarinninnissamut tikkuussimmat, tassunga ilagitillugit inunnut paasissutissat mianerisariaqartut. Tamanna tunuliaqutaralugu nalilernerqarpoq suliarinninnermi isumannaassuseq pillugu malittarisassat erseqqissut pisariaqartitsineqartut. Teknikkikkut aamma aaqqissuussaanaikkut pineqaatissiissutit annerusumik qulakkiissavaat, pissutsit inunnut paasissutissanut tunngatillugu eqqunngitsunik inerneqartitsisut, aaqqinnissaat, aammalu kukkusooqarsinnaaneranut navianaatip minnerpaaffimmiitinnissaa.

2.6.3. Atorfilittanik oqaloqateqarnerit, tassunga ilagitillugu eqimattani oqaloqatigiinnerit

2.6.3.1. Inatsisit atuuttut

Kalaallit Nunaanni sullivimmi avatangiisinut inatsit, Sullivinnik Nakkutilliisoqarfiup sulisitsisoq najuutsinnagu atorfilittanik oqaloqateqarsinnaanera pillugu erseqqissumik tunngavimmik imaqanngilaq.

Sullivinnik Nakkutilliisoqarfiup, suliffeqarfiit ataasiakkaat eqqarsaatigalugit, piviusumik tunngaveqarluni isummerfigisuaannarpaa nakkutilliinnermi data-nik katersueriaatsit sorliit tulluarnarpaajunersut. Sullivinnik Nakkutilliisoqarfiup ullumikkut periuservaa, nakkutilliinerup aallartinnerani aqutsisunik aammalu isumannaassuseq pillugu kattuffimmik ataatsimeeqateqarneq (siunnersuutigineqartoq ”sullivimmi avatangiisit pillugit kattuffik”-mut allanngortinneqartussatut, tak. oqaaseqaatit nalinginnaasut pkt. 2.2.), qanoq nakkutilliinerup naammassineqarnissaanut pilersaarusiornissaq siunertaralugu, aammalu nammineq suliniutissani immikkoortunik qulaajaasinnaaneq, imatut paasillugu, sullivimmi avatangiisit pillugit suliffeqarfiup nammineq sulinera. Sullivinnik Nakkutilliisoqarfik nakkutilliinissap ingerlanissaa pillugu sulisitsisumut aamma isumannaassuseq pillugu kattuffimmut isumaqatigiissuteqartarpoq, taamaalilluni nakkutilliineq suliffeqarfiup pilersaarusiornieranut aammalu ulluinnarni ingerlanneqarneranut naapertuuttumik pisinnaaqqullugu. Naggataatigut nakkutilliisup periuserineqartussaq nammineq qinissavaa.

Atorfilittanik oqaloqatiginninneq assersuutigalugu pisinnaavoq suliffeqarfimmi angalaarnermi, apeqqutaatinnagu timikkut imaluunniit sullivimmi tarnikkut avatangiisit pillugit nakkutilliinermik ingerlatsisoqarnersoq. Aammattaaq Sullivinnik Nakkutilliisoqarfik inunnik ataasiakkaanik oqaloqateqassaaq, pitinnagit sulisitsisoq aamma isumannaassuseq pillugu kattuffik peqatigalugit isumaqatigiissutigineqartussanik aammalu pilersaarusiorneqartussanik. Sulisitsisoq akerliunngippat aatsaat oqaloqatigiinnerit taamaattut ingerlanneqassapput.

Sullivinnik Nakkutilliisoqarfik atorfilittanik oqaloqateqarnermigut data-nik piniareeruni, Sullivinnik Nakkutilliisoqarfik data-nik katersinerminut atatillugu sulisitsisumik tamatigut oqaloqateqartassaaq. Sulisitsisumik oqaloqateqarnermi data-t ilaatinneqassapput, Sullivinnik Nakkutilliisoqarfiup atorfilittallu isumaqatigiissutigisimasaat oqaloqatigiinnermi ilanngunneqartussatut sullivimmi avatangiisinik qulaajaanermut atatillugu. Sammineqartut, atorfilittanik oqaloqateqarnermi tikkineqarsimasut, sulisitsisumik oqaloqateqarnermi aamma ilanngunneqassapput qulakkeerniarlugu, atorfilittat aamma sulisitsisup saqqummiussa at sullivimmi avatangiisinik ataatsimut nalilersuinermi ilaatinneqarnissaat.

Data-t, Sullivinnik Nakkutilliisoqarfiup atorfilittallu isumaqatigiissutigisimasaat, Sullivinnik Nakkutilliisoqarfiup ingerlateqqissinnaasaattut, kinaassutsinik isertuussilluni sulisitsisumik oqaloqateqarnermi saqqummiunneqassapput. Tamanna sullivimmi avatangiisinut inatsimmi § 62, imm. 2-mi immikkut ittumik nipangiussisimasussaataitanermik tunngaveqarpoq, inatsisissatut siunnersuummi § 1, nr. 64-ikkut allanngortinniarneqartoq, taamaalillutik maalaarutit pillugit paasissutissat Sullivinnik Nakkutilliisoqarfimmit allamut ingerlateqqinneqarnissamut illersugaalerlutik, sulisitsisumut imaluunniit taassuma sinniisuanut ingerlatitseqqiinerup saniatigut. § 62, imm. 2-p allanneqarnissaanut siunnersuut danskit sullivimmi avatangiisinut inatsisaanni 79, imm. 2-mut assinguvoq. Aalajangersakkamut tassunga siunnersuutip kingunerivaa, Sullivinnik Nakkutilliisoqarfiup sulisitsisumut imaluunniit allamut nalunaarutigeqqusaanngilaa, Sullivinnik Nakkutilliisoqarfiup maalaarummik tigusaqarsimanera. Aamma tamanna atuuppoq paasissutissanut Sullivinnik Nakkutilliisoqarfiup atorfilittanik oqaloqatiginninnerani tiguneqartunut, aammalu sullivimmi avatangiisit pillugit maalaarutitut pissuseqartunut. Aalajangersagaq pisortat ingerlatsinerat pillugu inatsit malillugu aamma pinerluttulerinermi inatsit malillugu nipangiussisimasussaataaneq nalinginnaasoq annertunerulersippaa, aammalu sulisitsisumut imaluunniit taassuma sinniisuanut il. il. maalaarutit Sullivinnik Nakkutilliisoqarfimmit ingerlateqqinneqannginnissaannut atorfilittat illersorlugit.

Sullivinnik Nakkutilliisoqarfik atorfilittanik oqaloqateqarnikkut data-nik aalleraangami, taava Sullivinnik Nakkutilliisoqarfik ilanngullugu allaninngaanniit data-nik aallertassaaq, assersuutigalugu alapernaatsutut malinnaasimanerniit aammalu suliffeqarfiup nammineq allattugaataaniit paasissutissanik. Sullivinnik Nakkutilliisoqarfik taamaallaat aalajangiisassaaq (peqquusutini aamma

inerteqqutini), data-t aallerfinniit arlalinninngaanneersut sullivimmi avatangiisitigut ajornartorsiuteqartoqarneranik tikkuussippata. Assersuutigalugu atorfilittanik oqaloqatiginninnermit data-sinnaapput, sulisitsisumit imaluunniit suliffeqarfiup nammineq sullivimmi avatangiisit pillugit misissuineranik paasissutsissanik taparserneqartut, assersuutigalugu sullivimmik nalilersuineranik imaluunniit nalerisimaarneq pillugu misissuineranik. Taamaalluni Sullivinnik Nakkutilliisoqarfiup aalajangiinnerminut atorfilittanik oqaloqateqarnermit data-t taamaallaat tunngavigineq ajorpai. Sulisitsisup aamma atorfilittat suliameq data-t isumaqatigiinnngissutigigunikkut, taava Sullivinnik Nakkutilliisoqarfik kisimiilluni aalajangiisinnaavoq, data-t allaninngaanneersut sullivimmi avatangiisitigut ajornartorsiuteqarneranik tikkuussippata. Paasissutsissanik allaninngaanneersoqanngippat, sullivimmi avatangiisitigut ajornartorsiutini tikkuussisunik, taava Sullivinnik Nakkutilliisoqarfik misissuisoqarnissaanik peqqussuteqarsinnaavoq, Sullivinnik Nakkutilliisoqarfik suliffeqarfinni avatangiisitigut ajornartorsiuteqartoqarnera pillugu pasitsaassinnerminik uppersaasinnaaguni, tak. Kalaallit Nunaanni sullivimmi avatangiisinut inatsimmi § 17.

Sullivinnik Nakkutilliisoqarfiup atorfilittanik eqimattakkuutaanik oqaloqatiginnissinnaanera, sulisitsisup, taassuma sinnisuata imaluunniit inummik sulisitsiup tassunga toqqarsimasaata peqataaffiginnngisaanik, sullivimmi avatangiisinut inatsimmi aqqissorneqanngilaq. Tamanna pissuteqarpoq, Sullivinnik Nakkutilliisoqarfiup data-nik katersuinnermut periusaanik inatsimmi aqqissuussisarneq ileqquusimannginnera.

Eqimattani oqaloqatiginninnerut paasineqassapput, Sullivinnik Nakkutilliisoqarfiup sulisuisa atorfilittanik arlalinnik oqaloqatiginninneri, aamma oqaloqatiginninnissat pitinnagit sulisitsisoq aammalu isumannaassuseq pillugu kattuffik peqatigalugit isumaqatigiissutigineqartut aammalu pilersaarusiorneqartut. Tamanna Sullivinnik Nakkutilliisoqarfiup maanna taaguummik atuinneranut naapertuuppoq.

Sullivinnik Nakkutilliisoqarfiup suleriaaserivaa, sullivimmi tarnikkut avatangiisini ajornartorsiutini qaqilerinnermut atatillugu eqimattani oqaloqatigiinnerit ingerlanneqartarneri. Sullivinnik Nakkutilliisoqarfiup ullumikkut suleriaaserivaa, atorfilittanik eqimattakkuutaaraluni oqaloqatiginninnerit taamaallaat sulisitsisoq, taassuma sinnisua imaluunniit inuk sulisitsisup tassunga toqqarsimasaa najuutsinnagu ingerlanneqartarneri, sulisitsisoq tamatumunnga akerliunngikkaangat.

Sullivinnik Nakkutilliisoqarfiup nakkutilliinerup ingerlanneqarnissaa sulisitsisoq aamma isumannaassuseq pillugu kattuffik oqaloqatigalugit isumaqatigiissutigisarpaat, taamaallutik oqaloqatigiinnerit suliffeqarfiup pilersaarusiorneranut aammalu ulluinnarni ingerlanneqarneranut naapertuuttumik ingerlanneqarsinnaasunngortillugit. Nakkutillisup naggataatigut nammineerluni periuseq atugassani qinissavaa.

Eqimattakkaarluni oqaloqatigiinnerit tassaapput data-nik katerseriaaseq, ajornartorsiutaanerusunik qulaarsinermi immikkut atorneqartartut, sullivimmi avatangiisinut inatsimmik unioqqutitsinerinik nassaarfiunngitsuni sulinerup aamma suliffiup ilusilersugaanerata alapernaaffiginerisigut. Eqimattakkaartumik atorfilittanik oqaloqateqarnerit atorneqartarput, atorfilittat arlallit katersorneqarnissaat pisariaqartinneqaraangat suliaqarfinni aalajangersimasuni imaluunniit suliaqarfiit assigiinngitsut imaluunniit immikkoortortaqarfiit akimorlugit. Sullivinnik Nakkutilliisoqarfiup nalilertarpaa, data-nik katersueriaatsit suut tulluarnepaajunersut suliffeqarfinni ataasiakkaani avatangiisit qulaajarnissaannut. Taamaattumi atorfilittanik eqimattakuutaartumik oqaloqatigiinnerit atussallugit naleqquttuujuaannanngilaq.

2.6.3.2. Beskæftigelsesministeriap isumaliuutersuutai

Pingaaruteqarpoq, Sullivinnik Nakkutilliisoqarfiup paasissutissanik sullivimmi avatangiisinut inatsimmik unioqqutitsisoqarneranik paasinninnissamut pisariaqartunik piniarsinnaanissaa. Tamanna qulakkeerniarlugu nalilerneqarpoq naapertuutissasoq inatsimmi tunngavimmik toqqaannartumik ikkussinissaq.

Pisut ilaanni Sullivinnik Nakkutilliisoqarfimmut ajornakusoorsinnaasarpoq paasissutissat attuumassuteqartut atorfilittanit pissarsiarinissaat, sulisitsisoq najuutsillugu. Taamaattumik pisariaqarsinnaavoq, Sullivinnik Nakkutilliisoqarfiup atorfilittanik oqaloqateqarsinnaanissaa, sulisitsisoq najuutsinnagu. Taamalilluni pisut ilaanni oqaloqatigiinnissap siunertaa qatangiinnarsinnaasarpoq, assersuutigalugu nakkutilliisup ilisimappagu sullivimmi tarnikkut avatangiisitigut ajornartorsiuteqarsinnaanera, ajornakusoorsinnaalluni paasissutissanik attuumassuteqartunik qaqilerinissaq, oqaloqatigiinnermi aqutsisut najuutsillugit, imaluunniit pissutsinik atuuttoqarpat, sulisitsisup sullivimmi avatangiisitigut ajornartorsiutitut ilaananut tikkuussisumik.

Sullivinnik Nakkutilliisoqarfiup sullivimmi avatangiisinut inatsimmik unioqqutitsinerit pillugit paasisaqarnissamut paasissutissanik pisariaqartunik piniarsinnaananut mianerinninneq eqimattakkaartumik atorfilittanik oqaloqateqarnerni atuuppoq.

Sulisitsisup najuunnera pisut ilaanni naapertuussinnaavoq. Sulisitsisoq sullivimmi avatangiisitigut ajornartorsiutit qulaajarnernannut ilauqutaasinnaavoq aammattaaq suliffimmi avatangiisit pillugit sulinermut ilauqutaasunik ilisimasaqalernissamut tapertaasinnaalluni.

Sullivinnik Nakkutilliisoqarfimmut pisut ilaani atorfilittanit paasissutissanik pissarsinissaq ajornakusoorsinnaavoq, sulisitsisoq najuutsillugu. Taamaattumik pisariaqarsinnaavoq, Sullivinnik Nakkutilliisoqarfiup atorfilittanik oqaloqateqarsinnaanissaa, sulisitsisoq najuutsinnagu.

Pisut ilaanni oqaloqatigiinnissap siunertaa taamaalilluni qatangiinnartinneqarsinnaasarpoq, sulisitsisoq najuutsillugu, assersuutigalugu nakkutilliisoq takusaqarsinnaappat sullivimmi tarnikkut avatangiisitigut ajornartorsiuteqarsinnaanerani, ajornarsinnaallunilu paasissutissat attuumassuteqartut qaqilernissaannut, oqaloqatigiinnermi aqutsisut najuutsillugit, imaluunniit pisoqarpat sulisitsisup sullivimmi avatangiisitigut ajornartorsiummut ilaasinnaanerani tikkuussisunik.

Ullummikkut eqimattakkuutaarluni oqaloqatigiinnerit sullivimmi tarnikkut avatangiisitigut ajornartorsiutinik qulaajaanissaq pisariqartinneqaraangat atorineqartarput. Inatsisissatut siunnersuutitigut siunertaanngilaq ullummikkut eqimattakkuutaartumik oqaloqatigiittarnernik atuisarnerup annertusarneqarnissaa. Tamanna imatut paasineqassaaq, periutsimik allannguisoqarnianngitsoq, Sullivinnik Nakkutilliisoqarfiup sulisuisa qaqugukkut eqimattakkuutaarluni oqaloqatigiinnerit data-nik katersuinnermut periutsitut tulluarnepaatut atorineqassaneranut naliliisarnerinut tunngatillugu.

Aatsaat sulisitsisoq akerliunngikkaangat eqimattakkuutaarluni oqaloqatigiinnermik atuisarneq Sullivinnik Nakkutilliisoqarfiup periusaa eqqarsaatigalugu, pisariaqarpoq erseqqissumik tunngavimmik ikkussinissaq Sullivinnik Nakkutilliisoqarfiup eqimattakkuutaarluni atorfilittanik oqaloqateqarsinnaanissaanut, aamma tassunga ilagitillugu aalajangersarsinnaallugu, piumasaqaatit suut tunngavigalugit sulisitsisoq imaluunniit inuk, sulisitsisup toqqarsimasaa, eqimattami oqaloqatigiinnermi najuussinnaanera. Taamaalilluni inatsisissatut siunnersuutitigut siunertaavoq, tunngavimmik taassuminnga pilersitsinissaq, kiisalu sulisitsisup eqimattami atorfilittanik oqaloqateqarnermi peqataanissamut pisinnaatitaaffia pillugu sinaakkusiinissaq.

2.6.3.3. Aaqqissuussaaneq siunnersuutigineqartoq

Sulisitsisoq najuutsinnagu Sullivinnik Nakkutilliisoqarfiup atorfilittanik oqaloqatigiinnissinnaaneranut sullivimmi avatangiisinut inatsimmi erseqqissumik tunngaveqanngimmat, siunnersuutigineqarpoq § 59-imi imm. 5-imik nutaamik ikkussinissaq, taassuma kingorna Sullivinnik Nakkutilliisoqarfiup sulisui nakkutilliiviup nakkutilliineranut atusumik atorfilittanik oqaloqatigiinnissinnaanngorlutik, allanik najuuttoqartinnagu, tassunga ilagitillugit sulisitsisoq aammalu taassuma sinniisua. Aalajangersakkami ilaatinneqassapput atorfilittanik oqaloqatigiinnerit sulluunniit, eqimattani oqaloqatigiinnerit minillugit,

siunnersuutigineqartut aalajangersakkami imm. 6-imi nutaami immikkut aalajangersaaffigineqartussatut.

Siunnersuutigineqarpoq Kalaallit Nunaanni sullivimmi avatangiisinut inatsimmi § 59-imi imm. 6-
imik nutaamik ikkussinissaq, taassuma kingorna Sullivinnik Nakkutilliisoqarfiup sulisui
nakkutilliiviup nakkutilliineranut atasumik eqimattani atorfilittanik oqaloqatiginnissinnaanngorlutik,
tamanna sullivimmi avatangiisinut attuumassuteqartumik tunngavissaqartinneqaraangat. Tamanna
imatut paasineqassaaq, sullivimmi avatangiisitigut ajornartorsiuteqarneranik takussutissaqaraangat,
aammalu tamatuma qulaajarnissaanut atorfilittanik eqimattakkuutaaraluni oqaloqatiginninnissaq
tulluarnarpaajugaangat. Eqimattakkuutaaraluni atorfilittanik oqaloqatiginninnerni sulisitsisoq
najuussinnaatitaavoq. Taamaattoq Sullivinnik Nakkutilliisoqarfiup aalajangersinnaavaa,
eqimattakkuutaaraluni oqaloqatiginninnerni sulisitsisoq peqataasinnaanngitsoq, Sullivinnik
Nakkutilliisoqarfiup sulisuisa nalilerpassuk, taamaaliornikkut eqimattakkuutaaraluni
oqaloqatiginninnissap siunertaa qatangiinnartinneqarnissaanut navianaateqartoq.

2.6.4. Sullivimmi avatangiisit pitsanngorsarnissaannut isumaqatigiissutit

2.6.4.1. Inatsisit atuuttut

Ullumikkut Kalaallit Nunaanni Sullivinnik Nakkutilliisoqarfik sulisitsisunik
isumaqatigiissuteqarnissamut periarfissaqanngilaq, namminneerlutik iliuuseqarnikkut sullivimmi
avatangiisitigut ajornartorsiummik imaluunniit ajornartorsiutinik aaqqeerusuttunik. Ullumikkut
Sullivinnik Nakkutilliisoqarfiup suliffeqarfimmi inatsisinik unioqqutitsineq paasiguniuk,
nalinginnaasumik sulisitsisoq peqqussummik aalajangiiffigineqassaaq.

2.6.4.2. Beskæftigelsesministeriap isumaliuutersuutai

2019-imi Danmarkimi politikkikkut sullivimmi avatangiisit pillugit suliniuteqarneq nutaaq aamma
pitsanngorsagaq isumaqatigiissutigineqarpoq. Isumaqatigiissutip ilaatigut kingunerivaa, suliffeqarfiit
sullivimmi avatangiisitigut ajornartorsiut tunuliaqutaralugu annertusisamik sullivimmi avatangiisit
pillugit suliniuteqarniartut periarfissaqarnissaat Sullivinnik Nakkutilliisoqarfimmik sullivimmi
avatangiisinik pitsanngorsaannissamut aammalu sullivimmi avatangiisitigut aaqqiinissaq pillugu
isumaqatigiissuteqarnissamut. Isumaqatigiissuteqartoqarsinnaassanngilaq ulorianartumik pisoqarpat,
aammalu Sullivinnik Nakkutilliisoqarfiup inerteqqutinik aamma erngertumik peqqussutinik
atuutilersitsineq ingerlatiinnassavaa.

Beskæftigelsesministeria isumaqarpoq, Kalaallit Nunaanni suliffeqarfiit aamma taamatut
periarfissaqartariaqartut.

Inatsimmik allanngineq pisariaqarpoq, Sullivinnik Nakkutilliisoqarfik aalajangiinernut taarsiullugu sulisitsisumut isumaqatigiissuteqarnissamut periarfissaqassappat.

Piumasarineqarpoq, isumaqatigiissusiortoqarsinnaasoq, ilumut sullivimmi avatangiisitigut ajornartorsiuteqarnermi, aammalu tigussaasuusariaqarpoq sullivimmi avatangiisitigut ajornartorsiut. Unioqqutitsinerit pillugit isumaqatigiissusiortoqarsinnaassanngilaq.

2.6.4.3. Aaqqissuussaaneq siunnersuutigineqartoq

Siunnersuutigineqarpoq, Kalaallit Nunaanni Sullivinnik Nakkutilliisoqarfik sullivimmi avatangiisit pitsanngortinnissaannut aammalu sullivimmi avatangiisitigut ajornartorsiut imaluunniit ajornartorsiutit piffissarititaasup iluani aaqqinneqarnissaat pillugu sulisitsisumik isumaqatigiissuteqarsinnaanissaa. Isumaqatigiissutit kingunerissavaat, isumaqatigiissutini ilaatinneqartut pillugit imaluunniit sullivimmi ajornartorsiutit pillugit suliffeqarfiit aalajangiiffigineqartannginnissaat.

Siunnersuutitigut periarfissaassaaq Sullivinnik Nakkutilliisoqarfiup aammalu sulisitsisup akornanni isumaqatigiissuteqarsinnaanissaaq, Sullivinnik Nakkutilliisoqarfik Sullivimmi avatangiisinut inatsimmik tigussaasumik unioqqutitsinernik qulaajaasimaleraangat aammalu piffissalikkamik peqqussuteqarnissaaq eqqarsaatigigaangagu. Taamatut pisoqarnerani isumaqatigiissuteqarnermut piumasaqaataavoq, Sulisitsisup ajornartorsiutip pineqartup aaqqinnissaanut imminut pisussaaffilernissaa, sumiiffiani aammalu suliffeqarfiup ilaani. Taamaalilluni isumaqatigiissuteqarnermut piumasaqaataavoq, sullivimmi ajornartorsiut pineqartoq suliffeqarfiup iluani allami aamma piunissaa naatsorsuutigineqassasoq. Taamaattoqanngippat isumaqatigiissusiortoqarsinnaanngilaq. Sullivimmi ajornartorsiutininik arlalinnik siumuisoqarpat taava arlalinnik isumaqatigiissusiortoqarsinnaavoq.

Suliffeqarfik neqeroorfigineqassaaq, Sullivinnik Nakkutilliisoqarfiup suliffeqarfimmut ikorfartuisinnaaneranik, assersuutigalugu oqaloqatigiinnermut aamma ilitersuinnermut tunngasumik. Sullivinnik Nakkutilliisoqarfik isumaqatigiissuteqarsimanermut atatillugu suliffeqarfinnik siunnersuineq ajorpoq.

Sullivimmi avatangiisitigut ajornartorsiut imaluunniit ajornartorsiutit isumaqatigiissutigineqarsinnaasut sullivimmi avatangiisitigut ajornartorsiutaassapput tigussaasut arlallit imaluunniit ataaseq, imatut paasillugu, ajornartorsiutit sulinermi toqqaannartumik isumannaassutsip aamma peqqissutsip ajorseriarnissaanut navianaateqartut, assersuutigalugu ajutoornerit, naajuitsulerineq, ergonomi imaluunniit sullivimmi tarnikkut avatangiisit pillugit

ajornartorsiutit. Unioqqutitsinerit pillugit isumaqatigiissusiortoqarsinnaanngilaq, assersuutigalugu sullivimmik nalilersuisimannginneq pillugu imaluunniit sullivimmi avatangiisit pillugit kattuffeqannginneq pillugu.

Siunnersuutitigut aamma isumaqatigiissusiornissaq periarfissanngussaaq, Sullivinnik Nakkutilliisoqarfik pasitsaassaqaaraangat – tassa ilimaginninneq – suliffeqarfimmi avatangiisitigut tigussaasutigut ajornartorsiuteqarneranik, naak Sullivinnik Nakkutilliisoqarfik unioqqutitsisoqarsinnaanera pilluguqulaajaasimanngikkaluartoq. Tamanna sullivimmi avatangiisitigut ajornartorsiutinut pisariusunut annermik attuumassuteqassaaq. Sullivimmi tarnikkut avatangiisitigut assersuutaasinnaavoq, sullivimmik nalilersuineq ingerlanneqartoq imaluunniit nalerisimaarneq pillugu misissuineq ajornartorsiuteqartoqarneranik tikkuussippat assersuutigalugu qinngasaarinnermut. Sullivimmi timikkut avatangiisit eqqarsaatigalugit assersuutaasinnaapput nioqqutissanik passussinermi timikkut artorsartitsinerit.

Siunnersuutikkut sulisitsisumik isumaqatigiissusiornissaq periarfissaassanngilaq, ulorianartorsiortoqarnerani Sullivinnik Nakkutilliisoqarfimmit inerteqquteqarnissaq imaluunniit erngertumik peqqussuteqarnissaq eqqarsaatigineqarpat, pisut ulorianartut erngertumik imaluunniit piffissap sivikitsup iluani aaqqiivigineqartariaqartut pineqarmata. Taamaaqataanik isumaqatigiissusiortoqarsinnaassanngilaq, Sullivinnik Nakkutilliisoqarfiup erngertumik peqqussuteqarnissaq eqqarsaatigiguniuk, annerusumik ulorianartorsiortoqanngikkaluartoq. Tamatumani aamma ajornartorsiummik aaqqiinissamut piffissarititaasoq annikitsuaraassaaq, assersuutigalugu aalajangiinissamut siunertaq qatangiinnartinneqartussaassagaluarmat.

Sulisitsisup suliffimmi atukkat isumannaassutsikkut aamma peqqissutsikkut illersorneqarsinnaanerat pillugu misissuinissaanut isumaqatigiissusiortoqarsinnaassanngilaq, Sullivinnik Nakkutilliisoqarfik misissuinissaq pillugu peqqussuteqarnissamik eqqarsaateqaraangat. Piumasaqaataavoq isumaqatigiissusiortoqarsinnaassanngitsoq, suliffeqarfik sullivimmi avatangiisitigut ajornartorsiummik aaqqiinirluni aallartereersimappat siusinnerusukkut Sullivinnik Nakkutilliisoqarfimmit aalajangiisimaneq tunuliaqutaralugu.

Sulisitsisup nammineq kajumissusianik tunngaveqassaaq Sullivinnik Nakkutilliisoqarfimmik isumaqatigiissusiorsinnaanermik kissaateqarsinnaanera. Taamatuttaaq Sullivinnik Nakkutilliisoqarfiup nammineq nalilissavaa, sullivimmi avatangiisitigut ajornartorsiutip pineqartup aaqqinneqarnissaanut isumaqatigiissusiornissaq tulluurtuunersoq. Isumaqatigiissusiornissaq isumaqatigiissutaagaangat, taava tamanna suliffeqarfiup inatsisilerinermik isumaginnittuanut isumaqatigiissutaasassaaq.

Isumaqatigiissut aalajangiinerunngimmat, sulisitsisoq isumaqatigiissut pillugu imaluunniit suliffeqarfiup isumaqatigiissusiornissamut neqeroorfigineqannginnera pillugu

Arbejdsmiljøklagenævnetimut maalaaruteqarsinnaangilaq. Arbejdsmiljøklagenævneti maalaarutininik tigusaqaruni, isumaqatigiissusiorsimanermut imaluunniit isumaqatigiissusiorsimannginnermut tunngasumik, Arbejdsmiljøklagenævnetip maalaarutip suliarinissaa itigartitsissutigisinnaavaa, ataatsimiititaq tamatumunnga piginnaatinneqanngimmat. Taamaattoq suliffeqarfik Sullivinnik Nakkutilliisoqarfiup oqartussaqaarfittut ingerlatsinera pillugu Beskæftigelsesministeriamut maalaaruteqarsinnaavoq.

Siunnersuut malillugu sullivimmi avatangiisit pillugit kattuffik imaluunniit atorfilittat, suliffeqarfinni sullivimmi avatangiisit pillugit kattuffimmik pilersitsinissamut pisussaaffeqanngitsuni, isumaqatigiissusiortoqarsimanera pillugu ilisimatinneqassapput. Aammattaaq piumasaqaataassaaq, sullivimmi avatangiisit pillugit kattuffik imaluunniit atorfilittat sullivimmi avatangiisitigut ajornartorsiummik imaluunniit ajornartorsiutininik aaqqiiniarnermut akuutinneqarnissaat, isumaqatigiissummi pineqartunik. Isumannaassuseq pillugu ataatsimiititaliaq («sullivimmi avatangiisit pillugit ataatsimiititaliaq»-mut allanngortinneqartussatut siunnersuutigineqartoq, tak. siunnersuummi oqaaseqaatini nalinginnaasuni pkt. 2.2.1.3.) ullumikkut sulissarereerpaa ilaatigut sulisitsisumut isumannaassutsimut aamma peqqissutsimut apeqqutit pillugit aaqqiinissamut siunnersortaanissaaq, tak. Kalaallit Nunaanni suliffeqarfinni isumannaassuseq aamma peqqissuseq pillugit sulinermit nalunaarut nr. 1346, 15. december 2005-imeersoq.

Siunnersuutitigut Sullivinnik Nakkutilliisoqarfiup piffissarititaasup isumaqatigiiggutaasimasup qaangiunnerata kingorna pissutsit qanoq innerinik malittarinnilluni misissussavai. Pissutsinik malittarinninneq tunngaviusumik Sullivinnik Nakkutilliisoqarfimmiit nakkutilliisoqarneratigut ingerlanneqassaaq. Pissutsinik malittarinninneq aamma alimasissumik imaluunniit oqarasuaatikkut ingerlanneqarsinnaassaaq, tassani Sullivinnik Nakkutilliisoqarfik naliliissalluni tamanna pisariaqarnersoq. Alimasissumik imaluunniit oqarasuaatikkut nakkutilliinermut piumasaqaataavoq, Sullivinnik Nakkutilliisoqarfiup aqutsisut najuutsinnagit sulisut sinniisuannik oqaloqateqarnissamut periarfissaqarnissaa.

Pissutsinik malittarinninneq ingerlanneqassaaq pissutsit misissorniarlugit aammalu sullivimmi avatangiisitigut ajornartorsiummik imaluunniit ajornartorsiutininik suliffeqarfiup isumaqatigiissummi piffissarititaasup iluani aaqqissallugit pisussaaffigilersimasaanut samminnittuussalluni. Sullivinnik Nakkutilliisoqarfik pissutsinik malittarinninnera sullivimmi avatangiisitigut ajornartorsiummik aaqqiisoqarsimannginneranik takutitsippat, taava Sullivinnik Nakkutilliisoqarfik ajornartorsiutip qulaajarnissaanut periarfissaqassaaq aalajangiinissaa siunertaralugu. Piumasarineqarpoq, Sullivinnik Nakkutilliisoqarfik sullivimmi avatangiisitigut ajornartorsiutip aaqqiivigineqarnissaa pillugu sulisitsisumut piffissap aalajangersimasup iluani isumaqatigiissusioqqinnginnissaa isumaqatigiissutaasimasup siulliup qaangiunnerani pisuni, isumaqatigiissutigisimasat aqqutigalugit sullivimmi avatangiisitigut ajornartorsiutit aaqqiivigineqarsimannginnerini.

Siunnersuut malillugu isumaqatigiissut sulisitsisumit taamaatinneqarsinnaassaaq, taassuma tamanna kissaatigiguniuk. Aamma isumaqatigiissut Sullivinnik Nakkutilliisoqarfimmit taamaatinneqarsinnaassaaq, pisutsit isumaqatigiissuteqarnermut tunngaviusut annertuumik allannguuteqarpata. Isumaqatigiissuteqarsimaneq taamaatinneqarpat, taava Sullivinnik Nakkutilliisoqarfiup tunngaviusumik nakkutilliinikkut pissutsinik malittarinnissaaq. Pissutsinik malittarinninneq aamma alimasissumik imaluunniit oqarasuaatikkut ingerlanneqarsinnaassaaq, tassani Sullivinnik Nakkutilliisoqarfik naliliissalluni tamanna pisariaqartoq. Alimasissumik imaluunniit oqarasuaatikkut nakkutilliinermut piumasaqaataavoq, Sullivinnik Nakkutilliisoqarfiup aqutsisut najuutsinnagit sulisut sinniisuannik oqaloqateqarnissamut periarfissaqarnissaa.

2.6.5. Nipangiussisimasussaatitaaneq

2.6.5.1. Inatsisit atuuttut

§ 62, imm. 1-ip nassuiarpai sullivimmi avatangiisinut inatsimmi kapitalit taakkua, inuit aamma oqartussa qarfiit, suliassanik ingerlatsisartut aamma inatsisilerinermik ikiuisartut, Kalaallit Nunaanni pinerluttulerinermik inatsimmi nipangiussisimasussaatitaanermut aalajangersakkani ilaatinneqartut. Nakorsanit misissorneqarnerit il. il. pillugit, Arbejdsmiljørådet pillugu il. il. aamma Sullivinnik Nakkutilliisoqarfik pillugu kapital-iupput. Aalajangersakkami maalaartarneq pillugu kapitali ilaangilaq, assingusumi danskit sullivimmi avatangiisinut inatsisaanni ilaasoq.

§ 62, imm. 2, tassaavoq nipangiussisimasussaatitaaneq pillugu aalajangersagaq immikkooruteqartoq, pisortani sulianik ingerlatsineq pillugu inatsisartut inatsisaat nr. 8 af 13. juni 1994-imeersoq (Kalaallit Nunaanni pisortat ingerlatsinerat pillugu inatsit) aamma Kalaallit Nunaanni pinerluttulerinermik inatsit malillugit nipangiussisimasussaatitaanermik nalinginnaasumik annertunerulersitsisoq.

§ 62, imm. 2 malillugu nipangiussisimasussaatitaanerup siunertarivaa atorfilittap, Sullivinnik Nakkutilliisoqarfimmut suliffeqarfigisamini avatangiisit pillugit naammagittaalliortoq, isumannaarneqarnissaa naammagittaalliutaata sulisitsisuanut imaluunniit taassuma sinniisuanut ingerlateqqinneqannginnissaanik. Taamaalilluni aalajangersagaq atorfilittap kinaassusaata paasineqannginnissaanik siunertaqarpoq. Sulisitsisumuunngitsoq imaluunniit taassuma sinniisaanuunngitsoq Sullivinnik Nakkutilliisoqarfiup suna paasissutigisinnaaneraa aalajangersakkap oqaasertaani taaneqanngilaq.

Paasitinneqarsinnaatitaaneq pillugu inatsit malillugu aalajangersakkap takunnissinnaatitaanermut isumaa

Danskit sullivimmi avatangiisinut inatsisaanni aalajangersagaq assingusoq § 79, imm. 2 siornatigut Kalaallit Nunaanni sullivimmi avatangiisinut inatsisitut atuuttuusutuulli assinganik

allassimanikuuvoq, kisiannili 2010-mi allanngortinneqarluni. Danskit aalajangersagaat, 2010 sioqqullugu aamma allassimanerani, Sullivinnik Nakkutilliisoqarfiup periusiani aalajangiinernut sunniuteqartarsimavoq illuatungiunngitsunut, kisiannili allat takunnissinnaatitaanerannut, aammalu tamanna periuseq Folketingip Ombudsmandianut maalaarutigineqarsimalluni. Ombudsmandi suliami oqaaseqarpoq, Sullivinnik Nakkutilliisoqarfimmut maalaaruteqartoqarsimaneranik paasissutissaq aammalu kiminngaanniit, malilltarisassaq pingaarusoq malillugu takunnissinnaatitaanermit mininneqarsinnaasoq – aamma sulisitsisoq taassumalu sinniisaa pinnagit allanut tunngatillugu pisortat ingerlatsineranni paasitinneqarsinnaatitaaneq pillugu inatsit nr. 572, 19. december 1985-imeersoq tunngavigalugu (Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumut atuuttumut assingusoq). Ombudsmandip suliap suliarinerani Beskæftigelsesministeriami isumaliuutersuutit ilisimalerpai, § 79, imm. 2-p allanngortinneqarnissaanut, taamaalilluni aalajangersakkami toqqaannartumik allassimalerluni, sulisitsisumut taassumalu sinniisaanut saniatigut allanut paasissutissiissutigineqarsinnaanngitsoq, maalaartoqarsimanersoq aammalu kiminngaanniit maalaaruteqartoqarsimanersoq. Ombudsmandi tassunga atatillugu aalajangersakkap qulaajarneqarnissaanut tapersiivoq, pilersinneqartumik danskit sullivimmi avatangiisinut inatsisaanni aalajangersakkami 2010-mi allannguinermi.

Pisortat ingerlatsinerat pillugu inatsit malillugu illuatungeriit takunnissinnaatitaanerannut aalajangersakkap isumaa

Sulisitsisoq maalaaruteqarnermik suliamut takunninnissamut noqqaassuteqarpat Kalaallit Nunaanni pisortat ingerlatsinerat pillugu inatsimmi §§ 9 aamma 15 malillugit suliaq aalajangiiffigineqassaaq, suliffeqarfimmi pissutsit pillugit maalaaruteqarsimanermi sulisitsisoq illuatungiusinnaammat. § 9, imm. 2 malillugu inunnut nipangiussisimasussaataitaaneq pillugu aalajangersakkat pisortat ingerlatsinerat pillugu inatsit malillugu pisortani atuuffeqartunut imaluunniit inuuniuteqartunut takutitsinissamut pisussaaffik atuutinngilaq. ”Forvaltningsloven med kommentarer”-imi John Vogter-imit allanneqartumi, 2001, naqitat 3.-at qupp. 331 nalilerneqarpoq, pisortat ingerlatsinerat pillugu inatsit malillugu aalajangiinerni danskit sullivimmi avatangiisit pillugit inatsisaanni § 79, imm. 2-p illuatungiusup takunnissinnaaneranut tunngatillugu ilanngunneqassasoq, taamaalilluni sullivimmi avatangiisit pillugit suliami pineqartumi sulisitsisoq takunnissinnaanermik itigartinneqarsinnaalluni maalaaruteqartoqarsimasinnaanera eqqarsaatigalugu.

Aalajangersakkap inunnut paasissutissat pillugit inatsimmi malittarisassanut isumaa

Kalaallit Nunaanni inunnut paasissutissat pillugit inatsimmi § 29, imm. 1-malillugu paasissutissiisussaataitaaneq pillugu, aamma § 31, imm. 1 malillugu paasisimasaqarnissamut pisinnaatitaaneq pillugu malittarisassat atuutissapputtaa, Sullivinnik Nakkutilliisoqarfik suliffeqarfik inummik pigineqartoq pillugu imaluunniit soqutigisaqaqatigiit ingerlatseqatigiiffiat minnerusoq pillugu maalaarummik nalunaarsuisimagaangat, tassani soqutigisaqaqatigiit inuullutik.

Taamaattoq inunnut paasissutissat pillugit inatsimmi § 30, imm. 1 aamma 2 periarfissiipput § 29, imm. 1-ip aamma § 31, imm. 1-ip saneqqunniissaannut, nalilersuisoqareerneratigut nalunaarsorneqarsimasup paasissutissanik ilisimasaqalernissamut soqutigisaqarnera saneqqunneqartariaqartoq namminerisamik soqutigisanik imaluunniit misissuinissanik, nakkutilliinissanik imaluunniit aaqqiinissanik mianerinninneq tunngavigalugu. Tamatumunnga atatillugu nalilerneqassaaq, paasissutissiisussaataitaaneq aamma paasisimasaqarnissamut pisinnaatitaaneq tamakkiisumik saneqqussisuunersut imaluunniit taamaallaat kinguartinneqassanersut suliap misissorluarneqarnissaata tungaanut. Tamatumunnga atatillugu nalilerneqarpoq, maalaaruteqartup kinaassusaata illersorneqarnera piffissaq eqqarsaatigalugu killilersimaarneqarnissaa ajornakusoortartoq. § 30, imm. 1 aamma 2 malillugit aalajangiinnermi aamma Kalaallit Nunaanni sullivimmi avatangiisinut inatsimmi § 62, imm. 2 isumalittut inissisimassaaq.

2.6.5.2. Beskæftigelsesministeriap isumaliuutersuutai

Folketingip Ombudsmandiata oqaaseqaatimini Sullivinnik Nakkutilliisoqarfiup tusagassiortup takunninnissaanut itigartitsissutaa, pkt. 2.6.1-ip ataani nassuiarneqartoq, innersuussutigisimavaa aalajangersakkamik qulaajaanissamik kinguneqartinneqassasoq, nipangiussisimasussaataitanermut immikkut ittumut malittarisassamut tunngatillugu inuit toqqannartumik pineqartillugit. Ombudsmandip aamma oqaaseqaatigivaa, aalajangersagaq imatut aamma kinguneqartoq, sulisitsisup aamma tassunga sinniissup saniatigut aamma allaninngaanniit takunninnissamut noqqaassuteqarneq Sullivinnik Nakkutilliisoqarfimmit itigartinneqarsinnaasoq, aammalu taamaattumillu angusaqartoqarsinnaasoq innuttaasunut nalorninanngitsumik allanneqartutut aalajangersakkamik allannguinnikkut.

Beskæftigelsesministeriap kissaatigivaa maalaaruteqartut kinaassusiisa isertuunneqarnerisa illersorluinnarneqarnerata attatiinnarneqarnissaa, kiisalu Sullivinnik Nakkutilliisoqarfiup maalaarutiniq malersuinikkut nakkutilliinnerminik aaqquissuussisinnaanerata attatiinnarneqarnissaa.

2.6.5.3. Aaqquissuussaaneq siunnersuutigineqartoq

§ 62 stk. 1-imik allannguinnissaaq siunnersuutigineqartoq, Kalaallit Nunaanni pinerluttulerinnermi inatsimmi nipangiussisimasussaataitaaneq pillugu aalajangersakkanik allannguinnermit kinguerisaasut pissutigalugit aaqqiineruvoq.

§ 62 stk. 2-mik allannguinnissaaq siunnersuutigineqartoq, inunnik nipangiussisimasussaataitaaneq pillugu malittarisassani toqqaannartumik pineqartunik annertusaaneruvoq. Allannguinnerup

kingunerivaa, Sullivinnik Nakkutilliisoqarfiup maalaarummik tigusaqarsimanini pillugu sulisitsisumut imaluunniit allanut paasissutisseeqqusaannginnera.

Paasissutissanik ingerlatitseqqiinnginnissaq pillugu illersuinermi pineqarput maalaarutit, atorfilittamit imaluunniit taassuma sinniisuanit tiguneqartut. Maalaarutigineqartup imarisaa pillugu paasissutissat aalajangersakkami ilaatinneqarput, paasissutissat maalaaruteqartup kinaassusaanik paasititsisut, maalaaruteqartoqarsimaneranut paasissutissat, aammalu maalaaruteqarneq tunngavigalugu nakutilliilluni pulaartoqarnissaa pillugu paasissutissat.

Nakkutilliinernut naliginnaasunut attuumatillugu aalajangersagaq isumaqarpoq, Sullivinnik Nakkutilliisoqarfiup sulisuisa maalaartoqarsimanera tunngavigalugu nakutilliilluni pulaartoqarnissaa paasissutigeqqusaanngikkaat, imaluunniit Sullivinnik Nakkutilliisoqarfik maalaarummik tigusaqarsimasoq. Paasissutissanik tamakkuninnga noqqaaneq pisortat ingerlatsinerat pillugu inatsimmi, pisortat ingerlatsinerat pillugu paasitinneqarsinnaatitaaneq pillugu inatsimmi aammalu inunnut paasissutissat pillugit inatsimmi malittarisassat malillugit suliarineqassaaq.

Allaninngaanniit illuatungiunngitsunit allagaatinik takunninnissamut noqqaaneq allannguutitigut ingerlaannaq Sullivinnik Nakkutilliisoqarfimmit itigartinneqarsinnaavoq, pisortat ingerlatsinerat pillugu paasitinneqarsinnaatitaaneq pillugu inatsimmi § 35 tunngavigalugu, sullivimmi avatangiisinut inatsimmi § 62, imm. 2 innersuussutigalugu.

2.6.6. Inatsimmik unioqqutitsinerit pillugit Sullivinnik Nakkutilliisoqarfiup aalajangiisinnaanermut tunngavia

2.6.6.1. Inatsisit atuuttut

Inatsimmi § 60, imm. 1-imi aalajangersarneqarpoq Sullivinnik Nakkutilliisoqarfik peqqusisinnaasoq, pissutsit inatsimmut imaluunniit malittarisassanut imaluunniit inatsit malillugu aalajangiinernut naapertuutinngitsut, piaartumik aaqqinneqarnissaannut imaluunniit piffissarititaasoq qaangiutsinnagu. Peqqussummi suliffeqarfik pissutsip inatsimmut naapertuuttunngortinneqarnissaanut peqquneqassaaq.

2.6.6.2. Beskæftigelsesministeriap isumaliuutersuutai

Danskit sullivimmi avatangiisinut inatsisaat assigalugu erseqqarissuusariaqarpoq, Sullivinnik Nakkutilliisoqarfiup qisuariaateqarnissamut periarfissaanik atuineri, sullivimmi avatangiisinut inatsimmik unioqqutitsisimanerup aalajangiisuunissaa. Aalajangiineq, unioqqutitsinermik taamaallaat paasisaqarfiusoq, peqqussuteqarfiunani saqqummiussineqarfiussaaq, naak

aalajangiinissaq sioqqullugu suliffeqarfiup pissuseq pineqartoq inatsimmik malinnilernermik kinguneqartissimagaluaraa.

2.6.6.3. Aaqqissuussaaneq siunnersuutigineqartoq

§ 60 stk. 1-imik allannguissamik siunnersuutitigut, aalajangiineq, taamaallaat unioqqutitsinermik paasisaqarfiusoq, peqqussuteqarfiunani saqqummiussineqarfiussaaq, naak aalajangiinissaq sioqqullugu suliffeqarfiup pissuseq pineqartoq inatsimmik malinnilernermik kinguneqartissimagaluaraa.

Aalajangiineq, taamaallaat sullivimmi avatangiisinut inatsimmik unioqqutitsinermik paasisaqarfiusoq, peqqussuteqarnerminngaanniit immikooruteqassaaq, suliffeqarfimmut taamaallaat nalunaaruteqarnikkut, piffissami nakkutilliilluni pulaarnermi unioqqutitsisumik inissisimasoqarsimanera pineqarluni.

2.6.7. Maalaaruteqarsinnaanermut periarfissap allanngortinneqarnera

2.6.7.1. Inatsisit atuuttut

§ 64, imm. 1-imi aamma 2-mi allaqqavoq, Sullivinnik Nakkutilliisoqarfiup aalajangiinera pillugu maalaarummik beskæftigelsesministerimut saqqummiunneqarsinnaasoq, aalajangiinerup pineqartumut nalunaarutigineqarneraniit sapaatip akunneri 6-t qaangiutsinnagit, aammalu maalaarut Sullivinnik Nakkutilliisoqarfimmut nassiunneqassasoq – aalajangiinerlu aalajangiusimaneqarpat – tassanngaanniit beskæftigelsesministerimut ingerlateqqinneqartussaq.

§ 64, imm. 3-mi aamma 4-mi allaqqavortaaq, piffissaq eqqorlugu atuutilissasoq beskæftigelsesministeri aalajangiisimalerpat imaluunniit beskæftigelsesministeri allamik aalajangiippat, aammalu beskæftigelsesministeri maalaarummik suliaqarsinnaappat aammalu piffissaq eqqorlugu atuutilersitsilluni, tunngaviit immikkut ittut taamaattussaatsippata, naak maalaarut eqqortumik pilersinneqarsimanngikkaluartoq.

Aamma § 64, imm. 5-imi allaqqavoq, beskæftigelsesministeri Arbejdsmiljørådet-imiik oqaaseqaammik piniassasoq, maalaaruteqarneq pillugu aalajangiinissaq pitinnagu.

2.6.7.2. Beskæftigelsesministeriap isumaliuutersuutai

1999-imi Arbejdsmiljøklagenævneti Danmarkimi pilersinneqarpoq. Arbejdsmiljøklagenævnetip ilaatigut Danmarkimi sullivinni nakkutilliisut aalajangigaat pillugit maalaarutit danskit sullivimmi avatangiisinut inatsisaat naapertorlugu suliarisarpai.

Arbejdsmiljøklagenævnetip pilersinneqarnerata kingorna aalajangiinerit pillugit maalaarutit danskit sullivimmi avatangiisinut inatsisaat malillugu beskæftigelsesministerimut saqqummiunneqartarunnaarlutik Arbejdsmiljøklagenævnetimut saqqummiunneqartalerput.

Arbejdsmiljøklagenævneti allaffissornikkut Beskæftigelsesministeriap ataaniippoq, kisianni ataatsimiititaq pisortat oqartussa qarfigaat arlaannaanulluunniit attuumassuteqanngitsaq, aammalu ataatsimiititaq sulianik ingerlatsineri ministeriamut attuumassuteqarnani.

Arbejdsmiljøklagenævneti 1999-imiilli sullivimmi avatangiisinut inatsimmut tunngatillugu immikkut ilisimasaqaleriartorsimammat, naapertuuttutut isigineqarpoq, maannakkut inatsit naapertorlugu Kalaallit Nunaanni Sullivinnik Nakkutilliisoqarfiup aalajangigai pillugit maalaaruteqarsinnaaneq Danmarkimi Arbejdsmiljøklagenævnetimut inissinneqarnissaa.

Tamatumunnga atatillugu attuumassuteqassaaq § 64, imm. 5-imi maalaaruteqarneq pillugu suliani aalajangiinissaq pitinnagu Kalaallit Nunaanni Sullivimmi avatangiisit pillugit siunnersuisoqatigiinninngaanniit oqaaseqaam-mik piniartarnissamik piumasaqaatip attatiinnarneqarnissaa. Tamanna Kalaallit Nunaanni Sullivimmi avatangiisit pillugit siunnersuisoqatigiit Kalaallit Nunaanni pissutsit pillugit immikkut ilisimasaqarnerannik tunngaveqarpoq.

2.6.7.3. Aaqquissuussaneq siunnersuutigineqartoq

Siunnersuutigineqarpoq, § 64, imm. 1-4 imatut allanngortinneqassasoq ”beskæftigelsesministeri” ”Arbejdsmiljøklagenævneti”-mik taarserlugu, aammalu imm. 3-mi ”beskæftigelsesministerip aalajangiinera” ”Arbejdsmiljøklagenævnetip aalajangiinera”-mut allanngortinneqassasoq.

Maannakkut inatsit naapertorlugu Kalaallit Nunaanni Sullivinnik Nakkutilliisoqarfiup aalajangigai pillugit maalaarutit, siunissami Danmarkimi Arbejdsmiljøklagenævnetimut saqqummiunneqartalissapput. Ataatsimiititap maalaarut pillugu aalajangiinissaa sioqqullugu Kalaallit Nunaanni Sullivimmi avatangiisit pillugit siunnersuisoqatigiinniit oqaaseqaammik piniartoqassaaq. Sullivinnik Nakkutilliisoqarfik oqaaseqaammik piniartuussaaq, Arbejdsmiljøklagenævnetimut maalaarummik nassiussinnginnermi.

2.7. Akiligassiissutip annertussusaanik qaffaaneq

2.7.1. Inatsisit atuuttut

Kalaallit Nunaannu sullivimmi avatangiisinut inatsimmik unioqqutitsinerit pinerluttulerinermi eqqartuussisarnermi pineqaatissiinernik kinguneqarsinnaapput. Sullivimmi avatangiisinut inatsimmik unioqqutitsineq nalinginnaasumik akiliisitaanermik pineqaatissinneqarnermik kinguneqartarpoq.

Sullivimmi avatangiisinut inatsimmik sulisitsisup tigussaasut pillugit unioqqutitsineranut tunngaviusumik 20.000 kr.-nik imaluunniit 40.000 kr.-nik annertussuseqartarpoq apeqqutaalluni unioqqutitsineq qanoq ingasatsiginersoq, tak. § 65, imm. 1, imaluunniit § 66, imm. 1.

Tunngaviusumik akiligassiissut marloriaatinngortinneqassaaq, unioqqutitsineq inuup annertuumik ajoquserneranik kinguneqarsimappat imaluunniit toqumik kinguneqarsimappat, tak. § 65, imm. 2. Tamatuma kingorna akiligassiissut 5.000 kr.-nik annertunerulersinneqarsinnaavoq, unioqqutitsinermut atatillugu sakkortusaasunik tunngaveqarnermi, tak. § 65, imm. 4. Akiligassiissut 10.000 kr.-nik annertunerulersinneqarqissinnaavoq, unioqqutitsinermut atatillugu immikkut ittumik sakkortusaasunik tunngaveqarnermi, tak. § 65, imm. 5.

Skema 1-ip takutippaa sulisitsisunut akiligassiissutit qaffasissusaat atuuttut, unioqqutitsisoqarsimaneranut inuup annertuumik ajoquserneranik kinguneqartumik imaluunniit toqumik kinguneqartumik, sakkortusaasunik tunngaveqarnermi aammalu immikkut ittumik sakkortusaasunik tunngaveqarnermi, aammalu tunngaviusumik akiligassiissutit 20.000 kr.-niullutik imaluunniit 40.000 kr.

Skema 1 sulisitsisunut akiligassiissutit annertussusaat atuuttut

	Unioqqutitsinerit isumannaassutsimut imaluunniit peqqissutsimut toqqaannartumik navianartorsiortitsisut	Unioqqutitsinerit ingasannerusut isumannaassutsimut imaluunniit peqqissutsimut toqqaannartumik navianartorsiortitsisut
Tunngaviusumik akiligassiissut	20.000	40.000
Inuup annertuumik ajoquserneranut imaluunniit toquneranut	20.000	40.000

Sakkortusaasunik tunngaveqarnermut	5.000	5.000
Immikkut ittumik sakkortusaasunik tunngaveqarnermut	10.000	10.000
Akiligassiissutit katillugit	55.000	95.000

Sullivimmi avatangiisinut inatsimmik tigussaasutigut unioqqutitsinernut tunngaviusumik akiligassiissut

§ 65, imm. 1, aamma § 66, imm. 1 malillugit tunngaviusumik akiligassiissut unioqqutitsinerup qanoq ingasatsiginera apeqqutaalluni aalajangersarneqartarpoq. Tigussaasutigut unioqqutitsinerit unioqqutitsinerupput, toqqaannartumik isumannaassutsimut imaluunniit peqqinnermut navianaateqartut. Assersuutigalugu silaannarmik milluaasoqarani svejserinerusinnaavoq imaluunniit nakkarsinnaanermut sillimmaeqarani portusuumi sulinnermut tunngasinnaavoq. Tigussaasutigut unioqqutitsinernut § 65, imm. 1, aamma § 66, imm. 1 malillugit sulisitsisunut tunngaviusumik akiligassiisoqartarpoq 20.000 kr.-nik.

Sullivimmi avatangiisinut inatsimmik tigussaasutigut unioqqutitsinerit ilaat suussusersineqarsimapput, unioqqutitsineq ima ingasatsigisinnaammat, inuunermut imaluunniit peqqissutsikkut ajoqusiineq imaluunniit ajoqusernerusinnaasoq tisussaasutigut unioqqutitsinernut allanut sanilliullugu annertunerussatut nalilerneqarluni. Assersuutigalugu aserorterineramik suliaqarnerusinnaavoq eqqortunik isumannaassutsimut illersuuteqarfiumngitsoq, assaanagerusinnaavoq nunap nakkaasinnaaneranut sillimaffiumngitsoq aammalu sulinerusinnaavoq qaatoorsinnaanermut, ipisinnaanermut, toqunartumik najuussuisinnaanermut imaluunniit neriorneqarsinnaanermut navianaateqarfusoq. Suliani taamaattuni § 65, imm. 1, aamma § 66, imm. 1 malillugit tunngaviusumik akiligassiisoqartarpoq 40.000 kr.-nik.

Unioqqutitsinernut inummut annertuumik ajoqusinermik imaluunniit toqumik kinguneqarsimasunut akiligassiisummik qaffaaneq

§ 65, imm. 2-mi allaqqavoq, imm. 1 malillugu pinerluttulerinermi eqqartuussisarnermi pineqaatissiinermik qaffasissusiliinermi sakkortusaataassasoq unioqqutitsineq inummut annertuumik ajoqusernermik kinguneqarsimappat imaluunniit toqumik kinguneqarsimappat.

Aalajangersakkamik pineqartumik akuersinermut atatillugu piumasaqaataavoq, § 82, imm. 1 malillugu unioqqutitsinernut akiligassiissutit marloriaatinngortinneqarnissaat, unioqqutitsineq inummut toqumik imaluunniit annertuumik ajoqusernermik kinguneqarsimappat.

Tamanna sulisitsisut unioqqutitsinerinut tunngaviusumik akiligassiissutinik 20.000 kr.-iniit 40.000 kr.-nut qaffaanermik kinguneqarpoq, aammalu unioqqutitsinernut tunngaviusumik akiligassiissutinut 40.000 kr.-iniit 80.000 kr.-nut qaffaanermik kinguneqarluni.

Taamaaqataanik unioqqutitsinernut, inummut toqumik imaluunniit annertuumik ajoqusernarmik kinguneqartunut, piumasaqaataavoq inunnut pineqartunut allanut akiligassiissutip marloriaatinngortinneqarnissaa, § 65, imm. 2 malillugu pinerluttulerinermi eqqartuussisarnikkut pineqaatissiissutinik aalajangiinerni.

§ 65, imm. 2 malillugu piumasaqaataavoq, unioqqutitsinerup inummut toqumik imaluunniit »annertuumik ajoqusernarmik« kinguneqarsimanera.

Taaguummi »annertuumik ajoquserneq«-mi assersuutigalugu pineqarsinnaapput timip ilaanik peersitsinerit, saarngikkut napinerit, kilerujussuarnert imaluunniit timi tamangajaat neriornerit aammalu toqunartutornerit. Pillunnerit kiisalu inussakkut napinerit nalinginnaasumik annertuumik ajoqusernertut nalilerneqarneq ajorput. Aammattaaq ajoqusernerup »annertuumik ajoquserneq«-tut nalilerneqarsinnaaneranut tunngatillugu eqqartuussiviit naliliinerat apeqqutaasarpog.

§ 65, imm. 2 malillugu sakkortusaasunik tunngaveqarluni aammalu immikkut ittumik sakkortusaasunik tunngaveqarluni § 65, imm. 4, nr. 1 aamma 3-4, aamma § 82, imm. 5 innersuussutigalugit akiligassinneqarnerit qaffaqinneqarsinnaapput, kisianni § 65, imm. 4, nr. 2-mi sakkortusaasunik tunngaveqarnermut innersuussinani. § 65, imm. 4, nr. 2 malillugu akiligassiisummik qaffaanermut ilaatinneqarput unioqqutitsinerit, sulinermi annikitsumik ajoqusernarmik kinguneqarsimasut, imaluunniit unioqqutitsinermi inuunermut imaluunniit peqqinnermut ulorianartorsiortitsisumik pilersitsiviusimasut.

Atorfilittat, sulitilluni ajutoornermi ajoquserut, pinerluttulerinermi eqqartuussisarnermi pineqaatissiisoqarnissaanut tunngavissiiingillat. Atorfilittat, unioqqutitsinikkut suleqatimi ajoquserneranut pissutaasut, taamatuttaaq pinerluttulerinermi eqqartuussisarnermi pineqaatissiisoqarnissaanut tunngavissiiingillat.

Immikkut ittumik sakkortusaasunik tunngaveqartumik unioqqutitsinermut akiligassiineq qaffasinnerusoq

§ 65, imm. 4 atuuttoq malillugu, pinerluttulerinermi eqqartuussisarnermi pineqaatissiissutissamik uuttuinnermi sakkortusaataasussatut isigineqassaaq,

- 1) unioqqutitsineq piaaraluneernikkut imaluunniit mianersuaalliorujussuarnikkut pisimappat,

- 2) unioqqutitsinermi inuuneq imaluunniit peqqinneq ajoquserneqarsimappata imaluunniit ulorianartorsiortinneqarlutik, pisoq imm. 2-mi ilaatinneqartunik annertuumik ajoqusernermik imaluunniit toqumik kinguneqanngikkaluartoq,
- 3) siornatigut § 60, imm. 1 imaluunniit 2 malillugit peqqussuteqartoqarsimappat, pisumut assinganut ilmaluunniit assigisaanut,
- 4) unioqqutitsinermi aningaasaqarnikkut nammineq imaluunniit allat iluanaaruteqarnissaat anguneqarsimappat imaluunniit anguniakkatut anguneqarsimappat.

Danskit siornatigut eqqartuussisarnerat malillugu qulaani taaneqartutut pisunut akiligassiissut 5.000 kr.-nik qaffanneqassaaq.

Immikkut ittumik sakkortusaasunik tunngaveqartumik unioqqutitsinermut akiligassiineq qaffasinnerusooq aammalu immikkut ittumik sakkortusaasunut susassaarfimmik annertunerulersitsineq

§ 65, imm. 5, nr. 1 atuuttoq malillugu, immikkut ittumik sakkortusaasutut isigineqassapput, inuusuttut 18-it ataallugit ukiullit inuunikkut imaluunniit peqqinnikkut ajoquserneri imaluunniit ulorianartorsiortinneqarneri.

Aalajangersagaq sulisitsisunut aamma allanut atuuppoq, sullivimmi avatangiisinut inatsit malillugu pisussaaffeqartunut. Danskit siornatigut eqqartuussisarnerat malillugu qulaani taaneqartutut pisunut akiligassiissut 10.000 kr.-nik qaffanneqassaaq.

Immikkut ittumik sakkortusaasutut isigineqassanngillat, inunnut arlalinnut inuunikkut imaluunniit peqqinnikkut ajoqusernerit imaluunniit ulorianartorsiortitsinerit.

Aamma sullivimmi avatangiisit pillugit suliani periusiunngilaq nalinginnaasoq, aammaartumik pisoqaqqinnerani pineqaatissiissutitigut ilasisarneq, suliffeqarfimmut siornatigut pinerluttulerinermi eqqartuussisarnermi pineqaatissiisimaneq eqqarsaatigalugu.

2.7.2. Beskæftigelsesministeriap isumaliuutersuutai

Danskit sullivimmi avatangiisinut inatsisaat assigalugu Kalaallit Nunaanni sullivimmi avatangiisinut inatsimmik umioqqutitsinermut akiligassiissutip annertussusaa qaffanneqartariaqarpoq. Danskit sullivimmi avatangiisinut inatsisaanni akiligassiissutip qaffasissusaa inatsimmik allannguinnikkut kingullermik allanngortinneqarpoq 2015-imi aamma 2019-imi. Inatsimmik allannguinerit sullivimmi avatangiisit pillugit politikkikkut isumaqatigiissutit 2015-imeersut aamma 2019-imeersut piviusunngortippai.

Politikkikkut isumaqatigiisummi ”En styrket arbejdsmiljøindsats – Alle har ret til et sikkert og sundt arbejdsmiljø” 26. marts 2015-imeersumi iliuuseqarneq 12-imut atatillugu piumasaqaataasimavoq, suliffeqarfiit ingasattumik sullivimmi avatangiisinut inatsimmik unioqqutitsisut sakkortunerusumik pillarneqartarnissaat.

2015-imi isumaqatigiisummi piumasaqaataasimavoq, sakkortusaasunik tunngaveqarnermut aamma immikkut sakkortusaasunik tunngaveqarnermut akiligassiissutit qaffanneqarnissaat, kiisalu immikkut sakkortusaasunik tunngaveqarnermi pineqartut annertusineqarnissaat.

Danskit sullivimmi avatangiisinut inatsisaata allanngortinneqarnissaanut inatsit nr. 1869, 29. december 2015-imeersoq akiligassiissutinik qaffaanernut, politikkikkut isumaqatigiisummit 26. marts 2015-imeersumit malitsiusumut inatsisitigut tunngavissiivoq. Inatsit atuilerpoq ulloq 1. januar 2016.

Nutaamik aamma pitsaanerusumik sullivimmi avatangiisitigut suliniuteqarniarluni aammalu suliffeqarnermi pissutsit pitsaasuunissaat pillugu politikkikkut isumaqatigiisummi april 2019-imeersumi danskit sullivimmi avatangiisinut inatsisaannik unioqqutitsinernut akiligassiissutit qaffaqqinneqarput, unioqqutitsinernut annertuumik inunnut ajoqusernermik kinguneqartunut imaluunniit toqumik kinugneqartunut, kiisalu sullivimmi avatangiisinut inatsimmik arlaleriarluni ingasattumik unioqqutitsinernut.

Politikkikkut isumaqatigiisummi 2019-imeersumi allaqqavoq, sullivimmi avatangiisinut inatsimmik unioqqutitsinernut annertuumik inunnut ajoqusernermik kinguneqartunut imaluunniit toqumik kinugneqartunut akiligassiissutit qaffaqqinneqarnissaat. Aamma allaqqavoq, unioqqutitsinernut taamaattunut sulisitsisunut tunngaviusumik akiligassiissutit 20.000 kr.-niit 40.000 kr.-nut qaffanneqarnissaat aammalu 40.000 kr.-niit 80.000 kr.-nut qaffanneqarnissaat.

Aammattaaq 2019-imi isumaqatigiisummi allaqqavoq, sullivimmi avatangiisinut inatsimmik unioqqutitseqattaarnernut ingasattanut akiligassiissutaasartut qaffanneqarnissaat. Aamma allaqqavoq, sulisitsisumut akiligassiissut 10.000 kr.-nut qaffaqqinneqartassasoq, sulisitsisoq ukiut 4-t iluani arlaleriarluni akiligassinneqartarsimappat sullivimmi avatangiisinut inatsimmik ingasattumik unioqqutitsisutut.

Sullivimmi avatangiisinut inatsisip allanngortinneqarnissaanut inatsit nr. 1554, 27. december 2019-imeersoq akiligassiissutinik qaffaanissamut inatsisitigut tunngaviliisimavoq, sullivimmi avatangiisit pillugit politikkikkut isumaqatigiisutip 2019-imeersup kingunerisaanik. Akiligassiissutinik qaffaanerit unioqqutitsinernut inunnut annertuumik ajoqusernermik kinguneqartunut, imaluunniit toqumik kinguneqartunut, aammalu sullivimmi avatangiisinut inatsimmik arlaleriarluni ingasattumik unioqqutitsinernut, atuutilersinneqarput 1. januar 2020.

Inatsisissatut siunnersuummi L 65, 19. november 2019-imeersumi inatsimmut nr. 1554, 27. december 2019-imeersumut aamma siunnersuutigineqarpoq, sullivimmi avatangiisinut inatsimmik tigussaasutigit unioqqutitsinernut akiligassiissutip qaffanneqarnissaa. Inatsimmut allannguutissami oqaaseqaatini aamma allaqqavoq, politikikkut piumasaqaataasoq, tunngaviusumik akiligassiissutip qaffanneqarnera ulloq 1. september 2021-imi atuutilersinneqassasoq.

2.7.3. Aaqqissuussaaneq siunnersuutigineqartoq

Sullivimmi avatangiisinut inatsimmik tigussaasutigit unioqqutitsinernut tunngaviusumik akiligassiissuummik qaffaaneq

Siunnersuutigineqarpoq, § 65, imm. 1-ip, aamma § 66, imm. 1-ip allanngortinneqarnissaat, sullivimmi avatangiisinut inatsimmik tigussaasu-tigit unioqqutitsinernut akiligassiissutit qaffanneqarnissaat siunertaralugu.

Tamanna sulisitsisunut isumaqarpoq, piumasarineqartoq, tigussaasutigit unioqqutitsinernut, sulisitsisumit akisussaaffigineqartunut, tunngaviusumik akiligassiissutit 20.000 kr.-niit 24.600 kr.-inut aammalu 40.000 kr.-niit 44.600 kr.-inut qaffanneqarnissaat.

Unioqqutitsinerup qanoq ingasatsiginera apeqqutaatillugu aalajangerneqartassaaq tunngaviusumik akiligassiissutit 24.600 kr.-iussanersut imaluunniit 44.600 kr.-nit.

Sullivimmi avatangiisinut inatsimmik unioqqutitsilluni isumannaassutsimik imaluunniit peqqinnermik toqqaannartumik navianartorsiortitsinermut tunngaviusumik akiligassiissutaassapput 24.600 kr.-nit. Ullumikkut unioqqutitsinernut taamaaqataanut akiligassiissut 20.000 kr.-niuvoq. Immikkoortoq 2.7.1.-imi inatsisit atuuttut nassuiaatigineranni assersuutit innersuussutigitineqarput.

Sullivimmi avatangiisinut inatsimmik ingasattumik unioqqutitsinernut inuunerup imaluunniit peqqinnerup annertuumik ulorianartorsiortinneqarsinnaaneri annertunerulluni tigussaasutigit unioqqutitsinernut nalinginnaasunut sanillugu tunngaviusumik akiligassiissutaassapput 44.600 kr.-nit. Ullumikkut unioqqutitsinernut taamaaqataanut akiligassiissut 40.000 kr.-niuvoq. Immikkoortoq 2.7.1.-imi inatsisit atuuttut nassuiaatigineranni assersuutit innersuussutigitineqarput.

Unioqqutitsinernut inummut annertuumik ajoqusernermik imaluunniit toqumik kinguneqarsimasunut akiligassiissutit qaffanneqarneri

Siunnersuutigineqarpoq, sullivimmi avatangiisinut inatsimmi § 65, imm. 2 allanngortinneqassasoq, tamatumuunakkullu piumasaqaataalerluni, tunngaviusumik akiligassiissut ilassutitigit

qaffanneqassasoq tunngaviusumik annertussutisip marloriaataanik, unioqqutitsineq inummut annertuumik ajoqusernermik imaluunniit toqumik kinguneqarsimappat.

Unioqqutitsineq inummut annertuumik ajoqusernermik imaluunniit toqumik kinguneqarsimagaangat taava § 65, imm. 2-mik allannguineq sulisitsisunut ima isumaqassaaq, sullivimmi avatangiisinut inatsimmik unioqqutitsinermut tunngaviusumik akiligassiissutip ima annertussuseqarnissaa:

– ilaliussatigut qaffanneqassaaq 49.200 kr.-ninet (24.600 kr. marloriarlugit) unioqqutitsinernut tunngaviusumik akiligassiissuteqarfiusunut 24.600 kr.-nik

– ilaliussatigut qaffanneqassaaq 89.200 kr.-ninet (44.600 kr. marloriarlugit) unioqqutitsinernut tunngaviusumik akiligassiissuteqarfiusunut 44.600 kr.-nik

§ 65, imm. 2-p allanngortinneqarnissaanut siunnertuutitigut akiligassiissutip qaffasissusaanik allannguineq taamaallaat siunertarineqarpoq. Aalajangersakkap atuuffianik allannguineq siunertaanngilaq.

Unioqqutitsinernut immikkut ittumik sakkortusaasunik tunngaveqartunut akiligassiissutit qaffanneqarneri

Siunnersuutigineqarpoq, § 65, imm. 4 oqaatsitigut nalimmassaanermik allanngortinneqassasoq aalajangersagaq ”ammarumallugu” unioqqutitsinernut immikkut ittumik sakkortusaasunik tunngaveqartunut akiligassiissutit qaffanneqarnissaat siunertaralugu, taamaalilluni akiligassiissutit 5.000 kr.-nik qaffanneqassallutik 10.000 kr.-ninngorlugit immikkut ittumik sakkortusaasunik tunngaveqartumut ataatsimut.

Unioqqutitsinerit immikkut ittumik sakkortusaasunik tunngaveqartut

Siunnersuutigineqarpoq, § 65, imm. 5 normulersukkamik aallanneqassasoq immikkut ittumik sakkortusaasunik tunngaveqartunik taasat annertusitinniarlugit pissutaaqataasunik marlunnik, inatsit malillugu immikkut ittumik sakkortusaasunik tunngaviusutut taasassat:

-inummut arlallinnut inuunikkut imaluunniit peqqissutsikkut ajoqusersimaneq imaluunniit ulorianartorsiortitaalersimaneq (nr. 2),

-inummut pineqartumut imaluunniit inatsisitigut pisussaatitaasumut ukiuni 4-ni kingullerni sullivimmi avatangiisinut inatsimmik ingasattumik unioqqutitsinertik pissutigalugu ataasiaarlutik imaluunniit arlaleriarlutik pinerluttulerinermi pineqaatissinneqarsimasut (nr. 3).

Immikkut ittumik sakkortusaasunik tunngaveqartutut suli isigineqassaaq, inuusuttunut 18-it ataallugit ukiulinnut inuunikkut imaluunniit peqqissutsikkut ajoqusertoqarsimappat imaluunniit inuunikkut ulorianartorsiortoqarsimappat, tak. § 65, imm. 5, nr. 1.

Unioqqutitsinerit, inunnut arlalinnut inuunikkut imaluunniit peqqissutsikkut ajoqusernermik imaluunniit navianartorsiormik kinguneqartut

Siunnersuutigineqartup § 65, imm. 5 nr. 2-p kingunerivaa, immikkut ittumik sakkortusaasunik tunngaveqartutut taaneqartut annertunerulertinnissaat aamma pineqalerlutik, inunnut arlalinnut inuunikkut imaluunniit peqqissutsikkut ajoqusernermik imaluunniit navianartorsiormik kinguneqartut. Aalajangersagaq atorneqarsinnaassaaq, inuit marluk imaluunniit arlallit inuunikkut imaluunniit peqqissutsikkut ajoqusersimappata imaluunniit navianartorsiorsimappata.

Unioqqutitsinerit, inummut pineqartumut imaluunniit inatsisitigut pisussaatitaasumut ukiuni 4-ni kingullerni sullivimmi avatangiisinut inatsimmik ingasattsumik unioqqutitsinertik pissutitaglugu ataasiaarlutik imaluunniit arlaleriarlutik pinerluttulerinerimi pineqaatissinneqarsimasut

Siunnersuutigineqartup § 65, imm. 5 nr. 3-p kingunerivaa, immikkut ittumik sakkortusaasunik tunngaveqartutut taaneqartut annertunerulertinnissaat, inummut pineqartumut imaluunniit inatsisitigut pisussaatitaasumut piginnatitaasumullu ukiuni 4-ni kingullerni sullivimmi avatangiisinut inatsimmik ingasattumik unioqqutitsineq pissutitagalugu ataasiaarlutik imaluunniit arlaleriarlutik pinerluttulerinerimi pineqaatissinneqarsimasut. Piumasaqaataavoq, sunaluunniit siornatigut unioqqutitsineq ingasattoq ukiuni 4-ni pisimasoq pinerlunneq pineqartoq sioqqullugu, ilanngunneqassasoq uteqqiinertut akiligassiissutissap annertussusilerneqarnissaani. Taamaalilluni suliaq aalajangiiffigineqarsimasariaqarpoq pinerlunnerup pisimaneraniit ukiut 4-t iluanni tassa unioqqutitsinerup pineqartup pisiminaneraniit.

Tamanna isumaqarpoq, akiligassiissutip 10.000 kr.-nik qaffaqqinneqartarnissaanik, sulisitsisup sullivimmi avatangiisinut inatsimmik ukiuni 4-ni kingullerni siornatigut ingasattumik unioqqutitsisimasutuut pinerluttulerinerimi pineqaatissinneqarsimalluni taamatulli unioqqutitseqqinneri tamaasa. Ataani taaneqartutuut, immikkut ittumik sakkortusaasunik tunngaveqartunut akiligassiissummik qaffaaneq, isumaqarpoq akiligassiissutip 20.000 kr.-nik qaffanneqqassasut siornatigut ataasiarluni pinerluttulerinerimi pineqaatissinneqarsimanermi, 30.000 kr.-nik siornatigut marloriarluni pinerluttulerinerimi pineqaatissinneqarsimanermi, 40.000 kr.-nik qaffanneqqassasut siornatigut pingasoriarluni pinerluttulerinerimi pineqaatissinneqarsimanermi, 50.000 kr.-nik qaffanneqqassasut siornatigut sisamariarluni pinerluttulerinerimi pineqaatissinneqarsimanermi, il. il.

Siunnersuutigineqartoq malillugu apeqqutaanngilaq, siornatigut sullivimmi avatangiisinut inatsimmik unioqqutitsinermi pinerluttulerinermi pineqaatissiissutigineqarsimasut assigiinnersut, assingunersut imaluunniit allarluinnaanersut. Aalajangiisuusoq tassaavoq, siornatigut unioqqutitsineq aammalu unioqqutitsineq pineqaatissiissutaasusaa kingulleq, tamarmik ingasattutut nalilerneqarsinnaanersut.

Unioqqutitsinernut immikkut ittumik sakkortusaasunik tunngaveqartunut akiligassiissutip qaffanneqarnera

Aamma siunnersuutigineqarpoq, immikkut ittumik sakkortusaasunik tunngaveqartunut akiligassiissutit, tak. § 65, imm. 5 immikkut ittumik sakkortusaasumut ataatsimut 10.000 kr.-niit 20.000 kr.-nut qaffanneqarnissaat.

Skema takussutissiisooq sulisitsisut sullivimmi avatangiisinut inatsimmik unioqqutitsinerinut akiligassiissutissatut siunnersuutigineqartunik

Skema 2-p takussutissiarai sulisitsisunut akiligassiissutitut siunnersuutigineqartut, unioqqutitsinernut inummut annertuumik ajoqusernermik aammalu toqumik kinguneqartunut, tunngavik sakkortusaasoq ataaseq aammalu tunngavik immikkut ittumik sakkortusaasoq ataaseq, kiisalu tunngaviusumik akiligassiissutit 24.600 kr.-iullutik aammalu 44.600 kr.-iullutik.

Skema 2 Sulisitsisunut akiligaassiissutissatut siunnersuutigineqartut koruuninngorlugit

	Unioqqutitsinernut toqqaannartu-mik isumannaassutsimut ima-luunniit peqqinnermut navianaate-qartunut	Unioqqutitsinernut ingasannerusunut toqqaannartumik isumannaassutsimut imaluunniit peqqinnermut navianaateqartunut
Tunngaviusumik akiligassiissutit	24.600	44.600
Annertuumik inuup ajoquserneranut imaluunniit toquneranut	49.200	89.200
Tunnagvimmut sakkortusaasumut ataatsimut	10.000	10.000
Tunnagvimmut immikkut ittumik sakkortusaasumut ataatsimut*	20.000	20.000
Katillugit	103.800	163.800

*) Sulisitsisumut siornatigut pinerluttulerinermi arlaleriarluni pineqaatissinneqarsimasumut unioqqutitseqqikkaangat akiligassiissut 10.000 kr.-nik tamatigut qaffanneqartassaaq.

2.8. Oqaatsitigut aamma pisortatigoortumik allannguinerit

2.8.1. Kalaallit oqaasiinik atuinissamut allannguneq

2.8.1.1. Inatsisit atuuttut

Kalaallit Nunaanni sullivimmi avatangiisinut inatsimmi atuuttumi taaguutit atorineqartut tassaapput »Kalaallit Nunaata naalakkersuisui« aamma »naalakkersuisut« kiisalu »ministeri«.

2.8.1.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

Kalaallit Nunaanni sullivimmi avatangiisinut inatsisip nutarsarneqarneranut atatillugu danskit taaguutaat pisoqalisimasut ullumikkut kalaallisut atuuttunik taarserneqartariaqarput.

Namminersorlutik Oqartussat 21. juni 2009-mi eqqunneqarneranut atatillugu Namminersorlutik Oqartussat inatsisaat nr. 473, 12. juni 2009-meersoq naapertorlugu Kalaallit Nunaata naalakkersuisuinut danskisut taaguut ”Kalaallit Nunaanni naalakkersuisut” Naalakkersuisut-nik taarserneqarpoq. Taamatuttaaq Naalakkersuisunut ilaasortat, danskit miniteriinut assingusut, naalakkersuisunik taaneqartarput. Taamaattumik siunnersuutigineqarpoq, Kalaallit Nunaanni sullivimmi avatangiisinut inatsimmi oqaatsinik atuneq assingisaanik allanngortinneqassasoq.

2.8.2. Sullivinnik Nakkutilliisoqarfiup aalajangiineri pillugit ilisimatitsineq

2.8.2.1. Inatsisit atuuttut

Sullivimmi avatangiisinut inatsimmi § 16 malillugu sulisitsisoq pisussaavoq isumagissallugu atorfilittat isumannaassutsimut sinniisaat aammalu atorfilittatut sinniisaat peqqussutinik suliaqarfimmut attuumassuteqartunik Sullivinnik Nakkutilliisoqarfiup tunniussimasaannik ilisimasaqarnissaat. Assinganik sulisitsisoq pisussaafeqarpoq isumannaassutsimut sinniisunut aammalu atorfilittatut sinniisunut allanut, tamatuminnga noqqaassuteqartunut.

Aalajangersakkami, allassimanera malillugu, taamaallaat pineqarpoq isumannaassutsimut sinniisumut aammalu atorfilittanut sinniisumut Sullivinnik Nakkutilliisoqarfiup peqqussutaanik ilisimatitsinissamut pisussaaftik aalajangiinerillu allat pinnagit.

2.8.2.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

Inatsisissatut siunnersuut pineqartoq nr. 59-imi siunnersuummik imaqarpoq § 60, imm. 1-ip allanngortinneqarnissaanik, taamaalillugu Sullivinnik Nakkutilliisoqarfik suliffeqarfiit pillugit peqqussutaanngitsunik allaanerusunik aalajangiisinnaanngortinneqassalluni, tassunga ilagitillugit aalajangiussat iliuuseqarnissamut pisussaaffittaqqanngitsut.

Taamaalilluni sulisitsisup atorfilittat isumannaassutsimut sinniisaat (siunnersuutigineqartoq allanngortinneqartussatut sullivimmi avatangiisit pillugit sinniisumut, tak. oqaaseqaatit nalinginnaasut pkt. 2.2.1.3.) aammalu atorfilittatut sinniisaat taamaallaat Sullivinnik Nakkutilliisoqarfiup peqqussutaanik ilisimatittassanngilaat aammali Sullivinnik Nakkutilliisoqarfiup allat aalajangiiffigisinnaasai pillugit ilisimatittassallugit. Tamanna isumannaassutsimut sinniisunut aammalu atorfilittatut sinniisunut allanut tamatuminnaga noqqaassuteqartunut aamma atuuppoq.

Siunnersuutigineqarpoq, inatsimmi § 16, imm. 1, naggat 1. allanngortinneqassasoq, allaqqalerluni sulisitsisoq pisussaaffeqalissasoq atorfilittat susassaqaarfiini sullivimmi avatangiisit pillugit sinniisuinut aammalu atorfilittatut sinniisuinut Sullivinnik Nakkutilliisoqarfiup aalajangiineri aamma peqqussutai pillugit ilisimatitsisarnissamut. Taamaaqataanik siunnersuutigineqarpoq, Tilsvarende foreslås det, at 2. pkt. ændres, så arbejdsgiveren skal gøre andre arbejdsmiljørepræsentanter og tillidsrepræsentanter bekendt med Arbejdstilsynets afgørelser og påbud, når de fremsætter anmodning herom.

Taamalilluni erseqqissarneqassaaq, peqqussutaannaanngitsut kisiannili aamma Sullivinnik Nakkutilliisoqarfiup aalajangiineri suulluunniit sulisitsisup sullivimmi avatangiisit pillugit aammalu atorfilittatut sinniisunut ilisimatitsissutigisassagai. Siunnersuut pineqartoq § 60, imm. 1-ip allanngortinneqarnissaanut siunnersuummut attuumassuteqartutut isigineqassaaq.

2.8.3. Akussat aamma atortussat

2.8.3.1. Inatsisit atuuttut

Kalaallit Nunaanni sullivimmi avatangiisinut inatsimmi § 28-mi allaqqavoq, §§ 24, 25, 27 aamma 29, imm. 2-mi teknikkikkut ikiuutit pillugit malittarisassat, akussanik aamma atortussanik *isumannaassutsimut imaluunniit peqqissutsimut ulorianaateqarsinnaasunik* pilersuisunut il. il. aamma atuuttut. Aalajangersakkap akussanik aamma atortussanik pilersuisunut pisussaaffiit arlallit aalajangersarpai.

Inatsimmi kapitali 7-imi, sulisitsisunut saaffiginnittoq, taaguutit akussat aamma atortussat atorineqarput, *isumannaassutsimut imaluunniit peqqissutsimut ulorianaateqarsinnaasut imaluunniit ajorseriartitsisinnaasut.*

2.8.3.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

Beskæftigelsesministeriap naliliinerivaa, pingaaruteqartoq, akussat aamma atortussat ulorianartut aalajangersakkani pilersuisunut sammitinneqartuni aammalu aalajangersakkani sulisitsisunut sammitinneqartuni assigiimmik taagorneqarnissaat, ilaatigut pilersuisut taamaalillutik akussat aamma atortussat ulorianartut pineqartut pillugit pilersuisunut atuinissamut ilitsersuutitik tunniussisinnaaqqullugit, sulisitsisut sullivimmik nalilersuinerminni nalilersugassaannik.

Siunnersuutigineqarpoq, § 28-mi aalajangersakkami ”imaluunniit ajorseriartitsisussaq.” ilanngunneqassaq. Ilanngussineq isumaqassaaq, inatsimmi § 38, imm. 1-imitulli aamma § 39, imm. 2, 4, 5 aamma 6-imitulli assinganik taaguinissaq.

2.8.4. Oqaatsinik atuineq nutaaliaasooq (»atuarfimmi nakorsaq«-p »peqqinnissaqarfik«-mut allanngortinnera)

2.8.4.1. Inatsisit atuuttut

§ 49 a, imm. 1-imi allaqqavoq, beskæftigelsesministeri inuusuttut 18-it ataallugit ukiullit sulisitsisumut sullissilernissartik siunertaralugu nakorsamit misissortinnissaat pillugu malittarisassanik aalajangersaasinnaasooq. Imm. 2-mi allaqqavoq, malittarisassani aalajangersarneqarsinnaasooq, atuarfimmi nakorsaq oqaaseqaateqassaq, ilinniartooq nappaateqarnerooq imaluunniit nappaateqarsimanersooq, ilinniartup isumannaassusaanut aammalu peqqissusaanut inuussutissarsiornermik suliaqarnerata nalaani sunniuteqarsinnaasumik.

2.8.4.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

Inatsimmi oqaatsinik atuinerup nutarsarneqarneranut atatillugu siunnersuutigineqarpoq, § 49 a, imm. 2-mi taaguutip »atuarfimmi nakorsaq«-p »peqqinnissaqarfik«-mut allanngortinneqarnissaa, atuarfimmi nakorsaqarunnaarnikummat.

2.8.5. Suliffigissaaneq pillugu siunnersuisoqatigiit ilusiligaanerat

2.8.5.1. Inatsisit atuuttut

Inatsimmi Suliffigissaaneq pillugu siunnersuisoqatigiit il. il. pillugit kapitali 11-mi, § 51, imm. 1-imi allaqqavoq, Suliffigissaaneq pillugu siunnersuisoqatigiit siulittaasoqartut aammalu arlalinnik ilaasortaqlutik.

§ 51, imm. 1, nr. 5-imi allaqqavoq, ilaasortaq ataaseq Sulisitsisunit (GA) toqqarneqassasoq.

Imm. 1, nr. 6-imi allaqqavoq, ilaasortaq ataaseq Kalaallit Nunaanni Kommunit Kattuffiannit (KANUKOKA) toqqarneqassasoq.

2.8.5.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

Suliffigissaaneq pillugu siunnersuisoqatigiit katitigaanerit pillugu inatsimmi malittarisassat pissutsinik piviusunik takutitsisariaqarput.

Taamaattumik siunnersuutigineqarpoq, ilaasortaq, siornatigut Sulisitsisunit (GA) toqqarneqartarsimasoq, Sulisitsisunit toqqarneqartalerinissaa, tassaasoq Kalaallit Nunaanni inuutissarsiortut kattuffiisa annersaat.

Aammattaaq siunnersuutigineqarpoq, ilaasortaq Kalaallit Nunaanni Kommunit Kattuffiannit (KANUKOKA) toqqarneqartarsimasoq, Kalaallit Nunaanni kommuninit ataatsimoorussamik toqqarneqartalerinissaa, KANUKOKA 2016/2017-imi matuneqarnikummat.

Siunnersuutigineqarpoq, § 51, imm. 1, nr. 5 aamma 6 allanngortinneqassasut allannguutitut qulaani taaneqartunut naapertuuttunngortillugit. Malittarisassat pissutsinut piviusunut naapertuuttunngortinnissaat siunertaavoq.

2.8.6. Piumasarineqartunut tunngatillugu allanngineq (innersuussinermik erseqqissaaneq)

2.8.6.1. Inatsisit atuuttut

Atuuttumi § 59, imm. 4-mi, allaqqavoq, Sullivinnik Nakkutilliisoqarfiup sulisui eqqartuussisup aalajangeranik peqanngikkaluarlutik piginnaatitaasut uppersaasut nassaassaasut tunniunneqarnissaanut piumasaqarnissamut, aammalu sulisitsisoq imaluunniit taassuma sinniisaa tamanna pillugu ilisimatinneqassasoq, tak. § 17 b aamma § 18. § 17 b-mi pineqarpoq, suliffeqarfimmik aqutsisoq imaluunniit aqutsisooqataasoq aammalu § 18-ip nassuiarpaa taaguut sulinermit aqutsisoq. § 59, imm. 4-mi aalajangersakkanut taakkununga innersuussutit siunertaraa, sulisitsisup sinniisaanik taaguinermit suna pineqarnerisooq nassuiarneqarnissaa.

2.8.6.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

§ 59, imm. 4, naggat 2.-mi §§ 17 b-mut aamma 18-imut innersuussineq, massakkut inissisimaneratut, kukkusumik paasisitsisinnaavoq, taakkunani aalajangersakkani marluusuni innersuussutigineqartuni, sulisitsisumik imaluunniit taassuma sinniisuanik ilisimatitsineq pineqarmat aammalu pineqarani maannakkutut allassimaneratut, sulisitsisup sinniisuata kinaaneranik nassuiaaneq. Oqaaaseqatigiit aaqqinneqartariaqarput innersuussineq eqqortumik inissisimassappat. Siunnersuutigineqarpoq, § 59, imm. 4, naggat 2.-mi §§ 17 b-mut aamma 18-imut innersuussineq nuunneqassasoq »taassuma sinniisua«-p kingornanut, taamaalilluni innersuussinermi sulisitsisup sinniisua pineqalerluni, »tamanna pillugu ilisimatinneqassaaq«-mut innersuussinerni innersuussineqarpoq. Inatsisini atuuttuni allannguinnissaq siunertaanngilaq, taamaallaalli inatsimmi aalajangersakkanut sulisitsisup sinniisua pillugu nassuiaatinut, aalajangersakkami taamatut paasineqarnissaatulli, innersuussinerni eqqortumik inissisimanissaa siunertaalluni.

2.8.7. Suliarineqarfissaq

2.8.7.1. Inatsisit atuuttut

§ 70 atuuttoq malillugu Nunatta Eqqartuussisuuneqarfia tassaavoq sullivimmi avatangiisit pillugit sulianik eqqartuussivikkut siullertut suliarinnittarfik. Tamanna ima isumaqarpoq, Kalaallit Nunaanni sullivimmi avatangiisinut inatsit malillugu sullivimmi avatangiisit pillugit sulianik eqqartuussivikkut suliarinninneq Nunatta Eqqartuussisuuneqarfiani aallartinneqartassasoq.

Ukiuni arlalinni suliat illoqarfiit eqqartuussiviini, Nunatta Eqqartuussiviani ingerlanneqartarput, Nunatta Eqqartuussiviata piginnaatinneqarnera allanngortinneqarmat suliareqqitassanngortitanik ingerlatsinermut, tak. Kalaallit Nunaanni eqqartuussisarnermik inatsimmi § 59. Tamanna ima isumaqarpoq, Nunatta Eqqartuussivia aappaattut suliarinnittarfiusoq aammalu taamaallaat sulianik siullertut suliarinnittarfinni najukkami eqqartuussivinni imaluunniit Nunatta Eqqartuussiviani aalajangiiffineqareersimasunik suliarinnittarfiusoq.

Taamaattumik inatsit atuuttoq malillugu sullivimmi avatangiisit pillugit suliat Nunatta Eqqartuussiviani siullertut suliarineqartarput, naak Kalaallit Nunaanni sullivimmi avatangiisinut inatsisip utoqqaanerusup § 70-iani allassimagaluartoq Nunatta Eqqartuussisuuneqarfiani suliat aallartinneqartassasut.

2.8.7.2. Beskæftigelsesministeriap isumaliuutersuutai aamma aaqqissuussaaneq siunnersuutigineqartoq

2010-mi eqqartuussiveqarnermik aaqqissuusseqqinnermi Kalaallit Nunaanni illoqarfimmi eqqartuussivimmik pilersitsisoqarpoq, Nunatta Eqqartuussivianik taaneqartumik. Najukkami

eqqartuussiviit aamma Nunatta Eqqartuussivia siullertut suliarinnittarfiupput. Nunatta Eqqartuussiviata suliarisarpai, Kalaallit Nunaanni najukkami eqqartuussivinnut allaanerusemik, suliat inatsisitigut pisariusut aammalu inuutissarsiornermut attuumassuteqartut.

Nunatta Eqqartuussisuuneqarfia tassaavoq suliareqqitassanngortitsisarfik, tak. Kalaallit Nunaanni eqqartuussisarnermik inatsimmi § 59. Taamaattoq sullivimmi avatangiisinut inatsimmi pisoqaanerusemi § 70-imi allaqqavoq, sullivimmi avatangiigit pillugit suliat Nunatta Eqqartuussisuuneqarfiani siullertut suliarineqassasut. Taamaattumik § 70-ip allanngortinneqarnissaa pisariaqarpoq, taamaalilluni Kalaallit Nunaanni sullivimmi avatangiisinut inatsimmi aamma allaqqalissalluni sullivimmi avatangiisit pillugit suliat siullertut Nunatta Eqqartuussiviani suliarineqartassasut.

Siunnersuutigineqarpoq § 70-ip allanngortinneqarnissaa, taamaalillutik sullivimmi avatangiisitigut unioqqutitsinerit siullertut Nunatta Eqqartuussiviani suliarineqartalissallutik. Nunatta Eqqartuussiviata assigai Danmarkimi illoqarfinni eqqartuussiviit. Suliat Nunatta Eqqartuussiviani aallartereertarmata siunnersuut sullivimmi avatangiisit pillugit suliarinnittarnermut pioreersumut kinguneqassanngilaq.

3. Pisortanut aningaasaqarnikkut aamma atuutilersinneqarnerani kinguneri

Nalilerneqarpoq siunnersuut Kalaallit Nunaanni pisortat ingerlatsinerannut aningaasaqarnikkut imaluunniit atuutilersitsinermut atatillugu taasariaqartunik kinguneqassanngitsoq.

Sullivinnik Nakkutilliisoqarfiup paasissutissaatai tunuliaqutaralugit Justitsministeriap naatsorsuutigivaa, inatsisissatut siunnersuut Justitsministeriap susasaqarfiani killilimmik aningaasartuutaassasoq, Justitsministeriap nammineq sinaakkutaani matussuserneqarsinnaasunik.

4. Inuutissarsiorturnut il. il. aningaasaqarnikkut aamma allaffissornikkut kinguneri

Nalilerneqarpoq siunnersuut inuutissarsiorturnut aningaasaqarnikkut aamma allaffissornikkut taasariaqartunik kinguneqassanngitsoq.

5. Innuttaasunut aningaasaqarnikkut aamma allaffissornikkut kinguneri

Nalilerneqarpoq siunnersuut innuttaasunut aningaasaqarnikkut aamma allaffissornikkut kinguneqassanngitsoq.

6. Avatangiisinut kinguneri

Siunnersuut avatangiisinut kinguneqassanngilaq.

7. EU-mi inatsiseqarnermut tunngasut

Siunnersuut EU-mi inatsiseqarnermut tunngasumik kinguneqassanngilaq, Kalaallit Nunaat EU-mut ilaasortaanngimmat.

8. Oqartussa qarfiit aamma kattuffiit il. il. tusarniaaffigineqartut

9. Takussutissiaq eqikkaaffiusoq

	Kinguneri pitsaasut/aningaasartuutikinnerun eq (aappiuppat, annertussuseq taaguk/Naamiuppat, allaguk »Soqanngilaq«)	Kinguneri pitsaanngitsut/aningaasartuuteqarnerun eq (aappiuppat, annertussuseq taaguk/Naamiuppat, allaguk »Soqanngilaq«)
Naalagaaffim-mut, kommu-ninut aammalu nunap immik-koortuinut aningaasaqarnikkut kinguneri	Soqanngilaq	Sullivinnik Nakkutilliisoqarfiup paasissutissaatai tunuliaqutaralugit Justitsministeriap naatsorsuutigivaa, inatsisissatut siunnersuut Justitsministeriap susassa qarfiani killilimmik aningaasartuutaassasoq, Justitsministeriap nammineq sinaakkutaani matussuserneqarsinnaasunik.
Naalagaaffimmut, kommuninut aammalu nunap immikkoortuinut atuutilersinneqarnera ni kinguneri	Soqanngilaq	Soqanngilaq

Inuutissarsiortunut anigaasaqarnikkut kinguneri	Soqanngilaq	Soqanngilaq
Inuutissarsiortunut allaffissornikkut kinguneri	Soqanngilaq	Soqanngilaq
Innuttaasunut allaffissornikkut kinguneri	Soqanngilaq	Soqanngilaq
Avatangiisinut kinguneri	Soqanngilaq	Soqanngilaq
EU-mi inatsiseqarnermut tunngasut	Kalaallit Nunaat EU-mut ilaasortaanngilaq	
EU-mi inuutissarsiornermut tunngasumik aaqqissuussinernik atuutilersitsinermut tunngavigisanut naapertuutinngilaq/ EU-mi aaqqissuussinermi minnerpaaffittut piumasaqaatinut sanilliussinermi ingerlaqqippoq (X- ileruk)	Aap	Naamik X

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-3-mut

Inatsimmi tamani allanngortinnissaa siunnersuutigineqarpoq "isumannaallisaanikkut-peqqinnissakkullu suliaqarnermi" imaalillugu "isumannaallisaanerup-peqqinnissallu suleqatigiissutigineqanera", "isumannaallisaanermi suliniaqatigiiffik" imaalillugu "suliffimmi isumannaallisaanikkut pissutsinik suliniaqatigiiffik" ilanngullugu "isumannaallisaanermi ataatsimiittaliaq" imaalillugu "suliffimmi isumannaallisaanikkut pissutsinik ataatsimiittaliaq" inatsisissatut siunnersuutip kingunerisaanik taaguutitut nutaatut.

Ilanngullugu innersuutigineqarpoq imm. 2.2.1.3-mi inatsisissatut siunnerusuummi oqaaseqaatinut nalinginnaasunut.

Nr. 4-mut (§ 1, imm. 1, nr. 1)

Aalajangersakkami atuuttumiippoq sulinermi isumannaallisaanerup inatsisaani § 1, nr. 1, -mi, inatsimmi anguniarneqarluni sulinermi isumannaallisaanikkut pissutsit isumannaannissaat peqqissuunissaallu pilersinneqassammat, piffissami sukkulluunniit aalajangersakkat isumaqatigiissutaasimasut teknikkiani inuiaqatigiillu ineriartornerani inuit akornanni.

Malitsigaa inatsisinik oqaaseqaatinit aalajangersakkanut, inatsisip ilagigaa timikkut tarnikkullu suliffimmi isumannaallisaanikkut pissutsit.

Timi atorlugu suliffimmi isumannaallisaanikkut pissutsit arlalinnik imaqarpoq sulinermi timikkut pissutsit, sulisut isumannaallisaanikkut peqqissutsikkullu navianartorsiornermik pisoqarsinnaanera. Suliffiup aaqqissuussaanera pineqarsinnaavoq, teknikkikkut atortorissaarutit atornerinni, atortut akuutissaannik atuinermi aammalu atortut imaluunniit suliap qanoq issusaata pilersaarusiorneqarneranut, sakkut aalasut/ingerlasut il.il. piareersarsimanerata imaluunniit suliarinerata sunniutaanik.

Timi atorlugu sulinermi isumannaallisaanermi suliffimmi peqqutit arlallallit pineqarput, sulisuni isumannaassutsimut peqqinnissamullu navianartorsiortitsisinnaasut. Pissutsit taama ittut ass.: suliamut tunngassuteqartoq suliallu aaqqissuussaanera, sulisuusup suliassaatut pilersaarusiugaaneranut tunngasut kiisalu inuit akunnerminni pissusilersuutaat suliamut tunngatillugu.

§ 1, nr. 4-mi, siunnersuutigineqarpoq "timi atorlugu aamma tarnip pissusaani" kingulliullugu ikkunneqassaaq "peqinneq". Isumaqarpoq inatsisip § 1 -p ilagigaa, inatsisillu ilagigaa timi atorlugu tarnikkullu suliffimmi isumannaallisaanikkut pissutsini.

Siunnersuummi siunertaanngilaq allannguutit imarisai suliffimmi isumannaallisaanermi pissutsit inatsisaani siunertatut aalajangersagaq § 1-miittoq.

Innersuunneqarportaaq imm. 2.1.1.-mut inatsisissatut siunnersuutip nalinginnaasumik oqaaseqaatit.

Nr. 5 (§ 2, imm. 1-mut)

Aalajangersakkami atuuttumi ersippoq, sulinermi isumannaallisaanerup inatsisaani § 2, *imm. 1-mi*, inatsisip imarigaa Kalaallit Nunaani sulinermi sulisisitsisoq pillugu.

Siunnersuutigineqarpoq § 1, nr. 5-mi, "naammassineqassasoq" kingornalu ikkunneqarluni "sulineq" aamma "tak. imm. 2 aamma 3" kingornalu ikkunneqarluni "sulisisitsisoq".

Isumaqarpoq, § 2, imm. 1-miilissasoq, inatsisip imarilissagaa sulineq, Kalaallit Nunaanni sulisisitsumut naammassineqassasoq , uku minillugit annertusisatullu, imm. 2-mi aamma 3-mi malitsigineqartut.

Siunnersuummi imarisassaanik allannguneq siunertaanngilaq sulinermi isumannaallisaanermi pissutsit inatsisaata piffinni atuuffiini.

Innersuunneqarporli imm. 2.1.1. inatsisissatut siunnersuutip nalinginnaasumik oqaaseqaataani.

Nr. 6 (§ 2, imm. 2, nr. 1 aamma 2)-mut

Suliffimmi isumannaallisaanermi pissutsit inatsisaani aalajangiussami atuuttumi § 2, *imm. 2, nr. 1 aamma 2-mi*, takuneqarsinnaavoq, inatsimmi suliat ilanngunneqarsimanngitsut: 1) sulisisitsumut sullissineq namminersorluni illup iluani aningaasartuutit atornerini, tak. § 45 d, aamma 2) sulineq, sulisisitsup ilaqutaanit suliarineqartut, illumi sulisisitsup illuata inoqutaanit, tak. § 45 d, maleruaqqussat kapitali 9-miittut inuusuttut 18-nit inorlugit ukiulinnut tunngasut, sulisisitsumit inuusuttut sulinerannut atuutsinneqartut, ataanilu sulineq, § 2, imm. 2, nr. 1 aamma 2-mi taaneqartoq.

Siunnersuutigineqarpoq § 2m imm. 2, nr. 1 aamma 2-mi, allanngortinneqassasoq "tak. § 45 d" uunga "killilersuutini, § 45 d-mi malitsigalugu inuusuttut 18-nit inorlugit ukiullit pillugit" § 2, imm. 2, nr. 1 aamma 2-mi.

Isumaqarpoq, inatsimmut § 45 d-mut innersuussineq, ersarinnerusumik allanneqassaaq, ersersinneqarluni § 45 d-mi inuusuttut 18-nit inorlugit ukiullit pineqarnerat. Tassani pineqarpoq maleruagassanik erseqqissaaneq. Siunnersuummi siunertaanngilaq imarisaanik allannguissaaq, suliffimmi isumannaallisaanermi pissutsit pillugit inatsimmi piffimmi atuuffiini.

Ilanngullugu innersuutigineqarportaaq imm. 2.1.1.-mut inatsimmik siunnersuutip nalinginnaasumik oqaaseqarfigineqarnera.

Nr. 7 (§ 2, imm. 3)-mut

Aalajangersakkani atuuttuni ersippoq suliffimmi isumannaallisaanermi pissutsit inatsisaata § 2, imm. 3-p, inatsisip aalajangersagaanera suleqatigiineq pillugu, pisititsisut, sanaartortut, suliamik naammassinninneq, teknikkikkut iluaqutissatut atortut, akuutissat aammalu sakkuutit, aqqusinnermi angallatit kiisalu ukiukinneq suliani ulorianartuni imaqartunilu suliani sulisitsisumit suliarineqartuunngitsuni, kiisalu suliani § 3, imm. 2-mi taaneqartumi.

Siunnersuutigineqarpoq § 2, imm. 3-mi, "Aalajangersakkat makkuusut imarigaat aamma suliaq sulisitsisumit naammassineqanngitsoq, kiisalu suliaq imm. 2-mi taaneqartoq "Suliamut, sulisitsisumit naammassineqanngitsoq, imm. 2-mi taaneqartoq, atuupportaaq aalajangersakkani makkuusuni:".

Isumaqarpoq, inatsisip § 2, imm. 3-p, Inatsisit atuuttut malillugit annertusineqassasoq inatsit sulinnermi atuutissasoq, sulisitsisumit naammassineqanngikkaluaq, aammalu suliaq imaattoq pineqarnerani imm. 2-mi mininneqartoq, ima nassuiarneqassaaq ilivitsuunerusumik ima erserluni atuaruminarnerulerluni. Siunnersuummi siunertaanngilaq allannguutitut imaritinneqartunut tunngasut suliffimmi isumannaallisaanerup inatsisaata piffimmi atuutsitsinnermi.

Ilanngullugu innersuunneqarportaaq imm. 2.1.1.-mut inatsimmik siunnersuutip nalinginnaasumik oqaaseqarfigineqarnera.

Nr. 8 (§ 2, imm. 3, nr. 1 aamma 4)-mut

Kalaallit Nunaanni suliffimmi isumannaallisaanermi pissutsit inatsisaanni aallaaviuvoq, imarisaani sulisitsisumuinnaq sulisumit tak. § 2, imm. 1. inatsimmi atuuttumi § 2, imm. 3, qulaani taaneqareersumi, nr. 7-mut, aalajangersakkat tulleriiaarlugit allattukkat, sulinermullu atuuttut, sulisitsisumit naammassineqarsimanngitsut.

Siunnersuutigineqarpoq, § 15 a uunga ikkunneqassasoq, § 2, imm. 3, nr. 1-mut, imaalerluni § 15 a

suliaq atuutilissammattaaq, sulisitsisumit suliaq naammassineqarsimanngitsoq, kiisalu suliaq § 2, imm. 2.-mi taaneqartoq.

Pingaarpoo, sanaartorfimmi sulisut tamarmik, suleqatigatigiinnermi isumaqatigiisuteqarfigineqassasoq suleqatigiinnermi isumannaassuseq peqqinnerlu pillugu. Ataanilu pingaarpoo namminersortuttooq sulisoqanngitsut (inuk kisimiilluni suliffeqarfiutimini sulisoq) peqataassasoq isumannaassallugu sanaartortut pilersaarusiornarat, killilersuineq kiisalu ataqatigiissaarinermut tunngasut siuarsassallugit siunertaalluni sillimaniarnerup peqqinnissallu atuutsinneqarnissaat pillugit. Aammalu namminersortut sulisoqanngitsut isumagissagaat innersuunneqartut sanaartortunut ataqatigiissaarineq tassunga tunngatillugu.

Innersuunneqarportaaq imm. 2.3.3.-mut, inatsisissatut siunnersuutip nalinginnaasumik oqaaseqaataat.

Aammalu siunnersuutigineqarpoq, piginnaatitsissummut aalajangersakkat nutaat akuutissanut atortuutinullu tunngasut §§ 39 a aamma 39 b-miittut sulisitsisumit naammassineqarsimanngitsut sulinnermut aamma atuutsinneqalissasut. Tamanna inatsisit pissusaanni qallunaat suliffimmik isumannaallisaanermut pissutsinut inatsiliaannut assinguvoq.

Ilanngulluguttaaq innersuunneqarpoq imm. 2-5.4. -mi inatsisissatut siunnersuutip nalinginnaasumik oqaaseqarfigineqarnera.

Nr. 9 (§ 2, imm. 4)-mut

Siunnersuutigineqarpoq § 2-mi nutaatut ikkunneqassasoq imm. 4, kingornalu nammineq piumassutsimik suliaqarnerup, sunngiffimmi sammisaqartitsinerit, tassunga tunngassuteqassanngitsut piumasaqaatitut isumannaallisaaneq- aamma peqqinnissamut tunngasut sulianut aaqqissuussinermut tunngatillugu (siunnersuutaavoq allanngortinneqassasoq uunga suliffimmi isumannaallisaanikkut pissutsit) ilagissanngikkaalu allakkatigut suliffiup nalilersorneqarneranik piumasaqaammik (SIP).

Nammineq piumassutsimik suliaqarnermi sunngiffimmi sammisanut tunngassutilinni nalilersuinnermi, pingaarnertut ikkunneqarnissaat pingaarpoo:

1. Taamaallaat suliap piffissaq sivikitsoq atorlugu naammassineqarsinnaanera, agguaqatigiisillugu sivisussuseqarluni sapaatip akunneranut ullut ilivitsut 1-2 -

t. Suliaq ingerlanneqarsinnaavoq ullunik marlunniik amerlanerusunik, unitsikkallarnaveersaarlugu piffissap affaani imaluunniit piffissami tamakkiisumi.

Isumaqqarpoq aallarniutitut naammassillugu suliarineqassasoq SIP (suliffiup nalilersorneranik piumasaqaat) sungiusaasumut, holdinik sap.ak.-nut marloriarluni sungiusaasartunut kiisalu sap.ak.-ta naanerani ingerlatsisartunut.

2. Suliaq isikkumisut piumasaqaatitaqqanngilaq, imatut kingunerlussinnaasumik, piumassutsiminik sulisoq suliaminiit peqqanngippat. Taamaattumik ilaginngilaa ass.: piumassutsiminnik qatserisartut.

3. Ilassutitut akissarsititsinermut imaluunniit allatut tunissuteqarnermut pingaarnerusutut isertitaqarnissaq ilaatinneqqanngilaq. Aallaavittullu aalajangiisutut isumaqqarani, siunnersuut tunngassuteqqarpoq nammineq piumassutsimik suliaqqarnermi annikitsumik aningaasaliilaarneq tunissuteqarnerluunniit. Isumaqqarpoq sungiusaasoq akileraaruteqarnermut piumasaqaatit malillugit ajunngitsorsiassaqqarluni aammali tamanna pinngitsoorneqarsinnaalluni. Akissarsititaaneq pippat imaluunniit tunissuteqqarneq annertuumik isertitaqarnikkut, pissutaasumut ilaassaaq suliaqqarneq isigineqassasoq nalilerneqqarluni nalinginnarmik sulinertut, apeqqutaassaarli suliaq suussusaa.

Imm. 4 kinguneraa *imm. 5*-nngorneranik.

Malitsigalugu innersuunneqqarpoq *imm. 2.1.1.* inatsisissatut siunnersuutip nalinginnaasumik oqaaseqaataa.

Nr. 10-mut (2 a)

Sulinermi isumannaallisaanermi pissutsit inatsisaata § 2-p inatsimmik killeqqartitsivoq piffimmi atuutsitsinermi naqissuserlugulu, pingaarnertut maleruagassaq tassaasoq, inatsit sulisitsisumut sulisumut atuuttoq. Imaammat sulinermut tunngasunik suliffiup avataatigut nukersorneq pineqqanngimmat suliffimmi isumannaallisaanermi pissutsinut inatsimmut killigititaavoq, sulisitsisumiit tamanna suliassaammat, suliffimmik isumannaallisaanermi pissutsinut inatsisit pisunut taamaattunut ullutsinni atuutinngimmat.

Taamattumik siunnersuutigineqqarpoq inatsit nutaaq eqqunneqassasoq una; § 2 a, tassa *imm. 1* pisinnaatitsivoq beskæftigelsesminister-i ullusnaanik aalajangiisutut aalajangersakkani ataaseq

arlallilluunniit inatsisip kapitaliani 2-4 aamma 12-14 aamma atuutissasut nukersornermut, siorasaarinernut, allanillu kannguttaatsuliorluni pissusilersornermut, suliffiup avataani pisunut, aammalu sulisumit sulisitsisumut pissusilersuutit suliffimmut tunngassuteqartumik peqquteqartunut. *Imm. 2* - mi minister-i pisinnaatitaavoq malittarisassanik atuutsitsilernissamut ulluliissalluni, sulisitsisup pisussaaffiitut tunngassuteqartunik, sinaakkutassiat aammalu sulisunut siunnersuutit suliffimmut tunngasunik naleqquttunik iliuusissatut atorsinnaasanik, suliffimmut tunngasunik nukersornermi, siorasaarinerni allamilluunniit killissamik qaangiilluni pissusilersornermi, suliffiup avataatigut pisuni, kiisalu maleruagassat sulisunut ikiorsiinermit neqeroorutit politiinut tunniussinermit pisuni taamaattuni.

Taassuma saniatigut siunnersuutigineqarpoq, § 2 a, *imm. 3-mi*, eqqunneqassasoq piginnaatitaaffik, beskæftigelsesminister-imut taassumalu aalajangersakkat ikkussinnaagai inatsisip kapitaliani 2-4-mi aamma 12-14-mi atuutsilerlugit, malittarisassatut atuutsinneqalerlutik, 2 a, *imm. 2.* -mut ikkullugu, ullulereernerisigut 2a, *imm. 2* malillugu.

Tamatigoortumik § 2 a mut

Pisinnaatitsinermit § 2 a - mi taamaallaat sulisitsisut pisussaaffiitut atorneqartussamik suliakkiutigineqassaaq, suliffiup avataani nukersornermik pitsaaliunermit, sulisut akornanniit sulisitsisumut nukersornermik pisoqariasaarnissaa suliffimmut tunngassutilinnut atassuteqarpat. Taamak pisoqariasaarnissaanik pasinartoqanngippat, sulisut suliffimmut tunngassuteqartumik nukersorneq pillugu suliffiup avataatigut, taava sulisitsisoq inatsisissatut siunnersuut malillugu, tassunga tunngasunik iliuuseqassanngilaq.

Pisussaaffiit kisimik piumasarineqassapput, sulisitsisup suliffeqarfimmi pilersaarusiordermini pilersissinnaasai , aaqquissuussinermini aammalu suliamik naammassinniinnermini, soorluttaaq pisussaaffinni taamaallaat sulisitsisup naammassisinnaasaanut tunngatinneqassapput. Taassuma saniatigut pisussaaffiit sulisunut attuumassuteqartut, qanorluunniit nukersorneq sulisunut tunngappat imaluunniit sulisut qanigisaannut nukersortoqarpat.

Pisussaaffiit taakkua, sulisitsisup malittarisassani malittarisassat naapertorlugit, atuutsitsilernermit ulluliinermillu pilersitsissaaq siunnersuut malillugu § 2 a-mut, taamaalilluni tassungaannaq sammivilimmik pinaveersaartitsineq, suliffeqarfimmi pisuni, aammalu qaqqinneqarsinnaalluni suliap pilersaarusiorderani, aaqquissuussinermit kiisalu atuutsitsilernermit.

Taamaattumik piginnaatitaaneq taanna sulisitsisup pisussaaffigissanngilaa, suliffimmut tunngasunik pinaveersaartitsinermut suliffiup avataani nukersornermut tunngasunik sulisut atasiakkaat akornini pisuni. taassuma ataani assartuinnermi aqqummi, najugaqarnermut tunngasuni, sunngiffimmi soqutigisani, ilaqutariinnermi tunngassutilinni imaluunniit nammineq inuunermut tunngassutillit assigisaanni.

Piginnaatitaanermut suliffimmut tunngassutilinnut nukersornermut tunngassuteqanngilaq, sulisitsisumiit, ass.: suliaq, namminersortumit sulisoqanngitsumit suliaminit ingerlatsinermini.

Suliffeqarfimmi pineqartumi sulisut akunnerminni nukersorneq, suliffiup avataani pisumi, piginnaatitaaffik pineqanngilaq.

Maluginiaqquneqarpoq, § 2 a atorneqassanngimmat malittarisassanik ulluliilluni atuutsitsilerneq, sulisunik ikiueqqaarnermut tunngassuteqartunik, nukersorneq aallaavigalugu tunngassutilinnik suliffiup nalaani pisoqarpat.

Ilanngullugu maluginiarneqassaaq, sulisut akornanni aqqunarnerit, suliffiup avataani nukersorneq pippat, sillimmasiisarfiup inatsisaa malillugu akuerineqarsinnaammat, nukersorneq suliffimmut attuumassuteqarpat.

Pissutsit suliffimmi isumannaallisaanermi pissutsinut inatsimmi aammalu taarsiiffigineqarnissamut pisinnaatitaaffiit nalinginnaasut inatsisissatut siunnersuummi allannguuteqassanngillat.

Inatsisissatut siunnersuutip § 2 a, imm. 1-mut

Piginnaatitaanermut aalajangersagaq § 2 a imm. 1-miittoq, atorluarneqassaaq toqqaannartumik atorneqarluni atuutsinneqarlunilu pisussaaffittut aalajangersakkat aamma piginnaatitaanermut aalajangersakkat inatsisaata kapitaliani 2-4 aamma 12-14 -mi atuutsinneqalerluni pisariallit tulluarsarfiginerisigut.

Siunnersuummi piginnaatitaanermi § 2 a, imm. 1-mi atuutsinneqassaaq aalajangersakkat makkuusut atuutsilerlugit pisariaqartunik tulluarsaanerit suliffimmut tunngassutilinnik suliffiup avataani nukersornermi :

Kapitali 2:

- § 3 b-mut tunngasut, sillimaniarneq- aamma peqqinnissaq pillugu sulineq suliarineqassapput suleqatigiinneq atorlugu sulisitsumit, sulisunit sulisugisallu atorfillit sinneriniit.
- § 10-mut tunngasumi, sulisitsisup, suliassaq taanna pisariaqartoq piginnaasaqarfiginngippagu sillimaniarneq- peqqinnissarlu pillugit suliqaqarnermi, taakkununga ilisimasalimmik ikiuisussamik suliqaqtitsissaaq.

Kapitali 3:

- § 11 sulisitsisup pisussaaffimmini isumagissallugu sulinermi pissutsit isumannaallisanikkut-peqqinnissamullu tunngasuni tamakkiisumik illersorneqarsinnaanisaanik.
- § 11 a sulisitsisup pisussaaffianut tunngasoq suliffiup nalilersorneranik naammassinniinneq.
- § 12 sulisitsisup pisussaaffianut tunngasoq, nakkutilliinissaminik, suliani isumannaallisaanermut-peqqinnissamullu tunngassuteqartunut illersorneqarsinnaaneranik naammassinniinnermik.
- § 13 sulisitsisup pisussaaffianut tunngasoq, sulisuni paasitissallugit ajutoornermi- aammalu napparsimalernissamut ulorianartorsiornerit aammalu pisussaaffik, sulisut pisarialittut ilinniartinneqarnissai ilitersornissaallu.
- § 14 sulisitsisup pisussaaffianut tunngasoq, suleqatigiinnikkut isumagissammagu sillimaniarneq-peqqinnissarlu pilersinneqarsinnaanera taassumalu suleqatigiinnikkut peqataaffiginissaanik .
- § 15 uunga tunngasoq, sulisitsisut arlallit suliffimmi ataatsimi suleqatigiissutigissagaat isumannaallisaaneq peqqinnissarlu.
- § 16 sulisitsisup pisussaaffigaa suliffimmi isumannaallisaanermik ilisarisitsisutut ilisimasaqarfigalugulu aalajangiinerit aammalu peqqussuteqarnerit, suliffeqarfinni nakkutilliisoqarfinniit aalajangerneqarsimasut.
- § 17 a, sulisitsisup pisussaaffianut tunngasoq Suliffeqarfiit nakkutilliisuanut nalunaarutiginnissalluni tamannalu nalunaarsussallugu.
- § 17 b ministerimiit pisussaaffigineqartoq malittarisassanik atuutsitsilerneq sulisitsisup pisussaaffiatut suliffimmut atalersissallugu sulisut napparsimanerminni peqannginnerat

isumannaallisaanermut aammalu peqqinnissamut sulinermut tunngatillugu.

- §§ 17 c - 23 pisussaaffimmut tunngasoq suliffeqarfinni aqutsisut, sulisitsisut aammalu sulisut atorfillit.

Kaitali 4:

- § 32 una pillugu, suliaq pilersaarusiorneqassammat, aaqqissuunneqarluni naammassineqarlunilu, taamaalilluni sillimaniarneq- aammalu peqqinnissamut tunngassuteqartut tamakkiisumik illersorneqarsinnaanissaannik.

- § 33, imm. 1, ministerip piginnaatitaanerani malittarisassanik atuutsitsilerneq, piumasaqaatit sorliit naammassineqassanerini, suliaq pilersaarusiornera tamakkiisumik illersorneqarsinnaaqullugu, aaqqissuussaalluni naammassineqarlunilu.

Kapitali 12:

- § 54 pineqarpoq beskæftigelsesminister-i allaffissornermi qullersatut pisinnaatitaaffia uunga tunngasoq Kalaallit Nunaanni suliffimmi isumannaallisaanermut tunngasuni apeqquusiinermi.

- § 55, imm. 1 Suliffinni nakkutilliisoqarfiup suliassai.

- § 56, beskæftigelsesminister-i pisinnaatitaavoq Suliffinni nakkutilliisoqarfiup aqutsisua (direktør) paasitissallugu inatsisitigut bekræftelsesminister-i ilaammat.

- § 58, imm. 1,2 aamma 3, sulinermi ajuqusersimasunut nalunaarutigineqartunut assigisaanullu tunngassuteqartut.

- § 59 - 60. imm. 1-3, ukununnga tunngasut; Suliffeqarfiit nakkutilliisoqarfiata tamakkuninnga ilisimasaqartuinit nalunaartussaannermik piginnaatitaaffeqarneq paasissutissanik nalunaaruteqarnerni, aalajangiiffigineqarnerinut naliliiffigineqarnisssaq pillugu.

- § 62 nipangersimasussaataaneq

Kapitali 13:

- § 64 Suliffeqarfiit nakkutilliisoqarfiata aalajangigaanik maalaaruteqarneq.

Kapitali 14:

- § 65 - 70-mi pineqarput pinerlussimanermi inatsisitigut misissuinerit.

§ 2 a, imm. 1, taaneqareersutut soorlu atorluaanikkut inatsisip § 32 -p atuutilersussatut ikkunneqarneqassaq pisarialinnik naleqqussaannikkut. § 32 aalajangersakkamut tunngaviuvoq sulisitsisup pisussaataitaaffiani, qulakkeerniarlugu, suliamik pilersaarusiorneq, piareersarneranik naammassinninneq aammalu isumannaallisaanermut- peqqinnissamullu tunngasunut tamakkiisumik illersorneqarsinnaassasoq.

§ 32 malitsigaa sulisitsisup ilaatigut qulakkiissammagu, suliamik pilersaarusiorneq, suliarineranik naammissinninneq, taamaalilluni sulinerup nalaani nukersornermik pisoqarsinnaaneranik pinaveersaartitsitsisoqalissammat. Pinaveersaartitsinerup pinaveersaartitsinermi pissutsit aalajangersimasut tamanut atuuttut malinneqassapput, piffinni suliffimmi sillimaniarnermi pissutsini, ilanngussami soorlu takuneqarsinnaasoq Kalaallit Nunaanni suliffeqarfinnik naliliinermi nalunaarutaani. Isumaqarpoq, sulisitsisup siullertut isumagisassarigaa tamatuminnga pinngitsoortitsinissaq. Suliffimmi nukersornermik ilimanartoqarpat, taava tamanna sulisitsisup nalilersussavaa tamatuminnga ilimanartoqarnerseq, nukersornerup nalaani nukersornerit qanoq inneri, aammalu qanoq sakkortutigineri , nalilersorlugu pinaveersaartitsineq qanoq ittoq pisariaqartinneqarnerseq. Naliliinermi assersuutigalugu iliuusigineqassapput ulluinnarni suliamik pilersaarusiorneq APV-(suliffiup nalilersorneqarneranik piumasaqaat). Nukersornerup pilersinnaaneranik nalilersuineq ingerlaavartumik pissaaq, ilaatigut malitseqartumik, sulisitsisup nalilersussavaa allannguinnissap pisariaqarnera suliffeqarfinni pinaveersaartitsinermut tunngatillugu, ass.: suliffimmi nukersornikkut pisimasut aalajangersimasut.

§ 32-p malitsigaattaaq, sulisitsisup nalinginnaasumik pisussaaffigigaa sulisut nukersorfigineqarsimasut eqqarsaatigissallugit - suliffimmi suliffiullu avataani pisimappat - pisimasoq sulinermut sunniuteqarsinnaammat. Taamaattoqarsimappat, sulisitsisup pilersaarusiaini aaqqissuussinermi ilu pingaartissavai sulisut ataasiakkaat eqqugaasimasut.

Pisinnaatitaaffimmik aalajangersagaq § 2 a, imm. 1-miittoq, ilanngullugu atorluarneqassaaq § 33-p, ikkunniisaanut pisinnaatitaaffimmik aalajangersakkami atuutsinneqalersoq. § 33 atorlugu malittarisassanik atuutsitsilernermit nalunaarummi suliffeqarfinni nukersorneq pillugu, assigisaanik suliffimmi taamak pisoqarpat, malittarisassat atuutissapput. Ilanngullugu pineqarpoq nukersornermik pitsaaliuineq aammalu ajutoornernik nalunaarusiorneq.

Pisussaaffiit atuutsinneqalersussat ilagaat § 32-mi aamma § 33-mi suliffiup avataani pisut suliffimmut tunngasumik nukersorneq, assigisaanik pisussaaffiupput, sulisitsisumit pitsaaliorneqartussat suliffimmi nukersortoqarsinnaaneranut tunngasut.

Ersarissumik pitsaaliuineq imaqassaaq, innuttaasuni aqutsisup, ataani taaneqartut inuit pineqartut pisisartullu, sinaakkutit ersarissarneqarnerini tunniussinnaasat suliffeqarfimmut tapiissutini. Tulluartuussaarlut aamma innuttaasunut ersarissassallugu, suliffeqarfimmi sulisut sinaakkutat malillugit sulinerinik, suliffeqarfimmiit aalajangersakkanik, kiisalu innuttaasut sumut saaffiginissannersut naapertuilluartumik pineqannginnermik naammagittaalliuuteqarnikkut, aammalu suliffiup nalaanniinaq naammagittaalliorsinnaammata. Pitsaaliuineq aamma imaqarsinnaavoq naapertuilluartumik innuttaasunut attaveqatigiinneq, imaluunniit innuttaasuni suliffiup nalaani aaqqiagiinnginnerit naapertuilluartumik periuseqarneq, piaartumik aammalu suliffeqarfimmut siunertalimmik, ilaatigut qulakkeerniarlugu, sulisup sunngiffianut sunniuteqanngitsumik. Pisut taamaattut tamarmik suliffeqarfiup pinaveersaartitsinerata annertussusaanut pingaaruteqarput aamma malitsigalugu sulisup sulinermini suliffiullu avataani nukersorfigineqaratarsinnaaneranut.

Pitsaaliuineq imaqarsinnaavoq suliniutigineqarluni pingaartumik nukersorneq suliffiup avataani pippat suliffimmut tunngassutilimmik nukersortoqarnerup pinngitsoortinnissaa pinaveersaartinniarlugu, soorlu innuttaasut sulisumik pineqartumik tikkuaasinnaaneriniq periarfissaat killilerniarlugu.

Nalilersuinermini suliffiup avataani suliffimmut tunngasumik peqquteqartumik nukersortoqarnerata pisoqariataarsinnaanera, aallaavittut suliffeqarfimmi suliarineqassaaq, sulisut ataasiakkaat angerlarsimaffimminni suliarineqarnani. Nalilersuineq suliffiup avataani nukersortoqarnerani taamatuttaaq suliamut suliffimmi nukersortoqariasaarsinnaaneraniq nalilersuinermut atassuteqarpoq. Pingaarnertut pineqarpoq, suliaq sunarpiaq suliaangersoq, ass.: nakkutilliineq- imaluunniit pisorta qarfinniit suliaasat pineqarpat, aammalu sukkutigut inunni suliami pineqartuni ilisarnaateqarneri, soorlu, ulorianartorsiortitsisoqarneratigut imaluunniit sakkortuumik qisuariartoqarneratigut.

Siornatigut pisoqarsimappat imaluunniit pisoqalerneraniq ilimanartoqarpat suliffiup avatani suliffimmut tunngasumik nukersornermik, ilisarnaataasinnaavoq ilimanarsinnaanera pissasoq, qaqugukkut pisoq pisimanersoq aamma pisoq qisuariaat sumut tunngassuteqarnerasoq.

Pinaveersaartitsinermik nalilersuineq tulluartsuussaaq nukersornerit pisut suliffeqarfiup avataani suliffeqarfimmut tunngassuteqartut pereernerisigut, kisiannili pingaartumik sulifeqarfimmut tulluartsuussaaq, siornatigut nalilernerqarsimappat imaluunniit suliffiup avataani suliffimmut tunngassutilimmik nukersornermik pisoqariasaarnissaanik ilimanartoqarsimappat, aammalu taanna pillugu sakkussaqarsimanngippat.

Ilaatigut Sulifeqarfinnik nakkutilliisut qisuariaataat sioqqullugu naliliinermi tamatigut eqqortumik suliffeqarfiup pitsaaliuineranik nalilersuineq pisassaaq. Suliffeqarfik pisoqarsinnaaneranut naammattumik pitsaaliusimanersoq qitiuvoq.

Suliffeqarfiup suliffimmut tunngasumik suliffiup avataani suliffimmilu nukersornermut pitsaaliuinerata naleqqussaanermi nalilersornera aaqqiineraluunniit pitsaaliuineq sulisuni tamanut atuuttuusinnaavoq , nukersorneq suliffiup avataani pippat suliffimmut tunngassuteqarluni.

Sulisoq suliffiup avataani nukersorfigineqarsimappat, inullu taanna suliffimminut suliarporpat, pisariaqassaaq sulisoq timikkut tarnikkullu qanoq issusaa naapertorlugu pilersaarusiorneq aammalu suliamik aaqquissuussivigineqarneq. ass.: pisariaqassaaq sulisunit allanit innuttaasunut/mut allanut/mut attaveqarneq isumagineqassasoq, imaattoqarpat aqqunartoq nammineerluni innuttaasunut allanut attaveqarniarsinnaanngippat, imminut inunnullu allanut nukersortoqaqqissagalarpat navianartorsiortitsisinnaaneq pinngitsoorniarlugu.

Taamaalilluni pisinnaatitaaffik § 2 a, imm. 1-miittoq atorluarneqassaaq aalajangiussanik atuutsitsilernissaamut ilassutitut, imaqtunillu toqaannartumik sulisitsisup pisussaaffiiniittut pinerluttoqarnermut inatsisini pineqaatissiineq. Aalajangersakkat taamaattut pinerlunnermi inatsisitigut pineqaatissiinerit ilanngussat, assigiinnarpaat aalajangersakkat, siornatigut ilanngussat pinerlunnermi inatsisitigut suliaassani suliffimmi nukersorneq pillugu pineqaatissiineq. Ilangullugu assigisaanik pisussaaffiit, aalajangersakkatut ilusillit ilanngunneqartut. Sulisut pinerlunnermi inatsisitigut pineqaatissinneqassanngillat.

Innersuunneqartut oqaaseqaatit nalinginnaasut imm. 2.1.3.

Siunnersuummut § 2 a, imm. 2-mut.

Siunnersuummi piginnaatitaanermi § 2 a imm. 2-mi atorluarneqassaaq, sulisitsisup pisussaaffiit

aalajangersimasut suliffimmut tunngasunik nukersornermut tunngassutilinni suliffiup avataani pisuni:

1) Sinaakkutissanik atuutsitsinissamik pisussaaffiuvoq sulisunut maleruagassanik sulinermit tunngasunik nukersornermik suliffiup avataani pisoqarnerani iliuusissiorneq, tassungalu aqutissiuussisussatut.

2) sulisunut ikiorsiissutissamik politiinut tunniussinermut neqerooruteqarsinnaanermik pisussaaffik, suliffiup avataani suliffimmut tunngassuteqartoq pillugu nukersorfigineqarsimanikkut.

Ad 1. Sulisunut maleruagassamik sinaakkusersuinermit atuutsitsilernermit pisussaaffik.

Sulisut suliffiup avataani suliffimmut tunngassuteqartut peqqutigalugit nukersorfigineqarnissaminut ilimanartoqarpat, nalinginnaasumik pigajuttarpoq piareersimaaffigineqarnissaata pisariaqartinneqarnera, qanorpiaq nukersortoqarneq aallaavigalugu pisumut periusissap nalunnginnissaa suliffiup nalaani.

Taamaattumik pinnaatitaanermut aalajangiussaq atorluarlugu maleruagassanik atuutsitsilerneq sulisitsisumit qulakkeerneqassaaq sulisut maleruagassinneqassasut, suliffiup avataani nukersorfigineqarnermi qanoq nukersorfigineqarnermini periuseqarnissaanik periusissaq atonerlugu pisumut tulluurtumik . Sulisitsisoq pisussaaffimminik naammassinnissaaq, soorlu siunnersuinissamik neqeroornikkut aaqqiagiinngiffimmi aammalu aaqqiagiinnginnerni apparsaanikkut attaveqatigiinneq atorlugu.

Sulisitsisoq siunnersuummik qulakkeerneqassaaq, maleruagassanik sinaakkutassanik atuutsitsilerneq nukersornermi iliuusissat tulluurtut atorneqarnissaannik suliffiup avataani pisuni. Sinaakkusiat isikkumikkut siunnersuutitut isikkoqassapput aammalu imaqarlutik, qanoq suliffiup avataani aaqqiagiinnginneq apparsarneqarsinnaaneranik qanorlu periuseqarnikkut, sulisup innuttaasoq naapissappagu, suliffiup avataani sullitatut imaluunniit pisisartutut.

Ilitsersuineq aamma sinaakutit maleruagassat immikkooruteqarput, qanoq sulisut suliffimmi aaqqiagiinnginnerni periuseqassanersut. Tassunga peqqutaavoq, sulisut suliffiup nalaani innuttaasuniit saaffigineqaraangata, siunertaagajuppoq pisoq sukkanerpaamik aaqqiivigineqassasoq. Sulisut suliffimminniit soraaraangamik, aalajangiisinnaajunnaartarput, aalajangiussassanik apeqqusiillutik imaluunniit suliffimmut tunngassuteqartunik avitseqatiginnillutik. Tassunga taarsiullugu sukkanerpaamik attaveqatigiinnermik naammassinnittussaapput, aaqqiagiinnginnermut

qaffakkiartuaartitsinerunngitsumik.

Ilitersuut sinaakkutassatullu malitassat suleriaatsimut naleqqussakkatut aallaaviusussaassapput, suleqatigiit eqimattani, immikkoortortaqaqfinni assigisaannilu, aammalu suliffiup avataani sulisut ataasiakkaat akornini.

Ilitersuutini sinaakkutassatullu malitassani aaqqiagiinnginnernut iliuusissani, sulisut ilitersuunneqassapput, sulisitsisoq sulisunut sulisut sunngiffianni suliffiup avataani pisussaannngimmat sanassalluni, taamatuttaaq nakkutilliineq pisussaaffiginagu, sinaakkutissatut maleruaqqusat ilitersuutillu sulisunit malinneqarnersut.

Ad 2. Sulisunut ikiorsiisummik neqerooruteqarnermik pisussaaffik, ilanngullugu politiinut tunniussinermi.

Taamaalilluni pisinnaatitaaffimmik aalajangersagaq atorluarneqassaaq sulisitsisoq piginnatitaaffimminik piumaffigineqarsinnaanngorlugu pisussaaffimmik sulisumut ikiorsiisummik neqeroornermik, sulisunit suliffiup avataani suliffimmut tunngassutilinnik nukersorfigineqarsimaneq pillugu politiinut tunniussinermik.

Pisussaaffik naammassineqarsinnaaqqullugu ikiorsiinermut tunngasumik ilimagineqassaaq, sulisitsisup ilisimasaqarfīgissagaa pisut aalajangersimasut, soorlu sulisumiit namminermiit.

Siunnersuummut § 2 a, imm. 3-mut

Taassuma saniatigut siunnersuutigineqarpoq, § 2 a, imm. 3-mi ilanngunneqassasoq pisinnaatitaaffik beskæftigelsesministerip inatsimmi aalajangiisinnaanera inatsisip kapitaliani 2-4 aamma 12-14-mi atuutsilerneqarnissaanik, imaqalersillugu qulaani malittarisassat taaneqareersut atuutsilersinnissaannik, una malillugu § 2 a, imm. 2. Malittarisassat taakkua atuutsilerneqassapput imm. 3-p kingunerisaanik, aalajangersakkallu assigiinnassavai, uuma kingunerisaanik; imm. 1, tak. qulaaniittut.

Sinaakkuttanik malitassanit atuutsitsilernermik pisussaaffik, ilinniartitsilluni suliffiup avataani suliffimmut attuumassuteqartumik nukersortoqarnerani, naleqquttumik periuseqarnissamik, kiisalu tassunga atassusikkamik ilimanartoqarpat suliffiup avataani suliffimmut tunngassuteqartumik nukersortoqalersaarneranik, qallerlugu pinerlunnermi inatsisitigut pineqaatissiinermut ingerlanneqarsinnaasunngorlugu. Politiinut tunniussinermi ikiuinissamik neqeroorneq pisussaaffik

qalliunneqassanngilaq pinerlunnermi inatsisitigut pineqaatissinnerit pineqarnerini.

Aammalu innersuunneqarpoq imm. 2.1.2-mut inatsimmik siunnersuummi nalinginnaasumik oqaaseqarfigineqarnera.

Nr. 11-mut (Kapitalip qulequtaanut 2-mi)

Siunnersuutigineqarpoq, *kapitali 2-p qulequtaanut* allannguuteqarnissaa uanngaaniit "Suliffeqarfiup sillimaniarnikkut peqqinnissamullu suliniutinut" uunga

"Isumannaallisaanerup peqqinnissallu suleqatigiissutigineqarnera" nutaamik taaguusersuinerup kingunerisaanik, inatsisissamik siunnersuummi ilinniartitsissutigineqartussaq. Suleqatigiissuteqarnermi tassani pineqartumi nutaami qitiusuuvoq, pissutaalluni tunngavik pitsaanagerusoq aalajangiinerni pilersinneqassammat aammalu aalajangiussanik naammassinniinerni.

Ilanngullugu innersuutigineqarportaaq imm. 2.2.1-mut inatsisissatut siunnersuutip nalinginaasup oqaaseqaataa.

Nr. 12-mut (§ 3 b)-mut

Aalajangersagaq siunnersuutaasoq § 3 b -miittoq nutaajuvoq. Aalajangersakkap aallarniutigaa kapitali 2 suleqatigiinnermut isumannaallisaanermut peqqinnissamullu tunngasoq kiisalu inatsisiliani tunngaviusumik najoqqutarisamik erseqqissaaneq, sulisitsisup sulisut suliffimmilu aqutsisut suliffeqarfiup suliffittut toqqissisimanartuunissaa peqqinnartuunissaalu suleqatigiissutigissagaat. Suleqatigiinnerup pingaassusianik naqissusiinerup kapitali 2-mi atuuttumi allanngortinneqanngilaq pisussaaffinnut akisussaaffinnullu tunngasuni, taanna suliffeqarfinni nakkutilliisoqarnermi inatsimmi nassaassaavoq.

Ilanngullugu innersuunneqarpoq oqaaseqaatinut nalinginnaasunut, immikkoortumi 2.2.1.-mi.

Nr. 13-mut (Qulequttami § 4-mut)

Siunnersuutigineqarpoq *qulequtaq* § 4-mut allanngortinneqassasoq uanngaaniit "Inuttut attaveqatigiinneq" imaalillugu "Suliffinni isumannaallisaanikkut pissutsinik suliniaqatigiiffik" taaguusersuineq nutaaq tunngavigalugu, ilitsersuussutigineqartooq inatsisissatut siunnersuummi.

Ilanngullugu innersuunneqarpoq imm. 2.2.2.-mut inatsisissamik siunnersuutip nalinginnaasumik oqaaseqarfigineqarneranut.

Nr. 14-mut (§ 4)

§ 4-mi kisiartatut pineqarpoq oqaatsinik nutarsaanermi aalajangersagaq, siunertaanngilarlu arlaannik piujuartussamik allannguinermik.

Suliffeqarfeeqqani sulisitsisoq pisussaavortaaq sulisuni paasissutissanik pingaarutilinnik tuniorarnerinik ingerlatsiinnarnissaa sillimaniarnermi peqqinnissamullu tunngasuni. Sulisut pisinnaatitaassapput siunnersuummik pilersitsisinnaanermik sillimaniarnermut peqqinnissamullu tunngasuni. Ilanngullugu sulisitsisup isumagissavaa sulisut pilersaarusiornernut teknologimullu nutaamut tunngasunik tusaaniassallugit. Taassuma saniatigut suliffeqarfeeqqani sulisitsisoq pisussaaffeqarpoq isumagissallugu, suliffeqarfimmi suliamut ilisimasaqarneq suliffimmi isumannaallisaanermik atuutsitsinissamik.

Pisinnaatitaaffiup § 4-miittup atuutsinnera ingerlaannassaaq malittarisassani immikkuullarissuni atuutsitsilernerni utaqqiisaasumik imaluunniit suliffinni paarlakaajaaffiusuni, suliffeqarfiup aalajangersimasumik sumiiffiani, pineqartuni ukunani illuliornerni- aamma sanaartornermik suliani, pilersitsineq killigalugu suliffimmi isumannaallisaanikkut pissutsit kattuffianniit sulisunit 5-sunik ingerlateqqiinermi.

Ilanngullugu Innersuutigineqarpoq imm. 2.2.1-mut aamma 2.2.2.-mut inatsisissamik siunnersuutip nalinginnaasup oqaaseqaataani.

Nr. 15-mut (§ 5, imm. 1-mut)

Siunnersuutigineqarpoq § 5, *imm. 1*, imatut allannguuteqassasoq, suliffeqarfimmi sillimaniarnerup peqqinnissallu suleqatigiissuteqarfigineqarneranut, 10-34-nik sulisulinni suliffimmik isumannaallisaanikkut pissutsinik suliniaqatigiissutiginniit ima qaffasissusilimmik, inunnik arlalinnik inuttalimmi suliffimmik isumannaallisaanikkut pissutsinik aallartitaq qinerneqarsimasunillu sulisut akorniniit ammalu suliffimmi aqutsisunit arlalinniit sulisitsisumit toqqagaanermikkut, aammalu ataaseq imaluunniit arlallit sulinermi aqutsisutut sulisitsisumiit toqqagaasut, sulisitsisoq imaluunniit siulittaasutut aallartitaq. Siulittaasoq sulisitsisumut

aalajangiussassanik aalajangiisinnaatitaavoq suliffinnik isumannaallisaanikkut pissutsinut tunngassutilinnut unioqquinneqarsinnaanngitsumik isikkulimmik. Allannguutissatut siunnersuut § 6 a-miittoq malillugu, ilaasortat amerlassusai aalajangerneqassapput, kiisalu amerlanerpaamik pingasuussallutik. Suliffeqarfik sulisunik aqutsisoqanngippat, taava sulisitsisoq tamatut atuutissaaq.

Sillimaniarnermut suliniaqatigiiffiup katitigaanera ullumikkut aalajangiunneqarnikuuvoq, sulinermit aqutsisumit immikkoortortap tamakkiisumik isiginissaa eqqarsaatigalugu, kiisalu isumannaallisaanermi sinniisup sulisut misilittagaannik ilisimasaqarnissaa pillugu. Tamakkua eqqarsaataasut siunissami aamma pitsaasutut isigineqassapput suliffimmik isumannaallisaanermi pissutsini suliniaqatigiiffiup atuutsitsilerneranni.

Maleruagassat atuuttut malillugit sulinermit aqutsisumiit pilersinneqassaaq eqimattat isumannaallisaaneq pillugu isumaginnittussanik, immikkoortortami aqutsisumit isumannaallisaanermik sinniisooq peqatigalugu - taamaalilluni suliffeqarfimmi isumannaallisaanermi eqimattami sulisut amerlissapput angissutsimi taamaattumi. Siunnersuutigineqartup kingunerissavaa eqimattami tassani suliffeqarfiup siunissami suliniaqatigiiffiup ataatsimuulernissaa, sulinermit aqutsisut amerlassusaat apeqqutaatinnagu.

Suliffeqarfimmik isumannaallisaanermi suliniaqatigiiffiup nutaajusup suliassaraa ulluinnarni suliffinnik isumannaallisaanermi suliani, ullumikkut isumannaallisaanermi eqimattani isumagineqartuusut, kiisalu qullersat, soorlu; pilersaarusiata ataqatigiissaarinerinernillu suliat, ullumikkut isumannaallisaanermi ataatsimiittalianit isumagineqartut. Sulianik tamakkunangga isumaginninneq imaqarpoq, suliffinni isumannaallisaanermik suliani suliniaqatigiiffiup isumagissagaa, suliassanik naammassinninnissaaq. Ilaasortaq ataaseq peqanngippat, suliffinnik isumannaallisaanermi suliniaqatigiiffik inuttaqarpoq ilaasortanit sinneruttunit, ullumikkut periutsip assigisaanik.

Innersuunneqarportaaq imm. 2.2.3.-mut inatsisissamik siunnersuutip nalinginnaasup oqaaseqaataanut.

Nr. 16-mut (§ 5, imm. 2 aamma 3)-mut

Siunnersuutaavoq, § 5, imm. 2, aamma imm. 3, piujunnaassasoq, pissutigalugu malittarisassat ilaasortat amerlassusaat sulinermit isumannaallisaanermi suliniaqatigiiffik taarsiullugu ikkunneqassasoq nutaaq malillugu qanilaarnermut pissutsit siunnersuummi tassani § 6 a-mi

(inatsisissatut siunnersuutip nr. 19-nip).

Inatsisissatut siunnersuummi ilanngullugu innersuutigineqarpoq oqaaseqaatini nalinginnaasuni imm. 2.2.3.mut.

Nr. 17-mut (§ 6, imm. 1-mut)

Siunnersuutigineqarpoq § 6, *imm. 1*, allanngortinneqassasoq, imaalillugu suliffeqarfimmi 35-nik amerlanerusunilluunniit sulisulimmi isumannaallisaanerup peqqinnissallu suleqatigiissutigineqarnerata suliniutigineqarnissaa minnerpaamik marlunnik qaffasissusilimmik, naluneqanngitsut suliffeqarfinni 20-nik amerlanerusunilluunniit sulisulinni inatsit atuuttoq malillugu - eqimattat qaffasissusaannik ataatsimiittialu qaffasissusaannik. suliffinni isumannaallisaanermi suliniaqatigiiffiup qaffasissutsit arlallit pisariaqartitsineq malillugu pilersissinnaavai.

Allannguutissap siunnersuutaasup malitsigaa § 6, imm. 1, *nr. 1* - mi eqimattamik arlalinnilluunniit pilersitsisoqarnissaa, ulluinnarni suliassanik isumannaallisaanermut peqqinnissamullu tunngasunik isumaginnittussanik. Taakkua suliassat sillimaniarnermik eqimattaniit isumagiissutigineqassapput. Eqimattat tamarmik suliffimmi isumannaallisaanermik aallartitaq ataasiussaaq, taasisuussappullu sulisut akorniniit sulisuni aqutsisoq ataatsimiit sullissisumit toqqarneqartoq. Eqimattat amerlassusaat suliffimmi isumannaallisaanermi aallartitaniit arlalinniit aamma sulisut aqutsisuiniit, aalajangiullugulu ivertinneqassalluni § 6 a malillugu.

Allannguutissatut siunnersuut § 6, *imm. 1, nr. 2*, malillugu ataatsimiittaliavit arlariinnilluunniit aammalu suliffimmi isumannaallisaanermi eqimattani ilaasortaasuniit pilersinneqassaaq, taakkua isumagissavaat aqutsisut, ima paasillugu pilersaarusanik aamma ataqatigiissaarinermik sulialinniit. Qinikkani siulittaasoq sulisitsisumut aalajangiisuusinnaasariaqarpoq allanngortinneqarsinnaanngitsunik isikkulinni sulinermi isumannaallisaanermi pissutsinut tunngassutilinni.

Suliassanik isumaginninnerup imaraa, eqimattat qinikkallu suliaminnik naammassinninnissaat. Suliffeqarfimmi eqimattamik ataatsimik marlunnilluunniit pilersitsisoqarpat ulluinnarni suliassanik isumaginnittussanik, qinikkat tassaassapput eqimattami imaluunniit eqimattani inuttaasut aammalu sulisitsisoq imaluunniit aallartitaq qinikkani siulersortaasoq peqatigalugu. Eqimattanik marlunniit amerlanerusunik pilersitsisoqarpat taava suliffimmi isumannaallisaanermi sulinermi sinnisumiit

sulisunilu aqutsisuniit toqqarneqassapput, qinikkanik tamarmik marlunnik inuttalikkanik. Qinikkat arlaliusinnaapput.

Innersuunneqarportaaq imm. 2.2.3.-mut inatsimmik siunnersuutip nalinginnaasup oqaaseqaataanut.

Nr. 18 (§ 6, imm. 2)-mut

§ 6, imm. 2, imarisaata assigiinnarpaa inatsimmi atuuttumi § 6, imm. 2- miittup. Kisiannili oqaasiliornikkut allannguuteqarpoq nutaamik taaguusersuinerup kingunerisaanik, tamanna pillugu inatsisissamik siunnersuummi paasissutissiissutigineqarpoq. Assiisaanik oqaatsitigut allannguinerup kingunerisaanik naqqiinnermi aamma § 16, imm. 1-2-mi. Piujuuaannartussatulli allannguutitut siunertaanngilaq.

Innersuunneqarportaaq imm. 2.2.1.3.-mut inatsisissatut siunnersuutip nalinginnaasumik oqaaseqarfigineqarneranut.

Nr. 19 (§ 6 a aamma § 6 b)-mut

Aalajangersagaq siunnersuutigineqartoq § 6 a-miittoq nutaajuvoq. Siunnersuutaavoq, sulisitsisup sulisut, sulisunillu aqutsisut suleqatigalugit aalajangiinissat eqimattat amerlassusaannik suliffimmilu isumannaallisaanermi suliani suliniaqatigiit qinikkat amerlassusaannik. Taamaalilluni eqimattanik suliffimmi isumannaallisaanermi sulinnermi eqimattanik qinersineq pilersitsinerlu aqutsisut kisimiillutik pilersitsisarnerat aallaaviusarunnaassaaq.

Siunnersuutip malitsigaa, eqimattat inuttassaanik amerlassutsinik aammalu suleqatigiilluni suliniaqatigiit qassinik qinigaqassaqaqarnerinik aalajangiineq qanissutsimi pissutsit aallaaviussapput, suliffeqarfimmut iluaqutaasussanngorlugu, sulinnermi pissutsit aammalu sulisut sulinnermi isumannaallisaanermi suliamut suliniaqatigiittut qinikkanut attaveqarnerat. Siunertaavoq qulakkeerniarlugu suliffimmi isumannaallisaanermi suliani suliniaqatigiiffiup suliffeqarfiup sinaakkusersornera suliffimmilu isumannaallisaanermi sulianut tarrarsorsinnaanissaa,

allannguutinillu naleqqussaaneq allannguisoqarnerni, suliffimmi sillimanermi isumannaallisarnernut iluaqutaasussamik. Suliffimmi isumannaallisaanermi suliani suliniaqatigiittut sinniisuusunut aqutsisutuulli amerlatigissapput suliffiup isumannaallisaanermi suliniaqatigiiffiani.

Suliffeqarfik eqqarsaatigalugu imaritinneqarpoq suliffeqarfiup annertussusaanik nalilersuineq, sulisunik aqutsisut sinaakkutai, nunarsuarmi sumiiffik aammalu suliffeqarfinni assigiiamik imaluunniit assigiinngitsunik sulianik naammassinniisarnernut. Suliffeqarfik eqqarsaatigalugu suliffimmi isumannaallisaanermi sulineri imaqartinneqarpoq ilanngullugu suliamik nalilersuineq, ulorianartulerineq aamma sulisut isumannaallisaanikkut peqqissutsikkullu ulorianartorsiornersut.

Suliffimmik isumannaallisaanermi suliniaqatigiiffiup naammattumik piffissaqarfigissaavaa, nukissaqarfigalugu suliamillu naammassinninnissamut periarfissaqarfeqartitaalluni, maannakkorpiak kapitali 4-mi nassuiarneqarnera malillugu, uunga tunngasumi; isumannaallisaaneq- peqqinnissamullu tunngasunik suliani Kalaallit Nunaanni suliffeqarfinni, ilanngullugu suliat nutaajusut, periutsimi nutaamiittut, assigisaanik naammattunik nukissaqarfigineqarnissaat suliamik naammassinniinnissamut suliffeqarfiup nalilersorneqarnissaanut attuumassuteqartuni. Ilaliullugu qulakkeerneqassaaq suliffeqarfiup tunisassiornermik/tunniussassaqarnermut il.il. ilisimasaqarnera.

Ilanngullugu aalajangiunneqassaaq amerlassutsit, sulisunit suliffimmi sillimaniarnermi sulineri sinniisunut attaveqarnissaminnut periarfissaqarnissaat eqqarsaatigalugu, sulisut kiisalu suliffimmi isumannaallisaanermik sulineri suliniaqatigiinni qinikkat periarfissaqarnissaat suliffimmi isumannaallisaaneq pillugu oqaloqatigiinnissamut suliffimmi atorfillit sulinerup nalaani. Tamanna aamma atuuppoq suliffimmi sulisut paarlaannerinni kiisalu angerlarsimaffimmi-/suliffiullu avataani sulineri.

Isumannaallisaanermi suliniaqatigiiffiup katiterneqarnera ullumikkut ima aalajangersagaavoq, sulisunik aqutsisup immikkoortortami sulineq tamakkerlugu isiginninnissamik/nakkutiginninnissamik pisariaqartitsinera pillugu aammalu sillimaniarnermik aallartitap ilisimasaanik sulisullu misilittagaannik. Tamakkua siusinnerusoq eqqarsaatigalugu eqqarsaatigineqassapput isiginiarneqarlutik suliffinnik isumannaallisaanermi suliniaqatigiinnik pilersitsineri.

Sulisut/atorfillit tamarmik suliffeqarfiup suliffimmik isumannaallisaanermut suliamik suleqatigiissutiginnittutut atuutissapput. Ima paasillugu, sulisut tamarmik, angerlarsimaffimmiit sulisut imaluunniit ungasissumiit sulisut, hold-ikkaarlutik ingerlatsisut imaluunniit suliffimmi allami

sulisut suliffeqarfiulli angerlarsimaffiani adresseqarlutik, suliffimmi sillimaniarnermi suliniaqatigiiffimmut attuumassuteqassapput.

Aalajangiussaq § 6 b -miittoq nutaajuvoq. Siunnersuutigineqartoq § 6 b, *imm. 1* atoarlugu, sulisitsisoq pisussaavoq suliffinni tamani sulisut peqatigalugit ukiut tamaasa ukiumut aggersumut suliffimmi sillimaniarnermut suleqatigiinnermi pilersarusiussallutik suliffeqarfimmi sulisut sulisunillu aqutsisut peqatigalugit. Oqaloqatigiinnermi aalajangiutissavaat, suut suleqatigiissutigineqassasut, qanoq suleqatigiinneq ingerlassasoq, aammalu ukiumi qaangiuttumi suleqatigiinnermikkut suut anguneqarsimanersut. Malitsigalugu ukiumut tulluuttumut suleqatigiinnikkut suut anguniarneqassanersut aalajangiunneqassapput. Suliffeqarfinni, suliffimmi isumannaallisaanermi suliniaqatigiinnerup pilersinneqarsimasut aaqqissuunneri pissapput suliffinni isumannaallisaanermi suliniaqatigiinni qinikkat peqatigalugit.

Ilisimasat qaffassarniarlugit sulisitsisup ukiut tamaasa sulisut peqatigalugit immaqalu sulisuni aqutsisut oqaluuserineqarluni ilisimaligassanik pisariaqartitanik suliffimmi isumannaallisaanermut tunngassutilimmik suliffeqarfimmi peqarnersoq. Taamaanngippat suliffimmi isumannaallisaanerup inatsisaani § 10 -miittoq avataaniit aaneqassaaq paasisimasalimmik ikiorneqarnikkut.

Siunnersuutigineqartoq § 6 b, *imm. 3*, imaqarpoq malittarisassanik atuutsitsilerneramik pisinnaatitaaffik sulisitsisup pisinnaatitaaffia malillugu *imm. 1-2*. Siunertaavoq, aalajangersakkamut malittarisassatut ikkunneqassasoq oqaloqatigiinnerit ukiumoortut imarisaanik imalik, taassuma ataani suleqatigeeriaatsit aammalu ataatsimiinnerni eqqussat/pilersitat kiisalu annertussusai qanorlu oqaloqatigiinneq ukiumoortoq uppersarnarneqassaneranik.

Ilanngullugu nnersuunneqarpoq *imm. 2.2.2.-mut* aamma *2.2.3.-mut* inatsisissamik siunnersuutip nalinginnaasumik oqaaseqaataanut.

Nr. 20 (§ 7, *imm. 1*)-mut

Siunnersuut § 7, *imm. 1*, ingerlatitseqqiineruvoq inatsimmi § 7, *imm. 1*-mi atuuttumi. Taamaattorli ilanngussaq pivoq, imaalillugu piginnaatitaaffiup ikkunneqarnissaa malittarisassat malillugit piginnaatitaaffinnut pisinnaatitaaffinnullu tunngasut qinikkanut suliffinnillu isumannaallisaanermi suliniaqatigiinnut maanna suliffimmi isumannaallisaanermi suliniaqatigiinni qinikkanut tamanut attuumassuteqartoq, imaappoq suliffinni isumannaallisaanermi suliniaqatigiiffimmi sulisuni aqutsisuni. Siunissami atuuttussamik allannguummik imaqqanngilaq taakkunani pisinnaatitaaffinni

pisussaaffinnilu atuuttuni.

Pisussaaffik eqqarsaatigineqarpoq atorneqassasoq malittarisassanik atuutsitsilernerimut, suliffeqarfiup qanoq suliffimmi isumannaallisaanermi suliniaqatigiianut sanarfineqassaneranik.

Piginnaatitaaffik aamma eqqarsaatigineqarpoq atuutsilersitsinermik:

- Aalajangiinermi qitiusut, ulluliussamik aalajangiussinerit imaritinneqarput suliffimmi sillimaniarnermi suliniaqatigiiffimmi qinikkat amerlassusissaannik § 6 a malillugu,
- malittarisassat suliffimmi isumannaallisaanermi sinniisinik qinersinermut tunngasut aamma sulisunik aqutsisunik qinersineq imaluunniit toqqaaneq,
- suliffimmi isumannaallisaanikkut sinniisunik qinersinerni imaluunniit sulisuni aqutsisunik toqqaanermut malittarisassani,
- malittarisassat suliffeqarfimmi sulisut amerlassusaannik nalunaarsuineq siunertaalluni suliffeqarfiup aalajangissammagu suliffeqarfik suliffimmi isumannaallisaanikkut suliniaqatigiimmik pilersitsissanersoq §§ 5-6 malillugu, kiisalu
- suliffimmi isumannaallisaanikkut suliniaqatigiinnerup suliassai.
- suliffimmi isumannaallisaanikkut suliniaqatigiiffimmi toqqagaasut pisinnaatitaaffii pisussaaffiillu.

Siunnersuutigineqarpoq malittarisassat maanna atuuttut isumannaallisaanermut sinniisunik qinerneqartut ingerlateqqinneqassammata annertunerusumik piujuartussatut allannguuteqaratik.

Siunertaavoq, sulisitsisoq sulisunik aqutsisunik toqqaassasoq, suliffimmi isumannaallisaanermi suliniaqatigiiffimmi atuuttussanik § 5 malillugu aamma eqimattani § 6, nr. 1 malillugu. Sulisunik aqutsisussatut toqqagaasut akunnerminni toqqassavaat sinniisussat, ataatsimiiitaliami atuutilersussat § 6, nr. 2 malillugu.

Kingullertut pisinnaatitaaneq atuuffeqarpoq malittarisassanik pilersitsisinnaassusermik, piumasaqaatini ukunani; sorliit piumasaqaatitut pilersinneqassanersut suliniaqatigiiffiusoq marlunniik amerlanerusunik qaffasissusilik, suliffeqarfinni 35-nik amerlanerusunik sulisulimmi.

Innersuunneqarportaaq imm. 2.2.3-mut inatsisissatut siunnersuutip nalinginnaasumik oqaaseqarfigineqarnerani.

Nr. 21 (§ 7, imm. 2)-mut

Siunnersuutigineqarpoq § 7, imm. 2. atorunaarsinneqassasoq, imarimmagu aalajangersagaq ingerlatitseqqinneqassasoq siunnersuummi nutaatut § 9 a, imm. 2, -mut, piffimmut tulluarnerrummat.

Ilanngullugu inersuutigineqarpoq imm. 2.2.4.3. inatsisissatut siunnersuutip nalinginnaasut oqaaseqaataani.

Nr. 22 (§ 7, imm. 4)-mut

§ 7, imm. 4, imarisaatigut assigaa inatsit atuuttoq § 7, imm. 4. Oqaasilornertaa allannguuteqarpoq taaguusersuinerup nutaap kingunerisaanik, ilitersuutigineqarpoq inatsisissatut siunnersuummi, kingunerisaanillu aalajangersagaq naqinneqarluni aalajangersakkanut sinneruttunut tunngatillugu. Siunertaanngilaq piujuartussatut allannguuteqartoqarnera.

Ilanngullugu innersuunneqarpoq imm. 2.2.1.3. inatsisissatut siunnersuutip nalinginnaasumik oqaaseqaataani.

Nr. 23 (§ 7, imm. 7)

§ 7, imm. 7, imarisamigut assigaa inatsit atuuttoq § 7, imm. 7. Oqaasiliornikkut allannguuteqarpoq nutaamik taaguusersuinerup kingunerisaanik, aalajangersakkallu kinguneraa aalajangersakkat nutaat pineqarnerini. Siunertaanngilaq piujuartussatut allannguuteqartoqarnera.

Ilanngullugu innersuunneqarpoq imm. 2.2.1.3. inatsisissatut siunnersuutip nalinginnaasumik oqaaseqaataani.

Nr. 24-26 (§ 8, imm. 2-4)

§ 8, *imm. 1-4-mi* oqaatsitiguinnaq allannguuteqarpoq, inatsisissatut siunnersuutip nutaamik taaguusersuinerup kingunerisaanik.

Ilanngullugu innersuunneqarpoq imm. 2.2.1.3. inatsisissatut siunnersuutip nalinginnaasumik oqaaseqaataani.

Nr. 27 (§ 8, imm. 5)-mut

Aalajangersagaq § 8, *imm. 5-mi*ittoq nutaajuvoq. Aalajangersakkami erseqqissarneqarpoq, sulisitsisup suliffimmi isumannaallisaanermi sinniisut sulisunillu aqutsisut periarfississallugit suleqatigiinnissaat ataqatigiissarneqarnissaanik.

Ilanngullugu innersuunneqarpoq imm. 2.2.1.4. inatsisissatut siunnersuutip nalinginnaasumik oqaaseqaataani.

§ 9, *imm. 1-mi* oqaatsitiguinnaq allannguuteqarpoq, inatsisissatut siunnersuutip nutaamik taaguusersuinerup kingunerisaanik.

Ilanngullugu innersuunneqarpoq imm. 2.2.1.3. inatsisissatut siunnersuutip nalinginnaasumik oqaaseqaataani.

Nr. 29 (§ 9 a)-mut

Aalajangersagaq § 9 *a-mi*ittoq nutaajuvoq. Siunnersuutigineqarpoq *imm. 1-mi*, sulisitsisup pisussaaffigissagaa isumagissallugu, suliffimmi isumannaallisaanermik suliniaqatigiinni qinikkat suliffimmik isumannaallisaanermi avatangiisinut ilinniagaqarneq pinngitsoorani (obligatorisk) naammassinninneq, inatsimmi toqqaannartumik ersippoq. Pinngitsoorani ilinniagaq assigiinni suliaqarfinni (brancher) -ni tamani atuuppoq aammalu qinerseqqinnerni ingerlanneqaqqittassanatik nutaanik suliffimmi allami atorfinitsitsisoqarnermi.

§ 9 a, *imm. 2-mi*, beskæftigelsesminister-imut pisussaaffimmik tunniussineqassaaq malittarisassanik

atuutsitsilernissamut, pinngitsoorani ilinniagaasussamik (obligatorisk) suliffimmi sillimaniarnermut sinniisutut atuuttunit sulisunilu aqutsisuni, suliffimmi isumannaallisaanermut ilinniarneq (uddannelse).

Pisinnaatitaaffik eqqarsaataavoq malittarisassanik atuutsitsilernermini atornissaa, attaveqaatinut akuersissutitut pinngitsoorani ilinniarfiusussamut (den obligatoriske uddannelse)

Ilanngullugu innersuunneqarpoq imm. 2.2.4. inatsisissatut siunnersuutip nalinginnaasumik oqaaseqaataani.

Nr. 30 (§ 10)-mut

Inatsisip § 10-p atuuttup malitsigaa, beskæftigelsesminister-i malittarisassanik atuutsilersitsisinnaanera, suliffeqarfiit ilisimasalimmik ikiorsiinissaminik neqeroorsinnaaneq sillimaniarnermut suliaqarnermut tunngasunik, sulisunut toqqissisimanissaq peqqinnissarluunniit pillugit.

Inatsit nutaaq § 10 atorlugu sulisitsisoq pisinnaatitaaffilerneqarpoq avataaniit ilisimasalimmik ikiorsiisussamik pissarsiornissaminik, sulisitsisoq pisinnaanngippat imaluunniit tamakkununga ilisimasakippallaarpat siunertaralugu sulisut suliffigisaata isumannaallisagaanissaa tamakkiisumillu isumannaatsuunissaa pillugu .

Nr. 31 (§ 11 a, imm. 1,2, imm.)-mut

Allannguutissatut siunnersuut atorlugu § 11 a, imm. 1, 2. imm. erseqqissarneqassaaq suliffimmik nalilersuineq (SU) namminersuutigalugu nakkutigisaavoq Suliffimmi nakkutilliisoqarfiup nalinginnaasumik nakkutilliisuniit inatsisit malillugit. Suliffinnik nakkutilliisut suliffeqarfiit suliffimmik nalilersuinermini nakkutilliinerat isumaqatigiissutitut tunngaviuvoq nakkutilliinerni isummerfiginninnerni nalinginnaasuni nalilersuinermini suliffeqarfiit ataasiakkaat suliffiup sillimaniarnerannut. Isumaqarpoq nakkutilliinerup suliffeqarfiit suliffimmik nalilersuineranni ilagisinnaavaa najoqqutassanik piumasaqaatinik imarititassanut tunngasunut piumasaqaatinik, ima paasillugu, imaritinneqartut tunngaviusut, suliffimmi sillimaniarnermini malittarisassat malillugit isumaqatigiissuteqarfigineqassasoq suliffimmik nalilersuinermini inaarutaasumik suliarineqarnerani.

Naqissuserneqassaaq, siunnersuut allannguummik imaqaassanngitsoq, Suliffimmik nalilersuineq (SN) ingerlatiinnarneqarluni suliffeqarfiup sulinermut sakkugimmagu suliffimmi sillimaniarnermut ajornartorsiutini qulaajaanernut inerniliinernullu, aallaavigalugu nammineq naatsorsuutigisat periarfissallu. Suliffeqarfiup ingerlatiinnassavaa toqqaasinnaaneq, periuseq sorleq SN-p sulissutigissaneraa. Suliffinnik nakkutilliisoqarfiup nakkutiginnilaa ass.: qanoq pilersaarusiorneq iluseqarnersoq, kisiannili nakkutiginnissinnaalluni pilersaarusiamik suliffiup sillimaniarnermi ajornartorsiutinik aaqqinneqanngitsunik pingaarutilinnik peqarnermut, suliffeqarfiup nammineq paasisimasaannik, aamma ass.: suliffeqarfiup sulisut napparsimanermi peqanngittarnerat ilanngunneqarsimanersut suliffimmik nalilersuineri SN'mi, imaluunniit sillimaniarnermi suliniaqatigiit (suliffimmi sillimaniarnermi suliniaqatigiiffik) NS-p suliarineranut akuliunneqarsimanersaq.

Ilanngullugu innersuunneqarpoq imm. 2.3.1. inatsisissatut siunnersuutip nalinginnaasumik oqaaseqaataani.

Nr. 32 (§ 11 a, imm. 2, 1 imm.)-mut

Allannguutissatut siunnersuummi § 11 a, imm. 2, 1. imm. erseqqissarneqarpoq, SN-p suliarinerani tunngaviatigut imarititaasut sisamaasut tak. inatsimmi § 11 a, imm. 2, nr. 1-4, suliffeqarfiup suliffimmi isumannaallisaanermut ajornartorsiutaanik pinaveersaartitsinermik aalajangiineq nalilersorneqassaaq, imaalillugu inernilikkat pisariallit, atuutsitsilernqassapput pinaveersaartitsinermi periusiusut eqqarsaatigalugit, suliffimmi sillimaniarnermi inatsiseqarnermiittut.

Ilanngullugu innersuunneqarpoq imm. 2.3.2. inatsisissatut siunnersuutip nalinginnaasumik oqaaseqaataani.

Nr. 33 (§ 15 a)-mut

Siunnersuutigineqartoq § 15 a nutaajuvoq. Aalajangiussap siunertaanik eqqarsaatigineqarpoq aalajangiunneqassasoq, sulisitsisumit naammassineqassasoq imaluunniit sanaartorfimmi suliaq naammassineqassasoq, pisussaaffiuvoq suleqataaffigineranik eqqanaarinninneq, akisussaaffik pisussaaffillu sanaartortitsisup pilersaarusiornermut killiliussami aammalu ataqatigiissaarinermi peqataaffigimmagit, ingerlannerata siunertarisaani, uuma ataani ilaatigut isumaqatigiissutigineqartut sanaartortitsisoq peqatigalugu pilersitsineq il.il. isumannaallisaanermut tunngasut ataatsimoorluni piffimmi malinneqassammata.

Ilanngullugu aalajangersagaq qulakkeerneqassaaq, ataatsimiinnerni sulisitsumit peqataaffigineqartoq, makku pillugit; sanaartorfinni isumannaallisaaneq peqqinnissarlu, sanaartortitsisumit ataqatigiissaarineq pillugu aggersaasoqarluni. Aalajangersagaq pisussaaffinnik allannguuteqanngilaq, sulisitsisumiilli suliamik pilersaarusiorneq piareersarnerlu isumagineqartussaalluni, sillimaniarnermut- peqqinnissamullu tunngasut suliarineqarlutik tamakkiisumik isumannaatsumik, tak. suliffimmi isumannaallisaanermi inatsit § 31, imaluunniit pisussaaffimmi, sulisitsisup inatsit § 15 malillugu suleqatigiissutigissagaa suliffimmi pissutsit peqqissut pilersinnerinik qulakkiinnerminik, suliffeqarfimmi sulisunut tamanut. Innersuussutigineqarpoq, alajangersagaq allannguutissamik siunnersuutitalik § 2, imm. 3, nr. 1, aamma atuummat, sulisitsisumiit suliamik naammassineqanngikkaluarpalluunniit.

Ilanngullugu innersuunneqarpoq imm. 2.3.3. inatsisissatut siunnersuutip nalinginnaasumik oqaaseqaataani.

Nr. 34-35 (§ 16, imm. 1-2)-mut

Aalajangersakkami atuuttumiippoq suliffimmi nakkutilliinerup inatsisaani § 16, imm. 1-mi, sulisitsisup sulisunut isumannaallisaanermi sinniisut kiisalu sulisut sinniisaasa akisussaaffigisaannik ilisimatissallugit Sulineramik nakkutilliisoqarfiup piumasaa malillugu. Assigisaanik sillimaniarneq pillugu sinniisit sulisullu sinniisai, taakkuummata noqqaassummik tassunga tunngasumik saqqummiussisuusut.

siunnersuutaavoq, "piumasaqaat" allanngortinneqassasoq uunga "aalajangiunneqartut piumasaqaatillu", aamma "piumasaqaatip" allanngortinneqassasoq "aalajangiineq imaluunniit

piumasaqaat".

Isumaqartoq, sulisitsisup siunissami pisussaaffigilissagaa sulisut sulinermi isumannaallisaanermi sinniisui kiisalu sulisuni sinniisut sumiiffigasaminni aalajangiussat, Suliffinni nakkutilliisoqarfiup aalajangigai, qanorluunniit piumasaqaatitut isikkoqaraluarpata imaluunniit aalajangiussatut allatut isikkoqarpata, ass.: aalajangiussat iliuusissioinnissaannik piumasaqaatitaqanngitsut. Assigisaanik atuuppoq suliffimmi isumannaallisaanermi sinniisut allat aammalu sulisut sinniisai, taassuminnga saqqummiinissamik piumasaqarpata.

Siunnersuut isigineqassaaq allannguutissatut siunnersuummut atassuteqarnera § 60, imm. 1-mi.

Ilanngullugu innersuunneqarpoq imm. 2.6.6. inatsisissatut siunnersuutip nalinginnaasumik oqaaseqaataani aamma nr. 56 oqaaseqaatit immikkut ittut.

Nr. 36 (§ 17,2. imm.)-mut

Suliffimmi isumannaallisaanerup inatsisaani § 17-mi aalajangersakkami atuuttumi takuneqarsinnaavoq, Suliffinnik nakkutilliisoqarfiup piumasarippagu, imaluunniit pissutsit tassunga tunngappata, taava sulisitsisoq misissuissalluni pisussaavoq, misiligutitik tigusinikkut imaluunniit misissuinikkut, ajornanngippallu immikkut ittumik ilisisimasalimmiit qulakkeertitsilluni, suliffimmi pissutsit tamakkiisumik isumannaallisaanikkut peqqinnissakkullu illersorneqarsinnaanersut.

Malitsigaa, ersarissumik takuneqarsinnaalissammat, Suliffinnik nakkutilliisoqarfiup piumasaqaammik akuersinissaanik ullormik piffissaliussiinera tunniussinissamik peqqusinermi § 17-i malillugu. Ullussamik piffissaliineq sulinermi isumannaallisaanerup inatsisaani § 60-mi, ilaatigut pineqarluni piffissaliussanik akuersinerit Suliffinni nakkutilliisoqarfiup inerniliinerinnik.

Ilanngullugu innersuunneqarpoq imm. 2.6.1. inatsisissatut siunnersuutip nalinginnaasumik oqaaseqaataani.

Nr. 37 (§ 17b)-mut

Inatsimmi atuuttumi § 17 b-mi takuneqarsinnaavoq, inatsisip aalajangersagaani aamma atuummat, suliffeqarfimmik aqutsisoq imaluunniit aqutsisunut ilaasoq peqataanissaat.

Aalajangersakkami tassani siunnersuutigineqarpoq atorunnaarsinneqarnissaa aammalu atuutseqqilernissaa § 17 c-tut, § 17 b nutaatut pisariaqartinneqarmat, 17 a-mut tulluillugu aammalu siulianiittoq atuuttoq § 17 b (taanna siunnersuutigineqartoq § 17 c).

Aalajangersagaq siunnersuutigineqartoq § 17 b nutaajuvoq. Aalajangersagaq ilutigalugu bekræftelsesminister-ip pisinnaatitaaffeqarfigaa sulisitsisunik pisussaaffimmik naalakkiisinnaaneq napparsimaneq peqqutaalluni sulinnginnermut tunngasunut soqutiginninnerup sammiveqarnissa, suliffeqarfimmi isumannaallisaanermut peqqinnissamullu suliamut tunngatillugu.

Pisinnaatitaaffik malittarisassanik atuutsitsilernernut atuussinnaasariaqarpoq, Sulinermi isumannaallisaanermut suliniaqatigiit sulinerminni napparsimaneq peqqutigalugu peqannginnernut isiginninnerannut nukittorsataasumik. Ilaatigut napparsimaneq peqqutigalugu peqannginnerit suliffeqarfiup suliffimmik nalilersorneqarneranut (SN) ilannguttussaammat. Malittarisassat SN-mut tunngassuteqartut piumasaqaammik imaqaassapput, napparsimaneq peqqutaalluni peqanngittarnerit nalilersuinnermut ilanngunneqarnissaa.

Ilanngullugu innersuunneqarpoq imm. 2.3.4. inatsisissatut siunnersuutip nalinginnaasumik oqaaseqaataani.

Nr. 38 (§ 17 c)-mut

Siunnersuutigineqartoq § 17 c nutaajuvoq, kisiannili aalajangersakkatut ingerlateqqitaalluni inatsimmi atuuttumi § 17 b-mi. Aalajangersakkap imaraa, inatsit aalajangersakkatsigut ingerlaannarnissaa sulisitsisup pisussaaffianiittoq assigisaanik inummut suliffeqarfimmi aqutsisumut imaluunniit aqutseqataasumut atuutsinneqarnerinik.

Tamatuma kingunerisaanik aamma pinerlunnermi inatsisitigut pineqaatissiineq inatsisit taakkua

malinnerini, soorluttaaq sulisitsisumut aamma atuuttut. Aalajangersakkap assigiinnarpaa inatsit atuuttoq § 17 b Kalaallit Nunaanni suliffimmik isumannaallisaanermi inatsimmi.

Ilanngullugu innersuunneqarpoq imm. 2.3.5. inatsisissatut siunnersuutip nalinginnaasumik oqaaseqaataani.

Nr. 39 (§ 21, imm. 2)-mut

Oqaasertaatigut allannguneq peqquteqarpoq nutaamik taaguusersuineq, inatsimmik siunnersuutaasumi ilitsersuutigineqartumi.

Ilanngullugu innersuunneqarpoq imm. 2.2.1.3.. inatsisissatut siunnersuutip nalinginnaasumik oqaaseqaataani.

Nr. 40 (§ 28)-mut

Kalaallit Nunaata suliffimmik nakkutilliinermi inatsisaata nalunaarusiaani takuneqarsinnaavoq § 28 -mi, malittarisassat teknikkikkut iluaqutaaneri §§ 24, 25, 27 aamma 29, imm. 2-mi aamma pisiortorfigisanut assigisannullu atuummat. akuutissat atortuutillu makkunani pisinnaaffillit, isumannaallisaanermut imaluunniit peqqinnissamut ulorianarsinnaasut.

Siunnersuutigineqarpoq, aalajangersagaq § 28-miittoq ima ilaneqassasoq; "...*imaluunniit annikillisissinnaavai...*". Ilanngussaq isumaqarpoq, oqaaseq assigiinnagaa inatsimmi 38, imm. 1-mi aamma § 39, imm. 2,4,5 aamma 6-mi.

Ilanngullugu innersuunneqarpoq imm. 2.2.1.3.. inatsisissatut siunnersuutip nalinginnaasumik oqaaseqaataani.

Nr. 41 (§ 33, imm. 1, nr. 2)-mut

Kalaallit Nunaannut aalajangersakkami suliap naammassinera ullumikkut imaqarpoq, inunnut tunngasut aningaasartuutitut illersuutitut atortussanut allanullu immikkut ittunut sulinermit atisanut piginnissai sulisitsisumiit isumagineqassapput. Kalaallit Nunaanni suliffimmi isumannaallisaanermi inatsisip pisinnaatitsineranik beskæftigelsesminister-ip atuutisilissagaa inatsisit atuuttut malillugit inummut tunngasut illersuutissat aammalu sulisut atisai immikkut ittut, kisianni periarfissaliinerup tunngaviani ersernerluppoq malittarisassanik tassunga atuutsitsilerneq, kia taakkununga tunngasut akiligassat isumagissanerai.

Allannguut malillugu aalajangersakkami § 33, *imm. 1 nr. 2*, qulakkeerneqassaaq tunngavik periarfissaliissut malittarisassanik atuutsitsilernissamut, aningaasartuutit inunnut tunngasunut illersuutitut atisanullu immikkut ittunut.

Ilanngullugu innersuunneqarpoq *imm. 2.5.2.* inatsisissatut siunnersuutip nalinginnaasumik oqaaseqaataani.

Nr. 42 (§ 33, *imm. 1, nr. 3-7*)-mut

Inatsit atuuttoq § 33, *imm. 1, nr. 3*, tassaavoq aalajangersakkani kingulliup tullia, taamaalillunilu naammassissaaq una oqaasertarlugu "ilanngullugu" paasissutissiissutiginiarlugu aalajangersakkani nr. 4 normuni kingullersaammat.

Allannguutissatut siunnersuummi nr. 3 kingulliup tulliatut inissisimanngilaq, taamaattumik "ilanngullugu" peertariaqartoq.

Inatsimmi atuuttumi § 33, *imm. 1, nr. 4*, -mi takuneqarsinnaavoq, beskæftigelsesministeri-p malittarisassanik atutsilersitsisinnaanera, isumannaallisaanermut peqqinnissamullu piumasaqaatinut tunngasunik, suleriaasissamik pilersaarusiorderit, suliap ingerlanera aamma suleriaatsini, pilersaarutini taama ittuni, taakkunanilu allannguutit Suliffinnik nakkutilliisoqarfiup oqaaseqarfigissavaa imaluunniit akuersissummik tunniussinerni, naammassisutut tunniussinnginnermi.

Inatsit atuuttoq § 33, imm. 1, nr. 4 siunnersuutaavoq *nr. 7*-mut nuunneqarnissaa, pissutigalugu aalajangersakkap isikkua aalajangersakkamut katersukkamut siuliani aalajangersakkami erseqqissakkatut taaneqartuni pissusissamisoortumi inissinneqassasoq tulleriiaarnerini kingullertut assersuutini, piumasaqaatit sorliit beskæftigelsesminister-imiit atuutsinneqalersinnaasut allaffissornermi malittarisassanut naammassineqarsimanissai, suliamik tamakkiisumik illersorneqarsinnaasumik pilersaarusiordermi piareersarneratalu inaarneranik.

Aalajangersakkatut siunnersuutit nr. 4, 5 aamma 6 nutaajupput.

Pisinnaatitaaffimmik aalajangersagaq nutaaq § 33, imm. 1, nr. 4-miittoq malittarisassanik atuutsitsilernermi atorineqassaaq, timikkut taamatullu tarnikkut ikiueqqaarnissamut.

Timikkut ikiueqqaarneq pissaaq ajutoortoqarnerni. Atortussat tulluurtut ikiueqqaarnermilu atortussat suliffeqarfimmi pigineqassapput, taakkununga tunngasut malittarisassaniipput Kalaallit Nunaanni aalajangersakkani suliffeqarfiup aaqqissuunneqarnerani aalajangersakkanilu sanaartorfiit aaqqissuunneqarnerini kiisalu Kalaallit Nunaanni suliffeqarfinni assingusuni. Aalajangersakkap siunnersuutigineqartup akuerisatut pilersinneqassaaq, allaffissornikkut malittarisassani pigineqareersuni ikiueqqaarnissaaq pillugu malittarisassani aammalu ikiueqqaarnermut allaffissornikkut malittarisassanik nutaanik atuutsitsitsilernermit.

Suliffimmi sulinermit tunngassuteqartunik kingunerlutsitsinermik pisoqarnissaanik navianartorsiortoqarpat, sulisitsisup isumagissavaa suliniutit pisariallit tarnikkut ikiueqqaarnermit tunngasut, taassuma ataani ilaatigut inunnik toqqaanikkut, tarnikkut ikiueqqaarsinnaasunik. Pisariaqassappat suliffeqarfik tamakkuninnga ilisimasalimmik pissarsiussaaq.

Tarnikkut ikiueqqaarneq ikiortimik toqqagaasumiit pissaaq, suliffimmi sulisumiit, suliffiup nalaani nukersorfigitissimasumik. Ikiortaasoq inuk suliffeqarfimminngaaneersuussaaq imaluunniit avataaniit aggettitaq. Sulisitsisoq inunnik amerlassusiliissaaq toqqaanermi, tarnikkut ikiueqqaartussanik, avataaniit aggettitsinnginnermini.

Tarnikkut ikiueqqaarneq tarnikkut katsorsaanerunngilaq imaluunniit passussinerunani (tarnikkut ikiueqqaarneq). Tarnikkut ikiueqqaarneq iliuuseqarfiuvoq, ersersitsisumik sulisoq imminiiginnarneqannginneranik, sulisumullu iluaqutaasinnaalluni siullertut ikiuigallarnermit misigisanut nuannerpallaanngitsunut aammalu sulisup suliamut ilisimasaqarnera imminullu pingaartinneranut.

Ilanngullugu siunnersuutigineqarpoq, § 33, imm. 1-mi, nutaatut ikkunneqassasoq nr. 5-tut, pisinnaatitsiffik beskæftigelsesminister-imit malittarisassamik atuutsitsilerneq inunnik suliaqarneq pillugu, timikkut imaluunniit anersaakkut amigaatigineqartut imaluunniit anniaatigineqartut, ilaqarsinnaalluni ajutoornissamut imaluunniit nappaatinut qanittut suliani tamani.

Kiisalu siunnersuutigineqarpoq, § 33, imm. 1-mut nutaatut ikkunneqassasoq normu nutaaq nr. 6, beskæftigelsesminister-ip pisinnaatitaaffigisaa killilersuinernut sulisut kisimiillutik sulinerinut malittarisassanik atuutsitsilernerimi.

Siunnersuutigineqartut peqatigitillugit isumannaallisaanermi pitsaassutsinilu inatsiseqarneq eqqarsaatigalugu erseqissarneqassasoq, inatsimmi periarfissatut tunngavik aalajangersakkamut tunngaviliineq timikkut tarnikkullu ikiueqqaarneq pillugu, inunnik timikkut anersaakkullu arlaatigut amigaateqartunik imaluunniit anniaateqartunik sammisaqartitsinernut, imaqarsinnaasuni sulinerimi ajutoornernut imaluunniit nappaatinut ulorianartorsiornerni, ilanngullugu killiliussatut sulisitsinernut inuit kisimiitillugit sulisinneqarnerinut.

Ilanngullugu innersuunneqarpoq imm. 2.4.1 inatsisissatut siunnersuutip nalinginnaasumik oqaaseqaataani.

Nr. 43 (§ 35, imm. 1)-mut

Aalajangersakkami atuuttumi atuuppoq suliffimmik isumannaallisaanerup inatsisaani § 35, imm. 1, beskæftigelsesminister-i malittarisassanik aalajangikkanik atuutsitsilersinnaaneramik ilusilersuinerit, utaqqiisaasumik, silami paarlakaajaattumik sulierni, immikkullu isiginiakkani suliniutini qaqqani sulinerinut tunngassuteqartuni.

Siunnersuutigineqarpoq, § 35, imm. 1-mut assersuutitut atuutsinneqalissasoq. malittarisassat sorliit suliffeqarfimmut beskæftigelsesminister-ip atuutsitsilerneratigut. Siunnersuutaavorlu, § 35, imm. 1-mi takuneqarsinnaasup inatsisini 1. sullivik, ass.: inip qilaavata tungaanut takissusilik, ini qilaalik, naqqit, iikkat, qilaat, qaammaqqutit, kissassutsit/nillissutsit, silaannarmik silaannarissarfiit, nipit, 2. atugarissaarnermut tunngasunik suliarisat il.il. ass.: ini qiteqquttarfik /isersimaartarfik- nerisarfik, atisaajartarfik, perusersartarfiit, asaffiit uffarfiillu kiisalu siniffigisartakkat issiaviillu, kiisalu 3.

anisarfiit, ass.: aqqutigisartakkat, majuartarfiit anisarfiillu allat.

Isumaqqarpoq, inatsit assersuutigalugu imaqassasoq, malittarisassat suut beskæftigelsesminister-ip atuutsilersinnaanera suliffimmut tunngatillugu. Assersuutit aalajangiussatut atuutissapput, utaqqiisaasuusinnaallutik, sulisunik paarlaannerni aammalu silami suliani, taassuma ataaniippoq qaqqani suliat ingerlatat. Assersuummi atuutinngilaq tamakkiisumik tulleriiaarlugit nalunaarsuineq. Ilanngullugu atuutsilersinneqassapput malittarisassat allat suliffeqarfimmut tunngassutillit, ass.: eqqiluisaarnermut tunngasut.

Siunnersuummi anguniagaanngilaq inatsisitigut allannguuteqartoqarnera.

Ilanngullugu innersuunneqarpoq imm. 2.5.1 inatsisissatut siunnersuutip nalinginnaasumik oqaaseqaataani.

Nr. 44 (§ 35, imm. 3)-mut

Siunnersuutigineqarpoq nutaatut *imm. 3 § 35*-mi ikkunneqassasoq, kingornatigullu beskæftigelsesminister-i § 35, imm. 1 naapertorlugu, malittarisassanik atuutsilersinnaanera suliffeqarfimmut tunngasunik, taakkualu sanaartukkanik attartortunut, ininut, nunaminertanut il.il. atuutsinneqarlutik.

Ullumikkut taamaallaat periarfissaavoq sulisitsisumut piumasaqaat, attartortutut aammalu ininik sanaartukkanillu attartortutut. Tulluartaatut aamma peqarpoq toqqaannartumik piumasaqaat, attartortunut imaluunniit suliffeqarfimmut illuumik attartortitsisunut.

Aalajangersagaq atuutinngilaq ininik illumillu attartortunuinnaq, kisianni aamma nunatamik attartugaqarnermi suliffinnillu allanik, ass.: sananermi init.

Ilanngullugu innersuunneqarpoq imm. 2.5.1 inatsisissatut siunnersuutip nalinginnaasumik oqaaseqaataani.

Nr. 45 (Kapitalip 6-p qulequtaani)

Siunnersuutitut ilanngunneqassaaq "il.il." imaalillugu *kapitali 6-mut qulequtaq* erseqqissarniarlugu, kapitali aamma aalajangersakkanik imaqarmat, inunnut illersuutissanut tunngassuteqarmat.

Ilanngullugu innersuunneqarpoq imm. 2.5.3 inatsisissatut siunnersuutip nalinginnaasumik oqaaseqaataani.

Nr. 46 (§ 36, imm. 1)

Aalajangersagaq § 36, *imm. 1*- miittoq, oqaatsitigut allanngortinneqarnissaanik siunnersuutaavoq aalajangersakkami nalunaarsornissaa pillugu, oqaatsitigut iluarsinissaa pillugu qallunaat suliffimmi isumannaallisaanermut inatsisaanut tulluarsarlugu. Assersuutit teknikkimut tunngasunik iluaqutit, aalajangersakkamut ikkunneqarnissaannik siunnersuutaasut, qallunaat suliffimmik isumannaallisaanermut inatsisaani 1975-mi, aalajangersakkatut pilersinneqarsimasumi. Sanaartornermut tunngasunik pisiassat inunnullu illersuutit qallunaat aalajangersagaanni ilaliunneqarput 2021-mi, aalajaatsumik allaaffissornermik suliaqarnermi aaqqissuussinermik ilisimasaqarfigisassatut. Siunnersuutip siunertaraa assersuutit teknikkikkut iluaqutit siammasissusaannik erseqqissaaneq, aalajangersakkami ilaavoq. Allannguummi siunertaanngilaq piffigisami Suliffimmi nakkutilliisoqarfiup suliaani.

Ilanngullugu innersuunneqarpoq imm. 2.5.3 inatsisissatut siunnersuutip nalinginnaasumik oqaaseqaataani.

Nr. 47 (§ 37, imm. 1)

Kapitalip qulequtaanut ilanngullugu siunnersuutaavoq ima ilaneqarnissaa "il.il." siullerpaamik "teknikkikkut iluaqutissat" takuneqarsinnaapput aalajangersakkap aallaqqaasiutaani § 37, *imm. 1*-mi, erseqqissarniarlugu pisinnaatitaasunut aalajangersakkami aamma pineqarnera inunnut illersuutit.

Ilanngullugu innersuunneqarpoq imm. 2.5.3 inatsisissatut siunnersuutip nalinginnaasumik oqaaseqaataani kiisalu nr. 43 immikkut taasariaqakkani oqaaseqaatini.

Aalajangersagaq § 39 a nutaajuvoq. Siunnersuutaavoq pisinnaatitsinermik aalajangersagaq ikkunneqassasoq, periarfissiissammat malittarisassanik atuutsitsilernissamik, saqqummiisartut imaluunniit nassiussanik aqquataasartut Suliffinnut nakkutilliisoqarfimmut nalunaarutiginnissinnaanissaannik akuutissat atortullu pillugit. Nalunaarutiginnittussaatiineq atuutissaaq ass.: akuutissat suulluunniit aamma atortussat, akuutissat ataasiakkaat pineqarnerinni atortussallu, akuutissat aalajangersimasut aammalu atortussat imaluunniit akuutissat atortullu aalajangersimasunut atorneqartussat.

Aalajangersagaq periarfissiissaaq pisussaaffimmik ilasinermik, inatsisip pioreersup iluani § 24, imm. 3, peqatigalugu inatsit §§ 28 aamma 29 nassiussanik aqquataasartunut aammalu akuutissanik sanaartukkanik atortussanillu, misissuinernut misiligutinillu tigusinernut atuuffissamik, Sulifimmi nakkutilliisoqarfiup piumasaqaataat malillugu, imaluunniit pissutsinut tamakkununga tunngatillugu.

Tassunga ilaliunnissaanut nalunaaruteqartussaaneq siunertaqarluarnerusutut isumaqarfigineqarmat, sanaartortunut imaluunniit nassiussanut aqquataasunut sulisitsisumiit imaluunniit akuutissanik atuisuniit allaniit sanilliullugu pingaarnerutillugu, peqquataavoq sanaartortoq imaluunniit nassiussinermi aqquataasartoq, akuutissat ulorianassusaannik atuuffissaanullu ilisimasaqarnissaat pingaartinneqarmat. Akuutissat atortussallu aalajangersimasuusinnaapput, imerpalasut aammalu silaannallit. Atortussat atortussiassatut isikkoqarsinnaasut ilaliussatut sanaartukkatut assigisaannillu, aalajangiussaavoq sulinermut soorlu suliamik ingerlatitseqqiinnermi. Akuutissanut tunngasunut paasineqassaaq akuutissat tunngaviisa kemi-mut atassuteqarnera, taamaalilluni taamaattussaannartut isikkoqarneri imaluunniit sanaartorfiiniit sanaartorneqarsimaneri. Atortussattaaq aalajaatsunngortinneqarsinnaasut arrortinneqarsinnaasullu, maqisinnaasut imaluunniit silaannallitut akuukkat marlunnik arlalinnilluunniit akuutissartallit.

Aalajangersagaq § 39 b nutaajuvoq. § 39 a-mi pineqarluni pisinnaatitaaffimmik paasissutissiineq, aalajangersakkami uani pineqarluni atuisunut paasissutissiineq. Pisinnaatitsissummik sanaartortunut nassiussanullu aqqutigisanut periarfissiivoq akuutissanik atortussanillu ulorianaatilinnik pisussaaffeqarnerat teknikkikkut paasissutissiinnissaminnik assigisaannillu, isumagissallugu

tamakkua paasissutissanik imaqarmata, suliat suunerinik paasissutissiinissamik pinaveersaartitsinermik imaluunniit akuutissat inissisimaffissaannik aalajangiussinissamik, nassiussineq, atuineq, akuutissanik allanik akoorineq imaluunniit piujunnaarsitsineq.

Ilanngullugu innersuunneqarpoq imm. 2.5.4 inatsisissatut siunnersuutip nalinginnaasumik oqaaseqaataani.

Nr. 49 (§ 42,2. imm.)-mut

Aalajangersakkami inatsimmi atuuttumi § 42-mi, takuneqarsinnaavoq § 40-mi ulluinnarsiutitut piffissaq qasuersaarfusoq aamma § 41 sap.ak.-kkaartumik sulinngiffeqarneq pinngitsoortinneqarsinnaasoq pisariaqartitamik annertussusilikkamik force majeure-ni. Isummiussamik aalajangiussineq nalunaarsorneqassaaq imaluunniit uppersarsaatitut allatut.

§ 42, imm. 2-mi siunnersuutigineqarpoq "nalunaarsorneqassaaq nakkutilliinermut atuakkamut imaluunniit allatut assingusumik uppersarsarneqassaaq" allanngortinneqarluni "allaganngorlugu uppersarsarneqassaaq".

Isumagaa isummiussanik aalajangiussinerit § 40 -minnganeersut ulluinnarni piffissaq qasuersaarfik aamma § 41 sapaatip akunnikkaartumik ulloq ataaseq sulinngiffittut ingerlatiinnarneqassasoq allaganngorlugu uppersarsarneqarluni, kisiannili allaanerusumik nakkutilliinermut atuakkaminngarniit, ass.: qarasaasiakkut allaganngorlugu.

Allaganngorlugu uppersarsaasiineq isummiussamik aalajangiussineq isumannaallisaanermi kattuffimmut iluaqutaasussaavoq (allannguuteqarnissaa siunnersuutigineqarluni suliffimmi isumannaallisaanikkut kattuffiup tak. oqaaseqaatit nalinginnaasut imm. 2.2.1.3.) imaluunniit suliffeqarfimmi sulisut pisussaaffeqarfiginngisaat suliffimmi isumannaallisaanikkut kattuffimmik pilersitsissallutik. Suliffimmi isumannaallisaanikkut kattuffik imaluunniit sulisut namminneq aamma periarfissinneqartussaapput isummiussamik aalajangiussinernik nalunaarsuissallutik. Isummiussamik aalajangiussinermut uppersarsaammik Suliffimmi nakkutilliisoqarfik piumasaqarsinnaavoq.

Allannguissamut siunnersuut § 42 isigineqassaaq allannguissamut siunnersuutitut tassungalu

atassuteqartutut, inatsisissatut siunnersuutip § 1, nr. 61, aalajangersakkatut kingorna atuutsilersussatut nr. 61-mi atuakkamut nalunaarsuinerup atorunnaarsinnerani.

Ilanngullugu innersuunneqarpoq imm. 2.3.6. inatsisissatut siunnersuutip nalinginnaasumik oqaaseqaataani aammalu nar. 61-mi oqaaseqaatini immikkuullarissuni.

Nr. 50 (§ 49 a, imm. 2)-mut

Inatsimmi atuuttumi takuneqarsinnaavoq § 49 a, imm. 2-mi, beskæftigelsesminister-i malittarisassanik atuutsilersinnaasoq uunga tunngasumi; atuarfimmi nakorsap misissuinini pissutigalugu ingerlatsinera, atuartup atuarfik qimannginnerani, piumasaqaammik tunniussineq pissaaq, atuartoq napparsimassuteqarnerseqq imaluunniit nappaateqarnerseqq, atuartumut isumannaallisaaneq peqqinnissamullu tunngasut sulinerup nalaani atuartumut sunniuteqarsimanersut.

Taaguusersuineramik atuinermi isumaata assigneraa qulakkeerniarlugu, siunnersuutigineqarpoq oqaaseq taarserneqassasoq "atuarfiup nakorsaa" uuminnga taarserlugu "peqqinnissaqarfik".

Nalinginnaasumik oqaaseqaataani ilanngullugu innersuunneqarpoq imm. 2.8.4. inatsisissatut siunnersuummi nalinginnaasumik oqaaseqaataani.

Nr. 51 (§ 50, imm. 1, nr. 2 aamma 3 amma 51, imm. 1, 1. imm.)-mut

Inatsisip atuuttup Kalaallit Nunaanni suliffimmi isumannaallisaanikkut pissutsini atorineqarpoq § 50, imm. 1, nr. 2 aamma 3-mi, aamma § 51, imm. 1, 1. imm., taaguut "landstyret". Taaguut atorineqartoq inatsimmi nr. 473 12. juni 2009-meersumi imaalivoq, Kalaallit Nunaanni namminersornerullutik oqartussaqaarfiani allanngortinneqarpoq imaak, "Naalakkersuisut".

Siunnersuutigineqarpoq siuliani aalajangersakkat taaneqartut allannguuteqarnissaannik qallunaatut taaguut "landstyret" kalaallisut taaguuteqalersillugu "Naalakkersuisut".

Inatsimmik siunnersuummi allannguinerup siunertaraa inatsisip oqaatsitigut atorneqarnerata assigiimmik pineqarnissaa.

Nalinginnaasumik oqaaseqaataani ilanngullugu innersuunneqarpoq imm. 2.8.1. inatsisissatut siunnersuummi nalinginnaasumik oqaaseqaataani.

Nr. 52-54 (§ 51, imm. 1, nr. 5-7)-mut

Aalajangersakkami atuuttumi kalaallisuumi takuneqarsinnaavoq § 51, imm. 1, nr. 5-mi, Suliffimmi nakkutilliisoqarfiup ataatsimiittaliaaniit Kalaallit Nunaata Sulisut peqatigiiffianiit (GA) ilaasortamik ataatsimik toqqaasoqarsinnaanera.

Siunnersuutigineqarpoq, nr. 5 imaalillugu allannguuteqassasoq, siunissami Kalaallit Nunaani Inuutissarsiorneq imaalissasoq, Suliffimmi nakkutilliisoqarfimmi ataatsimiittaliاميit ilasortamik ataatsimik toqqaasinnaaneq. Peqqutaavoq ullumikkut Kalaallit Nunaani Inuutissarsiorneq (Grønlands Erhverv) inuutissarsiornermi kattuffinni annersaammat.

Aalajangersakkami atuuttumi § 51, imm. 1, nr. 6, takuneqarsinnaavoq, ilaasortaq ataaseq Sulinermi isumannaallisaanermi ataatsimiittaliاميit toqqarneqarsinnaasoq Kalaallit Komuuneqarfiisa Nunap Kattuffianiit (KANOKOKA).

Siunnersuutigineqarpoq nr. 6 imaalillugu allanngortinneqassasoq, siunissami kalaallit komuuneqarfiiniit peqatigiillutik, ilaasortamik ataatsimik qinersissasut Sulinerмик nakkutilliisut ataatsimiittaliaaniit. Peqqutaavoq KANOKOKA 2016/2017-mi atorunnaarmat.

Siunertaavoq malittarisassat pissutsit malillugit assigiimmik aaqqiinissaq.

Aalajangersakkani atuuttuni takuneqarsinnaavoq § 51, imm. 1, nr. 7- mi Kalaallit Nunaanni Namminersorlutik oqartussa qarfimmi Suliffimmi isumannaallisaanermi kattuffimmiit toqqaaneqassasoq Aningaasaqarnermik Naalakkersuisoq suleqatigineranik.

Siunnersuutigineqarpoq, nr. 7 imaatut allanngortinneqassasoq, taaguut "Grønlands landstyre" imaalillugu "Naalakkersuisut".

Tassunga siunertaavoq inatsisimmi oqaatsinik atuinerup kalaallisut taaguutit naligiimmik eqqunneqarnerat inatsit nr. 473 12. juni, 2009-meersoq Kalaallit Nunaanni Namminersorlutik oqartussa qarfimmii atorlugu.

Nalinginnaasumik oqaaseqaataani ilanngullugu innersuunneqarpoq imm. 2.8.5. aamma 2.8.1. inatsisissatut siunnersuummi nalinginnaasumik oqaaseqaataani.

Nr. 55 (§ 54)-mut

Innersuut ilanngunneqarpoq § 64-mut, allannguutip kingunerisaani, Beskæftigelsesminister-iujunnaarluni, Suliffimmi isumannaallisaanikkut sulinermi maalaarnermut ataatsimiittaliامي, maalaarnermut aalajanangiineruvoq.

Nalinginnaasumik oqaaseqaataani ilanngullugu innersuunneqarpoq imm. 2.6.7. inatsisissatut siunnersuummi nalinginnaasumik oqaaseqaataani.

Nr. 56 (§ 55, imm. 2-4)-mut

Kalaallit Nunaanni Suliffinnik Nakkutilliisoqarfik ullumikkut periarfissamik takutitserperpoq Suliffeqarfiit sillimmasiisarfiiniit paasissutissanik katersinermi, tak. Kalaallit Nunaanni sulinermi isumannaallisaanermi inatsit § 58 a ilaatigut siunertamut atorneqartussaq Suliffinnik nakkutilliisoqarfinnik nakkutilliinermi misissuinermilu, kiisalu misissueqqissaarnerni-, pinaveersaartitsinerni- aammalu kisitsisit atorlugit nalunaarsuinerne.

Siunnersuutigineqarpoq, Suliffinnik nakkutilliisut periarfissaqalernerulernissaat paasissutissanik katersinermik pisortat allat peqatiginerini nakkutilliisut suliainnik naammassinninnissaannut atugassanik pisariaqartinneqarpat, makkunani; misissueqqissaarnerni, pinaveersaartitsinermut sulianut aammalu suliame kisitsisit atorlugit nassuiaasiornerni. Tamanna imaqassaaq nalinginnaasut aammalu oqaatigeqqusaanngitsut suliame misigissutsikkut attuisinnaasut pillugit paasissutissani.

Aalajangersagaq siunnersuutigineqartoq § 55, imm. 2-p siunertaraa inatsisitigut tunngaviusunik pilersitsineq, Suliffimmi nakkutilliinermi suliani allanilu pisorta qarfinni paasissutissanik nalunaarsuutinillu katersinernut ingerlatani, ataani nammineq pigisat nalunaarsuutit (data), Suliffimmi nakkutilliisoqarfiup suliamini pisariaqartippagit, taassuma ataani misissueqqissaarneq-, aammalu pinaveersaartitsinermut siunertatut ilanngullugulu kisitsisitigut nalunaarsuinerlut.

Siunertaavoq, pingaarnertut pisorta qarfinniit paasissutissanik nalunaarsuineq, suliamut tunngatillugu katersorneqarnerini.

Aalajangersakkami siunertaanngilaq isummiussami nipangersimasussaataaneq il.il. saneqqunneqarnissai Sulinermi nakkutilliisoqarfiup iluani, taamaattumillu ingerlatiinnarneqassaaq paasissutissanik atuineq aalajangersakkami siunnersuutigineqartumi paasissutissanik ingerlatitseqqiinnermi.

Pisariaqarpoq Suliffimmi nakkutilliinerup periarfissat iluarsiivigineqarnissai siunertaralugu nakkutilliinermi angusat suliffeqarfimmilu iluaqutissanik atuineq, suliffimmi isumannaallisaanermi malittarisassanik unioqqutitsinerup pinissanut qanippat. Taamaalilluni pinngitsoorneqassaaq suliffeqarfiup pisussanngortinneqarnera, malittarisassanik malinninnissamik piumasaqarluni, ajornartorsiutit pinngitsoorneqarsinnaasut soorlu nakkutilliisumik pulaartoqarnermik. Peqatigalugu siunertap atussavaa siunnersuisinnaaneq aammalu suliffeqarfirmik tapersersuineq suliffeqarfiup nammineq sillimaniarneranut suliamut. Taanna tunuliaqutaralugu nalilerneqassaaq aalajangersagaq siunnersuutaasumi § 55, imm. 2, piumasaqaatip naligiinnissaa anguniarlugu.

Katersineq aammalu suliamik ingerlatsineq, ataani takuneqarsinnaasoq ataatsimut ingerlatsinermi, aalajangersakkami siunnersuummi § 55, imm. 2-mi ilanngullugu atorneqassaaq suliffeqarfirmi siunertamut toqqakkatut, nakkutilliinermut kiisalu misissueqqissaarnermut-, pinaveersaartitsinermullu- aamma kisitsisitigut nalunaarsuinerup siunertaanut atorneqartussanik.

"pisarialimmik nakkutilliisoqarfiup suliamik ingerlatsinera" taanna peqatigitillugu siunertaritinneqarpoq qitiusumik tunngaviit allanngortinneqassanngitsut, paasissutissanik atuinerni, ataani takuneqarsinnaasumi, inummut paasissutissanik atuinermi, piumasaraa tunngavilersuutitut siunertatut, suliarineqartoq imaqassanngitsoq pissutsit siunertamut naleqqiullugit. Isummiussaq saneqqunneqassanngilaq inunnut tunngasunik paasissutissat pillugit inatsimmi Kalaallit Nunaata malittarisassaanut atatillugu.

Kalaallit Nunaanni Sulinermik nakkutilliinermi sulianik sulianullu tunngasunik paasissutissanik katersinermi pisortanit allaniit paasissutissanik imaqtartunik pinerni, pisortanit allanit pigineqartunit atuutsitsilernissaq siunertaavoq. Taamaalilluni paasissutissat siusinnerusukkut inatsimmik atuutsitsilernermit tunngassuteqarsinnaapput.

Kalaallit Nunaata Sulinermik nakkutilliisoqarfiata paasissutissanik pisortaqaqfinni allaniit pissarsiaminik katersinera suliaqarneralu, paasissutissat imaqassaaq, pisortaqaqfiit allat pigisaannik, siunertaallunilu atuutsitsilernissaq. Paasissutissat inatsimmut siusinnerusukkut atuutsinneqalersumut attuumassuteqarsinnaapput.

Aalajangersagaq siunnersuutigineqartoq § 55, *imm.* 3-mi, periarfissatut tunngaviliisutut atuutlernissaa siunnersuutigineqarpoq paasissutissanik inummut tunngasunik ingerlatitseqqiinnermut aammalu paasissutissat imaqtartut *imm.* 1-2-mi, pisortaqaqfinnullu allanut, pisortanit suliarineqartuni suliamik suliaqarnermi pisariaqartinneqarpat, ataani soorlu ersippoq, pisortatigoortunik nakkutilliinermi- aamma misissuinerinik pisinnaatitaaffeqarneq.

Aalajangersakkap siunnersuutigineqartup siunertaraa Suliffimmik nakkutilliinermut ingerlateqqitassat ersarissut inatsisitigut tunngavilersukkat, nakkutilliinerup ingerlatsinermini paasissutissanik pisortanut allanut toqqaannartumik ingerlateqqissinnaanissaanut, pisariaqartinneqarpata pisortat taakkua sulinerannut tunngatillugu, takuneqarsinnaasumi nakkutilliineq- misissuinermilu suliani Kalaallit Nunaanni ingerlatsinermini inatsit § 28, *imm.* 2, nr. 5 naapertorlugu. Paasissutissat sorliit pingaarutillit nalilersornerini, pingaarnertut pingaassusillit pisortaniit suliamik tigusinermi, isumagineqassaaq qitiusoq tunngaavigalugu, siusinnaarluni suleqatigiinnerup pilersinneqarnissaa pisortat pineqartut suleqatiginerinni. Sulinermi nakkutilliisut isummerfigissammagu, qitiusutut naammassineqarsimassammat, taamaalilluni ilaatigut qulakkeerlugu, paasissutissanik ingerlatitseqqiineq tunngavilersukkamik siunertaqarnissaanut iluaqutissatut, ilanngullugu paasissutissanik killiliinerup, pingaaruteqarneranik pisortatigoortumik suliaqartussamut tiguneqarnerini.

Maluginiarneqassaaq, aalajangersakkami siunnersuummi siunertaanngimmat arlaannik allannguinnissaq pisortaqaqfiit allat paasissutissanik piniarnissaminnik pisinnaanerannut, suliamut nakkutilliisup tigummiligaanut. Ilanngullugu aalajangersakkap siunnersuutaani allannguuteqarnissaa siunertarineqanngilaq, sorlertit qanorlu annertussusilimmik Sulinermi nakkutilliisup tunuliaqutitut ersarissumik nalilersuinermit pisortanut allanut paasissutissanik ingerlatitseqqiinnermi. Apeqqutit

taama ittut aalajangiunneqassapput inatsisit nalinginnaasut malillugit, pisorta qarfiit akornanni ingerlatitseqqiinermini malittarisassani takuneqarsinnaasuni, inunnut tunngassuteqartunut nalunaarsuutit inatsisaani (persondataloven) aammalu Kalaallit Nunaanni ingerlatsinerup inatsisaani. Taassuma avataatigut paasissutissatut siunnersuut § 55, imm. 3 naapertorlugu, ingerlatitseqqiinerinnaq pineqarpat pisorta qarfinnut allanut, pisinnaatitaaffeqartumilu tamakkuninnga atuinissamik. Tamanna pisuni tamani piumasaqaammik malitseqaangilaq inatsimmik erseqqissuliamik periarfissaliinermik akuerisamik, kisiannili taamaattoqarsinnaalluni paasissutissani pisuni aalajangersimasuni, tamakkunani periarfissaliissumik piumasaqaataavoq inatsisitigut imaluunniit aalajangersakkatigut.

Aalajangersagaq siunnersuutaasoq malillugu § 55, imm. 4 -mi siunnersuutaavoq periarfissiissut ilanngunneqassasoq beskæftigelsesminister-ip malittarisassanik atuutsitsilersinnaanissaa Sulinermini nakkutilliisoqarfiup katersugaanut, suliamut tunngassuteqartunik aammalu paasissutissanik ingerlatitseqqiinnissamut imm. 2-3, malillugu, takuneqarsinnaasumi qaqugukkut aammalu sutigut siunertanut suliassanullu paasissutissat katersorneqarsinnaaneritut suliarineqarnissaannullu, paasissutissat qaqugu piiarneqarnissaannik, aammalu teknikkimut tunngasut kattuffinnullu tunngassuteqartuni suliat, suliani misissukkani. Malittarisassat teknikkimut tunngasut aammalu kattuffinni suliarineqartut pingaartumik qulakkeerneqassapput, periutsit inummut tunngasunik paasissutissanik eqqunngitsunik kinguneqarsinnaanerisa, naqqinnissai aammalu kukkunernik pisoqariasaarsinnaaneranut minnerpaaffianiititsinissamik.

Nalunaarsuutiniq mianernartunin katersinerni aalajangersimasumik siunertaqartuni, erseqqissakkamik nalilersuineqarnissaa pillugu isumagineqassaaq ersarissumik nalilersuineq, malittarisassat tassunga tunngasut, sorliit isumannaallisaanerup suliniutiginerinik, inummut tunngassuteqartut nalunaarsornerisa suliarinerani qimerloorneqassaaq, naammassineqarluni nalunaarusiap suliarineqarneranut tunngatillugu katersuineq, suliap suliarinera aammalu paasissutissanik ingerlatitseqqiineq. Maluginiarneqassaaq Kalaallit Nunaanni atuummattaq nalunaarusiaq isumannaallisaanermut sulianut tunngasoq inunnut paasissutissanik illersugaaneq, Kalaallit Nunaanni pisorta qarfinni suliarineqartoq (nalunaarut nr. 1404, 29. november 2016-meersoq).

Malittarisassanik atuutsitsilersinnaaneq pissaaq sinaakkutarisani Inatsisartut inatsisaanni nr. 5 3. juni 2015-meersumi pineqartumi toqqorsiveqarfiup kingorna allannguuteqartumi (toqqorsiviup inatsisaa) malittarisassat piujuartitsinermut tunngasut aammalu piujunnaartitsinermut pisortani

sullattaalineqartuni il.il. kiisalu allatigut inatsisiliornertigut, piumasaqaatitaqartuni toqqortaqaqarni nunguterinernilu. Nunguterinerni ima paasillugu isumaqatigiissutigineqartuni paasissutissanik pineqartuni toqqortaqaqarnertigut piujunnaartitsinernilu.

Aalajangersakkap imarisaani takuneqarsinnaavoq, beskæftigelsesminister-i malittarisassanik atuutsitsilersuusussaasoq, naleqquttumik isumannaatsumik illersorneqarfiinik qaffasissusiliilluni Suliffinnik nakkutilliinerup suliarinerisa imarisaanik Kalaallit Nunaanni inummut paasissutissat nalunaarsornerisa inatsisaata nalinginnaasut malittarisassartaani kiisalu aalajangersakkami inummut paasissutissartaanni, Kalaallit Nunaanni pisortaqaqarfinniit suliarineqarnerinni isumannaallisaanikkut.

Nalinginnaasumik oqaaseqaataani ilanngullugu innersuunneqarpoq imm. 2.6.2. inatsisissatut siunnersuummi nalinginnaasumik oqaaseqaataani.

Nr. 57 (§ 59, imm. 4-2. imm.)-mut

Inatsimmi atuuttumi § 59, imm. 4,2. imm. -mi takuneqarsinnaavoq Suliffimmik nakkutilliisoqarfiup sulisuisa inatsisinik atuinerngitsumik pisinnaatitaapput uppersaatinik piumasaqarsinnaallutik, aamma sulisitsisoq imaluunniit taassumanga sinniisoq taamaaliorsinnaaneriniq nalunaarutigineqassaaq, tak. § 17 b aamma § 18. § 17 b-mi pineqarpoq, inatsit suliffeqarfinni aqutsisumut imaluunniit aqutseqataasunut atuunneranik, aammalu § 18-p oqaasertaa suliffimmi aqutsisoq nassuiarneqarluni. Aalajangersakkanut taama ittunut innersuussap siunertaraa, qanoq sulisitsisup sinniisaa isumaqarnerisoq.

Siunnersuutip § 59, imm. 4, 2. imm. -p malitsigaa innersuut § 17 b aamma § 18-mut nuunneqassasoq, uanngaaniit "taamaalilluni innersuut allanneqassaaq sulisitsisup sinniisaa, ima allaqqaneraniinngaaniit, uunga "tamanna pillugu nalunaarusiorneqassaaq". Innersuutip maannamut innersuussissutip inissisimanera paasinerlunneqarsinnaavoq, innersuussineq nipeqarsinnaalluni allakkatigut nalunaaruteqarnermik pisussaaffittut imaannani, maannamut atuuttumi, sulisitsisup sinniisua. Inatsisitigoortumik allannguutissamik innersuussinngilaq, taamaallaalli allanneqarnerani eqqortumik inissiffimmik innersuussilluni.

Nalinginnaasumik oqaaseqaataani ilanngullugu innersuunneqarpoq imm. 2.8.6. inatsisissatut

siunnersuummi nalinginnaasumik oqaaseqaataani.

Nr. 58 (§ 59, imm. 5 aamma 6)-mut

Kalaallit Nunaanni sulinermi isumannaallisaanermi inatsit atuuttoq pisinnaatitaaffimmik oqaatsitigut periarfissaliinermik imaqqanngilaq Suliffimmut nakkutilliisoqarfiup pisinnaatitaaffiini sulisunik oqaloqateqarnissaminnik sulisitsisoq peqataatinnagu.

Imatut paasillugu, § 59 -mi Kalaallit Nunaanni suliffimmi isumannaallisaanermi inatsimmut nutaatut *imm. 5*, ikkunneqarnissaa, kingorngalu Suliffimmi isumannaallisaanermik sulisuinit pisinnaatitaaffiunissaa nakkutilliinermut atatillugu sulisunit oqaloqateqassagunik, inunnik allanik peqataaffigineqanngitsumik.

Oqaloqatigiinnerni, imm. 5-mi siunersuutaasumut tunngasumut, paasineqassaaq oqaloqatigiinnerit inuk ataatsimik arlallinnilluunniit peqataaffigineqartuni, eqimattanik oqaloqatigiiffiunngitsuni, ataani takuneqarsinnaasumi. Oqaloqatigiinnerit imaattuusinnaapput inuk ataaseq imaluunniit arlallit tulleriarlugit oqaloqatiginerini, nakkutilliineq pillugu pulaarnermi, ass.: suliffeqarfiup angalaarfiginerani imaluunniit inunnik atasiakkaanik oqaloqatiginninnerni, siumut isumaqatigiiffigisimasamik aammalu pilersaarutaasimasuni sulisitsisumiit isumannaallisaanermilu kattuffimmiit.

Oqaasiliornerani "allanit peqataaffigineqanngitsumi" isumaqarpoq, Suliffimmi nakkutilliisut pisinnaatitaaffilerneqarnerat sulisunik oqaloqatiginninnissamik, aamma sulisitsisoq, sulisitsisumillu sinniisoq imaluunnit allat, sulisitsisumiit toqqakkat oqaloqatiginninnermi peqataanissaannik, ass.: immikkoortortaqarfinni HR-miit sinniisoq, peqataanissaminik piginnaatitaaffeqanngilaq.

Sulisunik oqaloqatiginninnerni Suliffimmi nakkutilliisoqarfik nalunarsuutiniq pissarsereerpat, Suliffimmi nakkutilliisoqarfik aqqutigalugu paasissutissanik katersineq aamma sulisitsisoq oqaloqatigeqqittuaannarsinnaavaa.

Pisuni taama ittuni, Suliffinni nakkutilliisut aalajangiippata , inatsisitigut suliniarnermut tunngasunik sulisitsisumut tusarniaassaaq.

Sulinermi nakkutilliisoqarfiup periarfissaraa sulisunik eqimattanik oqaloqatiginninnissani, taassuma ataaniippoq sulisitsisoq peqataatinngu oqaloqateqarneq ullumikkut kalaallinut sulinerimi inatsimmiingilaq. Sulinerimi nakkutilliinerup ingerlariaaseqarpoq, eqimattanik oqaloqatiginninnikkut ingerlanneqartarluni, tarnikkut ajornartorsiutitut tunngasunik matussusiinermik ingerlatsinerimi pisarpoq suliffimmi isumannaallisaanermi.

Siunnersuutaavoq *imm. 6, 1. imm.*, Sulinerimi nakkutilliisut sulisui nakkutilliinermit ingerlanneqartumut atatillugu sulisunik eqimattanik oqaloqatiginninnikkut, sulinerimi isumannaallisaanermut suliamut tunngatinneqartumik peqquteqarpat. Sulisunik eqimattanik oqaloqatiginninnerni oqaloqatigiinnerit isumaqarpoq Suliffinni nakkutilliisoqarfiup sulisuinit sulisut arlallit tulleriiarlugit oqaloqatiginerinik, oqaloqatiginninnissat siumut pilersaarutaasimasut piareersagaasimasullu sulisitsisumiit sillimaniarnermullu kattuffimmiit, oqaloqatiginninnissat sioqqullugit. Isumaqarpoq Suliffinni nakkutilliisoqarfimmut maannamut oqaaseq atuuttusoq.

Suliffimmi nakkutilliisut ersarissumik nalilissavaat, suliffimmik isumannaallisaaneq suliamut peqquteqartumik tunngassuteqarnerisul sulisunik eqimattanik oqaloqateqarnerit ingerlannissaat suliffeqarfimmi pineqartumi. Nalilersuinerimi taamaattumi marlunnik tunngaveqarpoq. Siullertut Suliffinni nakkutilliisut paasissutissanik suussusersiissapput, Suliffinni nakkutilliisut suliffimmi sillimaniarnikkut ajornartorsiutaannik, sukkut matussuserneqassanerinik tak. ataani. Tulliatut Suliffinni nakkutilliisut naliliissapput, ajornartorsiutit sulisut eqimattakkaarlugit oqaloqatiginerinni pitsaannerusumik matussuserneqarsinnaanersut, qimerluinerinnaaq atorlugu, oqaloqateqarnerni suliffeqarfimmi angalaarunneqarnerup nalaani, inunnik ataasiukkaanik oqaloqatigiinnerni, imaluunniit skemami apeqqutininik akisassanik allattuinerini, taamaalilluni Suliffinnik nakkutilliisoqarfiup paasissutissanik pissarsineq pissammagu, taamaasiorneq naliliilluarnissamik aalajangiinissamut pingaaruteqarpoq, sulinerimi isumannaallisaanermut inatsisini unioqqutitsinermik ingerlatsisoqarsimanersul, tak. ataani. Suliffinni nakkutilliisoqarfik allat assigalugit pisinnaatitaaffeqarput atsikkuteqarput (ineriartoqatigalugit). ima paasillugu, suliffeqarfimmut atorneqarnissaa minnerpaamik paasissutissanik katersinerimi periutsitut.

Toqqavittut siullertut Suliffinni nakkutilliisut nalilersuinerinni, sulisunit eqimattanik oqaloqateqarnerit ingerlannerini sulinerimi isumannaallisaanermut suliamut tunngassutilimmik peqquteqarnerisul, imaappoq Suliffinnik nakkutilliisut suussusersinissaat pillugu, suliffimmi isumannaallisaanermi ajornartorsiutinik annertunerusumik qulaajaaneq.

Suliffimmi isumannaallisaanermi ajornartorsiummik suussusersiineq ass.: paasissutissat tunuliaqutaallutik pinngorpoq, sulisitsisup sillimaniarnermilu kattuffiup ataatsimiinnerata aallarniutaanni saqqummerpoq, paasissutissat suliffeqarfimmi angalaarunneqarnerup imaluunniit Suliffinni nakkutilliisoqarfiup qimerluuinerata kingunerisaanik paasineqarpoq. Ataani takuneqarsinnaasumi suussusersineqarsinnaavoq ajornartorsiutit suut suliffimmik isumannaallisaanerup pigilersimanerai allattuinnikkut nalunaarsuineq tunuliaqutaanerani, ass.: suliffeqarfimmiit atortuutit atorneqariaannaat suliffimmik nalilersuinermi, napparsimalluni peqanngiffikkut nalunaarsuineri kiisalu toqqissisimanernut tunngasunik misissuineri imaluunniit maalaarutit aammalu sulineri ajoqusernermi nalunaarsuineri.

Toqqavittut tullertut Suliffinnik nakkutilliisoqarfiup nalillinerani, Suliffimmik isumannaallisaanermi sulineq pillugu peqquteqarnersoq sulisunit eqimattanngorlugit oqaloqateqarnerit, nalilersuinerupput suliffimmi isumannaallisaanermi ajornartorsiutinik pitsaaneruseqarnerit qulaajaaneq anguniarlugu sulisunik eqimattanik oqaloqateqarneq aqqutigalugu, taamaalioranermi qimerluineq atorneqarsinnaagami, suliffeqarfimmi angalaartinneqarneri, inuit ataasiakkaat oqaloqatiginerinni imaluunniit skemani apeqqutinik akisassanik allattuisitsineri.

Assersuutitut imaassinnaavoq, suliffimmi isumannaallisaanermik qulaajaanermi pisariaqartitsineq naapertorlugu sulisut arlallit katersornerinni eqimattat iluini ass.: sulinermit tunngasunik eqimattat imaluunniit immikkoortortat. Eqimattani oqaloqateqarneq assersuutigalugu imaassinnaavoq tunuliaquttatut isigalugu nassuiaatitaqartoq, peqquteqartoq aammalu iluminni atassutilimmik peqquteqartut sulinermit tunngassuteqaratumik. Eqimattanik oqaloqateqarneri suliffimmik isumannaallisaanermi qulaajaaneruvoq peqataasut assigiinngitsunik sammiveqarnerat tunngaviutillugu.

Sulisuni eqimataanik oqaloqateqarneq toqqaraanni nakkutilliisuni aqutsisup suliniutigissavaa, sulineri isumannaallisaanermut tunngassuteqartut, soorlu Suliffinni nakkutilliisut kissaataattut qulaajaaneq eqimattanik oqaloqateqarneri, aqutsisunit isumannaallisaanermilu kattuffimmiit oqaloqatigiinnerit pereersimassapput.

Sulineri nakkutilliisuniit sulisut nakkutilliinermik pulaarnermut atatillugu sulisitsisoq isumannaallisaanermullu kattuffik oqaluinnarnikkut nassuiaassaaq, sooq Sulineri nakkutilliinerup ingerlannissaanik kissaateqarnerlutik sulisunik eqimattanik oqaloqateqarneq aqqutigalugu. Sulineri nakkutilliisut tunuliaquttamik uppersaasiissanngillat sulisitsisumut aammalu

isumannaallisaanermut kattuffimmut.

Nassuiaat Sulinermik nakkutilliisumit tiguneqassaaq sulinermik isumannaallisaanermi suliat nalilersornissaannut, Suliffinnik nakkutilliisoqarfik ajornartorsiummik suussusersinissamut paasisaqarnissaa pillugu, sulisut eqimattanngorlugit oqaloqatiginerinni tassannga misissuineq pitsaaneruvoq. Suliffimmik nakkutilliisut Suliffimmik isumannaallisaanerup inatsisaa malillugu pingaartumik nipangersimasussaataitaanermik ilisimatitsisussaannngillat ajoqutaasumik suussusersinerminni, imaluunniit nalunaarsukkat sorliit pineqarnerinik, paasissutissat pineqarsinnaaratarmata, Suliffimmi nakkutilliisunit pingaartumik tak. nipangersimasussaataitaanerup inatsisaani § 62, imm. 2. assersuutigalugu imaattumik pisoqarsimappat, paasissutissat sulisut akornanniit maalaarutit suliffeqarfimmi angalaarussinerminggaaneersut, allaganngorlugit maalaarutit suliffimmi isumannaallisaaneq pillugu imaluunniit suliffimmi napparsimasarnernik nalunaarutit.

Sulinermi periuseq assigalugu sulisunik eqimattanngorlugit oqaloqatigiinnerni sulisitsisumik isumannaallisaanermullu suliniuteqartussamiit Isumannaallisaanermullu suliniuteqartussamik toqqaasoqassaaq Suliffinni nakkutilliisoqarfiup peqataanerani taakkualu kissaataat malillugu una eqqarsaatigineqarami ass.: sulinermi ingerlariaaseq, sulinermi piffik, sulisut eqimattat imaluunniit sulisimanerup sivilissusaa. Suliffimmi nakkutilliisoq misissuinerminik ingerlatsiinnassaaq, sulisunik qassinik oqaloqatiginninnissamik pisariaqartitsinerluni paasiniarlugu suliamut tunngasunik paasisaqarnissaaq anguniarlugu. Suliffeqarfiup angissusaa naapertorlugu qassiussusissai apeqqutaassapput suliarisamullu tunngassutilimmut isikkua. Suleriaaseq atuuttoq assigalugu Suliffimmi nakkutilliisoqarfik sulisunit piumasaqarsinnaatitaanngilaq eqimattani peqataaqqusinermik.

Suliffimmik nakkutilliisut ullumikkut sulinermik ingerlatsinerminni, sulisuni eqimattanngorlugit oqaloqateqartarnek, sulisitsisoq peqataatillugu ingerlanneqartarput, taassumalu sinniisaa imaluunniit inuk sulisitsisumiit toqqarneqartoq, sulisitsisoq taamaaliornissamut akerliuppat.

Siunnersuutaavoq 6, 2. imm. atorlugu sulisitsisoq, taassumalu sinniisaa, tak. siunnersuummi 17 c aamma § 18-miittoq, imaluunniit inummik ataatsimik sulisitsisup toqqaasinnaanera tassunga atatillugu, pisinnaatitaavoq peqataassalluni sulisunik eqimattanngorlugit oqaloqateqarnerni, imaattoqanngippat Suliffimmi nakkutilliisoqarfiup sulisuata naliliinera malillugu, eqimattanik oqaloqateqarneq imaaratarsinnaasoq siunertamik maangaannartitsinerussasoq.

Sulisitsisoq, taassumalu sinniisaa imaluunniit inuk ataaseq, sulisitsisumit toqqagaq, siunnersuut

malillugu aallaavittut pisinnaatitaavoq peqataanissamik sulisunik eqimattanngorlugit oqaloqatiginninnerni. Naatsorsuutigineqarpoq Sulinermik nakkutilliisut suliffeqarfimmi sulisitsisoq tamatuminnga paasissutissiissalluni. Inuk ataaseq, sulisitsisumiit toqqagaq eqimattani peqataanissaanik sulisut peqatigalugit, assersuutitut HR-ip immikkoortortaqarfianiit sinniisaasinnaavoq.

Sulisitsisup peqataanera, taassumalu sinniisaa imaluunnit inummik ataatsimik toqqaaneq, pisuni ataasiakkaani siunertaalluarsinnaavoq. Sulisitsisoq, tassanngalu sinniisaasoq imaluunniit inuk ataaseq toqqagaq, sulisitsisumiit toqqagaq, taamaaliorneq suliffimmi isumannaallisaanermi ajornartorsiummut qulaajaanermut iluaqutaalluarsinnaavoq, ataatsimoorlutik ilisimasaannut iluaqutitut suliffimmut isumannaallisaanermut atorsinnaalluni.

Siunertaavoq suliffimmi eqimattanik oqaloqateqartarneq atorlugu paasissutissanik pissarsineq sulinermut isumannaallisaanermut tunngasunik. Sulisunik eqimattanngorlugit oqaloqateqarnissaq sioqqullugu, Suliffinnik nakkutilliisoqarfiup nalilissavaa, siunertamut ima pisoqarsinnaanera qulakkeerlugu, sulisitsisup, tassanngalu sinniisup, imaluunniit inummik ataatsimik sulisitsisumiit toqqagaq, tamanna qulakkeeqqaarneqassaaq oqaloqatigiinnissamik maangaannartitsinissaq pinngitsoorniarlugu.

Assersuutigalugu ima pisoqariaasarsinnaammat, eqimattanik oqaloqateqarnissamik maangaannartitsineq, imaattoqarpat Sulinermi nakkutilliisut suussusersiippata sulinermi isumannaallisaanermi ajornartorsiummik, paasissutissanik naleqquttunik pissarsineq ajornakusoorsinnaammat, sulisitsisoq, tassannga sinniisoq imaluunniit inuk ataaseq sulisitsisumiit toqqagaq oqaloqatigiinnermi peqataanngippata, imaluunniit pisuni sulinermi isumannaallisaanermi paasinarsippat, sulisitsisoq ajornartorsiummut isumannaallisaanermut tunngasuni pissutaasunik peqataasimappat. Pisut imaattuusinnaammata, nalilersorneqarnera, sulisitsisumit peqataaffigineqarsinnaannginnera, kisiannili siunertaasoq maangaannartinneqarani, sinniisup ass.: HR-ip immikkoortortaaniit sulisumit assigisaaniluunniit peqataatitsinermi.

Tamatigut erseqqissumik naliliisoqassaaq, siunertaq qanoq annertutigisumik maangaannartinneqassanersoq, sulisitsisoq, tassanngalu sinniisaasoq imaluunniit sulisitsisup toqqagaa inuk ataaseq, peqataaffiginninnerinni.

Sulinermi nakkutilliisoqarfiup sulisuisa nalileereernerini, siunertamik maangaannartitsisoqariaasarsinnaaneranik, sulisitsisumit, tassanngalu sinniisimit, sulisitsisumillu

inummik ataatsimik toqqakkamit eqimattanik oqaloqateqarnerni peqataaffigineqarnerinik, taava Sulinermi nakkutilliisup sulisuiniit suliffimmut pulaarnermi sulisitsisoq aammalu sillimaniarnermi sullissisut oqaasiinnakkut nassuiaateqarfigissavaat. Nassuiaat uppersarsaatitut toqqorneqassanngilaq tunuliaqutaa imaammat sulisitsisoq aammalu Sulinermi nakkutilliisut pisariaqartimassuk sulisut kisimiitillugit oqaloqatiginissaat, paasissutissat naliliinissamut tunngasut pissarsiarisinnaagamikkit, Sulinermi nakkutilliisoqarfiup pingaartumik nipangersimasussaataaneq pigimmassuk, uunga tunngasoq, tak. sulinermi nakkutilliinerup inatsisaa § 62, imm. 1.

Sulinermi nakkutilliisut sulisuni eqimattanngorlugit oqaloqateqarnerat naammassippat, taava Sulinermi nakkutilliisut tamatigut sulisitsisoq oqaloqatigissavaat. Sulinermi nakkutilliisut pingaartumik nipangersimasussaataaneq pigivaat, sulisunit eqimattanngorlugit oqaloqatiginninnermi paasissutissat sulisitsisumut saqqummiunneqarpata. Sulinermik nakkutilliisoqarfik sulisuni eqimattanngortitsilluni oqaloqateqarnerniit nalunaarsugassanik pissarsereerpat, Sulinermi nakkutilliisoqarfiup aqcutit allat aqcutigalugit nalunaarsuutiniq pissarsissaaq, suleriaaseq atuuttoq malillugu. Sulinermi nakkutilliisoqarfiup aalajangiussaa sulisunik eqimattanngortitsilluni oqaloqateqarnerup naammassinerata kingunerisaanik, sulisitsisumit peqataaffigineqanngitsumi, aqcutaavoq Sulinermi nakkutilliisoqarfiup pisortanut tamatuminnga ilanngussaqaarnissaa. Suliniutit nalinginnaasut allattuinnissamik inatsisit, suleriaatsinut atatillugu paasissutissat eqqortut pingaarutillillu pillugit suliamik paasiniaanermi alloriaataasunik qimerluuineqassaaq.

Sulisitsisoq pisinnaatitaavoq pisortat suliamik ingerlatsinerannik Sulinermik nakkutilliisunut maalaaruteqarnissamik. Sulinermi nakkutilliisut maalaarut akissuteqarfigissavaat. sulisitsisup akissut naammaginngippagu, Beskæftigelsesminister-imut maalaarutigisinnaavaa, qullersat-/taakkualu ataanni sulinernut tunngasut nalinginnaasut kingunerini.

Pisuni taama ittuni, Sulinermi nakkutilliisut aalajangiussassamik eqqarsaateqassapput, suleriesissamik inatsisitigoortumik sulisitsisumiit tusarniaanermesumik.

Nalinginnaasumik oqaaseqaataani ilanngullugu innersuunneqarpoq imm. 2.6.3. inatsisissatut siunnersuummi nalinginnaasumik oqaaseqaataani.

Inatsimmi atuuttumi § 60, imm. 1 malillugu, Suliffimmi nakkutilliisut naalakkiutigisinnaavaa, pissutsini inatsimmut akersuuttuni imaluunniit malittarisassani aalajangiussani inatsisinik malinninnerni, iluarsiivigeqquneqassapput piaartumik imaluunniit piffissarititaasoq malillugu. Suliffeqarfiup inatsisinik malinninnissaa naalakkiutaavoq.

Allannguut § 60,imm.1, atorlugu, Sulineri nakkutilliisunut periarfissaqartitsilissaaq aalajangiisinnaanernik, unioqqutitsisoqarsimappat tassunga tunngasumik aalajangiussaqaarsinnaaneq pissaaq nakkutilliisut suliffeqarfimmut pulaarnerinni, naak suliffeqarfimmut naalakkiut tunngaveqanngikkaluartoq inatsisiliinernut tunngasuni.

Allannguummut siunertaavoq erseqqissassallugu, Sulineri nakkutilliisut qisuariarnermut periarfissaat inaarutaasutut aalajangiussaqaarnermut atugassaq, nakkutilliinermut atatillugu pulaarnermi paasisanik unioqqutitsisutut paasisat sulineri isumannaallisaanermi inatsisiniittumi.

Nalinginnaasumik oqaaseqaataani ilanngullugu innersuunneqarpoq imm. 2.6.6. inatsisissatut siunnersuummi nalinginnaasumik oqaaseqaataani.

Nr. 60 (§ 60 a) -mut

Malittarisassat atuuttut malillugit Kalaallit Nunaanni Suliffinnik nakkutilliisoqarfik periarfissaqanngilaq sulisitsisumik isumaqatigiissuteqarnissamik, ilassutaasutut suliniummik iliuuseqarnissaminik suliffimmut isumannaallisaanermut tunngasumik, suliffeqarafiup nammineq ingerlatsinermut ajornartorsiutinik qaangiinissaanik. Ullumikkut imaappoq Sulineri nakkutilliisuniit inatsisit malillugit suliffeqarfimmik ingerlatsinermi unioqqutitsisoqarsimappat, sulisitsisup naalakkiinikkut aallaavittut aalajangiiffigisinnaavaa , tak. § 60.

Siunnersuutigineqarpoq, aalajangersakkamik nutaamik ikkussisoqarnissaa isumaqatigiissusiornermut tunngasuni § 60 a-mi. Sulineri nakkutilliisut § 60 a, imm. 1, malillugu periarfissaqalissapput allakkatigut isumaqatigiissusiorneq sulisitsisoq peqatigalugu suliffimmi isumannaallisaanermut iluarsiinissamut tunngasunik suliffimmi isumannaallisaanermut ajornartorsiutinik arlalinnik ataatsimilluunniit aalajangersimasunik piffissaliinikkut

isumaqatigiissusiornermi.

§ 60, imm. 2, malillugu Suliffimmik nakkutilliisut isumaqatigiissusiorneq pilersissinnaavaat pisuni makkunani:

1) Suliffinnik nakkutilliisut isumaqarpata naalakkiummik tunniussissallutik sulisitsisumut piffissaliinermik aammalu suliffimmi ajornartorsiummut qaangiinissamik kissaammik suliffeqarfinnut arlalinnut, imaluunniit

2) Suliffinnik nakkutilliisut pasitsaassaqarpata, malittarisassanik unioqqutitsisoqarneranik, aammalu sulisitsisumut kissaatigineqartumit pissutsinik aaqqiinissamik, taama ittunik pasitsaassaqarsimaguni. Taaneqartoq kingulleq, pingaartumik naleqqutissaaq ajornartorsiutaasunut aalajangersimasunut, soorlu suliffimmi tarnikkut isumannaallisaanermi.

Isumaqatigiissutit sulianut suliffimmi suliarisariaqakkanut (formelle) suliffimmi ajornartorsiutaasut. Isumaqatigiissuteqarfigineqarsinnaapput suliffimmi isumannaallisaanermi atortutigut ajornartorsiutit kisimik. Ajornartorsiut ima paasillugu suliffimmi isumannaallisaanermi atortunut tunngasuni ajornartorsiut, pissuteqarsinnaasumik sillimaniarneq peqqinnissarlu toqqaannartumik eqqorneqarnerinnik, suliami aalajangersimasumi, assersuutigalugu ajutoornerni ajornartorsiut, kemi, atortorissaarutini kiisalu suliffimmi tarnikkut isumannaallisaanermut tunngasuni. Suliamut suliffimmi suliarisariaqakkami (formelle) suliffimmi isumannaallisaanermi ajornartorsiummut tunngatillugu ima paasineqassaaq ass.: amigartumik suliffimmik nalilersuineq imaluunniit amigartumik isumannaallisaanermik suliani (allannguutissatut siunnersuummi sulinermi isumannaallisaanermi suliniutini tak. oqaaseqaatit nalinginnaasut, imm. 2.2.1.3)

Siunnersuummi periarfissaqanngilaq sulisitsisoq isumaqateqarfiginissaanik, Suliffimmik nakkutilliisuniit eqqarsaataappat naalakkiuteqarnissamik imaluunniit ingerlaannartumik naalakkiuteqarnissamik ulorianartorsiortoqarpat, tassani pineqarmat pisut ulorianartorsiortitsisut, soorlu ingerlaannartumik iluarsiivigineqartussani imaluunniit piffissarititaasoq malillugu iluarsiivigineqartussami piffissarititaasoq sivikinnerpaaq atorlugu. Aalajangersakkamiippoq § 60 a, imm. 2, nr. 1-mi, kingorna isumaqatigiissuteqarfigineqarsinnaasumi, Suliffimmi nakkutilliisut tassunga tunngatillugu pissutsinik paasisaqareernerisigut, piffissaliinikkut tamatuminnga aaqqiinissaannik (nalinginnaasumik naalakkiuteqarneq).

Periuseq assigalugu periarfissaqanngilaq isumaqatigiissuteqarfiginninnissaq, Suliffimmik

nakkutilliisuniit eqqarsaataappat pilertortumik naalakkiinermik, malunnaatilimmik ulorianartorsiortoqartinnagu, pissutigalugu tamatuminnaga eqqartuisoqarsimanninnera, pisunik piffissap sivikitsuinnaap iluani aaqqiivigineqartussanik (nalinginnaasumik naalakkiut). Piffissap sivikitsuarsuup iluani ajornartorsit iluarsiivigineqassaaq, ass.: Siunertamut pissutaavoq, aalajangiussamik maangaannartitsinermik.

Aamma periarfissaqanngilaq isumaqatigiissuteqarfiginninnissaq, sulisitsisup misissuinissaa, suliffimmi pissutsit sillimaniarnermi- aammalu peqqinnissamut illersorneqarsinnaanersut, Sulinermi nakkutilliisoqarfik misissuinissamik naalakkiummik tunniussaqaassalluni eqqarsaateqarpat. Aalajangersakkamiippoq § 60 a, imm. 2, nr. 1-mi, kingornalu isumaqatigiinnissinnallutik, Sulinermi nakkutilliisoqarfiup pissutsit paasereerpagit, piffissap aalajangersimasup iluani aaqqiivigineqartussat (nalinginnaasumik naalakkiut).

Siunertaanngilaq, isumaqatigiissusiornissaq, suliffeqarfimmi nammineerlutik aallartereersimappassuk Suliffimmi isumannaallisaanermut ajornartorsiutinik aaqqiiviginninneq tunuliaqutigalugu siusinnerusukkut Sulinermi nakkutilliisoqarfiup aalajangiussarisimasaani.

Sulisitsisup nammineq piumassutsini malillugu, kissaammik tassannga Suliffimmik nakkutilliisoqarfik isumaqatigiissuteqarfigisinnaavaa. Peqatigitillugu Suliffinnik nakkutilliisoqarfiup nalilissavaa, isumaqatigiissusiaq suliamut pineqartumut naleqquttuunersoq suliffimmi isumannaallisaanermut ajornartorsiummut aaqqiinissamut. Isumaqatigiissusiunnginnerminni marluullutik akunnerminni isumaqatigiissutigissavaat, isumaqatigiissut aaqqiinissamut naleqquttuunersoq. Isumaqatigiissummik isumaqatigiittoqarpat, suliffeqarfimmut inatsisinik malinninneq tunngavittut atorneqassaaq.

Sulisitsisoq pasilliummut isumaqataanngippat, ima paasillugu, ilimagineqarpat sulinermi sillimaniarnermi ajornartorsiuteqartoqartoq, sulisitsisoq toqqaasinnaavoq isumaqatigiinnernik piumanani. Suliffinni nakkutilliisoqarfik qulaajaanermik ingerlatitseqqiisinnaavoq pasilliummik qulaajagassamik soorlu pasilliut sulinermi isumannaallisaanermi ajornartorsiutinut naalakkiutaasinnaanerinik, suliffimmi isumannaallisaanikkut ajornartorsiutitut pasilliutitut, naalakkiummik tunisineq siunertaralugu, Suliffinnik nakkutilliisut nalilerpagu naalakkiuteqarnissamut naleqquttuusoq.

Isumaqatigiissusiaq sulisitsisumit Suliffinnillu nakkutilliisuniit allakkatigut pissaaq, isumaqatigiissusiami tunniunneqartumi, sulisitsisoq pisussaaffilerneqassaaq suliffeqarfimmi

sulinermi isumannaallisaanermi ajornartorsiutaasunik iluarsiinissaminik, isumaqatigiissummi tunniunneqartumi peqquneqarnermi. Suliffimmi isumannaallisaanermut ajornartorsiut piffissaliinerup iluani aaqqiivigineqassaaq, isumaqatigiissusioqatigiinnikkut Suliffimmi nakkutilliisut sulisitsisullu akunnerminni. Piffissaliussap annertussusissaa nalilerneqassaaq sulinermi isumannallisaanermut ajornartorsiutip suunera annertussusaalu apeqqutaalluni. Isumaqatigiissutini suliffimmi isumannaallisaanermut ajornartorsiuteqarneranik pasilliutaappata, piffissaliussaq aallaaveqassaaq piffissaliussani naalakkiinermut pineqartup isikkuanut sulinermi isumannaallisaanermut ajornartorsiutaasumut, piffissaliussami isumaqatigiissutaasumi, sulisitsisumit aaqqiivigineqarnissaannik suliffeqarfimmi piffinni arlalinniippata, piffissaliussap sivilissusaa annertunerutinneqassaaq. Suliffeqarfik iluarsiinissamut piffissaliussap sivitsorneqarnissaanik qinnuteqarpat, Suliffinni nakkutilliisut ersarissumik naliliinikkut piffissaliussamik sivitsuisinnaapput.

Inatsimmik siunnersuut atorlugu isumaqatigiissutit assigiinngitsutigut pilersinneqarsinnaapput nakkutilliinikkut aammalu sulisitsisup iliuusaasigut assigiinngitsutigut.

Inatsimmik siunnersuut atorlugu isumaqatigiissutit aaqqiinermut tunngasut suliffimmi isumannaallisaanermi ajornartorsiutinut tunngasut arlallit ingerlaavartitamik suliffeqarfik aalajangiummik pissaaq allanik suliffimmi isumannaallisaanermi ajornartorsiutinut imaluunniit sulinermi isumannaallisaanermi ajornartorsiutit pineqartut, iluarsiiivigineqarnissaannik isumaqatigiissut malillugu.

Sulisitsisoq aamma atsiorsinnaatitaavoq, Suliffinnut nakkutilliisoqarfiup attaviginninnerani, isumaqatigiissutigineqartoq pingaarutilimmik allannguuteqarpat.

Suliffimmi nakkutilliisut suliffeqarfimmi nakkutilliineq ingerlappassuk, Suliffinnik nakkutilliisoqarfiup isumaqatigiissuteqarfigisimasaanik sulinermi isumannaallisaanermi ajornartorsiutaasunik aaqqiinissamik, Sulinermi nakkutilliisut aallaavittut nakkutilliineq ingerlatissanngilaat isumaqatigiissummi pineqartumut sulinermi isumannaallisaanermi ajornartorsiummut tunngatillugu. Suliffinni nakkutilliisoqarfilli nakkutilliiuaannarsinnaavoq aalajangersimasumik pasinartoqarpat sulinermi sillimaniarnermut ajornartorsiutinut tunngassuteqartunik , ass.: ajutoornertigut, maalaaruteqarnikkullu. sulisuniit maalaarutaasut, isumaqatigiissutit sulisitsisumiit malinneqannginneri pineqarpata, maalaarutit sulinermi isumannaallisaanermut tunngasut allat assigalugit suliarineqassapput.

Siunnersuut § 60 a, imm. 3, atorlugu sillimaniarnermik kattuffik (allannguuteqarnissaanik siunnersuutavoq imaalillugu sulinermi isumannaallisaanermik kattuffik tak. oqaaseqaatit nalinginnaasut, imm. 2.2.1.3.) imaluunniit suliffeqarfimmi sulisut sulinermi isumannaallisaanermi kattuffik peqatiginagu paasititsiniaanerussasoq isumaqatigiissuteqartoqarsimaneranik. Sillimaniarnermi kattuffik imaluunniit sulisut peqataatinneqassapput pineqartumi sulinermi sillimaniarnermi ajornartorsiummik iluarseeqataanissaannik, isumaqatigiissutigineqassaaq.

Siunnersuut § 60 a, imm. 4, malillugu Suliffimmi nakkutilliisuniit isumaqatigiissut malillugu, piffissaritisaasup naanerani, isumaqatigiissut malillugu ingerlateqqissavaat. Ingerlatitseqqiineq suliarineqassaaq. suliamik ingerlatitseqqiineq pisinnaavoq qarasaasiatigut imaluunniit telefonikkut, Suliffinnik nakkutilliisuniit periarfissaqarput sulisuni sinniisumik oqaloqateqarnissamik, aqutsisut peqataaffiginngisaannik. Malitsigisatut suliamik ingerlateqqiineri pineqassaaq suliffimmi isumannaallisaanermi ajornartorsiummuinnaq sammisumik, suliffeqarfiup piffissarititaasoq malillugu aaqqiivigisimasassaaq. Isumaqatigiissummi pineqarpat, suliffeqarfiup aaqqiivigisassaaq suliffimmi sillimaniarnermi ajornartorsiut pineqartoq suliffeqarfimmi arlalinni siaruarsimalluni pippat, Suliffimmi nakkutilliisoqarfik pisinnaatitaavoq erseqqissumik naliliineri toqqaassalluni suliap ingerlannerani piffiit minnerusut suliamik ingerlatitseqqivigissallugit.

Suliamik malitsigititaq takussutissaqarpat, suliffimmi isumannaallisaanermi ajornartorsiut suliarineqarsimannginneranik, Suliffimmi nakkutilliisoq periarfissaqarpoq ajornartorsiummik qulaajaanissaminik aalajangiinissaq siunertaalluni. Siunertaavoq sulisitsisoq periarfissamik Suliffinni nakkutilliisoqarfimmut nutaamik isumaqatigiissusiornissamik suliffimmi isumannaallisaanermi ajornartorsiummik aaqqiinissamut piffissap killiliussap iluani isumaqatigiissutip siuliani pereersup piffissaqartitaaffiata naareernerani, sulineri ajornartorsiummik isumaqatigiissut malillugu iluarsivigineqanngitsumi.

Siunnersuut malillugu § 60 a, imm. 5-mut, isumaqatigiissusiaq sulisitsisumiit taamaatinneqarsinnaavoq, taassuminnga kissaatigineqarpat. Assersuutigalugu imaassinnaagami suliffimmi isumannaallisaanermi ajornartorsiut nutaaq pineqartoq isumaqatigiissummi siuliani pisumi allaqqasumut naleqqiullugu. Taamaatsineq piffissami sukkulluunniit pisinnaavoq. Isumaqatigiissut aamma Suliffinnik nakkutilliisoqarfimmiit taamaatinneqarsinnaavoq, pissutsit isumaqatigiissummiittut annertuumik allannguuteqarpata. Peqqutaasinnaavoq ass.: Suliffinni nakkutilliisoqarfik pasitsaassaqaruni, suliffeqarfiup isumaqatigiissusiaq malillugu suliffimmi sillimaniarnermi ajornartorsiummik suliniuteqanngitsoq imaluunniit aaqqiinissaminik

naleqqutinngitsoq. Isumaqatigiissusiaq taamaatinneqarpat, Suliffinnik nakkutilliisoqarfik qulaajaassaaq, naalakkiussamik taamaatitsinerup peqqutaanik qulaajaanermik.

Isumaqatigiissut aalajangiiffiunngimmat, sulisitsisoq Beskæftigelsesminister-imut maalaaruteqarsinnaanngilaq (allannguutissatut siunnersuut allanngortinneqarpoq uunga Suliffimmi isumannaallisaanermi maalaarnermut ataatsimiittaliaq tak. oqaaseqaatit nalinginnaasut, imm. 2.6.7.) isumaqatigiissusiaq pillugu imaluunniit suliffeqarfiup isumaqatigiissusiamik neqeroorfigineqarnermik tunineqannginnera. Isumaqatigiissummik taamaatitsineq aamma aalajangiinerunngilaq, taamaattumittaaq aamma Suliffinnik isumannaallisaanermut maalaarnermut ataatsimiittaliatut maalaarsinnaatitaaffiunani. Suliffinnik isumannaallisaanermut maalaartarfiup ataatsimiittaliaa suliffeqarfimmiit maalaarummik pippat, maalaartorlu piumasaqaateqarfigineqareersimalluni aammalu suliffeqarfik atuuttumik tunngavilersukkamik isumaqatigiissusiorsimappat, taava Suliffimmik isumannaallisaanermut maalaartarfiup ataatsimiittaliaata suliamik suliarinninnissaq itigartitsissutigissavaa, apeqqummut tunngatillugu isumaqatigiissut innersuussissut, Suliffimmi nakkutilliisoqarfiup maalaartarfiata ataatsimiittaliaata apeqqut suliaqarfigissallugu paasisisimasat annikippata. Assinganik maalaarutit sillimaniarnermi sinniisineersut (allanngortinnissaanik siunnersuutaasoq imaalillugu suliffimmi isumannaallisaanermut sinniisit tak. nalinginnaasumik oqaaseqaatit, imm. 2.2.1.3.) Suliffimmik isumannaallisaanermi maalaartarfiup ataatsimiittaliaa maalaarutini itigartitsisinnaavoq imaluunniit sulisut, isumaqarpata piumasaqaateqartoqartariaqarneruneranik isumaqatigiissusiorderminngarnit salliutitamik. Ingerlatiinnarlugu Suliffimmi isumannaallisaanermi maalaartarfiup ataatsimiittaliaata maalaarutit itigartitsissutigisinnaavai, makkununga tunngasut, piffissaliinerit sivilisunerusut, amigartumik piffissaliinermik sivitsuineq, taamaatitsineq imaluunniit amigartumik isumaqatigiissummik taamaatitsineq il.il.

Suliffimmi isumannaallisaanermik maalaartarfiani ataatsimiittaliatut maalaarneq pisinnaanngilaq, makkua pillugit, isumaqatigiissusiortoqassannginneranik imaluunniit isumaqatigiissusiamik Suliffinnik nakkutilliisoqarfimmiit taamaatitsineq. Suliffeqarfilli Beskæftigelsesministereqarfimmut maalaartuaannarsinnaatitaavoq Suliffinni nakkutilliisoqarfiup pisortaqarfittut suliai pillugit, ass.: nakkutilliisup suliffeqarfimmut pulaarnermi nalaani pissusilersuutaa pillugu.

Ilanngullugu innersuutigineqarpoq imm.2.6.4-mut inatsisissatut siunnersuutip nalinginnaasumik oqaaseqarfigineqarneranut.

Nr. 61 (§ 61)-mut

Aalajangersakkami atuuttumi malitseqarpoq inatsimmi § 61, imm. 1, 1986-mi eqqunneqarsimasumi, beskæftigelsesminister-i malittarisassanik atuutsitsilersinnaananik, suliffeqarfinni atuakkamik nakkutilliinermut allattassutilimmut peqartuaannarnissaanut tunngassuteqarpoq, imaluunniit allamik tassunga assingusumik uppersaammik nakkutilliisup paasiniaananut tunngassuteqartumik, piumasaqaat aammalu nalunaarutit allat sulinermi isumannaallisaanermut tunngasunik aammalu atuagaq allattaavik allatullu uppersaasiorfiusoq qanoq atorneqassanersoq inissisimaffeqassanersorlu.

Atuagaq nakkutilliinermut tunngasoq uppersaasiornernut Suliffinni nakkutilliisoqarfimmiit pulaarneqarnermi aalajangiussanut atorneqassaaq. Aalajangersagaq nalunarusiatut nalunaarsorneqanngilaq.

Siunnersuutigineqarpoq § 61, imm. 1 atorunnaarsinneqassasoq.

Sulifinnik nakkutilliisoqarfik ullumikkut Kalaallit Nunaanni suliffeqarfinnut allakkatigut attaviginnittarpoq e-mail-kkut. Suliffeqarfiit pulaarnermi nalunaarsuutit piumasaqaatit aammalu allakkatigut ilisimatitsissutit allat tassuuna tigusarpaat. Piffissaliinernut, nalunaarutininik piumasaqaatit pillugit uterfiginnilluni nalunaaruteqarnerit aamma piumasaqaammik naammassinninnerit e-mail aqutugalugu aamma attaveqarnek pisarpoq.

Ilanngullugu innersuutigineqarpoq oqaaseqaatinut nalinginnaasunut, imm. 2.3.6

Inatsit atuuttoq naapertorlugu § 61, imm. 2, sulisitsisumit naammassineqassaaq utertiffiginninnermik piumasaqaat allakkatigut naalakkiutinut/piumasaqaatinut il.il.-tunngasut, Sulifinnik nakkutilliisoqarfimmiit piffissarititaasoq malillugu.

Aalajangersakkami siunnersuutigineqarpoq § 61, imm. 2 atorunnaarsinneqassasoq inatsillu ikkunneqarluni § 61 a, imm. 1-tut.

Ilanngullugu innersuutigineqarpoq oqaaseqaatinut nalinginnaasunut, imm. 2.3.7. oqaaseqaatillu allat immikuullarissut nr. 60-mut.

Nr. 62 (§ 61 a)-mut

Inatsit nutaaq § 61 a, imm. 1, malillugu sulisitsisoq allakkatigut Suliffinni nakkutilliisoqarfiup aalajangiussaanik utertiffiginnissaaq, Suliffinnik nakkutilliisoqarfiup piumasarippagu. Tamanna assigisaanik atuuffeqarpoq iluarsaassineq, allaanerussutigalugu, erseqissaaneq, utertiffiginnerup piviusunngornera, Suliffinni nakkutilliisoqarfimmiit piumasarineqartoq malillugu. Siunnersuut isigineqassaaq siunnersuummut atassuteqarneranik inatsimmik § 61, imm. 2-mik atuukkunnaartitsinissamut tunngatillugu.

Ilanngullugu nutaatut siunnersuutigineqarpoq § 61 a, imm. 2, sulisitsisumit qulakkeerneqarlunilu nalunaarutigineqassasoq Suliffimmi isumannaallisaanermut aaqqissuussisut (allanngortinneqarnissaanik siunnersuutigineqartoq imaalillugu suliffinni isumannaallisaanikkut, tak. oqaaseqaatit nalinginnaasut, imm. 2.2.1.3.) imaluunniit suliffeqarfimmi sulisut sinniisaat, suliffimmi isumannaallisaanikkut aaqqissuussinissamut pilersitsinissaminnik pisussaaffimmik peqanngitsut, utertitsiviginissamut piffissaliussap naannginnerani ilisimatinneqarsimaneq imarisaqartumi utertitsiffiginninnissamut nalunaarummi.

Ilanngullugu innersuutigineqarpoq oqaaseqaatinut nalinginnaasunut, imm. 2.3.7. oqaaseqaatillu allat immikuullarissut nr. 59-mut

Nr. 63 (§ 62, imm. 1)-mut

Allanngortinneqartussatut siunnersuut § 62, imm. 1, kingunerisamik aaqqiivigineqartussat allannguinerup malitsigisaanik nipangersimasussaataitanermi Kalaallit Nunaanni pinerluttulerinermi inatsimmi.

Ilanngullugu innersuutigineqarpoq oqaaseqaatinut nalinginnaasunut, imm. 2.6.5.3. inatsisissamik siunnersuutip nalinginnaasumik oqaaseqaateqarfiginerani.

Nr. 64 (§ 62, imm. 2)-mut

§ 62, imm. 2 atuuttoq, immikkut ittutut nipangersimasussaanermik aalajangersagaavoq, annertusineqassallunilu nalinginnaasumik nipangersimasussaataitaneq ingerlatsinermi inatsimmi aammalu pinerluttulerinermi inatsimmi.

§ 62, imm. 2, atuuttup, sulisut illersugarai, Suliffinnut nakkutilliisoqarfimmut maalaarutaannik suliffeqarfimmi sullivimmi isumannaallisaanermut tunngasuni, illersuineq Suliffinnut

nakkutilliisoqarfiup paasissutissanik ingerlatitseqqiisarneranut tunngavoq sulisitsisumiit imaluunniit taassuma sinniisaaniit.

Allannguutissatut siunnersuut § 62, imm. 2, kinguneqarpoq, sulisup maalaaruteqarnerata aamma illersugaanera, Suliffinni nakkutilliisut paasissutissanik ingerlatitseqqiinerannut maalaarutinit imaattunut; inunnut allanut sulisitsisoq imaluunniit taassuma sinniisaata avataatigut.

Aalajangersakkami pineqarpoq maalaarutip imarisaa, paasissutissat maalaartumit erseqqissarneqarsimanngitsut, maalaartoqarsimaneranik paasissutissat, aammalu paasissutissat nakkutilliisumik pulaarneqarnissamik suliniuteqarnissaa maalaarnerup kingunerisaanik.

Nalinginnaasumik nakkutilliinerup suliassanut tunngatillugu, aalajangersagaq isumaqarpoq, Suliffimmik nakkutilliisut sulisui paasissutisseeqqusaanngimmata, nakkutilliinermi pulaarnerminngaaneersunik maalaarummik, imaluunniit Suliffimmi nakkutilliisoqarfiup maalaarummik tigusaqarsimaneranik. Paasissutissanik taama ittunik qinnuigineqarneq suliarineqassaaq malittarisassat malillugit sullissinermi inatsisini, tamanut ammasut inatsisaani aammalu inunnut tunngasut nalunaarsornerini inatsimmi.

Allagaatinik takunnissinnaatitaanermik noqqaassuteqarneq allaninngaaniit suleqatigisap avataatigut, Suliffinnik nakkutilliisoqarfimmiit itigartitsissutigigallarneqarsinnaavoq landstingip inatsisaa § 14, nr. 9 13. nuni 1994-meersoq malillugu, uunga tunngasoq, sullissinermi tamanut ammasoq, innersuunneqartumi suliffimmi isumannaallisaanikkut pissutsit inatsisaani § 62, imm. 2.

Allagaatinik takunnissinnaatitaanermik noqqaanermut tunngatillugu inatsisartut inatsisaanni nr. 8 13. jun 1994-meersumi tamanut sullissisunit sulianik ingerlatsinermi aammalu inatsit nr. 429 31. maj 2000-meersoq, allanngortinneqartoq inatsimmi nr. 1245 18. december 2012-meersumi, inummut tunngasunik paasissutissanik suliaqarnermi ilanngunneqarpoq § 62, imm. 2, tunngavittut missingersuinerni eqqortuni, suliarineqartussani aalajangersakkat naleqquttut malillugit.

Aalajangersagaq takuneqarsinnaasoq oqaasiliornertaagut annikillisinneqarpoq, takuneqarsinnaalluni "sulisitsisup sinniisaa" maanna oqaaseq ilagaa "allat". Millisaanermi siunertaanngilaq piuartussatut allannguneq, inuit eqimattat illoqqasut saniatigut, nipangersimasussaataaneq tassunga atuummat.

Ilanngullugu innersuutigineqarpoq oqaaseqaatinut nalinginnaasunut, imm. 2.6.5. inatsisissamik siunnersuutip nalinginnaasumik oqaaseqaateqarfiginerani.

Nr. 65 (§ 63)-mut

§ 63-mi atuuttumi qallunaatut taaguut atorneqassaaq "minister". Siunnersuut taanna allanngortinneqassaaq kalaallisut taaguutaalluni "naalakkersuisoq".

Allannguutip siunertaraa aalajangersakkamut assingussammat.

Ilanngullugu innersuutigineqarpoq oqaaseqaatinut nalinginnaasunut, imm. 2.8.1.2. inatsisissamik siunnersuutip nalinginnaasumik oqaaseqaateqarfiginerani.

Nr. 66- 68 (§ 64, imm. 1-5)

Aalajangersakkami atuuttumi takuneqarsinnaavoq § 64, imm. 1-mi, Suliffinnik nakkutilliisut aalajangiussaak beskaftigelsesminister-imut ingerlanneqarsinnaavoq sapaatip akunneri 6-t ingerlareernerinni, pineqartumik aalajangiinerup nalunaarutigineqarneraniit.

Nalunaarusiami atuuttumi § 64, imm. 2-mi takuneqarsinnaavoq maalaarut Suliffinni nakkutilliisoqarfimmut nassiunneqassasoq, imaalillugu - aalajangiussaak atuuttussatut ikkunneqarpat - beskaftigelsesminister-imut maalaarut ingerlateqqinneqassaaq.

Ilanngullugu atuuttut takuneqarsinnaavoq § 64, imm. 3, inatsisit malillugit maalaarnerup sunniuteqarnerunera beskaftigelsesminister-ip aalajangiinissaanut imaluunniit beskaftigelsesminister-i allatut aalajangiinissaanut.

§ 64, imm. 4-mi atuuttumi takuneqarsinnaavoq, peqqutaasut immikkuullarissut pineqarpata, beskaftigelsesminister-ip maalaarut suliatut tigusiinaavaa taamatullu sunniutilimmik suliarineqarluni, malaarut inatsisitigoortumik maalaarutaanngikkaluarpalluunniit.

Kingullertut takuneqarsinnaavoq § 64, imm. 5-mi atuuttumi, beskaftigelsesminister-ip Suliffinni isumannaallisaanermi siunnersuisuisa oqaaseqaataat piniassavaa, maalaarutip aalajangiiffigineqannginnerani.

Siunnersuutigineqarpoq, § 64, imm. 1-4 imaalillugu allanngortinneqassasoq,

"beskæftigelsesminister-i" taarserneqassasoq "Suliffimmi isumannaallisaanermik minister-ip aalajangiussaa" imm. 3-mi imaalillugu allanngortinneqassaaq "Suliffimmik isumannaallisaanermi maalaartarfeqarfiup aalajangiussaa".

Isumaqarpoq, aalajangiussanik maalaarutini Kalaallit Nunaani Sulineramik nakkutilliisut Kalaallit Nunaani sulineramik isumannaallisaanermi inatsisaani, siunissami Sulinermi isumannaallisaanermik maalaartarfik Danmarkimiittumut tunniunneqartassammat.

Sulinermi isumannaallisaanermi maalaartarfik Danmarkimiittoq ilaatigut maalaarutininik sulianik ingerlatsisarput qallunaat sulinermi nakkutilliisuiniit aalajangikkanik qallunaat sulinermi isumannaallisaanermi inatsisaat malillugu.

Sulinermi isumannaallisaanermi maalaartarfik 1999-mili pilersinneqarsimasoq sullissinermik annertuumik ineriartortitsisimavoq sulinermi isumannaallisaanerup inatsisaani. Taamaattumik tulluarnertinneqarpoq, ataatsimiittaliavit tassannga, maalaarutininik sulinermi nakkutilliisoqarfimmeersut suliat suliarineqarnissaat, beskæftigelsesminister-iminngarnit salliulllutik. Ilisimasaqarnerup qulakkeerneqarnissaa pillugu, pissutsinut immikkuullarissunut tunngassuteqartuni, Kalaallit Nunaani atuuttuni, piumasaqarnertigut allannguuteqassanngilaq, Kalaallit Nunaani Suliffinnik isumannaallisaanermi siunnersortit oqaaseqaateqarnissaannik piumasaqaateqartoqanngilaq maalaarummut tunngasumut aalajangiussinnginnermi. Suliffimmik isumannaallisaanermi suliniuteqartut ilanngullugu suliarisussaavaat maalaarutip inaarutaasumik aalajangiiffigineqarnissaa. Suliffinnik isumannaallisaanermi suliniuteqartut ilanngullugu suliamik ingerlatsissapput maalaarutip inaarutaasumik aalajangiiffigineqarnissaanik kalaallit nakkutilliisuinit ullumikkut inatsimmut atuuttumut atatillugu Kalaallit Nunaani Sulinermi isumannaallisaanermi siunnersortimeersuniit oqaaseqaatitaqanngitsumik. Naliliinermi tulluarsoritinneqarmat, Suliffinni nakkutilliisut oqaaseqaatinik naammassinniinerinik Kalaallit Nunaanni Suliffimmik isumannaallisaanermi siunnersuisuniit pissarsianik, maalaarummik suliarineqartumik Suliffimmik isumannaallisaanermi maalaartarfiata suliniartuiniit ingerlatitseqqiinnginnermi. Malitsigisaanik § 64, imm. 5 atorunnaarsinneqassaaq.

Ilanngullugu innersuutigineqarpoq oqaaseqaatinut nalinginnaasunut, imm. 2.6.7. inatsisissamik siunnersuutip nalinginnaasumik oqaaseqaateqarfiginerani.

Nr. 69 (§ 65, imm. 1)-mut

Aalajangersagaq atuuttoq malillugu inatsimmi Kalaallit Nunaani suliffinnik isumannaallisaanermi § 65, imm. 1-mi, suliniutini eqqaartuussisoqarsinnaavoq Kalaallit Nunaani pinerluttulerinermi inatsit malillugu.

1) Inatsimmi pineqartumi aalajangersakkamiittumi unioqqutitsisimaneq

2) Kapitali 8 aamma 9 -p akerlianik iliuseqarnermi suliamik ingerlatsineq, aqutsisoq imaluunniit nakkutilliinermik aqutsisoq suliamik taama ittumik imaluunniit suliamik ingerlatsineq kapitali 8-p akerlerisaanik

3) § 60 malillugu peqqussummik malinninnginneq

4) § 17 a, imm. 2 malillugu paasissutissanik nalunaaruteqannginneq

Inatsisissamik siunnersuummi allannguutissatut siunnersuutigineqarpoq "poq" imaalillugu "imatut" sulinermi isumannaallisaanerup inatsisaani § 65, imm. 1-mi. Allanngutip inatsisip oqaasertaani oqaatsitigut allannguuteqartoq kisimi pineqarpoq, siunertaqartumi oqaaseqaatigineqarnerup periarfissaanera tassani sinaakkutit tunniunneqarsinnaanerinik atortussanik akiliisitsinermi annertussutsit sulinermi isumannaallisaanerup inatsisaanik unioqqutitsinerni.

Siumut isigineruvoq allannguummi, tunngaviusumik akiliisitaaneq atortunut tunngatillugu aalajangersagaq malillugu unioqqutitsinerni akiliisitsissut qaffanneqassammat.

Sulisitsisumut isumaqarpoq naatsorsuutigineqassasoq akiliisitsinerup qaffasissusaata qaffanneqarnissaa 20.000 kr.-niit 24.000 kr.-mut aamma 40.000 kr.-niit 44.600 kr.-nut.

Taamaakkaluartorli unioqqutitsinernik annertuunik pisoqartuaannassaaq, naatsorsuutaavoq tunngaviusumik akiliisitsissut inerniliissutitut tunngaviusumik akiliisitsineq 24.600 kr.-ussasoq imaluunniit 44.600 kr.-iussasoq § 65, imm. 1 malillugu.

Atuutsitsilernissamut tunngassuteqartuni tunngavittut akiliummi 24.600 kr. naatsorsuutaavoq unioqqutitsinerni suliffimmi isumannaallisaanermi inatsimmiittumi pisassammat, imaqarmat toqqaannartumik sillimaniarnermut peqqinnissamulluunniit tunngassuteqartunik pisoqariataarsinnaanera. Tamatuma assigniinnarpaa unioqqutitsinerit allat, akiliisitaanerit ullumikkut

20.000 kr.-usut. Assersuutit nassuiaammiittut innersuutigineqarput Inatsisit atuuttuni immikkoortoq 2.7.1.1.

Atuutsitsinermi tunngassuteqartuni tunngavittut akiliisitsinerup annertussusaa 44.600 kr. naatsorsuutigineqarpoq suliffinni isumannaallisaanermi inatsisaani unioqutitsinerit, ima sakkortussusilimmik unioqutitsigaanni, allaat inuuneermik ulorianartorsiortitsisumik imaluunnit peqqissutsikkut allatulluunnniit aqqunarneq peqqutigalugu kingunerinik tamanut atuuttumi annertunerussammata atortunut nalinginnaasunut tunngasunik unioqutitsinernut naleqqiullugu. Tamanna isumaqarpoq unioqutitseriaatsit, 40.000 kr.-mik tunngavikkut annertussusillit. Innersuutigineqartoq nassuiaasersuinermit Inatsisit atuuttut immikkoortumi 2.7.1.1.

Inatsisissatut siunnersuummi allannguutissami pineqarpoq § 65, imm. 1-mi, uungaannaq siunertaalluni, akiliisitaanerup annertussusaa atortussanut tunngatillugu imm. 1 malillugu allannguneq. Allannguuteqarfiginissaanik siunertaanngilaq sulisunut akiliisitaanermi annertussutsimut atuuttumut.

Sulisitsisup nalinginnaasumik suliffimmut tunngasuni suliaani tunngavittut akilisitaaneq naatsorsuutaavoq allannguuteqannginnissaa, imaappoq 10.000 kr.-t.

Pinerluttulerinermi inatsisinik suliniummik ingerlatsiinnaq uninngatinneqarallarpoq eqqartuussiviit eqqortumik naliliinissaata tungaanut pisuni ataasiakkaani suliani, tak. ataani takuneqarsinnaasumi aalajangersakkat nalinginnaasut pinerluttulerinermi inatsisit kapitaliata 24-anni suliniutinik nalilersuinerni toqqaanernilu.

Ilanngullugu innersuutigineqarpoq imm. 2.7. inatsisissamik siunnersuummi nalinginnaasumik oqaaseqarfiginerani.

Nr. 70 (§ 65. imm. 2)-mut

Aalajangersakkamik allannguinnissamut siunnersuutip § 65, imm. 2-p malitsigaa "mat" "pat"-mut.

Inatsisip oqaasertaani oqaatsitigut allannguneq kisimi pineqarpoq, siunertaalluni periarfissaq aalajangersakkani sinaakkutassanik akiliisitsinerup annertussusaanut tunniussinissaq, atortunut

tunngasuni sulinermi sillimaniarnermi inatsimmik unioqqutitsinermi.

Siunertaq oqaatsitigut allannguutitaqartoq imaappoq tunngavittut akiliisitsissutip qaffannera ilassuteqarluni marloriaammik tapiuteqarluni tunngavittut akiliisitsinermi akiusoq, unioqqutitsinermik peqquteqartumik inummik sakkortuumik aqqunartoqarsimappat imaluunniit toqumik kinguneqartumik.

Ilanngullugu innersuutigineqarpoq imm. 2.7. inatsisissamik siunnersuummi nalinginnaasumik oqaaseqarfiginerani.

Nr. 71 (§ 65. imm. 4)-mut

Aalajangersakkatut siunnersuutip § 65, imm. 4-mi malitsigaa "taaneqartut" allanngortinneqassasoq uunga "oqaatigineqartut".

Inatsisit oqaasertai allannguutissatut kisimik pineqarput, siunertaalluni periarfissaliimmat oqaaseqaatini sinaakkutsinik tunniussinerni akiliisitsinermi annertussutsit pineqarnerinni suliffinni isumannaallisaanerup inatsisaanik atortussanut tunngasunik unioqqutitsisoqarnerani.

Oqaatsitigut allanngortitsinerup siunertaraa akiliisitsinerup annertussusaanik qaffaanermi sukaterinernut pinngitsaaliinikkut pissutsini 5.000 kr.-niit 10.000 kr.-nut sukaterititsinerni pinerit tamaasa qaffanneqartassammat.

Ilanngullugu innersuutigineqarpoq imm. 2.7. inatsisissamik siunnersuummi nalinginnaasumik oqaaseqarfiginerani.

Nr. 72 (§ 65. imm. 5, nr. 1-3)-mut

§ 65, imm. 5, siunnersuutigineqartup, minitaqarfiunngitsumik taagorneqarput, soorlu aaqqissuussinerup naatsorsornera immikkut pisarialimmik sukaterinertut isigineqassaaq. Siunnersuutigineqartoq immikkut pisarialimmik sukaterineq § 65, imm. 5, nr. 1-miittup

assigniinnarpaa immikkut sukaterineq pinngitsoornani pisussaq, soorluttaaq malittarisassani atuuttuni § 65, imm. 5-mi allassimasoq. Ilannagullugu marluk nutaatut taaneqarput pingaartumik pineqarluni pinngitsoornani sukaterineq, tak. siunnersuutip § 65, imm. 5, nr. 2 aamma 3-p imarisaani.

Allannguutissatut siunnersuutigineqartumi § 65, imm. 5, nr. 1-mi, isigineqarnera ingerlaannassaaq immikkut sukaterinermi pinngitsoorani pisussatut, 18-nit inorlugit ukiulinnut inuunerup sinnerani ajoqusernut imaluunniit peqqissutsimik ajoqutaalersumik ajoquserneq pissutigalugu.

Siunnersuut § 65, imm. 5, nr. 2, malillugu - nutaatut - isigineqassaaq immikkut ittumik pinngitsoornani sukaterineq, unioqqutitsinermi inuunermi ajoquserneq imaluunniit peqqissutsimut sunniuteqartumik, tassani inuit arlallit pineqarlutik, ima paasillugu inuit marluk arlallilluunniit.

unioqqutitsineq peqqutaalluni ajutoornermik pisoqarpat, inunnik sakkortuumik ajoqusertoqarnerisigut imaluunniit toqumik kingunilimmik, tunngaviusutut akiliisitaaneq marloriaatinngortinneqassaaq, tak. § 65, imm. 2, tassani nalilerneqassamat unioqqutitsinerup ilungersunartumik kinguneqarnera. Siunnersuut malillugu akiliisitaaneq sulii qaffanneqarsinnaavoq tunngaviulluni immikkut sukannersumik pinngitsaaliinikkut, inuunermik innarliineq imaluunniit peqqissutitigut tassungaluunniit atatillugu pisoqarpat inuit arlallit pineqarnerini, nalilersorneqassaaq, unioqqutitsinerup kingunerisaanik inunnut arlalinnut ajoqusernerup kinguneqarneranik.

Siunnersuutigineqartoq § 65, imm. 5, nr. 2, malillugu nutaatut - isigineqassaaq immikkut sukannersumik pinngitsaaliissut, unioqqutitsinikkut inuunermik peqqinnissamillu naleqartumik pisoqarnerani inunnut arlalinnut, imaappoq inunnut marlunnut arlalinnuunniit ulorianartorsiortitsisumik pisoqarnerani.

Unioqqutitsinerup kingunerisaanik ajutoornermik pisoqarpat, ilungersunartumik inunnik aqqunaasumik imaluunniit toqumik kinguneqartumik, tunngaviusutut akiliisitaaneq marloriaatinngortinneqarsinnaavoq, tak. § 65, imm. 2, tassani nalilersorneqassaaq unioqqutitsinerup kingunerisaanik aqqunarnerup annertussusaa. Siunnersuummi akiliisitaaneq malitsigisaanik sulii qaffaqqinneqarsinnaalluni pissutigalugu immikkut ittutut sukannersumik pinngitsaaliissutitut, inummik aqqunartoqarneranik imaluunniit peqqissutsikkut eqqugaasoqarneranik pisoqarnera pissutigalugu, tassani nalilersorneqassalluni unioqqutitsinerup kingunerisaanik inunnut arlalinnut tunnera.

siunnersuutigineqartoq § 65, nr.3 malillugu, nutarpassutut - isigineqassaaq immikkut ittutut

sukannersumik pinngitsaaliissutitut, pineqartumut naleqqiullugu timikkut imaluunniit inatsisitigut inuk pineqartoq ukiut 4-t sioqqullugit pinerluttulerinermi inatsisini aalajangiiffigineqarsimassammat suliniutigineqarsimaneranik sakkortuumik suliffimmi sillimaniarnermi inatsisitigut unioqqutitsisutut. Nalilersuinermi suliffeqarfinnut tunngasumi - qanorluunniit ass.: suliffeqarfik piginneqatigiittut iluseqarpat imaluunniit suliffeqarfik inummit ataatsimit pigineqarpat. Siornatigut pinerluttulerinermut inatsisitigut sulianik pineqaatissiisoqartarpoq suliffimmi sillimaniarnermi inatsisinik unioqqutitsisoqartillugu , tassaapput pinerluttulerinermi inatsisitigut aalajangikkat inatsisitigut ataatsimut tunngavilersuinikkut. Pinerluttulerinermi inatsisiniinnaq pineqaatissiineq pissaaq, ukiut 4-t iluini inaarneqarsimasussamik unioqqutitsisimanermi piffissaq sioqqullugu suliamut tunngasumut, siunniunneqarluni pineqaatissiinissamik, tapiutigineqarsinnaavoq uteqqiineramik ingerlanneqarnera. Akiligassiissutip qaffannissaa 20.000 kr.-nik siunniunneqassaaq.

Sulisitsisunut siunniunneqassaaq inatsimmik siunnersuut malillugu, akiliisitsineq aammaartumik 10.000 kr.-nik qaffanneqartassaaq, sulisitsisumut ukiut 4-t iluini piffissami siornatigut pinerluttulerinermut inatsisitigut aalajangiinikkut pineqaatissiinerit arlaleriarluni suliffimmi sillimaniarnermi inatsisitigut sakkortuumik unioqqutitsisimappat.

Isumaqqarpoq, siornatigut pinerluttulerinermi inatsisitigut ataasiarluni pineqaatissinneqarsimasumut, akiligassitsinnerinnaq 20.000 kr.-nik qaffanneqassammat.

Siornatigut marloriarluni pinerluttulerinermi inatsisitigut pineqaatissinneqarneq, tamakkerlugu 30.000 kr.-nik akiligassitsinneq qaffanneqassaaq.

Siornatigut pingasoriarluni pinerluttulerinermi inatsisinik pineqaatissinneqarneq, tamakkerlugu 40.000 kr.-nik akiligassitsinneq qaffanneqassaaq.

Siornatigut pingasoriarluni pinerluttulerinermi inatsisinik pineqaatissinneqarneq, tamakkerlugu 50.000 kr.-nik akiligassitsinneq qaffanneqassaaq.

Nutaamik unnerluussineqassaaq, tallimanik imaluunniit arlaleriarluni siornatigut pinerluttulerinermut inatsisitigut pineqaatissiineqareerni.

Inatsisit ataasiussusaat ima paasineqassaaq inatsisit ataasiussusaat inatsimmi soorlu nassuiarneqarnera Det Centrale Virksomhedsregister (CVR) Qitiusumik Suliffeqarfinnik Allattorsimaffik (QSA).

Utikattumik kinguneqartitsinerup sakkortuunik unioqqutitsinerni atorneqartussatut tulluarpoq

suliffinni sillimaniarnermi inatsit, ima paasillugu, suliani aallartinneqartuni toqqaannartumik pinerluttulerinermi inatsisitigut pineqaatissiinerit sioqqutsisumik peqqussutitaqanngitsumik. Pinerluttulerinermi inatsisitigut pineqaatissiineri sammisat ilisarnartut sakkortuumik unioqqutitsineri assersuutitut makkuugajupput

- nakkarnissamik ulorianartorsiorneq, nakkaattoornissamik ulorianartorsiorneq
- amigartumik qerattarsaasiineq beton-inik toqqaviliornerni sanaartukkani,
- nunamik assaanermi nakkaattoorneq aammalu nunamik aserortumik nakkaattoorneq
- aatsitassanik ulorianartunik suliaqarneq aammalu atortunik sillimaniarnermut suliniutigineqarfigineqanngitsuni
- Teknikkikkut ikiorsiissutinik ulorianartunik suliaqarneq, piffinni suliniutigineqarsimanngitsuni kiggittoqarnissaanik ulorianartorsiorneri
- maskiinanik aalasunik attuineri imaluunniit pisut ulorianartut allat attornerini, teknikikkut ikiorsiissutigut aserornerisigut suliarineqarsimagaluartuni, sillimaniarnikkut atortuinik ingerlasinnaajunnaarsimanerisigut
- illersorneqarsinnaangitsumik qaleriiaarineq/ilioraaneq nakkaannissamik navianaatilik
- illersorneqarsinnaanngitsumik inummiit kivitsineq,
- seerisoqarnissaanik ulorianartorsiorneq, ikuallanneq, ipineq, toqunartortalimmik sunniiffigitinneq aamma qaartoorneq kiisalu
- inuusuttut unioqqutitsisumik suliaat.

Unioqqutitsinerit sakkortuut ilisarnaatigaat malittarisassanik unioqqutitsinerit § 32, imm. 1-miittoq, suliamik suliaqarnermi, § 34, imm. 1-mi, suliffeqarfiup inissitsiternerani § 36, imm. 1-mi, teknikikkut ikiorsiissutinik il.il. § 38, imm. 1-mi, aatsitassanut atortunullu tunngasut, imaluunniit kap. 9 inuusuttut suliaat. Unioqqutitsineri tassani saqqumilaartutut eqqartuussineruvoq naatsorsuutaalluni sakkortuumik unioqqutitsinertuulli. Iliuutsip ingerlanneqarnera siunnersuutigineqartoq aalajangersagaq malillugu immikkut isigineqartutut pinngitsoornani sakkortuumik pineq atorsinnaanngilaq amigartumik unnerluummut atsiukkamut naammassiisoqarsimappat. Aalajangiineq pinerluttulerinermi inatsisitigut pineqaatissiineri

uninngatikallarneqarnera ingerlaannassaaq eqqartuussiviit erseqqissakkamik naliliinera malillugu pisuni ataasiakkaani suliani suliarinngitsoorneqarsinnaanngitsuni, akiliisitaanerullu annertussusaata nalunaarutigineqarnerani aalajangiussap avaqqunneqarsinnaanera qummut ammulu sammiveqarsinnaanera, imaattoqarpat eqqoqqissaartumik suliami allanik sakkortuumik pinngitsoorneqarsinnaanngitsunik pisuni inatsimmiittumut naleqqiullugu imaluunniit pisarialimmik sakkukillisaaffigisani, tak. takuneqarsinnaasoq inatsisini nalinginnaasuni naatsorsuineramik toqqaaneq pineqaatissiiinerni pinerluttulerinermi inatsisit kapitaliani 24-mi.

Naatsorsuutigineqassaaq akiliisitsissut pisunut immikkoortunut sakkortuumik pisoqarnerni , tak. siunnersuutigineqartumi § 65, imm. 5 -mi, 20.000 kr.-iusoq immikkut sakkortuumik pisoqarnerani pisimasuni tamarmik immikkut akiliisitsinerit 20.000 kr.-iussasut.

Ilanngullugu innersuutigineqarpoq imm. 2.7 inatsisissani siunnersuutip nalinginnaasumik oqaaseqarfigineqarnera.

Nr. 73 (§ 66, imm. 1,1. imm.)

§ 66, imm. 1, malillugu, unioqqutitsinerit inatsisini aalajangersakkamiittut malillugit sulisitsisoq akiligassinneqarnermut akisussaasutut piumaffigineqassaaq, imaakkaluarpalluunniit unioqqutitsineri sulisitsisumit piaaraluni imaluunniit mianersuaalliornikkut pisimasutut isigineqarnissaa naatsorsuutigineqassanngilaq.

Inatsisisatut siunnersuut malillugu allanngortinneqarnissaanik siunnersuutigineqarpoq "sulisitsisoq" uunga "sulisitsisuusoq" suliffimmik isumannaallisaanerup inatsisaani § 66, imm. 1-mi. Oqaatsitigut taamaallaat allannguineqarpoq inatsisit oqaasiliornersigut, siunertaalluni periarfissaq oqaaseqaatinik tunniussineri akiliisitsinerit qaffasissusaanik atortutigullu unioqqutitsinerni sinaakkusersuinerit, suliffinni sillimaniarnermut inatsimmut.

Allannguut atorlugu naatsorsuutaavoq, akiliisitsineri tunngaviusoq atortunik unioqqutitsinernut aalajangersagaq malillugu qaffatsinneqassaaq.

Isumaqarpoq, naatsorsuutigineqassasoq sulisitsisunut akiliisitsissutip tunngaviata qaffasissusaanik qaffaaneqassasoq 20.000 kr.-niit 24.000 kr.-nut aammalu 40.600 kr.-niit 44.600 kr.-nut.

Unioqqutitsinerup sakkortussusaata tunngaveqarneranik atuutiinnassaaq, naatsorsuutigineqarluni akiliisitsinermi aalajangiussaq 24.600 kr. -iussasoq imaluunniit 44.600 kr. § 66, imm. 1 malillugu.

Akiliisitsissutip tunngavianik atuinermi 24.600 kr.-ni ilimagineqartup ilagaa suliffinnik sillimaniarnermi inatsisinik unioqqutitsinerit tamakkua kingunerisaraat toqqaannartumik sillimaniarnermut peqqinnissamullu nalorninartorsiortitsisuusut. Assigiinnaraa unioqqutitsinerup suussusai, ullumikkut atuuttumi akiliisitaanerup tunngavimmik 20.000 kr.-iusoq. Assersuutitut allaaserineqarnerinut innersuunneqarpoq. Inatsisit atuuttut immikkoortumi 2.7.1.1.

Tunngavittut akiliisitsissut 44.600 kr.-iusoq atuutsitsinermi naatsorsuutigineqartup ilagaa sulinermi isumannaallisaanermi inatsimmik unioqqutitsineri, ima sakkortussusilinni, inuunermik ulorianartorsiortitsinerit imaluunniit peqqinnissamut imaluunniit nalinginnaasumik aqqunarnerit annertunerupput atortunik nalinginnaasunik unioqqutitsineriniit. Assigiinnarpaa unioqqutitsinerit suussusai, ullumikkut akiliisitsinerup tunngavittut annertussusaa 40.000 kr.-iusoq. Inatsisini atuuttuni immikkoortoq 2.7.1.1.-mi allaatigineranut innersuunneqarpoq.

Inatsisissatut siunnersuummi allannguuteqarnissaanut tunngasoq § 66, imm. 1-mi. Siunertaavoq allannguut akiliisitsissutip qaffasissusaanik sakkunik unioqqutitsinerit pillugit imm. 1 malillugu. Allannguuteqarnissaanik siunertaanngilaq aalajangersakkap atuuffiani.

Sulisitsisup unioqqutitsinerinut sulinermut tunngasunik akiliisitsissutip tunngavia allannguuteqassanngitsoq naatsorsuutigineqassaaq, tassa 10.000 kr.-iussapput.

Pinerluttulerinermi inatsisitigut pineqaatissiinerup nanginnerani uninngatikkallarneqaannarallassaaq eqqartuussisut eqqortumik naliliinissaat pillugu pisuni ataasiakkaani sullivan tamani pisuni, tak. tassani nalinginnaasumik aalajangersakkani pineqaatissiinernut tunngasut pinerluttulerinermi inatsisini kapitali 24-mi pineqaatissiinernut naliliinissamut naatsorsuineq .

Ilanngullugu innersuutigineqarpoq oqaaseqaatsinut nalinginnaasunut, imm. 2.7.-mut

Nr. 74 (§ 66, imm. 1, 3. naggat)

§ 66, imm. 1-mi atuuttumi takuneqarsinnaavoq, § 91, imm. 4-ap, Kalaallit Nunaani

pinerluttulerinermi inatsimmi akiliisitaanermut akisussaaffimmik atuutsitsinissamik § 66, imm. 1 malillugu.

Innersuussutip § 91, imm. 4-miittup allanngortinneqassasoq imaalillugu § 128, imm. 4-mut , tak. Kalaallit Nunaani aalajangersakkani atuuttoq pinerluttulerinermi inatsit.

§ 128, imm. 4 malillugu Kalaallit Nunaani pinerluttulerinermi inatsimmi atuuttumi, akiliisitsineq pisinnaanngippat isumaqarfigineqassaaq, eqqartuunneqartoq akiliinissamut akerliuppat, eqqartuussiviup suliani taamaattuni tamanut ammasumik unnerluussut saqqummiutissavaa, politiiniit aalajangiinerup kinguneranik noqqaassutigineqarpat, eqqartuunneqartoq isertitsivimmut inissinneqarnissaanik piffissaliineqarsimanerup sivilissusaa malillugu.

Nr. 75 (§ 67, imm. 1, 3. naggat)

§ 67, imm. 1-mi atuuttumi takuneqarsinnaavoq § 91, imm. 4 Kalaallit nunaani pinerluttulerinermi inatsimmi akiliisitaanermut akisussaaffiliineq atorneqassanngitsoq § 67, imm. 1 malillugu.

Innersuussut § 91, imm. 4 -miittoq allanngortinneqassaaq imaalillugu § 128, imm. 4, tak. aalajangersagaq atuuttoq Kalaallit Nunaanni pinerluttulerinermi inatsit.

§ 128, imm. 4 -p malitsigaa Kalaallit Nunaanut pinerluttulerinermi inatsisip atuuttup, pisinnaatippaa akiliisitsineq pisinnaanngippat, taava ima isumaqarpoq, eqqartuunneqartoq akiliisitsinermut akerliunerani, eqqartuussinerni suliani, tamanut ammasumik unnerluussinerussasoq, politiit aalajangernerata kingunerisaanik noqqaassutigineqarpat, eqqartuussaasoq isertitsivimmut inissinneqarnissaanik piffissaliussamik sivilissusiligaasumi.

Nr. 76 (§ 70)-mut

§ 70 -mi atuuttumi takuneqarsinnaavoq, Kalaallit Nunaata eqqartuussisuuneqarfimmi inatsisitigut suliat suliarineqassasut 1. oqartussaasoqarfittut.

Siunnersuutigineqarpoq § 70 allanngortinneqarnissaanik, imaalillugu Kalaallit Nunaani Eqqartuussisuuneqarfiup sulinermi isumannaallisaanermi suliani suliarineqassasoq 1. oqartussaasoqarfittut, tak. inatsit Kalaallit Nunaanni inatsisitigut eqqartuussisaatsit § 57, tak. § 749. Kalaallit Nunaata eqqartuussisuuneqarfiata assigiinnarpaa qallunaat illoqarfimmi eqqartuussisui. Danmarkimi sulinermi sillimaniarnermut sulianut tunngasut aamma suliarineqartarput illoqarfimmi eqqartuussinermi 1. oqartussaassuseqarfittut. Suleriaaseq massakkut atuuttoq allannguuteqassanngilaq, suliani Kalaallit Nunaani eqqartuussiveqarfimmi suliarineqareersimasuni.

Ilanngullugu innersuutigineqassaaq oqaaseqaatinut nalinginnaasunut, imm. 2.8.7.-mut

§ 2-mut

Siunnersuutigineqarpoq, inatsit 1. januar 2023 - mi atuutilersinneqassasoq

Ilanngussaq 1

Inatsisissatut siunnersuutip katiterneqarnerani inatsimmi atuuttumi

<i>Oqaasiliorneq atuuttoq</i>	<i>Inatsisissamik siunnersuut</i>
	§ 1 Inatsimmi suliffimmi Kalaallit Nunaanni suliffimmi isumannaallisaanikkut pissutsini

	tak. inatsisitigut nalunaarummi atuuttumi nr. 1048 26.oktober 2005-meersumi, allannguuteqartumi inatsimmi nr. 1382 23. december 2012-meersumi aamma inatsimmi nr. 461, 15. maj 2017-meersumi, ataani allanngortinneqartussatut suliarineqassapput:
	1. Inatsisini tamani allanngortissaaq "sillimaniarnermi suliat" uunga: " "sillimaniarnermi- aamma peqqinnissamik suliat" uunga: "sillimaniarnerup peqqinnissallu suleqatigiissutigineqarneri".
	2. Inatsisini tamani allanngortinneqassaaq "sillimaniarnermi sulinarneq" uunga: "sillimaniarnermik suliniuteqarneq" uunga: "suliffimmi sillimaniarnermi suliniaqatigiiffik".
	3. Inatsisini tamani allanngortinneqassaaq "sillimaniarnermi ataatsimiittaliaq" uunga: "suliffimmi sillimaniarnermi ataatsimiittaliaq".

§ 1. Inatsimmi pilersinniarneqarput 1) sullivik toqqissisimanartoq peqqissorlu, sukkulluunniit teknikkikkut inuillu akunneranni ineriartornermut naapertuuttoq inuiaqatigiinni kalaallini, aamma 2) ---	4. § 1, imm. 1, nr. 1-mi, ikkunneqassaaq una malillugu "peqqinneq": timikkut tarnikkullu"
§ 2. Inatsisip ilagaa Kalaallit Nunaanni sulisitsisumut. <i>Imm. 2. mininneqartoq tassaavoq</i> 1) Sulineq sulisitsisup nammineq angerlarsimaffimmini angerlarsimaffimmi aningaasartuutiniq suliaqarneq, tak. §45 d, 2) sulineq, sulisitsisup ilaqutaaniit suliarineqartoq, angerlarsimaffiannut tunngasut, tak. § 45 d, 3) --- <i>imm. 3. Aalajangersakkat tullinnguuttut imaraat aamma sulineq, sulisitsisumiit suliarineqanngitsoq, imm. 2-mi</i>	5. § 2, imm. 1-mut, ikkunneqassaaq "sulineq": "aammassineqartussaq", malillugulu "sulisitsisoq" ikkunneqassaaq: "tak. imm. 2 aamma 3." 6. § 2, imm. 2, nr. 1 aamma 2, allanngortinneqassaaq: ",tak. § 45 d" uunga: "killilersuuutini, § 45 d malillugu, inuusuttut 18-t inorlugit ukiulinnut." 7. § 2, imm. 3-mi, allanngortinneqassaaq "Aalajangersakkat makkuusut pineqarnerini sulineq aamma ilaavoq, sulisitsisumiit suliarineqanngitsoq, kiisalu suliaq, imm. 2-mi taaneqartoq: "Suliamik sulisitsisumiit

taaneqartoq: 1) § 15 sulisitsisut arlallit sulinermut aamma tunngavoq, sulisitsisumiit suliarineqanngitsut, imm. 2-mi taaneqartut: 1) § 15 sulisitsisut arlalinnut tunngavoq il.il. suliffimmi tassani, §§ 24-30 tunisisartunut il.il. aamma § 31 sanaartortunut il.il., 2-3)--- 4) § § 38 aamma 39 akuutissanut atortunullu tunngasut imaritinneqarpoq, 5-6)--- <i>imm. 4,---</i> 1) § 15 Sulisitsisut arlallit pineqarneri il.il. suliffeqarfimmi pineqartumi ataatsimi § § 24-30 pisiortorfigisartakkanut	suliarineqanngitsumik aammalu suliamit sulisitsisumut suliarineqartumik imm. 2-mi taaneqartumi, aalajangersakkanili atuuttumi". 8. § 2, imm. 3, nr. 1-mi, ikkunneqassaaq "suliffeqarfik, ": "§ 15 a sulisitsisup peqataanerani sillimmasersaaneq, sanaartortunit pilersaarusiorneq, killiliineq, aamma ataqatigiissaarineq siunertaq una malillugu, ",aamma <i>nr. 4</i>, allanngortinneqassaaq "aamma 39" imaalillugu: ", 39 a aamma 39 b". 9. § 2 ikkunneqassaaq imm.3 -p kingunerisaanik immikkoortoq nutaatut: "Piumassutsimik sulineq, ima isikkulimmik sunngiffimmi sammisatut, ilanngunneqanngilaq § § 4-10 -miit suleqatigiinnermut tunngasoq sillimaniarneq peqqinnissaa kiisalu suliffimmi sillimaniarnermi suliniaqatigiiffik
--	---

tunngasoq il.il. aamma § 31 sanaartortut pillugit il.il. , 2-3) --- 4) §§ 38 og 39 om stoffer og materialer, 5-6) --- <i>Stk. 4. ---</i>	aammalu § 11 a suliffeqarfimmik nalilersuineq."-mut tunngassutilinni, Imm. 4 matumuuna imm. 5-nngussaaq .
	10. Kingorna § 2 ikkunneqassaaq: »§ 2 a. Beskæftigelsesminister-i p malittarisassanik atuutsitsilersinnaavoq, pineqartuni, aalajangersakkami ataatsimi arlalinniluunniit kapitali 2-4 aamma 12-14-miittumi naleqqussarnerit pisariaqartut aamma atuutissammata sulianermi sulisitsisumut, nalorninartoqarpat suliffimmut tunngassuteqartunik nukersorfigitinnissamut timikkut tarnikkullu suliffiup avataani pisuni. <i>Imm. 2.</i> Beskæftigelsesminister- ip malittarisassanik atuutsitsilersinnaanera sulisitsisup pisussaaffiani sinaakkutassanik atuutsitsilersinnaaneranik ilitersuutinillu sulisunut pisuni imaattuni imm. 1 aamma sulisut ikiorsiinermik

	neqeroorfigisinnaanerinik politiinut tunniussinermi suliffimmut tunngasunik nukersortoqarnerani suliffiup avataatigut pisuni.
Kapitali 2 - Suliffeqarfiit isumannaallisaanermut- aamma peqqinnissamut	11. <i>Qulequtaq</i> kapitali 2-mut imaalineqassaaq: "<i>sillimaniarneq peqqinnissarlu suleqatigiissutigineqassapput</i>".
§ 3 a. ---	12. § 3 a malillugu ikkunneqassaaq: "<i>suleqatigiinneq</i>" § 3 b. Sillimaniarnermut peqqinnissamullu suliniaatit suliffeqarfigisami isumagineqassapput suleqatigiinnikkut sulisitsisumit sulisunilu aqutsisumit sulisullu sinnerinit"
<i>Inuttut</i> § 4. Suliffeqarfiit 1-9-nik sulisoqartut suliffeqarfiup isumannaallisaanermut peqqinnissamullu suliniutaat	13. <i>Qulequttap</i> § 4 sioqqullugu ima ikkunneqassaaq: »<i>Suliffimmi sillimaniarnermut suliniarneq</i>"

naammassineqassaaq inuit akunnerminni attaveqatigiinnerat atorlugu suliarineqassaaq sulisitsisup, sulisunillu aqutsisut akunnerminni, tak. § 18, sulisullu sinneriniit. Beskæftigelsesminister- ili malittarisassanik tunniussaqaarsinnaavoq malittarisassat sannaanik isumannaallisaanermut suliniutinut tunngasunik, immikkut piumasaqaataammata.	14. § 4 imaalissaaq: »§ 4. Suliffeqarfik 1-9 -nik sulisulik sillimaniarneq peqqinnissarlu suleqatigiissutigissavaat ingerlaavartumik ingerlanneqartumi toqqaannartumik attaveqatigiinneq atorlugu sulisitsisup, sulisut sulisunillu aqutsisup akornerminni . Beskæftigelsesminister-i malittarisassanik atuutsitsilersinnaavoq malittarisassat sanaartornermut tunngasut suliffimmik isumannaallisaanermut suliniutinut tunngasut suliffinni tamalaani imaluunniit suliffeqarfinni nalinginnaasuni."
§ 5. Suliffeqarfinni, 10-nik sulisulimmi imaluunniit taakkuninnga amerlanernik, suliffeqarfiup isumannaallisaaneq peqqinnissamullu tunngasut suliniutigissallugit pisussaaffigaa. <i>Imm. 2.</i> Immikkoortortami imaluunniit suliffeqarfimmi sulisitsisoq pisussaavoq isumannaallisaanermi sinniisut	15. § 5, imm. 1, imaalissaaq: »Sulifeqarfik 10-34-nik sulisulik sillimaniarneq peqqinnissarlu suleqatigiinnikkut suliniarfigissavaat suliffimmi sillimaniarnermi suliniaqatigiit inuttaqassapput ataaseq imaluunniit sulisunut aqutsisut arlallit aamma ataaseq imaluunniit toqqakkat arlallit suliffimmi sillimaniarnermi sinniisut

peqatigalugit eqimattamik pilersitsissalluni isumannaallisaanermut, immikkoortortamut pineqartumut imaluunniit suliffigisamut pineqartumut atuuttussamik. <i>Imm. 3.</i> Sulisut toqqaassapput isumannaallisaanermut sinniisissamik immikkoortortani tamani imaluunniit suliffigisami isumannaallisaanermut eqimattamut ilannguttussamik saqqummiussillunilu apeqqutitut suliffimmi isumannaallisaanermut peqqinnissamullu tunngasunik . Tatigisatut sinniisitut toqqarneqartoq toqqarneqarsinnaavoq isumannaallisaanermut sinniisitut.	sulisitsisoq peqatigalugu imaluunniit taassuma sinniisaa siulittaasutut. Suliffimmi sillimaniarnermi suliniutip ulluinnarni suliat qulequtaasullu sillimaniarnermi peqqinnissamullu tunngassuteqartut isumagisassarai." 16. § 5, imm. 2, aamma imm. 3, atorunaassaaq.
§ 6. Suliffeqarfinni 20-nik sulisulimmi imaluunniit amerlanerni, tak. § 7, imm. 7, isumannaallisaanermi ataatsimiittaliamik pilersitsissapput. Suliffeqarfinni ataatsimik marlunnilluunniit isumannaallisaanermi eqimattamik qinersisoqareersimappat tassaavoq isumannaallisaanermi eqimattap	17. § 6, imm. 1, atorunnaassaaq: " Suliffeqarfinni 35-nik imaluunniit sulisunit arlaqartunit suliffigineqartumi suliffimmik sillimaniarnermi suliniuteqarneq qaffasissutsini makkunani: 1. Eqimattaq ataaseq arlallilluunniit ulluinnarni sulianut sillimaniarnermut peqqinnissamullu

imaluunniit eqimattami ilaasortat suliffeqarfiullu aqutsisua imaluunniit sinniisutut akisussaasoq isumannaallisaanermik ataatsimiittaliامي pineqartumi. Isumannaallisaanermi eqimattanik arlalinnik pilersitsisoqarsimappat, isumannaallisaanermi sinniisut akunnerminni toqqaassapput ilaasortanik 2-nik aamma sulinermi aqutsisuni isumannaallisaanermi eqimattaniit ilaasortanik 2-nik akunnerminni ilaasortassanik, suliffeqarfimi aqutsisoq imaluunniit sinniisutut akisussaasoq tassunga atuutsinneqalersinnaalluni. Isumannaallisaanermi ataatsimiittaliap pilersaarusiussavaa, aqutsiffigalugu, siunnersuiffigalugu aammalu paasissutissiiiffigalugu kiisalu nakkutilliiffigalugu isumannaallisaanermut- peqqinnissamullu tunngasunik suliani suliffeqarfiup iluani. <i>Imm. 2. Sulinermi nakkutilliisup</i>	tunngassuteqartuni. Eqimattaq ataaseq toqqakkamik sulisuni aqutsisuussaaq aamma suliffimmi sillimaniarnermi aallartitaq toqqagaq ataaseq. 2. Toqqakkap ataatsip imaluunniit toqqakkat arlallit isumagissavaat suliat sillimaniarnermut peqqinnissamullu tunngassuteqartut. Suliffeqarfimmi ataatsimik marlunnilluunniit eqimattanik pilersitsisoqarnerani suliffimmi sillimaniarnermi suliniutini aallartitat akunnerminni marlunnik ilaasortalimmi aammalu eqimattami sulisuni aqutsisuniit akunnerminni ataatsimiitsitaliamut ilaasortanik marlunnik toqqaassapput. ataatsimiitsitaliami siulersuisoqatigiit sulisitsisumiit imaluunniit sinniisaaniit isumagineqassaaq. 18. § 6, imm.2-mi marlunni § 16, imm. 1, amma § 16, imm. 2, allanngortinneqassaaq "sillimaniarnermi aallartitat" imaalillugu: "suliffimmi sillimaniarnermi sinniisut".
---	--

Suliffeqarfik Sulinermi nakkutilliisoqarfimmiit pulaartoqarnermi akulikitaumik attaviginninneq pisassaaq suliffeqarfiup sulisitsisuni aqutsisuanut tassanilu isumannaallisaanermi sinniisuinut, isumannaallisaanermilu sinniisuinut, isumannaallisaanermi eqimattanut amma isumannaallisaanermi ataatsimiittaliat sinniisuinut. Tamakkua kiffaanngissuseqarput apeqqutinik Sulinermut nakkutilliisoqarfimmut saqqummiussinissaminnik isumannaallisaanermut- peqqinnissamullu tunngasunik.	
	19. § 6 malillugu ikkunneqassaaq: »§ 6 a. Sulisitsisoq atuutsitsilissaaq sulisut sulisunillu aqutsisut suleqatiginerisigut suliffimmi sillimaniarnermi aallartitat sulisunillu aqutsisut amerlassusaat suliffimmi sillimaniarnermi suliniarnermi, pilersinneqartumi § 5 imaluunnit 6 malillugu, suliffeqarfik sulinermilu sillimaniarnermi pissutsit eqqarsaatigalugit.

	Malitsigisaanik amerlassusissaat aalajangiunneqassapput, imaalillugu sulisut sulinerup nalaani periarfissaqartitaassasut suliffimmi pissutsinik oqaloqatigiissuteqarsinnaallutik suliffimmi sillimaniarnermut aallartitamut aammalu sulisuni aqutsisumut suliffimmi sillimaniarnermi suliniummi sinniisumut. Minnerpaamik amerlassutsit amerlaqatigiisinneqassapput suliffimmi sillimaniarnermi sinniisuni taamatuttaaq sulisuni aqutsisuni suliffimmi sillimaniarnermi suliniartuniittuni. § 6 b. Ukiut tamaasa ukiumut tullissamut suleqatigiissutigineqassaaq sulisitsisumit, sulisunit, sulisunilu aqutsisunit suliassamut imarititassamik, sillimaniarnermut peqqinnissamullu tunngasunik aalajangiunneqarlunilu suliaq qanoq ingerlanneqassanerani. Suliffeqarfinni suliffimmik isumannaallisaanermik suleqatigiissitaqartumi pilersaarusiorneq pisarpoq suleqatigiinnerni taama ittuni.
--	--

	<i>Imm. 2.</i> Sulisitsisumit ukiut tamaasa sulisut sulisunilu aqutsisut oqaloqatigiissutigisassavaat , suliamut tunngasumik pisariaqartitamik ilisimasaqarnissamik suliffimmi ismannaallisaanermut tunngasumi suliffeqarfimmi peqarnerseq. <i>Imm. 3.</i> Beskæftigelsesminister-ip an malittarisassanik atuutsitsilersinnaanera sulisitsisup pisussaaffianik imm. 1-2 malillugu kiisalu tassannga naammassinniinermik uppernarsaasiorneq."
§ 7. Beskæftigelsesminister-i tassunga tunngasunik malittarisassanik pilersitsissaaq, suliffeqarfimmi sulinermi malittarisassanut sannai aammalu atuuffissai isumannaallisaanermut peqqinnissamullu, malittarisassani takuneqarsinnaasuni isumannaallisaanermi aqutsisunik toqqaanermik, pisinnaatitaaffini pisussaaffiinilu, isumannaallisaanermi eqimattanik pilersitsinermi aammalu	20. § 7, imm. 1, imaalissaaq: »§ 7. Beskæftigelsesminister-i malittarisassanik atuutsitsilersinnaavoq, qanoq suliffeqarfiup suliffimmi sillimaniarnermi suliniuteqartoqarnissaanut sananeqarnissaanik atuunnissaanillu, ilaasortat amerlassusissai suliffimmi sillimaniarnermi suliniarnerup iluani aalajangiunneqassaaq, suliffimmi sillimaniarnermi

isumannaallisanermi ataatsimiiittaliamik taakkualu suliarisassaannik kiisalu ulluinnarni isumannaallisaanermut sulianik aqutsinermi. <i>Imm. 2.</i> Beskæftigelsesminister-i taakkununga tunngasunik malittarisassanik atuutsitsilissaaq sulinermi isumannaallisaanermi ilinniakkamik, ataani takuneqarsinnaasumi sulinermi isumannaallisaanermut ilinniarnermut ataqatigiissaarinermut isumannaallisaanermut- peqqinnissamullu suliniutinut sanaartornermut- sanaartorfinnullu, ilinniartitsisuusut piginnaasai pitsaassusaallu ilinniarnermut atassuteqaataasut qulakkeeriner <i>Imm. 3.</i> --- <i>Imm. 4.</i> Suliffeqarfimmi isumannaallisaanerup- peqqinnissakkullu suliniutigineqarnerata nukittorsarnissaa pitsaassuseqarnissaalu	sinniisunik qinersineq aamma qinersineq toqqaanerlu sulisunik aqutsisussamik suliffimmi sillimaniarnermi suliniuteqartussamik ilanngullugu suliffimmi sillimaniarnermi suliniutillit suliasaannik, aammalu isinnaatitaaffinnut tunngsut aammalu ilaasortanut pisussaaffiit suliffimmi sillimaniarnermi suliniarnermut." 21. § 7, <i>imm.</i> 2, atorunnaarsinneqassaaq. <i>Imm.</i> 3-8 kingunerisatut atulissaaq <i>imm.</i> 2-7. 22. § 7, <i>imm.</i> 4, allanngortinneqassaaq »§ 5 aamma § 6, <i>imm.</i> 1, " uunga: "§ 5, § 6, <i>imm.</i> 1, § 6 a aamma § 6 b, <i>imm.</i> 1,". 23. § 7, <i>imm.</i> 7, ikkunneqassaaq imaalillugu: <i>imm.</i> 7. Beskæftigelsesminister-i
--	--

siunertaalluni § 5 aamma § 6. imm. 1, atorlugu pissutsit malillugit atuutsitaasuni beskæftigelsesminister-i atuukkunnaartitsisinnaavoq, imaattoqarnerani <i>Imm. 5. ---</i> <i>Imm. 6. ---</i> <i>Imm. 7.</i> Beskæftigelsesminister-i sulianut tunngasunik, sulianut tunngassuteqartunik imaluunniit suliffeqarfinni, nalilerneqartuni isumannaallisaanermut suliniummik pilersinnissamut piumasaqaatitaqanngisumi imaluunniit siunertaqanngitsuni isumannaallisaanermut suliniummik sanarfinissamik inatsisit malillugit § 5, § 6, imm. 1, aamma 8, imm. 3-mi, malittarisassani pinngitsoorneqarsinnaapput imaluunniit naleqqussarneqarsinneqarsinnaapput ut pissutsinut immikkut ittunut. <i>Imm. 8. ---</i>	pisinnaavoq sulinermi ilisimasamut, suliffinnut tunngasunut imaluunniit suliffeqarfinnut, ima isigineqartunut piumasaqarfigineqanngitsunut imaluunniit siunertaqanngitsumik suleqatigiinnikkut sillimaniarneq peqqinnissarlu pillugit suliaqarnermik ineriartortitsitsinissamik malittarisassat malillugit § 5, § 6, imm. 1, § 6 a, § 6 b, imm. 1 aamma § 8, imm. 3, malittarisassani taakkunani ilanngunneqannginngitsut imaluunniit naleqqussarsimanersut pissutsinut immikkut ittunut."
§ 8. ---	24. § 8, imm. 2, allanngortissaaq

<i>Imm. 2.</i> Sulisitsisup isumagissavaa, isumannaallisaanermi eqimattani suliniutillit aamma isumannaallisaanermi ataatsimiittaliaq pissutsit malillugit piffissamik naammattumik tunissallugit pisussaaffiinik suliniarnerannut tunngasumik.	imaalillugu: "Isumannaallisaanermi eqimattat aamma isumannaallisaanermi ataatsimiittaliaq" imaalillugu: "sullivimmi isumannaallisaanermi eqimattat aamma sullivimmi isumannaallisaanermi ataatsimiittaliaq", aamma "isumannaallisaanermi suliaq" imaalillugu: "sulinermi isumannaallisaanermi avatangiisini suliaq"
<i>Imm. 3.</i> Assigisaanik Sulisitsisup isumannaallisaanermi ataatsimiittaliامي ilaasortat assigisaanillu isumannaallisaanermi eqimattani suliniutillit periarfississallugit ilisimasassamut tassunga tunngasumut atorfissaqartitsineq malillugu imaluunniit ilinniagaqarfiginissaanut isumannaallisaanermut tunngasunik ilinniakkamik aqqutissiuutissallugit pilersaarusiornermi apeqqutini periarfississiinermik	25. § 8, <i>imm. 3</i>, imatut naleqqussassaq:: "sulisitsisup suliffimmi isumannaallisaanermi ataatsimiittaliaq assigisaanillu suliffimmi isumannaallisaanermi eqimattami ilaasortat periarfississavai imminerminut niuvernikkut iluaqutaasussamik ilisimasassaq pingaarutilik imaluunniit ilinniagaq sullivimmi isumannaallisaanermut unngasunut apeqqutit, tak. § 9 a, <i>imm. 1.</i>".
<i>Imm. 4.</i> Sulisitsisup isumannaallisaanermut suliaqartuni eqimattat isumannaallisaanermi suliniartut ataatsimiittaliaallu suliffeqarfimmi isumannaallisaanermut	

peqqinnissamullu tunngasunik <i>Imm. 5.</i> Suliffeqarfinni, § 5 malillugu, atuutsitaasuni sulinermi isumannaallisaanermi eqimattanik ataatsimik arlalinnilluunniit pilersitsiuffiusumi, kisiannili isumannaallisaanermi ataatsimiiittaliamik pilersitsisuuffiusussaangitsumi § 6 malillugu, sulisitsisumit isumagineqassaaq, suliarineqartut, isumannaallisaanermi ataatsimiittaliap ataaniittut, suleqatigiinnikkut sunniuteqarluartumik suliarineqarneri isumagineqassapput isumannaallisaanermi eqimattaq imaluunniit - eqimattat peqatigalugit.	26. § 8, <i>imm.</i> , 4, allanngortinneqassaaq »sulinermi isumannaallisaanermi eqimattat" aamma "isumannaallisaanermi peqqinnissamullu" imaalillugu: "sulinermi isumannaallisaaneq". 27. § 8, <i>imm. 5,</i> atorunnaassaaq, taarsiullugu ikkutissaaq: "imm. 5, Sulisitsisup sulinermi isumannaallisaanermi suliniarlutik ilaasortat periarfississavai suleqatigiinnerannik ataqatigiissaarisuulluni."
§ 9. Aningaasartuutitut tunngasut isumannaallisaanermi sinniisut suliaasaanni aammalu ajunngitsorsiasartai isumannaallisaanermilu sinniisup akissarsiamigut annaasai, ataani takuneqarsinnaasumi akiligassatigut akissarsiatigullu annaasat pisariaqartumik	28. § 9, <i>imm. 1.</i> -mi allanngussaaq "isumannaallisaanermi sinniisup" uunga: "sulinermi isumannaallisaanermi sinniisup", aamma "isumannaallisaanermi sinniisup" imaalillugu: "sulinermi isumannaallisaanermi sinniisoq§ aamma "isumannaallisaanermi pikkorissarnerit" imaalillugu:

pikkorissarnermi peqataanermi isumannaallisaanermi assigisaannilu pikkorissarnermi sulisitsisumiit isumagineqassapput. Assigisaanik atuuppoq sulinermi aqutsisup pisariaqartitamik sillimaniarnermut tunngasumik pikkorissarnermi assigisaanilu peqataanera suliassani aammalu ajunngitsorsiassani isumannaallisaanermi sinniisup akissarsiatigut annaasaani, takuneqarsinnaavoq aningaasartuutit aammalu akissarsiatigut annaasat peqquteqartumi pisarialimmik pikkorissarnermi peqataanermi isumannaallisaanermut pikkorissarnermi assigisaanilu. <i>Imm. 2-4. ---</i>	"sulinermi isumannaallisaanermi pikkorissarnerit".
	29. § 9 malillugu ikkutissaaq »§ 9 a. Sulisitsisup isumagissavaa sulinermi isumannaallisaanermik suliniaqatigiit ilaasortaasa pinngitsoornani ingerlatassatut sulinermi isumannaallisaanermi ilinniagaq ingerlassimaneranik. <i>Imm. 2.</i> Beskæftigelsesminister- i tassunga malittarisassat

	atuutsitsilersinnaavoq; imarissassanik, ilanngunnissamik nalunaarneq, neqeroorut aammalu pinngitsoorani ingerlatassamut ilinniakkamut sulinermi isumannaallisaanermut ilinniarneq, tassunga naammassinninneq, sulinermi isumannaallisaanermi ilinniagaq immikkuullarissaq sulinermi isumannaallisaanermi ilinniakkamut ataqatigiissarisut sillimaniarnermut- aamma peqinnissamut tunngasunut sanaartornermi sanaartorfimmilu, ilinniartitsisuusut piginnaasaat kiisalu akuerisaaneq pitsaassutsimut sillimmat attaveqaatinut tassunga ilinniakkamut sulinermi isumannaallisaanermi ilinniakkamut aammalu immikkut ittumut sulinermi isumannaallisaanermi ilinniakkap ataqatigiissarisui."
§ 10. Beskæftigelsesminister-i malittarisassanik atuutsitsilersinnaavoq, malittarisassat suliffeqarfiit suliamut ilisimasalimmik isumannaallisaanermut suliamut	30. § 10 ima oqaasertalerneqassaaq: »Sulisitsisup ilisimasassamik taassuminnga pingaarutilimmik nammineerluni peqanngippat isumagissallugu suliffeqarfimmi

ikiortissarsiornernermut siunnersorneqarnissamullu, eqqarsaataalluni sulisumut isumannaallisaaneq peqqinnissamulluunniit tunngasunik pissutilimmik.	sillimaniarnikkut- aammalu peqqinnissamut tunngassuteqartunik sulianut, sulisitsisup avataniit pissarsiarissavai ilisimasalimmik ikiuuttussamik siunertarlugu qulakkeerniarlugu, sulisut suliffimmi isumannaallisaanikkut aammaartumik illersorneqarsinnaaqqullugu. Beskæftigelsesminister-i tamatumunnga malittarisassanik atuutsitsilersinnaavoq."
§ 11 a. [... .] Suliffeqarfimmik naliliineq suliffeqarfimmi takussaasuussaaq suliffeqarfimmilu aqutsisunit, sulisunit aamma Sulinermi nakkutilliisuniit takuneqariaannaalluni inissisimassalluni . [... .] <i>Imm. 2.</i> Suliffeqarfimmik naliliineq imaqassaaq suliffeqarfiup isumannaallisaanermi ajornartorsiutaanut isummerfiginninneq, qanorlu taakkuninnga iluarsiiffigineqarnissaannik. [... .]	31. § 11 a, imm. 1, 2. pkt., ikkunneqassaaq "Sullivinni nakkutilliisoqarfik", sullivimmik naliliisartutut nakkutilliisut." 32. §11 a, imm. 2, 1. pkt., ikkunneqassaaq "qanoq naammassineqassanersoq";, qimerluuinerup nalaani, pinaveersaartitsinermut tunngavinnut, suliffimmi isumannaallisaanerup inatsiseqaataani" nalunaarutigineqartumi

<i>Imm. 3-4. ---</i>	
§ 15. ---	33. § 15 ikkunneqassaaq5 a: »§ 15 a. Sulisitsisut suliamik silami suliaqartitsisut, peqataassapput qulakkiissallugu, sanaartortup pilersaarusiornera, killiliineq aammalu ataqatigiissaarineq suliaqartut sillimaniarnikkut navianartorsiunnginnissaat kiisalu peqqinnissaq siuarsarniarlugu. Sulisitsisut eqqarsaatigissavaat sanaartortut ataqatigiissaarisuiniit tassunga innersuutaat. <i>Imm. 2.</i> Beskæftigelsesminister-i tassunga tunngasunik malittarisassanik atuutsitsilersinnaavoq sulisitsisup pisusaaffia malillugu imm. 1."
§ 16. Sulisitsisoq pisussaavoq sulisuni isumannaallisaanermi sinniisut aammalu sulisunut sinniisut pineqartut sumiiffiata iluani naalakkiutinik ilisimatitsinissamik, Suliffinnik nakkutilliisoqarfiup imaluunniit § 57-mi taaneqartumi pisinnaatitsineq imaluunniit	34. § 16, imm. 1, allanngussaq "naalakkiutaasut" imaalillugu: "aalajangiussat naalakkiutaasullu" aamma "naalakkiut" allannguuteqassaaq uunga: "aalajangiussaq imaluunniit naalakkiutip". takuuk aamma nr. 18.

suliffeqarfiup allassimasutigut pisinnaatitsinera. Assinganik pisinnaatitaaffik sulisitsisumiippoq isumannaallisaanermi sinniisunut aammalu sulisut sinniisaannut, noqqaassummik nalunaarummut naalakkiummik ilisimatitsinermik. <i>Imm. 2.</i> Suliffeqarfik isumannaallisaanermut sinniisoqaranilu sulisunut sinniisoqanngippat, sulisunut paasititsissutigineqassaaq nalunaarummik naalakkiummik, imm.1,1, malillugu.	35. § 16, imm. 2, allanngussaaq "naalakkiut" imaalillugu: "aalajangiussat naalakkiussarlu". Takuuk aamma nr. 18.
§ 17. Suliffinnik nakkutilliisoqarfiup piumasaqaatigippagu, imaluunniit pissutsit takutitsippata tassunga tunngasumut, sulisitsisoq misissuinerik suliaqassaaq, misiligutininik tigusinerit imaluunniit misissuinerit, immaqalu immikkut ilisimasalimmik, paasiniaasussamik suliffeqarfimmi pissutsit isumannaallisaanermut- peqqinnissamullu tunngasunik tamakkiisumik. illersorneqarsinnaanersoq.	36. § 17 ikkunneqassaaq 2. naggat: "Sullivinnik nakkutilliisoqarfiup naalakkiutigisinnaavaa, misissugarineqartup piaartumik naammassinissaa imaluunniit piffissarititaasup naannginnerani."

§ 17 b. Inatsisit aalajangersagaanni sulisitsisup pisussaaffiini atuupportaaq, aqutsisoq imaluunniit suliffeqarfimmut aqutsisoqataasoq.	37. § 17 b atuukkunnaassaaq, taarsiullugu ikkunneqassaaq: »§ 17 b. Beskæftigelsesminister- i inatsisinik atuutsitsilersinnaavoq, sulisitsisup pisussaaffigisaanik suliffeqarfimmi napparsimalluni peqanngittarnerup suliffeqarfiup suliassaa ilanngunneqassammat sillimaniarnermut peqqinnissamullu tunngasunut, siunertaalluni suliffeqarfimmi napparsimalluni peqannginnerup annikillinissaa."
	38. § 17 b. malillugu ikkunneqassaaq: »suliffeqarfimmi aqutsisut il.il. § 17 c. Inatsisip aalajangersagaani sulisitsisup pisussaaffii, aamma atuuppoq, aqutsisutut imaluunniit suliffeqarfiup aqutsisuinut ilaasoq."
§ 21 --- Imm. 2. Sulisut kukkunernik amigaatinillu paasisaqarnerinni, isumannaallisaanermut	39. § 21, stk. 2-mi allanngortinneqassaaq "isumannaallisaanermi eqimattaq" imaalillugu: "sulisut

peqqinnissamulluunniit millisaataasinnaasunik, namminneerlutillu aaqqiivigisinnaanngisaminnik, isumannaallisaanermi isumaginnittunut eqimattami ilaasortat ilaannut imaluunniit sulisuni aqutsisumut sulisitsisumulluunniit nalunaarutigineqassaaq. <i>Imm. 3. ---</i>	sillimaniarnermi eqimattaat".
§ 28. Malittarisassat §§ 24, 25, 27 og 29, imm. 2 malillugu, aamma pisiortorfimmut il.il. akuutissanut atortunullu isumannaallisaanikkut peqqinnissakkullu ulorianaatilinnut.	40. § 28-mi ikkunneqassaaq "uunga ulorianartuuvoq": "imaluunniit annikippallaarpoq".
• § 33. Beskæftigelsesminist er-i tassunga tunngasunik malittarisassanik piumasaqaatinut naammassinniissutaasussan ut atuutsitsilersinnaavoq, sulineq tamakkiisumik isumannaatsuunissaanik pilarsaarusiugaanissaanik, piareersakkamik naammassinninnermillu.	41. § 33, imm. 1, nr. 2 -mi ikkunneqassaaq "sullisit": takuneqarsinnaavoq kia tassunga akiligassat isumagissanerai,". 42. § 33, stk. 1, nr. 3-mi , atorunnaassaaq "ilanngullugu", aamma nr. 3 nutaatut ikkunneqassapput: "4) ikioqqaarnermut tunngasut 5) inuit timimikkut amigaatillit

Takuneqarsinnasumi--- • Inummut tunngasunik illersuutitigut atisallu immikkut ittut sulinermi atisatigut • suliffimmi sulisumut kinguneqarsinnaasumi ajutoornikkut ulorianartorsiortitsisumik imaluunniit, napparsimalernermik takuneqarsinnaasumi qaartiiterinermik suliaqarnermi, inunnik qaartitsisinnaanermut uppersaammik pigisalinnik, ilinniarsimaneranik takutitsisumik imaluunniit misilitsinnikkut taamaallaat suliat taamaattut suliareqqusaapput, kiisalu --- <i>Imm.2. ---</i>	imaluunniit anersaakkut arlaatigut amigaatillit nappaatillilluunniit saminerinni, ajutoornissamik ulorianartorsiormilluunniit nassataqarsinnaanerini annertusiissutaasinnaasut soorlu ajutoornerit imaluunniit suliat arlaatigut napparsimalersitsisumik, 6) isertarfinni killilersuutit sulisut kisimiitillugit sulinerinni ilanngullugu" Nr. 4 kinguneranik nr. 7-nngussaaq.
§ 35. Beskæftigelsesminister-i malittarisassanik atuutsitsilersinnaavoq toqqavinnik aalajaatsunik aaqqissuussinikkut, utaqqiisaasumik silami nuuttakkanik sullivinni, takuneqarsinnaasumi immikkut	43. § 35 -mi ikkunneqassaaq 1-p kingorna, naggat: »Beskæftigelsesministere-i tassunga atatillugu malittarisassanik atuutsitsilersinnaavoq makkununga tunngasunik:

isigisarialinni aaqquissuussinerni qaqqani suliaqarnernut tunngassuteqartuni. <i>Imm. 2. ---</i> <i>Imm. 3. Beskæftigelsesminister-i aamma malittarisassanik atuutsitsilersinnaavoq tunngaassuteqartunut:</i> • suliniutinut assigisaannillu sananermi imaluunniit suliffeqarfimmik allanngorsaanermi pilersitsinerni Suliffinnik nakkutilliisoqarfik oqaaseqaammik saqqummiussivigineqassaa q, suliaralugu aallartinnginnermi, aaqquissuussinissamut pilersaaruserit imaluunniit ininik allanngortiterinerit,	1) ini suliffiusoq, ass.: qilaap tunganut takissusilik, silaannaqarfik(luftrum), naqqit, iikkat, qilaat, qaamaneq, silannaq, silaannalersuineq, nipi, 2) atugarissaartitsinissamut pilersaarutitut suliat il.il. ass.: qiteqquttarfik- aamma nerisarfik, atisaajartarfik, atisaasiviit, perusersartarfiit, errortorfiit- aamma uffarfiit kiisalu sinittarfiit aammalu issiaviit aamma 3) anisarfiit, ass.: aqquutit, majuartarfiit aamma anisarfiit." 44. § 35-mi nutaatut ikkunneqassaaq <i>imm. 3</i>: "imm. 1-p malitsigisaanik, malittarisassat atuutsinneqalissapput, illunik, ininik, nunaminertanik il.il. attartartunut malittarisassat atuutsinneqalissapput". <i>Imm. 3 taassuma kingorna imm. 4- ngussaaq.</i>
---	--

teknikkikkut sanaartorfiit il.il. Suliffinni nakkutilliisoqarfimmut saqqummiunneqassapput qaaseqaatit akuerisaanermullu tunngasut, suliamik aallartitsinnginnermi, illut, init, nunaminertat il.il. attartorneqarsinnaanngimm ata inuussutissarsiutigalugu suliffeqarfinnut apeqqutitut, init il.il. siunertarisamut atuuffissaannut Suliffinnut nakkutilliisoqarfimmut oqaaseqaammik akuersissummilluunniit tunniusseqqaartinnani.	
Kapitali 6 – Teknikkikkut iluaqutit	45. <i>qulequttap</i> kapitali 6-anut ikkunneqassaaq »Teknikkikkut iluaqutit": il.il.
§ 36. Teknikkikkut iluaqutit aaqqissuussaassapput atorneqarlutillu imatut, isumannaallisaanikkut- peqqinnissamullu tunngasutigut teknikkikkut atortorissaarutitai tamakkiisumik illersorneqarsinnaassapput. Atorneqarnissaannut	46. § 36, <i>imm. 1</i>, allanngortinneqassaaq uunga: »Teknikkikkut iluaqutit» makkununga: maskiinat, maskiinanut atortut, puuliuttakkat (beholdere), sanariikkat sanaat, atortorissaarutit (apparater), atortuutit (redskaber), sanariikkat pisiat, teknikkimut

malittarisassat atuuffeqarputtaaq aserfallatsaaliuinnermut, eqqiaanermut, iluarasartuussinermut assigisaannullu. <i>Imm.2. ---</i>	atortorissaarutitut iluaqutit kiisalu inunnut illersuutit".
§ 37. Beskæftigelsesminister-i malittarisassanik atuutsitsilersinnaavoq teknikkikkut atortorissaarutitut, takuneqarsinnaasumi, 1-5) --- <i>Imm. 2. ---</i>	47. § 37, <i>imm.1</i> -mut ikkunneqassaaq teknikkinut atortunut malittarisassat: "il.il."
§ 39. ---	48. § 39 -p kingorna ikkunneqassaaq: »§ 39 a. siunertaralugu pinaveersaartitsineq peqqinnissamut tunngasuni- aamma sullivimmi isumannaallisaanermi beskæftigelsesministerimiit malittarisassanik atuutsilerneqarsinnaasut, pissutigalugu akuutissanik atortussanillu sanaartorfimmiit misissorneqarneri imaluunniit uppernarsaateqartinneri nalunaarutigineqartussaammata.

	Takuneqarsinnaavoq malittarisassanik atuutsitsilerner akuutissat atortussallu tamarmik, akuutissat ataasiakkaat aammalu atortuutit, eqimattanut aalajangersimasunut akuutissat atortuutillu immikkut ittunut atugassat. <i>Imm. 2.</i> Atuutsinneqalersussaq nalunaarutip imarissagaa: 1) Paasissutissat akuutissanut atortullu nalilersornerinut atuuffissaannut atorsinnaanerinnut, atorsinnaanersut, ulorianaatillit sillimaniarnermut peqqinnissamullu tunngasunut atortorissarfiummit. 2) Immikkoortititerinerni atortussatut siunnersuut, poortuinerni meqqilersuinernilu 3) Paasissutissat pinaveersaartitsinernut suliniutinut, sunniuteqarluartoq qulakkiivisorlu suliaqarnermi sillimaniarnermut peqqinnissamullu periarfissakitsumi suliffigisami. <i>Imm. 3.</i> Ilanngullugu
--	---

	atuutsilerneqarsinnaavoq, akuutissat nutaat aamma atortussat siusinnerpaamik qaammatip ataatsip qaangiunnerani nalunaarutigineqarneraninngaaniit atorneqarsinnaasut. Taanna piffissamik periarfissiissut sivitsorneqarsinnaavoq pisuni nalunaarusiaq kukkunertaqarpat imaluunniit amigaateqarpat, taamaalilluni akuutissaq imaluunniit atortoq siusinnerpaamik qaammatip ataatsip ingerlareernerata kingorna paasissutissat nalunaarutillu tiguneriniit. § 39 b. Beskæftigelsesminister-i malittarisassanik atuutsitsilersinnaavoq, teknikkimut data-mut aviiseqqat assigisaallu, sanaartuiffiniit nassiunneqartunik imaluunniit akuutissanik atortunillu pisiffigisaniit, imarisai paasissutissat pingaarutillit akuutissanut atortunullu qanoq ingerlanneqassanersut suliffeqarfimmi sillimaniarnermut peqqinnissamullu tunngasunut"
--	---

§ 42. [...] Tunniussineq nakkutilliinermut atuakkamut allanneqassaaq imaluunniit allatut assigisaanik uppersarsaasiorneqarssaaq.	49. § 42, 2. imm., allannagortissaaq "nakkutilliinermi atuakkamut allanneqassaaq imaluunniit allamut assingusumut uppersarsaatitut" imaalillugu: "allakkatigut uppersarsarneqassaaq".
§ 49 a. --- Imm.2. Malittarisassani ingerlatiinnarneqassaaq, atuariup nakorsaata misissuina , atuartup atuariup qimannginnerani, uppersarsaammik tunniussinissaminik, atuartoq qanoq anniartiginneranik imaluunniit nappaateqalersimaneranik, atuartumut sulinerup nalaani isumannaallisaanermut peqqinnissamullu sulinerup nalaani peqqutaallutik sunniuteqarsimanersut [...] Imm. 3. ---	50. § 49 a, imm. 2, allannagortinneqassaaq "atuariup nakorsaata" imaalillugu: "peqqinnissaqarfik".
• § 50. Kalaallisuumik sulinermi isumannaallisaanermik	51. § 50, imm. 1, nr. 2 aamma 3 aamma 51, stk. 1, 1. pkt.-mi allannagortinneqassaaq "landstyr-i"

siunnersuisoqarfimmik pilersitsisoqassaaq, siunertaqartumik suliffeqarfiit illua-tungeriit sunniivigeqatigiiffiannik sullivimmi isumannaassuseq peqqinnerlu anguniarlugu. Siunnersuisoqatigiiffiup makkua suliassarissavai: • --- • Siunnersuisoqatigiiffiup namminersuutigisaminik apeqqummi, sullivimmi isumannaallisaanikkut pissutsini pingaaruteqarsorisaminni, kingornalu beskæftigelsesminister- imut, landstyremut, aammalu Suliffinnut nakkutilliisunut oqaaseqarfigisaminnik. Siunnersuisoqatigiit oqaaseqarfigissavaat siunnersuuteqarfigalugulu inatsimmik allannguutissanik nutaanillu malittarisassaliorneq kiisalu sulianut	imaalillugu: "Naalakkersuisut".
---	--

ataasiakkaanut tunngasut, beskæftigelsesminister-ip, landstyrip imaluunniit sullivinni nakkutilliisoqarfiup siunneruisoqatigiinnut saqummiussassaanik. • --- <i>Imm.. 2-4. ---</i>	
§ 51. Sulinermi isumannaallisaanermi siunnersuisoqatigiit siulersuisoqarput landstyremiit qinikkamik suliffeqarfinniit oqaaseqaammik pissarsereernikkut inuttaasut sinneri imatut atuuffeqarput: 1-4) --- 5) Qinigaq 1-q Kalaallit Nunaanni Sulisitsisut Peqatigiiffianniit (GA) toqqarneqartoq. 6) Qinigaq 1-q Kalaallit Kommuuneqarfiisa Peqatigiiffianniit (KANOKOKA) toqagaq. 7) Qinigaq 1-q Kalaallit landstyrianiit Aningasaqarnikkut ministereqarfik peqatigalugu	52. § 51, imm. 1, nr. 5, allanngortinneqassaaq »Grønlands Arbejdsgiverforening (GA)« imaalillugu: »Kalaallit Nunaanni niiverneq". 53. § 51, imm. 1 nr. 6 -mi allanngussaaq "Kalaallit Nunaanni Komuunit Kattuffiaq (KANOKOKA)" imaalillugu: "Kalaallit komuuniini ataatsimoorneq". 54. § 51, imm. 1, nr. 7,

toqqagaq. <i>Imm. 2-6. ---</i>	allanngussaq "Kalaallit Nunaata Namminersorlutik oqartussa qarfiat" imaalillugu: "Naalakkersuisut".
§ 54. Beskæftigelsesminister-i allaffissornikkut oqartussaasuseq annerpaaq pigivaa Kalaallit Nunaanni sulinermi isumannaallisaanermut apeqqutinut. <i>Imm. 2. ---</i>	55. § 54, <i>imm. 1</i>-mut ikkutissaq »Kalaallit Nunaat", tak. 64«.
§ 55. --- 1-6) ---	56. § 55 -mi ikkunneqassaaq <i>imm. 2-4: "imm. 2.</i> Sulllivinnik nakkutilliisoqarfik katersisinnaallunilu suliarinnissinnaavoq suliani ingerlatsinermini, pisortanit allaniit paasissutissanik, pisariaqartinneqartunik nakkutilliinerup suliassartaanik, takuneqarsinnaasumi suliffeqarfinnut uuttuineranut naleqqussakkanik, suliffinni nakkutilliisoqarfiup nakkutilliinermini misissuinermut, pinaveersaartitsinissamut naatsorsueqqissaarnernullu.

	<i>Imm. 3</i> Suliffinnik nakkutilliisoqarfik ingerlatitseqqiisinnaavoq nammineq paasissutissiissutiminik aamma paasissutissanik, imm. 1-mi 2-milu pineqartunik, pisorta qarfinnut allanut, pisariaqarnera naapertorlugu, suliamik naammassinniinissamut taakkua pisorta qarfiit suliaannut, takuneqarsinnaavoq nakkutilliineq- aamma nakkutilliinerup suliassartaa. <i>Imm. 4.</i> Beskæftigelsesminister- i malittarisassanik tassunga tunngasunik atuutsitsilissaaq, Suliffinni nakkutilliisuniit katersorneqarsimasunik, suliarinninneq aammalu ingerlatitseqqiilluni paasissutissanik imm. 2 aamma 3 malillugu, takuneqarsinnaavoq qaqugu aamma sunik siunertaqarnersut aammalu paasissutissat paasissutissanut tunngasunik suliassani atuutsinneqassaaq, aammalu
--	--

	teknikkikkt aammalu suliniutitigut piareersagassat, suliarinninnerni qimerloorneqassapput"
§ 59. --- <i>Imm. 2-3. ---</i> <i>Imm. 4. [... .] Sulisitsisumiit imaluunniit tassannga sinnisup nalunaarutigineqassaq, tak. 17 b aamma § 18.</i>	57. § 59, imm. 4, 2. imm., allanngortinneqassaaq "Sulisitsisoq imaluunniit tassannga sinniisoq tamatuminnga ilisimatinneqassaaq, tak. § 17 b aamma § 18." imaalillugu: Sulisitsisoq imaluunniit tassannga sinniisoq, tak. § 17 c aamma 18, tamatuminnga ilisimatinneqassaaq." 58. § 59 -mi ikkunneqassaaq <i>"imm. 5. aamma 6-tut:</i> <i>»imm. 5. Suliffimmi</i> nakkutilliisoqarfiup sulisui nakkutilliinermut atatillugu suliffimmi sulisut oqaloqatigisinnaavai, inunnik allanik peqataaffigineqanngitsumi. <i>Imm. 6. Suliffinni</i> nakkutilliisoqarfiup nakkutilliinermut atatillugu naammassillugit ingerlassinnaavai sulisunik eqimattanik

	oqaloqatigininneq, suliffimmut isumannaallisaanermut tunngasuuppat. Sulisunik eqimattanik oqaloqatiginninnerup nalaani, sulisitsisoq, tassanngalu sinniisoq, tak. § § 13 c aamma 16, imaluunniit inuk ataaseq, sulisitsisumiit tassunga toqqagaq, pisinnaavoq peqataassalluni, Sullivimmik nakkutilliisoqarfimmi sulisumiit nalilerneqanngippat siunertarisaq eqimattamik oqaloqateqarneq maangaannassanngippat."
§ 60. Suliffinni nakkutilliisut peqqusisinnaapput, pissutsit inatsimmut akersuuppata imaluunniit malittarisassanni aalajangiussaasimasunut inatsit tassunga tunngasoq malillugu, tuaviortumik aaqqiivigineqarnissaanik piffissaliissutaasoq malillugu. <i>Imm. 2-3. ---</i>	59. § 60, stk. 1-mi, allanngussaaq »peqqussut« uunga: »tassunga atatillugu aalajangiisinnaavoq« kinguneranilu »inatsit naapertorlugu« ikkunneqassaaq: »takuneqarsinnaasoq malillugu peqquneqarsinnaavoq, pissutsit imaammata«.
	60. § 60 malillugu ikkutissaaq »§ 60 a. Sullivimmik nakkutilliisup allakkatigut

	sulisitsoq isumaqatigisinnaavaa suliffeqarfimmik iluarsartuussineq suliffimmik isumannaallisaanermut naammassisassanik ataatsimik aralinnilluunniit aalajangersimasunik suliffimmi isumannaallisaanermi ajoqutinik piffissarititaasumik isumaqatigiinnikkut. <i>imm.</i> 2. Isumaqatigiissuteqartoqarsin- naavoq, imaattoqarpat; 1. Suliffinnik nakkutilliisut paasisimappassuk inatsisitigut, malittarisassatigut, aalajangiussimasatigulluunniit malinneqarsimannginnerinik, piffissaliinikkut iluarsiivigineqartussat, sulisitsisumillu kissaatigineqarsimasut pineqartut suliffeqarfimmi isumannaallisaanikkut ajornartorsiutaasut iluarsiivigineqarnissaannik, imaluunniit 2) Suliffinnik nakkutilliisoqarfik pasitsaassaqarnerani, pisuni inatsisitigut imaluunniit mlittarisassatigut imaluunniit
--	---

	inatsisit malillugit akerliinik pisoqarsimappat, sulisitsisumillu kissaatigineqareersimasuni pissutsit pineqartut aaqqiivigineqarnissaannik imaluunniit pissutsinik assingusunik pasitsaassisoqarnerani. <i>Imm.</i> 3. Isumaqatigiissusiortoqarpat imm. 1 aamma 2 malillugu, sulinermi isumannaallisaanermi suliniuteqartut imaluunniit, sulinermi isumannaallisaanermi suliniuteqartut aaqqissuussaanni, sulisut paasitinneqassapput isumaqatigiissusiortoqarsimanera- nik, aamma sulinermi isumannaallisaanermik suliniuteqartut imaluunniit sulisut suliamut akuliunneqassapput pissutsinik aaqqiinissamut. <i>Imm.</i> 4. Isumaqatigiissusiaq Suliffinnik nakkutilliisoqarfimmiit malinnaavigineqassaaq pissutsinik nakkutiginnilluni. <i>Imm.</i> 5. Isumaqatigiissusiaq
--	--

	sulisitsisumiit imaluunniit Suliffinnik nakkutilliisoqarfimmiit taamaatinneqarsinnaavoq, pissutsit imaappata, isumaqatigiissusiamut peqquteqartumik annertuumik allannguuteqarnera."
§ 61. Beskæftigelsesminister-i malittarisassanik atuutsitsilersinnaavoq, suliffigisami nakkutilliinermut atuakkamik peqarnissaanik imaluunniit tassunga assingusumik uppersaammik nakkutilliisup paasiniaaneritut, naalakkiutinut allanullu nalunaarutinut nakkutilliinermi atuakkamut imaluunniit uppersaatitut toqqorsivimmik. Imm. 2. Sulisitsisumit utertiffiginninnissanik piumasagaataasunik naammassinnissaaq allakkatigut naalakkiutinik il.il. Suliffinnik nakkutilliisoqarfiup ulluliussaq killigitaasoq naatinngu.	61. § 61 atorunnaassaaq.
	62. § 61 malillugu ikkunneqassaaq: »§ 61 a. Sulisitsisoq allakkatigut utertitsiviginninnermik tunniussaqaassaaq Suliffinnik

	nakkutilliisoqarfiup aalajangiussaanik, Suliffinnik nakkutilliisoqarfiup piumasarippagu. <i>Imm. 2.</i> Aalajangiussanik utertitsiviginninnermi sulisitsisup qulakkiissavaa, sulinnermi isumannaallisaanermik suliniaqatigiit imaluunniit suliffeqarfinni sulisunut sinniisumiit, suliffimmi isumannaallisaanermik suliniarnermik pilersitsinissamik pisussaaffeqanngitsumik, utertitsiviginninnissap piffissarititaasup killiussap naannginnerani paasititsissutigineqareersimasumi imaqartumi utertitsiviginninnissamik. Sulisitsisoq paasisaminik tassannga tunniussissaaq."
§ 62. Oqartussaqaarfiit inuillu, sulianik ingerlatsisut kapitali 10-12 maalillugu, kiisalu kinaluunniit ikiuinnermik tassunga tunngasumik suliaqartoq, nipangersimasussaataitanermik	63. § 62, <i>imm. 1-mi</i>, allanngussaaq "kapitali 10-12" imaalillugu: "allat", aamma "nakkutilliinnermi pulaarneq pissaaq malittaamik" uunga: Suliffinnik nakkutilliisoqarfiup tiguaa".

peqquneqarput § 29 malillugu Kalaallit Nunaanni pinerluttulerinermi inatsit malillugu. <i>Imm. 2.</i> Suliffinni nakkutilliisoqarfimmi sulisuusoq taassumaluunniit sinniisaa pisussaatitaanngilaq paasisitsissalluni nakkutilliinermi ornigunneq maalaartoqarnerup kingunerisaanik.	64. § 62, <i>imm. 2</i>-mi, allanngussaaq "taassuma sinniisaa" uunga: "allat", ssmma "nakkutilliinermi pulaarneq pissaaq uuma kingunerisaanik" uunga: "Suliffinnik nakkutilliisoqarfiup tiguaa"
§ 63. Landstyre imaluunniit ministeriusoq landstyre imaluunniit ministeriusoq isumaqatiginiareernerini beskæftigelsesminister-i malittarisassanik atuutsitsilersinnaavoq Suliffinnik nakkutilliisoqarfiup allanik pisortaqaqarfinnik oqartussaassuseqartunik suleqateqarneranik pilersitamik.	65. § 63-<i>mi</i>, allanngussaaq »ministeriusumut« imaalillugu: »naalakkersuisoq«.
§ 64. Maalaarutit Suliffinnik nakkutilliisoqarfimmiit aalajangiussat sapaatip akunneri 6- t nallertinnagit, pineqartup aalajangiussap nalunaarutigineqarneraniik, beskæftigelsesminister-imut apuunneqareersimassaaq. <i>Imm. 2.</i> Maalaarut Suliffinni	66. § 64, <i>imm. 1-4</i>-mi , allanngussaaq "beskæftigelsesminister-i" uunga: "Sulinermi isumannaallisaanermi naammagittaalliortarfimmi ataatsimiittaliaq", aamma <i>imm. 3</i> allanngussaaq "beskæftigelsesminister-ip aalajangiussaa" uunga: "Sulinermi

nakkutilliisoqarfimmut nassiunneqassaaq. Suliffinni nakkutilliisoqarfiup aalajangiineq aalajangiusimaguniuk, maalaarut beskæftigelsesminister-imut ingerlateqqinneqassaaq. <i>Imm. 3.</i> maalaarut Piffissaq eqqorlugu kinguartitsitsinermut sunniuteqartarpoq, beskæftigelsesminister-ip aalajangiussaa naammassilluni pigineqalerpat Piffissaq eqqorlugu maalaarneq kinguartitsisinnaanermik sunniuteqarsinnaasarpoq, beskæftigelsesministerip alajangiinissaata tungaanut imaluunniit beskæftigelsesminister-i allamik aalajangiippat. Aalajangiussanut maalaarnerit pissutsini § 60, imm. 1 malillugu, nukingiussatut iluarsiivigineqaqqusani, kiisalu aalajangiussat § 60, imm. 2. aamma 3. malillugu kinguartitsisinnaatitsinermik atuuffeqanngilaq. Unnerluussut/maalaarut piffissaq eqqorlugu kinguartitsinernut	isumannaallisaanermi naammagittaalliortarfiup ataatsimiittaliaata aalajangiussaa". 67. § 64, imm.2-mi , ikkunneqassaaq 2. imm. kingorna: "Naammagittaalliutip Suliffinni isumannaallisaanermi naammagittaalliortarfiit ataatsimiittaliaanut, ingerlatitseqqinnginnermi, Suliffinni nakkutilliisoqarfiup oqaaseqaasiaq pereersimassavaa Sulinermi isumannaallisaanermi siunnersuisuniit." 68. § 64, imm. 5, atorunnaassaaq.
---	--

sunniuteqartarpoq, beskæftigelsesi ri-ip aalajangiinissaata tungaanut imaluunniit allatut beskæftigelsesminister-i aalajangiussinissaanut. Unnerluuss tit/maalaarutit pisuni § 60, imm. 1, malillugu, tuaviuussatut iluarsiivigineqartussat, kiisalu aalajangiiffigineqartussat § 60, imm. 2 aamma 3 malillugu, kinguartitsinermik sunniuteqarsinnaanermik peqanngillat. <i>Imm. 4.</i> Peqqutaasut immikkuullarissut pineqarpata, Beskæftigelsesminister-ip maalaarummik suliarinnissinnaavoq, ingerlanneqarnissaanillu tunniussilluni, maalaarut piffissaq eqqorlugu takkussimanngikkaluarpalluunniit <i>Imm. 5.</i> Beskæftigelsesminister-i naammagittaalliummut aalajangiinnnginnerani, Sulinermi isumannaallisaanermi siunnersuisuniit oqaaseqaammik piniartoqassaaq.---	
§ 65. Pineqaatissinneqarnerit	69. § 65, <i>imm. 1-mi</i> , allanngussaaq

Kalaallit Nunaani pinerluttulerinermi inatsisit atorlugit eqqartuunneqassaaq inuk ima pisoq 1-4) --- <i>Imm. 2.</i> Amerlassusiliinikkut pinerluttulerinermi inatsisitigut pineqaatissiinermi imm. 1 malillugu isigineqassaaq unioqqutitsineq sukannersumik pisoqarnerani ajutoornermik malitsilimmik ilungersunartumik inummut aqqunartoqarneranik kinguneqartumik imaluunniit toqumik kinguneqartumik. <i>Imm. 3.</i> --- <i>Imm. 4.</i> Taassuma saniatigut imm. 3 -mi pisut taaneqartut pinerluttulerinermi inatsisitigut pineqaatissiinerni amerlassusiliinikkut imm 1 aamma 2 malillugu sakkortuumik pinertut isigineqassaaq,	"soq" uunga: "toq" 70. § 65, imm. 2 -mi , allanngussaaq »mat« til: »pat«. 71. § 65, imm. 4-mi , llanngussaaq »taavaa« til: »oqaatigaa«. 72. § 65, imm. 5, imaalillugu allanneqassaaq: »Imm. 5. Isigineqassaaq immikkut sukatigassatut isigisassaaq, 1) Inuusuttut 18-t inorlugit ukiulinni aqqunarnikkut inuunermik navianartorsiorneq
--	--

1-4) --- <i>Imm. 5.</i> Sakkortuumik immikkut pinertut isigineqassaaq, inuusuttunut 18-nit inorlugit ukiullinnut inuunermik aqqunartoqarsimanera imaluunniit peqqinnissakkut ulorianartorsiorneq tamannatuma pisimanera, tak. imm. 4, 2. <i>Imm. 6-8.</i> ---	imaluunniit aqqunarsimaneq imaluunnit peqqinnissakkut imaluunniit ulorianartorsiortoqarnermik kinguneqartumik, tak. imm. 4 nr. 2 2) Inuit arlallit inuunermik aqqunarnerannik imaluunniit peqqinnissakkut imaluunniit tassannga pisumik ulorianartumik pisoqarnera, 3) imaluunniit pineqartoq timikkut imaluunniit inatsisitigut inuk ukiut 4-t iluini pineqaatissinneqarnermik eqqartuussaasimasooq ataasiarluni arlaleriarluniluunniit sakkortuumik sullivimmi isumannaallisaanerup inatsisaanik unioqquutitsisimasooq."
§ 66. Unioqquutitsinerni ukunannga § 11, § 11 a, imm. 1-3, § 12, § 32, imm. 1, § 34, imm. 1, § 36, imm. 1, aamma § 38, imm. 1, kiisalu pisut imaattunik imaqartut § 65, imm. 1, nr. 2 og 3, sulisitsisoq akiligassiinermut akisussaaftimmik tunineqarsinnaavoq, unioqquutitsineq sulisitsisumut naatsorsuutaanngikkaluarpalluunni it piaaraluni imaluunniit	73. § 66, imm.1, 1. punktum-mi, allanngortinneqassaaq »sulisitsisoq« imaalillugu: »sulisitsisuusoq«.

mianersuaalliornikkut, tak. imm. 3. [...]. <i>Imm. 2-3. ---</i>	
§ 66. [...] Akiligassiinermut akisussaaffik aalajangersagaq takuneqarsinnaasoq § 91, imm. 4, Kalaallit Nunaani pinerluttulerinermut inatsisini atorineqassanngilaq. <i>Imm. 2-3,---</i>	74. § 66, imm. 1, 3. punktum-mi, <i>alanngortinneqassaaq »§ 91, imm.4«</i> imaalillugu: »§ 128, imm.4«.
§ 67. [...] Skiligassiinermut akisussaaffeqarnermut taama ittumut § 91, imm. 4, Kalaallit Nunaanut pinerlunnermi inatsisini inatsit atorineqassanngilaq.	75. § 67, imm. 1, 3. punktum-mi, <i>allanngortinneqassaaq »§ 91, imm. 4«</i> imaalillugu: »§ 128, imm. 4«.
§ 70. Eqqartuussinermi suliat suliarineqassapput Kalaallit Nunaata eqqartuussiviani 1. oqartussaasoqarfittut.	76. § 70-mi, <i>allanngortinneqassaaq »Kalaallit Nunaata Eqqartuussisuuneqarfia«</i> imaalillugu: »Kalaallit Nunaanni Eqqartuussivik«.